

Uyo Onse Ulumbanya, Acindika Ine

*Amalumbo*50:23, “*Uwipaye lambo lya kutotela acindika Ine: kabili no watambalike nshila yakwe ndemulengo kumone pusukilo lya kwa Lesa.*”

Moneni. Nomba, Yesu, uwapelwe amaka yonse ayakwa Lesa, lelo ilyo Ena akumenye Satana. **Ena tatalile bomfya amaka Yakwe ayali yonse. Ena asontelele fye ku Cebo.** Ena alicitile. Ena atile, “Calilembwa, ‘Umuntu takabe no mweo ku cilyo ceka, kano ku Cebo conse ico icifuma mu kanwa ka kwa Lesa.’” (*Mateo 4:1-11*).

Lyena musangonshi imwe mwingasosa ukutula kuti mwaikala ku ng’anda no kuba fye Umwinakristu umusuma nge fyo mwingaba ku chalici? Imwe teti mu cicite. Belengeni Icebo. **Mupashi wa Mushilo alya pa Cebo. Baibele yaba ica kulya ca kwa Lesa ica bumupashi ica lukuta Lwakwe. Kabili Mupashi wa Mushilo e Ulya Uyo uleta Cena kuli imwe no kubika Cena mu mutima; kabili no kutotela imwe mulatapilisha Cena.** Kabili ubuli bonse ubulayo bwa Bulesa buli no kuleta filya fine fye ifyo Lesa asosele cena cikacita. Cilingile ukucita. **Cena Cebo Cakwe, kabili Cena Mweo.** [1]

Ilyo umubomfi wa kwa Abrahamu, Eliezar, ilyo ena aishile mu kusenda Rabeca, ena amuninike pa ngamali, **ingamali iine atapilishe.** Kabili ena ali ninine iyi ingamali ku kumanya shibwinga wakwe ushalemoneka. **Icintu cine ena atapilishe cali icintu ico ica musendele ku mushi wakwe uwa kuntanshi no mulume** (*Ukutendeka 24:1*).

Kabili caba icintu cimo cine ilelo. Mwamona? **Icintu cine ico ulukuta luletapilisha, cilya caba Imbuto, Imbuto iya Cebo; caba Cebo cine ico icisa mukuba ica mweo no kutusenda ifwe ku ushimoneka Shibwinga wesu** (*1Petro 1:8-12*).

Kabili lolekesheni ifyo cili icapwililika. Isaki afumine ku ng’anda kabili ali kulya mwi bala ukutali ukufuma ku ng’anda yakwe ilyo Rabeka amu mwene; **kabili Ulukuta lulekumanya Kristu mu lwelele** (*1 Abena Tesalonika 4:13-17*),

kabili lyena Ena alesenda Wene ukumubwesha mu ng'anda ya kwa Tata uko amayanda ayakulu yapekanishiwa (Yohane 14:1-3). Isaki asendele Rabeka umusango umo wine. [2]

Isaki aishile fuma mu ng'anda ya kwa wishu, kabili ali kunse mwibala ilyo amwene Rabeka ukwisa pa ngamali. Kabili wene ali mutemenwe ena pa kumumona umuku wa kubalilapo, kabili alitolweke ukufuma pa ngamali, no kubutuka uku mukumanya wene (1 Petro 1:8-9). Cilya cishinka. Kulya eko tukakumanya Shikulu. **Kabili ingamali iine iyo wene atapilishe, ya musendele ku mulume wakwe. Kabili amaka yene ayo ulukuta lulepepa (Luke 1:37; 1 Abena Korinti 1:18), ayo isonde lileita ukufulungana, yali no kuba amaka yamo yene aya kasenda ulukuta mu mulu mu lwelele ku kukumanya Shikulu mulwelele. Mupashi wa Mushilo.** [3]

Ilyo mwakwata akamuti akanono aka macungwa, imwe mulabika akambuto akanono mu mushili, kabili kena kalapuka mu kamuti akanono. Kabili mu kasende kalya akamuti akanono ukulepa inchi imo, no kulimba. Bushe mwalishiba ukutila icungwa iili yonse iyo mukatala ukusabako kuli cilya cimuti lili muli cena lilya line? Mucine eflyo cili. Nga tacili ifyo, nikwisa uko yena yafuma? Tontonkanyeni fye; kuliko imyanda iyamina iya macungwa mu ka musambo akanono nalimo ubukalamba nga filya aka cimuti ke cungwa, imyanda iya mina ya macungwa, imina ya tumaluba, imina ne mina ya tumaluba. Nga takacita, ni kwisa uko yafuma?

Nomba, **kalya akamuti akanono kaba nga imwe. Panuma ilyo mwapokelela Kristu mu musango wa kanya akanono, lyena tulabyalwa capamo muli Kristu (Abena Efese 1:3-4).** Nomba, icintu fye ceka aka ka muti akanono kacita, imwe mulingile uku pongolwela amenshi pali kena, **kabili kena kalatendeka ukunwa (Abena Efese 5:26). Kabili ilyo kena kanwa iciputulwa icapelwa kuli kena, kena kalingile ukunwa ukucilapo.** Kena kalingile ukunwa ayengi nganshi mpaka kalatendeka ukufumya utumisambo. Elyo kalatwalilila fye ukunwa mpaka kalatendeka ukufumya amabula. Elyo kalatwalilila fye ukunwa mpaka kalafumya utumaluba. Elyo kalatwalilila ukunwa mpaka kalafumya amacungwa. **Kena inshita fye yonse kalanwa, ukunwa, ukunwa.**

Kabili ilyo twaba abafyalwa libili aba bomfi bakwa Lesa, Imbuto yakwa Lesa ukubyalwa mu mitima yesu (1Petro 1:23), ifwe tuletwalilila fye ukunwa, ukunwa, no kusunkila kunse. Ifintu fyonse ifyo mukabilapo muli ubu bulendo bwa pe sonde fyaba muli imwe (2 Petro 1:3-11) ilyo mwapokelela Mupashi wa Mushilo. Konse ukundapwa uko imwe mukabilapo, konse ukusangalala mukatala ukukabilapo, yonse **amaka** mukatala ukukabila, ifintu fyonse ifyo

mukabilapo fili muli imwe ilyo mukwete Kristu muli mwe (11 Abena korinti 4:7-10). **Lelo icintu fye ceka ico mulingile ukucita caba ukutwalilila ukunwa, ukunwa (Yohane 7:37-39).**

Abantu tabakwata icilaka nganshi. Baibele itila, “*Mwalishuka ilyo muli ne nsala ne cilaka ca bulungami*” (Mateo 5:6). **Ilyo muli ne cilaka, imwe kuti mwanwa. Kabili ilyo mulenwa ayengi, imwe elyo mwinga funguluka nganshi.** Elyo mupokelela nganshi ukusenamina, **elyo mupokelela amaka ayengi, elyo mukwata icicetekelo nganshi ilyo mwatwalilila ukunwa ukufuma kuli Kristu uyo uwaba akafukauka akashikama aka mweo (Abena Kolose 2:2-4).**

Icebo cakwa Lesa ni mbuto. **Lesa aba mu Cebo Cakwe.** Lolekesheni pali Wene ilyo Ena alenga Icebo Cakwe ukumonekela, amabulayo Yakwe pafyo Ena engacita. Lolekesheni pa bantu umwanda umo na makumi yabili **ukusenda Icebo cakwa Lesa**, baile mpaka pa bushiku bwa Pentecost, kabili balolele mpaka ulyo mulimo, “*Mukalolele mu musumba wa Yerusalemu mpaka mukapokelele amaka ukufuma ku mulu.*” **Icebo cakwa Lesa caingile mu mitima yabo kabili balilolele kulya (Imilimo ya Batumwa 1:12-14).** Ni finshi ifyo balecita? Baikele fye ukusosa, “Cisuma, ndi no kumona ico icili no kucitika.” **Imwe teti mutapilishe cena ulya musango.** Nga mwasosa, “Cisuma, ee, nalicetekela mu kundapwa kwa Bulesa. Owe, mucine, kwaba muli Baibele.” Ulya te musango uwa kundapilwamo. **Imwe limbi kuti mwakwata imbuto, lelo mulingingile ukuitapilisha yena.** Nomba, Baibele itila, “Ilyo bali mu cipinda ca pa mulu, bena balepala, no kutotela, no kulumbanya Lesa.” Cinshi? **Ukulumbanya Wene pa mulandu baliishibe wali mukwisa, pantu balikwete Imbuto mu mitima yabo, ubulayo bwa kwa Lesa (Luka 24:48-53).** [4]

Ilyo ifwe tuletetela (Abena Roma 8:23), abafimbwa muli ili hema lya musebanya, ifwe natukwata **icishininkisho ica kupwililika kwesu, ukulubulwa ukutuntulu (Abena Efese 1:13-14)** ukubwelelamo nge fyo twali mu ntendekelo ilyo Lesa alengele Adamuu mwibala lya Edeni. **Ifwe natukwata ukusonda kwa bukata kwa bulesu ku lubatisho lwa Mupashi wa Mushilo,** ukusansa mushiwa ukwika ukufuma mu Mulola wa kwa Lesa **ukutapilisha Ulukuta ukululenga lukule mu kusenamina (11 Petro 3:18).** Kabili ilyo twalwala twalikwata ukulubulwa, amapalo, imibele ya mfwa ya kwa Kristu. ukundapwa kwa Bulesa nge cishibilo ca kwishibishako kuli ifwe ukutila ubushiku bumu ici icifwa cikasenda ukukanafwa. Ee, mukwai. Amenii. Owe, mwe, ifyo cawama! Ena ali muno ukucicita. Ubukata! [5]

Cili fye nga kuti caikala fye mu mutima wenu, imwe mwe bali mu cicinga, imwe mwe bali mutubusanshi utunono, imwe kunse uko no bwafya bwa mutima, impwalonda, mufipatala, konse kuntu muli, **nga kuti mwapokelela Icebo cakwa Lesa mu mutima wenu** (*Abena Roma 10:8-10*) **no kutapilisha Cena no kulumbanya no kutotela kuli Lesa pakupela cena kuli imwe, cili no kumena mu cimuti ca mbuto ili yonse imininako**. Ukundapa, ipusukilo, conse ifyo cibebelepo, cilye cimuti cikatwala.

Lelo mulingile ukunwa. Imwe mulingile ukutapilisha cena, ukulisha cena, kabili lekeni cena cikule. Kabili ilyo mwasubila nganshi muli Lesa...Nga muli mu cicinga, kabili mu cipatala, kabili muli ababulebe nganshi icakuti teti museshe kano umunwe umo, twalilileni fye ukulasesha ulya umunwe umo ku bukata bwa kwa Lesa. Mailo mukasesha icisansa cenu. Ubushiku ubukakonkapo mukasesha ukuboko kwenu. Kabili muli no kulaenda icaili line **nga kuti mwatwalilila fye ukutapilisha cena**, ukusunkila kunse, ukulakula, uku kulilako no kukulilako. **Sendeni Icebo cakwa Lesa. Cena ni Mbuto**. Mucine. Cena ni Mbuto.

Les aapele Abrahamu ubulayo, **kabili Abrahamu alekele ilye mbuto ukwingila mu mutima wakwe, ubulayo, kabili no kutwalilila ukutapilisha bwena na malumbo no kutotela kuli Lesa pa mwana**, kabili alilolele imyaka amakumi yabili na fisano. Lelo icimuti caishile mena ifyo fine, **pantu ena atapilishe cena ne citetekelo** (*Abena Roma 4:16-21*). [4]

Uuli onse mu Cipingo Cipy a uwisa mukuba Umwinakristu, ukufyalwa cipya cipya, **alesa mukuba shimapepo kuli Lesa. Kabili ifwe tuli ba shimapepo kabili ishamfumu** (*Ukusokolola 1:5-6*). Shimapepo alapela ilambo. **Kabili tulapela kuli Lesa ilambo lya milomo yesu, ukupela amalumbo kwi Shina Lyakwe**. Mwatila, “Nshileumfwa nga cena.” **Ciciteni ifyo fine. Lilya lilaambo**. Alleluya! Mwatila, “Ndeumfwa ukunaka nganshi.” Kasebanya ali no kumweba filya, mpaka akamusende kumbo. Cilya cishinka. Imwe mulingile ukupela ilambo ilya bumupashi: ifisabo ifya milomo yesu ukupela amalumbo kwi Shina Lyakwe, ba shimapepo ne shamfumu kuli Lesa (*Abahebere 13:14-16*). Baibele itila atulenga ukuba ba shimapepo ne sha mfumu kuli Lesa. [6]

Mwatila, “Cisuma, kuti naya ku lukuta, kabili kuti nalumbanya Shikulu nga kuti naumfwa kuti caba.” Cisuma nomb a, shimapepo alingile ukupela ilambo. **Kabili imwe, ulukuta, muli bashimapepo bakalamba aba kwa Lesa ku kupela ilambo lya bumupashi; filya e fisabo ifya milomo yenu ukupela amalumbo kuli Lesa**.

Imwe limbi mulaya no kusosa, “Cisuma, nga kuti naumfwa nga cena, ine kuti naya no kuya pela ubunte ku muntu umo.” Cisuma, citeni cena ifyo fine. Nga uli shimapepo mukalamba, munyina, **cilabilima mu mutima obe**, nga cakutila uleumfwa nga ulecicita atemwa iyo. Kabiye kacicite ifyo fine, **pa mulandu mulingile ukupela ilambo, icintu cimo ico icaba icakosa ukucicita**. Kabiye ni kaciciteni ifyo fine; muli ba shimapepo aba bumupashi, abantu aba bufumu, ukupela amalumbo kuli Lesa, **pa mulandu Lesa ekala muli uyu mutima (1 Petro 2:9-10), [7] kabili tula pyungila kuli Wene mu malumbo na mu mapepo, kabili na mukutotela. [8]**

Imibili yesu iletetela, kabili twalikwata ica bupyani (*Abena Roma 8:22-23*). Kabili ifwe tuli bana nomba, impyani sha Bufumu (*Abena Roma 8:15-17*), ishamfumu kabili bashimapepo kuli Lesa **ukupela amalambo ya bumupashi**.

Finshi ifyo shimapepo acita? Alapela ilambo. Nicinshi **ilambo Iya Bumupashi**? Filya efyo aba bana baume na bana banakashi bacita, abo ababa ishamfumu kabili bashimapepo, lelo nomba temukukwata fyonse, **lelo bena balepela amalambo, ukupela kuli Lesa amalambo ya bumupashi**: ifisabo ifya milomo yesu ukupela amalumbo kuli Wene, ifisabo ifya milomo yesu.

Mwatila, “Nshile umfwa fye ngo kulumbanya Wene.” Ilya enshita ya kupela ilambo. Mulumbanyeni Wene nangu cibe fyo. Ishamfu na bashimapepo, abana baume na bana banakashi ukupela amalambo aya bumupashi, ifisabo fya milomo yesu, ukupela amalumbo kwi Shina Lyakwe. [5]

Ee, bashimapepo kuli Wene, ukupela ukulumbanya kwa bumupashi ukwa milomo iyashishiwa. Ukubomfya ubumi bwesu nge cakuninika icawama kuli Wene. Ukupepa Wene mu Mupashi na mucine (*Yohane 4:24*). Ukupapata no kupapatila (*Abena Roma 8:26-27*). Bashimapepo ne shamfumu kuli Lesa wesu. E mulandu wine isonde talitutemuna kabili ifwe tuli abantu aba ibela abacincila ku milimo iisuma (*1Peteo 2:9-10; Tito 2:11-14*). Ifwe twalilengwa cipya cipya muli Wene ukuba abana apala kuli Shifwe. [9]

Umwakumona:

[1] “Ukushikwa” (57-0420), par.53-54

[2] “Icikakatikilo Ica Cisano” (63-0322), pg. 347-348, par. 99-103

[3] “Mulandunshi Tatwabela Icilonganino” (58- 0927), par. 40

[4] “Tulangisheni shinwe kabili Twalapema” (59-0419E), par. E33-

[5] “Icitetekelo E fintu Ifituntulu” (51-0508), par. E-35-36

- [6] “Amaka Aya Kusala” (55-1007), par. E-46
- [7] “Amepusho Na Masuko” (59-0628E), COD pg.380, par. 90-91
- [8] “Ukwa Kupumikisha, Ukwa Mubumfisololo Ukuya Kwa Lukuta”
(58-1012), par. E-2

[9] “Ubusokololo Bwa Kwa Yesu Kristu,” Ibuku Ya Nshita Sha Nkuta”
pg. 36

Ilibwe Ilyakukulilako Ilya Bumupashi No. 18

Incende Iyo Lesa Ekalamo

Abena Efese 2:18-22,

“Pantu ni muli wene fwe bonse babili twabela no kupalamina kuli Shifwe mu Mupashi umo. E ico cena tamwaba nombamba bambi kabili abalebeshi, lelo muli bakaya banabo ba bashila, kabili aba mu ng’anda ya kwa Lesa; abakulwa pa ca kukulilapo ca batumwa na bakasesema, ne libwe lya petungi ni Yesu Kristu umwine; muli uyo ubukule bonse bulesuminkaniwa bukulwa ku kubele tempile lya Mushilo muli Shikulu: Muli uyo naimwe mukulilwa pamo ku kuba ica kwikalamo Lesa mu Mupashi.”

Moneni. **Balya abakwata Umweo wa Muyayaya, bali pamo na Wene kabili muli Wene, mu matontonkanyo Yakwe,** lintu takulabako na Malaika, ulutanda, Kerubi, atemwa icintu icili conse icashala. Ulya wa Muyayaya. **Kabili nga namukwata Umweo wa Muyayaya (Yohane 5:24), imwe lyonse eko mwali.** Te imwe ukuba pano, lelo imipangilwe ne cipasho ico Lesa wa muyayaya...

Kabili nga Ena tali uwa muyayaya. Ena te Lesa. **Lesa alingile ukuba uwa muyayaya (1 Ishamfumu 8:27).** Ifwe tatuli aba muyayaya; Ena wa muyayaya. **Kabili Ena asangwa konse, uwaishiba fyonse, kabili wa maka yonse.** Nga Ena tali ifyo, lyena Ena tekuti abe Lesa. Alishiba ifintu fyonse, incende shonse, pa mulandu asangwa ukuli konse. Ukwishiba fyonse kula mulenga wene ukusangwa ukuli konse. Ena Cibumbwa; Ena taba ngo mwela. **Ena Cibumbwa; Ena ekala mu ng’anda (Ukufuma 25:40; AbaHebere 8:1-5).** Lelo pakuba uwaishiba fyonse, ukwishiba ifintu

fyonse, cilamulenga Wene ukusangwa ukuli konse, pa mulandu Ena alishiba ifintu fyonse ifyo ifilecitika.

Teti kube ulupantila ukukapa Ameniso ya kena kano ifyo Ena aishibe pali kena. Kabili Ena alishibe kena ilyo takulaba isonde, miku iinga lukakapawila Ameniso yakako, kabili no bwingi bwamafuta kakwete muli kena, ilyo takulati kubeko isonde. Cilya caba uwa muyayaya. Ifwe tekuti tuihike ici mu mano yesu, lelo ulya ni Lesa, uwa muyayaya! [1]

Nomba, ishiwi “uwa muyayaya” tekuti lilondololwe mwishiwi ilili lyonse ku lulimi ululi lonse. E ico kanshi, Lesa pakuba uwa muyayaya kabili uwaishiba fyonse. Ena alishiba ifintu fyonse, kabili Ena alishiba ifintu fyonse ifyo ifilecitika pa ncende shonse pa nshita iili yonse. **Lelo Ena Umwine Muntu, ukwikala mu ncende imo.** E ico kanshi ifwe kuti twamwita Wene uwaishiba fyonse. [2]

Lesa aba uwa maka yonse, usangwa ukuli konse. **Pakuba uwaishiba fyonse, cilamulenga Wene ukusangwa ukuli konse; Ena alishiba ifintu fyonse.** Lelo Lesa tekuti abe nge fyo mwela waba, **pa mulandu Lesa alikwata incende umo ekala. Lesa taba icakwelenganya. Lesa Cibumbwa: Lesa, Yesu. Ena, Lesa** (ukulumbula kwa umo), **Ena aba Cibumbwa.** E ico kanshi Ena aishiba fyonse, ukuba ukuli konse, uwamaka yonse, kabili uwa muyayaya.

Nomba, ukuba uwa muyayaya, caishile ukufuma mwishiwi “wa muyayaya,” icili “takwaba impela.” **Ena aba uwa Muyayaya. Umuyayaya waba nga indamunwe.** Wene ulaya ukushinguluka no kushinguluka, kabili imwe mulesha ukusanga uko wene watendekela atemwa uko wene ulepelela. **Takwaba intendekelo atemwa impela kuli cena.**

Lesa aba nga Diamond ikalamba iyo iyaba muli uyu musango. Kabili ifya bupe fya Mupashi (1 Abena Korinti 12) fyaba ukulangisha kwa ii Diamond, iyo ilangisha imyengelele ya mulubuto ukufuma kuli ii Diamond iikulu. Nge fya bupe ifya bumupashi pabula mu lukuta, fyaba kwati imyengelele pabula iyo Mupashi wa Mushilo alelangisha mu lukuta. Ifyo lwaba Ulubuuto ulwa kwendamo, ukufuma kuli uyu umo Diamond umukalamba, Lesa... [3]

Ukwishibila libela Kwakwe ukukalamba kula mweba Wene fyonse ifi fintu, ku kwishibila libela.

Ena asangwa ukuli konse pa mulandu Ena alishiba ifintu fyonse; ukwishiba ifintu fyonse pa mulandu Ena asangwa ukuli konse. E ico kanshi, ku kwishibila libela Kwakwe... Nomba, Ena teti abe fye ngo mwela pe sonde,

pantu Ena Cibumbwa. Ena tabafye akashimi. **Ena Cibumbwa. Ena alekala. Ena ekala na mu ng’anda** (*Esaya 66:1-2*). **Ena ekala mu ncende iitwa Umulu. Kabili e ico kanshi, asangwa konse;** pa kwishiba fyonse, ukwishiba ifintu fyonse, lyena Ena asangwa ukuli konse pantu Ena aliishiba ifintu fyonse. [4]

“*Lelo Uwapulamo tekala mu mayanda ayakulwa ku minwe,*” (Imilimo ya Batumwa 7:48) kabili icifulo cimbi mulya muli Esaya (*Esaya 66:1*). Ena atile, ““Umubili na mumpekanishisha Ine; mwamona, icakuninika ne fya musangulo, ne fikulwa, kabili nafimbipo (Imwe nga tamwafwaile), lelo umubili Imwe na mumpekanishisha Ine.”” (*Aba Hebere 10:5-6*). Cisuma, ifwe natwishiba ukutila **Ena alelanda lilya pa mubili uo Lesa aikelemo, muli Kristu** (*Yohane 2: 19-21*). [5]

Ena ali Umuntu Lesa. Ena ali uwa Bulesa. Ena a fyelwe kuli nasisungu. Lesa, Yehoba, Lesa afimbile nasisungu umunono nokuleta uwa fyelwe kuli nasisungu Umwana wa kwa Lesa (*Esaya 7:14*). **Kabili lilya lyali li Hema atemwa incende iyakwikalamo Yehoba Umwine.** Yehoba aendele mwi hema lya mubili, no kulipila umutengo pa lubembu (*11 Abena Korinti 5:18-19*). Mwikatala ukumulenga Wene ukuba kasesema! **Ena ali ni Lesa uwa ba kasesema!** Mucine ali. Ena ali uwacila pamuntu umusuma. **Ena ali Lesa uwa bantu abasuma.** [6]

Nomba, **Les aapele Kristu Umupashi ukwabule cipimo** (*Yohane 3:34*). Bushe cishinka? **Umwisulo wa kwa Lesa wali muli Kristu** (*Abena Kolose 2:9-10*). Ena ali ni Lesa Emmanuel. Ifwe twalishiba cilya. Tapali ukutwishika mu mano yesu pali cilya. Nga filya fine nge fyo nasisosa, “Bemba onse uwaisulamo amenshi, yonse amenshi ukufuma muli bemba yali muli Kristu. Lelo ici icabupe icinono mulemona ukubomba muno, cabafye icinono ica cepesha icapala nga cilya pali supuni uuli palya, akalitoni fye.” Kuti na kamona kena. **Lelo muli Kristu mwali Umwisulo wa kwa Lesa.** Ifwe twali kwata wene ku cipimo (*Abena Roma 12:6*). **Ena akwete wene ukwabula icipimo,** eflyo Baibele isosa. Mwamona? Ukwa bula icipimo, takuli nangu pamo. Ena aba fye uwabule mpela. **Ena akwete Umupashi wakwa Lesa.**

Nomba, ubushiku bumo, ilyo Lesa, ukwishiba ukutila Umupashi Wakwe waikela onse muli Kristu, Ena alefwaya ukubomfya icabupe Cakwe ico icali mu Muntu, **umubili uwalemoneka uwaleitwa Yesu, uyo uwali ni ncende Yakwe iya kwikalamo. Umubili e hema.** Lesa aikele mwi hema pano pe

sonde. Bushe mulecetekela cilya, ba munyina? Mu mubili, Kristu (*Yohane 1:1-3, 14-18*). [7]

Ifwe natwishiba ukutula mu Cipingo Cakale ukupitula mu malango yakwa Mose, kabelenga uuli onse aliishiba ukutula kwali imiputule itatu, ifipembe fibili, mu mitantikile ye **hema lya kwa Lesa mu matololo** (*Impendwa 7:89; Ukufuma 25:22; 33:7-11*). Ica kubalilapo cali ulukuta, elyo incende iya mushilo elyo umwashilisha umwa mushilo. **Ilya e nga'nda yakwa Lesa; ilya e ncende yakwikalamo Lesa** (*Ukufuma 40:34-38*).

Ilya e ncende yenu yakwikalamo. Nomba, imwe mwikala fye mu ng'anda ya fipinda fitatu, muleibukisha. Imwe kuti mwakwata ifipinda fibili; imwe kuti mwakwata ama kiceni yatatu, **lelo mwikala fye mu ng'anda ya fipinda fitatu** (*I Abena Tesalonika 5:23-24*). **Lesa aikele mu Ng'anda ya fipinda fitatu.** Ilyo Lesa ali pano pe sonde, **Ena aikele mu Ng'anda ya fipinda fitatu, Umweo, Umubili, no Mupashi wakwa Yesu Kristu.** [8]

Nomba, ici apa e cacitike. Owe, ici cilendeta fye ine palya epo ntemenwe cena. Mwamona? **Logos, kabili aka Akafukauka akakalamba, aka Kafukauka akakalamba aka Mupashi uyo ushakwete intendekelo atemwa impela; uyu Umupashi ukalamba watendeke ukupangwa, mu kulengwa, kabili Logos uyo uwafumine kuli Wene ali Umwana wakwa Lesa. E cintu fye ceka icinga moneka ico Umupashi wakwete. Kabili cali ica bumalaika, icilepilibula umubili,** kabili umubili wali kwati muntu.

Mose ali Umwene ilyo Wapitile palya pa cilibwe (*Ukufuma 33:19-23*). Kabili alolekeshe pali Wena, atile, “Wamoneke nge numa ya muntu.”

E musango umo wine uwa mubili uo tupokelela ilyo twa fwa pano. “Nge ili hema lya pa nonse lyawishiwa, na tukwata kale imo iletulolela.” (*11 Abena Korinti 5:1*). Ulya wali Eo. **Kabili ulya wali mubili wa bu malaika uyo uwali Umwana wakwa Lesa. Ulya Mwana, ulya Logos, waishileba umubili, pantu twalibikwa mu mubili.** Kabili umubili wa bumalaika, Logos, waishileba umubili (*Yohane 1:1-2, 14*), pano mukati kesu, kabili Cena tacali cimbi **kano incende ya kwikalamo, pantu kalya Akafukauka konse kaikele muli Wene** (*Abena Kolose 2:9-10*). Owe, mulemone ci? Cilya Cili apa. [9]

Nomba, muli Mateo 28:18, tulebelenga ifi. Panuma ilyo Ena atanikwe no kubuka nakabili pa bushiku ubwalenga shitatu, Ena akumene na basambi

Bakwe no kubalashika ukuya mwi sonde lyonse, ukushimikila imbila nsuma ku cibumbwa conse. Atile, “Yonse amaka mu Mulu na mwi sonde na yapelwa mu minwe Yandi. Yonse amaka mu Mulu, yonse amaka mwi sonde, yapelwa kuli Ine.” Cali ni cinshi? **Umuntu na Lesa fyali yampene.** Logos alilengelwe umubili kabili alipaiwe, no kubuka nakabili paku lungamikwa kwesu, kabili ali lilya uwasubwa Imanwele umuyayaya umuyayaya (*Mateo 1:21-23*). **Lesa apilibwile incende Yakwe iyakwikalamo, ukufuma ku Cipuna mu mulu kulya, ukwisa ku mutima wa Mwana Wakwe, Kristu Yesu,** ukwikala no kuteka umuyayaya. “Lesa ali muli Kristu.” (*11 Abena Korinti 5:18-19*). **Ena aba incende iya kulekelesha iya kutushishapo iya Mupashi.**

Umupashi wa ikele mwi hema, ubushiku bumo, mwalishiba cilya, mwitenti. “Kabili Solomoni akulile Wene ing’anda (*11 Imilandu 5*). Lelo, muli ico, Uwapulamo tekala mu mayanda aya kulwa ne minwe.” “Lelo umubili na mumpekanishisha Ine.”

Mulya mwi Buku ilya Milimo ya Batumwa 7:44-50, ilyo Stefano asosele, “Bonse muli bena bali mwene Yena. Bena bakulile Ihema ilya Wene, Mose alicitile, alikwete itenti; no kubika icipao mulya, pantu Lesa ali pa Cipuna ca Luse. Ena taikele palya.” Cisuma.

Lyena, “Umubili na munkulila Ine,” **umubili wakwa Shikulu Yesu Kristu,** ukuicefya ukucila ba Malaika ukusonda imfwa; kabili te umbi **lelo uwasansamisha pa Basansama, Kristu; Cilolo wa Mutende, Imfumu ya shamfumu, Shikulu waba shikulu, Kalenga, cila lutanda mulwelele.** [10]

Tata ali ni Yehoba Lesa Impalume ukwikala mwi Hema ilya leitwa Yesu Kristu, uyo uwali Umwana wakwa Lesa uwasubwa. Yesu ali Umuntu; **Lesa Mupashi.** Kabili tapaba umuntu uwamona Lesa pa nshita ili yonse, kano fye uwa fyalwa eka kuli Tata na mulangisha Wene (*Yohane 1:18*). **Imibele Yakwe, Ubuntu Bwakwe, Bulesa Bwakwe, fyonse fintu Ena ali, Ena ali ni Lesa. Ena tali uwacepesha atemwa uku kana cila pali Lesa. Lelo, Ena ali umuntu. Ena ali umuntu, inga’anda intu Lesa aikelemo.** Cilya cishinka. **Ena ali ni ncende yakwikalamo Lesa.** [1]

Ni cinshi Ihema nombamba? Umubili, Lesa aikele mu Mubili. Lesa inshita imo, mu mulu, ilyo Ena aishile ika pa lupili, nangula ni ng’ombe ilume atemwa iikota yakumya ku lupili, yena ilingile ukwipaiwa. Lesa wa mushilo

(Ukufuma 19). Nomba, Lesa uwa Mushilo teti asuminishe ulubembu, takuli nangu cimo icinga kumya ulupili pantu Lesa ali.

Lyena Lesa aishilelengwa mu mubili no kwikala mu kati kesu, mu musago wa kwa Yesu Kristu, **Umwana Wakwe, icilengwa Cakwe.**

Lyena ulya Umwana apele ubumi Bwakwe, kabili akabulungwa ka Mulopa wakwa Lesa kali tobelwe, pakutila Ubumi bwinga fumina mu Mulopa, kuli ifwe (Yohane 19:31-34)

Ukupitila muli ulyo Mulopa twa lisangululwa. Kabili nomba umulopa wesu, ubumi bwesu (*Abena Roma 8:3-4*), ubo ubwaishile ukupitila mu kukabila kwa kukumana, kwaletele ubumi bwesu mwi sonde. **Umulopa wakwa Yesu Kristu ulatusangulula (1Yohane 1:7), ulapilibula icifyalilwa cesu, pa kutuma pali ifwe Umupashi wa Mushilo; tulesa mukuba mu cifyalilwa ca bulesa icakwa Lesa (11 Petro 1:3-4); lyena tulesa mukuba incende iyakwikalamo iya kwa Lesa.** ^[12]

Lesa aliseseme ukupitila muli kasesema kabili atile, “*Nkalemba amalango Yandi mu mitima yabo, umo nka yabika, mu fipampa fya mitima yabo.*” (*Aba Hebere 8:10-13*). **Ukulangisha ukutla ilya ikaba ni ncende yakwikalamo Lesa mu mutima wa muntu, te mu mutwe wa muntu, lelo umutima wa muntu.** Amenii. “Nkayalemba mu mitima yabo. Kabili bakasunga ifipope Fyandi,” eflyo asosa Shikulu.

Lesa alisosele pa ncende imbi mulya muli Esekiele 36:24-28, Atile, “*Nkesa cita muli bulya bushiku, nkesa fumya umutima wenu uwakale uwa munofu, umutima we libwe. Kabili nkamupela umupashi uupya, kabili nkabika Umupashi wandi muli imwe.*”

Nomba, abantu abengi, nangula nimwe abantu ba Pentecostal, inshita ishingi balaluba muli cilya. **Mulapelwa umupashi uupya; ulya te Mupashi wakwa Lesa; ulya ni mwe.** Ulya te Lesa. Mulasansamuka panono, pantu namukwata umupashi uupya kabili mulatoloka toloka, no kubutuka uku no ku pa mushili, nalimo, no kubilikisha panono, no kulandila mu ndimi, kabili mutontonkanya na mukwata Mupashi wa Mushilo. Cilya teco. **Ulya mupashi uupya, Lesa amupele.** Ulya nimwe.

Moneni, imwe mulabika umupashi uupya. **Lesa alingile ukumupela umupashi uupya, nga teifyo teti mu mfwane Nankwe.** Imwe teti mube abaikatana mwebene, ulya umupashi wakwa ciwa uwakale mwakwete muli imwe. E ico Ena alingile ukubika umupashi uupya muli imwe pakutla mwingo mfwana **no Mupashi Wakwe.** Amenii.

“*Nkabika umupashi uupya muli bona. Kabili nkabika Umupashi Wandi muli bona,*” eflyo Ena asosele, panuma Ena amupela umupashi uupya; **ulya**

nimwe. Mwifulunganishiwa no Mupashi wakwa Lesa; te fyo cili. Wene mupashi wenu uupya, pa kutila mwinga ampana no Mupashi wa Mushilo, nga Ena akatala ukupela wene kuli imwe. Amenii. Pa mulandu imwe mu mibele yenu tamwaikatana. Teti mumfwane no mukashi wenu. Teti mumfwane no mulume wenu, teti mumfwane no mwina mupalamano wenu. Musangonshi mwingomfwaninamo na Lesa? E ico Ena alingile ukumupela umupashi uupya, ilyo tamula umfwana Nankwe.

E ico Ena alabika umupashi uupya muli imwe, kabili lyena Ena alabika Umupashi Wakwe muli imwe, alamupela imwe umupashi uupya, ukumoneka ukupya, icitetekelo icipya, lyena Ena alabika Umupashi Wakwe uwa Mushilo muli imwe (*Aba Hebere 3:1-6*). [13]

Ilipusho lya lubembu lilapwishiwa ilyo Mupashi wa Mushilo waisa mu mutima wa muntu (*Aba Hebere 10:2; 1 Yohane 5:18*). Wene uposela panshi amelenganyo. Wene ulaya pa mulu ukucila mano yesu pafyo tucita. Nomba, umulandu **ifintu ifingi ifisuma ne fibi filengila abantu babukapepa**, pantu balikwata ilyano ilya buntunse lya kwa Kristu. **Mu mashiwi yambi, caba mu mano yabo kabili te mu mitima yabo.** Mulemona ici? **Bena balicetekela fye mu mano.** Kabili amano yenu yali no kwelenganya, “Bushe kuti cabe fyo? Bushe ukundapwa kwa Bulesa kuti kwabe fyo? Bushe ulubatishe lwa Mupashi kuti lwa be fyo?” Nomba, **kulya kwelenganya kwa mu mano.**

Lelo ilyo cilya caisa mu mutima, cena ca citetekelo (*Abena Roma 10:8-13*). Cena cituntulu. Tapali ilipusho pali cena nakalya. Cena conse nacipwishiwa kale. Cili mu mutima wenu. **Kabili umutima wenu tawelenganya, pantu cena cipuna, incende yakwikalamo Uwapulamo mu mutima.** [14]

Mupashi wa Mushilo akakwata ukusela ukuli konse nga

Kristu. Aka mulenga imwe ukupalana na Kristu. **Ifisabo fya Mupashi fyaba ukutemwa, ukusangalala,** umutende, ukutekanya, ubusuma, ukunakilila, ukutekantima, ukushipikisha, icitetekelo (*Abena Galatia 5:22*). **Filya fintu eflyo Mupashi wa Mushilo atungulula, imyumfwile yesu.**

Imyumfwile yesu tayaba nganshi ngo kutoloka toloka. Imwe kuti mwacita cilya. Ukushana kuli no kuleta cilya kuli imwe. **Lelo Mupashi wa Mushilo alamileta imwe mu kubomba, atemwa mu kutungulwa kwa kwa Lesa, ica kutila muleenda mu mutende na mu kutemwa na mu kusangalala no ku tekanya, ubusuma, ukunakilila, ukutekantima,**

ukushipikisha. Mulemona? **Tacaba icintu cimo ico mucita. Caba icintu cimo ico Mupashi wa Mushilo acita muli imwe.** Mulemona, tacaba nakabili itontonkanyo lya mano yenu mwebene; **caba ukwenda ukwa kampingu wa mukati ukwa Mupashi wa Mushilo.** Owe, ndekabila nga kuti nabilikisha amalumbo yakwa Lesa ukushinguluka isonde pali cilya.

Mwe Lukuta lwa kwa Lesa uwa mweo, palya epo ukusela kwa Pentecostal wesu kwa fililwe. Twalikwata shimo inyimbo ishapangwa no muntu, ukutota ku ndupi, imyumfwile ya kutoloka toloka. Ilyo nga twabwekela kulya mu musebo kabili na Mupashi wa Mushilo taletungulula ubumi bwesu ukwampana na cilya, ifwe tatukwete Mupashi wa Mushilo. Ulya te mukaka uwa kupanga fye. Lelo, munyina, filya efyo ulukuta lufwaikwa. **Ubumi fye bweka kuti bwaishila fye ku Mupashi wa Mushilo.** [15]

Ulukuta nomba lulingile ukusenda icifulo cakwa Kristu, ukutwalila pali bukapyunga Bwakwe. *“Uyo uwatetekela muli Ine, imilimo iyo ncita nao akacita. Lelo nomba pa kashita akanono, kabili isonde talya ka Mone nakabili; lelo imwe muka Mona, pantu nkaba naimwe, kabili muli imwe, mpaka ku mpela ye sonde.”* Mwamona? **Cilya icili palya, ukutwalilila no mulimo Wakwe (Yohane 14:12-19).**

Lesu e kala mu mushinku wa muntu, ukuilangisha Umwine muli cilye Cibumbwa. Ukupepa ukwapwililika! Lesu muli ifwe, ukuba Ihema Lyakwe, Lesu ukumonekela.

E ico, mulemona, **ifwe bonse tuleesha ukwisa kuli iyi incende iyakwikalamo, Ihema lya kwa Lesa uwa mweo (11 Abena Korinti 6:6-16).**

Ena aletele Ulukuta Lwakwe pa mulu. Ena aleleta abantu Bakwe pa mulu. Elyo Petro pano aletila, intanshi, ifintu cinelubali: icitetekelo, ubulumba, (mwamona, ukwisa pa mulu), ukwishiba, ukutekantima, ukushipikisha, bulesa, ukutemwa aba bwananyina, lundeniko icikuku ca ba bwananyina, **elyo kabili ukutemwa kwa kwa Lesa; Mupashi wa Mushilo, Kristu mu buntu bwa Mupashi wa Mushilo, alesa pali imwe, mu lubatisho lwa cine ulwa Mupashi wa Mushilo, kabili mwalikwata yonse aya amabulumba ukukakatikwa muli imwe.** Lyena, Lesu ekala mwi Hema, iliitwa Icikulwa, **Ihema ilya mweo incende ya kwikalamo Lesu uwa mweo (11Petro 1:3-11; 1 Abena Korinti 3:16-17; 1Abena Korinti 6:19-20).**

Lundeniko ku citetekelo cenu, ubulumba; lundeniko ku bulumba bwenu, ukwishiba; ukwishiba kwenu, ukutekantima; ukutekantima kwenu,

ukushipikisha; ukushipikisha kwenu, bulesa; kuli bulesa bwenu, ukutemwa kwaba bwananyina; **ku kutemwa kwa ba bwananyina kwenu, Mupashi wa Mushilo, kabili Kristu ali nokwisa. Pa mulandu pesamba fye Iya Wene, Mupashi wa Mushilo, waba Mupashi wakwa Yesu Kristu mukati ka lukuta ukulangisha yalya amabulumba.**

Nomba, ilya e ng'anda iyo Lesa e kalamo, te cikulwa ne nyenjele ikulu pa mulu pali cena na kasonshi akatali, lelo, “umubili namu Mpekanishisha,” umubili uo Lesa engekalamo, Lesa engendelamo, Lesa enga mwenamo, Lesa engalandilamo, Lesa enga bombelamo, icibombelo ica mweo icakwa Lesa. Lesa ukwendela pa nkasa shibili muli imwe. Ubukata. “Inkasa sha balungami shitungululwa na Lesa,” Lesa ukwendela muli imwe, pantu muli nkalata ishalembwa, ishibelengwa na bantu bonse (11 Abena Korinti 3:1-3). Kabili ngo Bumi ubuli muli Kristu buli muli imwe, muli no kukwata Ubumi ubo Kristu akwete. [12]

Nomba, abantu abengi basosa ukutila, “Nkaya ku mulu pa mulandu icitetekelo candi eflyo cinjeba. Naba ku lukuta, kabili icitetekelo candi cilanjeba ukutila ndi fye bwino.”

Nomba, nalicetekela mu kusenamina kwa kwa Lesa na ine. Lelo lolekesheni, te mulandu ifyo icitetekelo cenu cili, imwe ta mwakapingulwe ku citetekelo cenu; **mukapingulwa pa milimo yenu (Yakobo 2:14-26). Kabili ilyo mwafwa, imfwa taipilibula umupashi wenu; ipilibula fye icifulo cenu icakwikalamo. Ipilibula fye ama yanda kuli imwe.** Kabili nga mwafwila mu membu shenu, mulaya mucifulo icabipisha ukucila ico mu leikalamo nomba. (Luka 16:19-31). Lelo nga mwa fwila muli Kristu, imwe mukaba na Kristu pantu Ena e Nshila (Abena Filipi 1:21-24). [16]

Kabili ibukisheni, ilyo mukafwa kabili ulyo mweo wa fuma muli imwe, taipilibuka. Iyo, mukwai. Imfwa taipilibula umweo, ipilibula fye icifulo icakwikalamo, lelo wene ucili mweo umo wine. E ico nga walifyalwa cipya cipya (Yohane 3:3-8), kabili icilundwa ca Mupashi wa muyayaya uwakwa Lesa, calikwete intendekelo, icili conse icakwata intendekelo cali kwata impela. Ulya e mulandu wine Lesa aba icintu ceka ica muyayaya.

Kano fye mwa fyalwa cipya cipya kabili na mukwata umweo wa muyayaya (Yohane 5:24), (ishiwi Iya ci Hela “Zoe” palya lipilibula “**ubumi bwine ubwakwa Lesa**” muli imwe), imwe mukonaika. Lelo apo ubumi bwine ubwakwa Lesa buli muli imwe, imwe teti monaika nge fyo Lesa teti onaike pantu imwe muli mwana, uwafyalwa kuli Lesa, kabili

mwalikwata Umweo wa Muyayaya (Abena Roma 8:12-17). Owe, cilya e cintu e co lukuta lufwaikwa. **Lyena ilyo Lesa ali muli imwe, lyena Ekala Ubumi Bwakwe bwine ukupitila muli imwe.** Mwamona? **Kabili ulya e musango twishibilamo ukutula tuli Benakristu.** Lyena mulaposako amano pali munyinenwe. [17]

Mwe baume na banakashi, ni nshita iya kuisunkanya mwebene no kuicecenta mwebene, no kumona apo twaiminina, pantu imfwa taipilibula cena.

Mose na Eliya baliile imyaka amakana ya bili; mupepi imyaka amakana yabili ne myanda isano, **kabili pano bakabwela ne cifyalilwa cimo cine no kucita ifintu fimo fine (Mateo 17:1-8).**

Imfwa taicita nangu cimo ku mwaume lelo ukupilibula icifulo cakwe ica kwikalamo, taipilibula icifyalilwa cenu, taipilibula icitetekelo cenu, taipilibula nangu cimo muli imwe kano icifulo cenu ica kwikalamo (Yohane 14:1-3).

Nga muli katwishika wa Cebo cakwa Lesa, mukaba katwishika kulya lubali. Nshilesakama ifyo mwaba aba mushilo, ifyo mwikala, kabili mu busuma ifyo mwikala, teti cimupilibule nangu panono ku kufwa, **icifulo fye cenu icakwikalamo. Kabili nga teti musumine Icebo conse icakwa Lesa umusango Cena ca lembelwamo,** imwe ta mwakacicite Kulya; e ico, mwisakamana, **imwe ta mwakabeko Kulya.**

Imwe mulingile ukusumina Cena mu mwisulo wa Ciko, mu maka yaku shininkisha kwa Cena kabili no busokololo bwa fyo Cena cili, lyena mulesa mukuba iciputulwa ca Cena. Caba fye Icebo Cakwe ico Ena akemya, nge fyo Ena acitile Icebo Cakwe pa lucelo lwe Pasaka lya kubalilapo. Icebo fye Cakwe ceka caishile ima, kabili balya aba fwile mu Cebo Cakwe, ukucetekela Icebo Cakwe no kushininkisha Icebo Cakwe. [18]

Umwakumona

[1] “Nani Uyu Melkisedeke” (65-0221E), par. 48-49

[2] “Ukushisha” (59-0708M), par. E-5

[3] “Tacali Ifyo Ukufuma Mukutendeka” (60-0306), par. E- 10

[4] “Ifintu Ifili Nokubako” (65-1205), par.37-38

[5] “Ni Ng’anda nshi Mwinga Nkulila Ine” (65-1121), par.21

[6] “Ukubusha Umwana Mwanakashi Wakwa Jairus” (56-0731), par. E-23

[7] “Ilyashi Lya Bulendo Bwa Ku India” (57-0126B), par. E-58

- [8] “Ubumi Ubwafiswa” (55-1006A), par. E-25
- [9] “Aba Hebere Icipandwa ca 1” (57-0821), par. 129-130
- [10] “Aba Hebere Icipandwa ca 2 Part 2” (57-0825E) par. 121-124
- [11] “Amepusho na Masuko Pa BaHebere Icipandwa ca 2” (57-1002),
par. 435-439
- [12] “Umushinku Wa Muntu Uwapwililika” (62-1014M), par. 69-74,
75-77, 84, 341, 451, 346
- [13] “Icipembe ca Mukati” (56-0121), par. E-59-60
- [14] “Icishininkisho Icituntulu Ica Kubuka” (57-0114), par.E-32
- [15] “Finshi Cisenda uku Panga Ubumi bwa Mwinakristu” (57-0113),
par. E-35

- [16] “Ni kuli Ani Twingaya” (60-0606) par E17
- [17] “Ukushininwa Elyo Ukuposako amano” (62-0118), par. E-52
- [18] “Ukwishiba Ubushiku Bobe Ne Mbila Yabuko” (64-0726M),
par. 68-70

Les a Alondapa!

Ukufuma 15:26, "...pantu nine YEHOBA kondapa obe."

Ilyo twacumfwa ishi inyimbo ishisuma- Munyina Branham ukulanda ku lukuta mu Phonix- naxisosa kuli Munyina Outlaw, "Ndi uwansansa pantu nashambulwa, pantu ndefwaya ukubelenga shilya. **Ndafwaya ukumfwa shilye nyimbo no kulisha tepu, ukumfwa inyimbo nga waikala panshi.**"

Takwaba icawamisha nge nyimbo. Namwishiba. **Les a alondapa ku nyimbo.** Bushe mwaliishiba cilya? Les a alondapa ku nyimbo. **Les a alondapa no kutemwa.** Mwamona? **Les a alondapa ku miti. Les a alondapa na mapepo. Les a alikwata inshila inshingi isha kundapilako. Cili ku musango uo mulekabila.**

Inshita shimo ilyo ukutemwa ukunono, ukupelwa, kuli no kuposha icilonda cakale, icifulo icakale icakwata umufimbila atemwa icintu cimo. Cili nokuposha cena bwino nganshi, **ukutemwa fye ukunono, ukusakamana fye ukunono.**

Inshita shimo ilyo mwaumfwa ukunakuka, kabili, nge fyo tuciita, mulya mu kutitikishiwa, mwamona, bikenipo fye ilya imo iya yalya matepu, shilye nyimbo nangu ukwambula, kabili tampeni ukulisha. Yena. Icintu cakubalilapo namwishiba, imwe mule pampasha ukulu kwenu, nangu ukuboko kwenu, kabili lyena ninshi capwa. Imwe muli no kwima no kuba abaiteyanya ukuya nakabili. [1]

Nomba Les a alondapa mu nshila ishing (1 Petro 2:24-25). Doctor ali njipwishe, tekale sana, atile "Utontonkanya shani pa miti Munyina Branham?"

Natile, "Cisuma, **Les a abafye Eka uyo uwingondapa,** mukwai."

Natile, "Baibele taibepa, kabili Baibele itila, '**Nine Yehoba, uposha amalwele yobe yonse.**'" (*Amalumbo 103:1-3*). Kabili natile "Baibele teti ibepe. Les a alondapa ne miti. Les a alondapa ku citemwiko. Les a alondapa ku miti. Les a alondapa no kutemwa. **Les a alondapa no kwiluka. Les a alondapa no kusakamana. Les a alondapa ku mapepo. Les a alondapa ne**

fipesha mano. Icintu conse, Lesa alondapa. Epela fye, fyonse ifyabako kuli cena, Ena e kondapa.”

Ifwe tatwakwata umuti uyo uwingalenga, kabili ukulenga akabulungwa mu kuboko kwenu, ku kundapa; ukulenga mu mubili wenu, ku kundapa. Ifwe kuti twafumya ilino, ifwe kuti twaputaula ibula, atemwa ukufumyamo indusha, **lelo nani uwaundepe? Lesa.** Takuli umuti uwingapanga umunofu, kano fye Lesa. Ubumi bulapanga umunofu. Lesa e kondapa eka, kabili ifwe twalelanda pali cilya. [2]

Kabili ndesubila ukutula cila umo uwa muli imwe na mumfwa ici, makamaka mwe bantu abalepepelwa, abo abaleumfwa ububi nganshi nalimo namafya ayo ba doctor teti bakumyeko.

Kabili ifwe twalicetekela ukutula ba doctor balafwilisha abantu. Ndecetekela ukutula Lesa alondapa ku miti. Lesa alondapa mu kutumbula. Lesa alondapa no kwiluka. **Lesa alondapa no kutemwa.** Ukutemwa fye ukunono kulaya apatali. Leken i umuntu umo abe fye uwa fulunganishiwa, kabili balangisheni fye bena ukutula imwe mulabasakamana mwamona? Lesa alondapa no kutemwa. Lesa alondapa na mapepo. Lesa alondapa ne fipesha amano. **Lesa alondapa ku Cebo Cakwe** (*Amalumbo 107:20*). **Lesa alondapa! Ili yonse intulo ifyo ili, Lesa alondapa kuli yena.** Ni Lesa uyo undapa, pantu Ena atile “Nine Yehoba uuposha amalwele yobe yonse.” E ico conse muli cena cilingile ukubomba capamo, **kabili abantu muli bukapyunga ubwapusana balingile ukubomba capamo pali cilya.** Mwamona? Nomba, lelo bena tabacicita, pantu inshita shimo bena balabakanya ukusenda ukwiminina kumo pa Cebo cakwa Lesa, pa mulandu ifilonganino fyabo fimo tafibasuminisha ukucita cilya. Lelo cilya tacikanya Icine, cimo cine fye, Lesa alatwalilila ukundapa ifyo fine fye. [3]

“Ifwe tulemona Umuntu Uyo uwingeta umuntu uwafwa ukufuma mu nshishi, Uyo uwinga cita fyonse ifi ifipesha mano ifisuma, no kumona Wene no kutanikwa pa lupanda na mate ayengi pa cinso Cakwe conse, uko abashiliika basuswile umwefu Wakwe, no kufwishila mu menso Yakwe. No kumona Wene ne numa Yakwe ukulepulwa uko ifipumo amakumi ya tatu na pabula...” (*Esaya 53:4-5*). Bena tekuti babike amakumi yane. **Kabili bushe mwalishiba kwaliba amakumi yatatu na pabula amalwele ayakalamba mwi sonde ilelo.** Ifipumo amakumi ya tatu na pabula pa numa Yakwe ne filaso pabula ifya misomali amashinte yampapa muli yena no tuputulwa twa cela, ukuuma mpaka imbafu Shakwe shali moneke,

“yafyulika amafupa Yandi yonse,” Ena efyo asosele mu Malumbo 22:9-17.

[4]

Ilyo twamona Lesa ukundapa umuntu...Kuno inshiku inshinono ishapitapo mu lukuta lwesu, baletele umukashana umunono mulya pa macila. Kabili balinjitile mu nshita ya bushiku pa musebo kabili batile, “Umukashana teti abe no mweo,” impwalonda yalibipile nganshi. Nalimo imyaka yakufyalwa ikumi limo na cinelubali... “Ena teti afike kulya. Ena ali no kufwa ilyo talafika kulya.” Cali ubwafya bwa bulanda, umukashana umusuma wa myaka ya kufyalwa ikumi lino na cinelubali.

Ukushininkisha icintu cimo ku lukuta lwandi, **nsha mukumishemo umwana nakalya**. Naliingila mukati. Ukulala pa macila...Mucine kwaliko bambi abantu abalwele, lelo nalisakAmenie pa mwana, **ukwishiba umupashi wakwe ilyo nalandile kuli wene**. Kabili ena amoneke ngo musuma nganshi umukashana umunono. **Nshilemona mulandu ulyo mwana engengila mu nshishi ilyo nshita tailafika; kabili cilya cilingile ukuba ciwa ukwesha ukusenda ubumi bwakwe**. E ico nsha kumishapo umwana nakalya, naile fye ku cintamba ne Cebo, no kwikala fye ne Cebo. **Kabili Icebo cali mundepe apopene fye mpaka alimine no kutendeka ukuya**, ali fye bwino nomba, aleikala ngo muntu uli onse uwashala: teti musange ubulwele apali ponse. **Nshatalile mukumyamo**.

Mwamona? Icebo caiile, kabili **ena acetekete Icebo**, kabili **icebo caba ubumi bwakwa Lesa na maka ya kwa Lesa**. Kabili Icebo e cibomba cilya. **Icebo cilondapa abalwele** (*Marko 7:24-30; Mateo 8:5-13*). [5]

Inshita imbi iya bushiku, nalipapile nganshi. Umwanakashi umunono alishile ku ntanshi, ilya iikalamba incende iya madola amakana yatatu kulya, kabili ena alikwete ifya kuisuba ifinono pa cinso cakwe. Ena aliminine kulya kabili atendeke ukututuma. Natile, “iwe uli mu Lutheran,” ku Mupashi wa Mushilo. Ena atile, Ee, mukwai.” Kabili natile, “Iwe uli pano ku kupepelwa. Kabili umulandu uleendela umusango ubelelemo, amakufi yonse yabili yali tobeka.” Natile, “Cilya cacitike mu busanso bwa motoka muli motoka iyo waleensha mu myaka iine iyapitapo.” Atile, “Cilya cishinka.” Natile, “Doctor obe muntu umunono umwipi, nepala kabili alafwala amagalashi.” Atile, “Cilya cishinka.” Kabili natile, “Ena alekutensha, pa mulandu wakutila mu makufi ifupa lyasanguka icifuba ca ntanda bwanga, kabili nangula umunofu ulebola ukushinguluka ifupa.” Atile, “Cilya cishinka.”

Kabili wene atile, “Bushe kuliko isubilo kuli ine?” Natile, “**cilya cili umusango mu lepalama kuli Shikulu Yesu.**”

Wene atile, “Bushe kuti mwangafwilisha?” Natile, “Iyo, Mayo. Takuli nangu umo uwinga kwafwilisha nomba, **lelo uulingile ukuya fwilisha we mwine ku mapalo ayapelwa na Lesa kuli iwe.**” Kabili ena atile, “**Ine nomba na cetekela no mutima wandi onse.**” Natile, “**Shikulu na kundapa nkashi; ici ni EFYO ASOSA SHIKULU, iwe naundapwa.**”

Wene atile, “Ba Branham, nshatala fukamapo,” atile, “pa myaka iine,” ilyo alelila, ukwiminina palya ukufikina indupi shakwe. Kabili ibumba ilikulu ilya bantu lya lelila, ukulolekesha ena, ba Lutheran, ba Prebyterian. Kabili natile, “Cinshi ico tauleila pa cipailo no kufukama.” Atile, “Lekeni fukame pano pene fye, apapene epo naundapilwa.” Ena tatalile sela ukufuma pa matabo yakwe, **lelo alishibe alyundepwe. Icintu cimo cali citike.** Mwamona? Ena ali cishibe cena; takwali ukutunganya nangu kumo pali cena (*Abahebere 11:1-2*).

Natile, “Fukama panshi.” Kabili umuku wakubalilapo pa myaka iine, na makufi yonse yabili ayatobeka kabili ayauminina, ukupangwa mulya mu mafupa monse. Ulyo mwanakashi, ngo mwanakashi uwacaice, afukeme pa makufi yakwe ne filamba filepona ukufuma ku masaya yakwe, aiimishe amaboko yakwe kuli Lesa, cinshi aimine ukufuma palya ukwa bulo bwafya, ngo mukashana umunono, kabili alibutwike ku ntanshi. Cali ni cinshi? Lesa alipangile inshila pali cilya. Nomba, Ena ali tuma ama doctor, cilya cishinka. Kabili ba doctor bali ba fye bwino. Kabili bali citile fyonse ifyo bengacita, **lelo Lesa ali panga inshila.** Cilya e co. Mwamona? Panuma ilyo doctor afililwe mu nshila yakwe, inshila yakwa Lesa yali sansamisha ukucila inshila yesu (*Esaya 55:8-9*). Ifyo caba icintu icawama! [6]

Uyu naikala Munyina Sidney Jackson, Nkashi Jackson ukufuma ku South Africa. Ena kuti aiminina pano no kusenda lilye sambililo kabili mucine no ku mweba ifintu fimo palwa cena kulya lubali. Cinshi mucine, **abantu balaya ku tumilungu kabili balondapwa. Mwamona, pantu cinshi?**

Kwati fye Dr. Aegery ali njebawile kulya ilya nshita, pafyo ine nasosele ukutila ciwa teti ondape. Kabili atile, “Umuntu uyo uwiminina ku ntanshi ya bantu abengi nge fyo ucita, kabili amasambililo ya fya bulesa aya busu nga aya,” atile, “ukusosa ukutila ciwa tekuti ondape. Atile, “Ifwe twalikwata umwanakashi kulya mu bena mupalamano besu uyo ukake nsalu pali wene, kabili alaya kulya; kabili abantu besa kuli ena kabili balingile ukubika indalama muli ii insalu; lyena wene alabafikina kabili lyena alafumya umushishi ukufuma ku mutwe wakwe no mulopa ukufuma mu mishipeshipe

yabo no kuubika mu mishishi no kuposela yena kunuma yakwe; kabili wene alapatikishiwa ukulolekesha ku numa monse monse, ubulwele bula bwekela ku bantu.” Kabili atile, “Icipendo amakumi yatatu balapola. Kabili lyena ulesosa ukutila ciwa teti ondape?”

Kabili natontonkenye, “Owe, mwe.” Nalilembele ukumubwesha, kabili natile, “We mutemwikwa”: natile, “Cena cintu iceni kuli ine icakutila umukalamba we sukulu Iya Lutherana kuti ashintilishisha ayakwe **amasambililo aya fya bulesa palwa kwishiba mu cifulo ca Cebo ca kwa Lesa.**” Mwamona? **Icebo ca kwa Lesa citila Satana teti atamfye Satana mu nankwe (Mateo 12:22-30).** Cilya cilecipwishisha; Yesu efyo asosele.” Natile, “iwe kuti wasunguka ifyo balya bantu bondapwa ukupitila muli cilya, ulyo muloshi, ni **pamulandu abantu abene batontonkanya ukutila balepalama kuli Lesa ukupitila muli ulyo muloshi. Kabili ukundapwa kwashintilila pa citetekelo, te musango mwabelamo umulungami, ifyo mwaba abasuma, umusango musungilamo amalango, atemwa conse ifyo cili; kwena kushintilila fye pa citetekelo.** Fyonse ifintu filacitwa kuli abo abacetekela. Takwa shintilila ifyo mwaba abasuma. Nalimona bacilende ukwisa ku ntanshi no kundapwa apopene fye kabili umwanakashi uwamushilo ukwisa ku ntanshi no kupanya ici. **Mucine, kwena kwashintilila pa citetekelo; nga kuti mwacetekela,** te pa bulungami.”

Lolekesheni kulya mu France uko baya kuli cilye cimpashanya ca ulyo umwakashi, ukwingila mulya mu ficinga no kufuma mulya baleenda, pa cintu icishili nangu cimo kano fye amalele, nga kuliko icili conse, **ifya mipashi, ukupepa umuntu uwafwa.** Mwamona? Lelo nomba balondapwa, **pantu batontonkanya balepalama kuli Lesa.** Nomba, tekusebanya abantu ba mu katolika, nshilesebanya imibombele ya mu katolika, nge fyo ncita imibombele ya ba protestant, fyonse ifi fintu.

Nomba, bakapyunga, ni njishiba ici calakalipa, lelo nde yasuka amepusho; kabili ndefwaya imwe ukwiluka ukutila nacila mweba fye icine ukufuma mu mutima wandi; Kristu kuntanshi yandi ku kwishiba kwandi ukwawamisha. Mwamona? **Cena fyonse mi bombele, kabili ilye mibombele ya lipomba balya abantu nga...Abantu baya mu kuilunda kuli ba Methodist, Baptist, Presbyterian, ba Pentecostal, Katolika; kabili bena batontonkanya bena balepalama kuli Lesa ilyo bena balepita fye mu mibombele. Lesa alacindika cena inshita shimo no kufumyapo amalwele yabo ukufuma kuli bena ukupitila mu tu milungu.** Cisuma, mulya mwine muli ba Hottentots ba mu Africa balakwata uku ndapwa no tumilungu kabili nafimbipo, lelo bena batontonkanya bena balepalama Lesa. [7]

Ndesunguka fye pali balya abantu. Nali basanga bena mu kulongana kwa kundapa. Nalimona abantu ukwisa ku ntashi, abapofula umupwilapo. Kabili ukwisa kabili panuma ya kupepelwa no kundapwa kabili balabelenga Baibele, balenda ukuya kulya no kulumbanya Lesa. Kabili nga mwabakumanya mu myeshi mutanda bali fye abapofula nge fyo bali pa kubalilapo.

Nomba, ukundapwa ukwa Bulesa kwaba fye ukwa maka nge fyo icitetekelo cenu cili, kabili kutwalilila fye nge fyo icitetekelo cenu cili.

Rev. Nicklels ukufuma kuli ba shimakwebo Abenakristu bali kulya ubushiku bumbi ukwambula amabunte mulya mu musumba no kukopa ifikope fya bantu abo abaundepwe ku kundapa kwa bulesu ukuli konse, ndepilubula impwalonda na mafya ya balefwa, abo abaundepwe pa myaka ne myaka ne myaka ne myaka ne myaka, kabili bacili baliikatilila, imyaka ikumi limo na iine, ikumi limo na fisano iya pitapo, ilyo bena bapepelwe, bacili abatuntulu. Kabili bamo muli bena pa bafwa abalembwa mu Louisville ku kiliniki ya mpwalonda kulya lubali, ukutula bena balifwile ikumi limo na iine, imyaka ikumi limo na fisano iyapitapo, kabili aba bali pano aba mweo, abatuntulu fye nge fyo bengaba.

Caba fye apo icitetekelo cenu caiminina. Ipusukilo lyenu lyaba fye ilisuma ilyo lyonse ukulumbula kwenu kuli ukusuma. Lelo ilyo ukulumbula kwenu kwabwelela panshi, lyena ipusukilo lyenu lyaya. Pantu ena ni Shimapepo Mukalamba uwaikala ku kwakulyo kwakwa Lesa ukucita ukupapatila pafya kulumbula fyenu, cilya e cicitika (Abahebere 4:14-16; Abena Roma 10:8-10).^[8]

Ukundapwa ukwa Bulesa, no kushishiwa, kabili na maka yakwa Lesa yaba fye ilyo lyonse icitetekelo cenu caikalilila muli cena. Ilyo icitetekelo cenu cafilwa, lyena ukwishiba kwenu ninshi kwapwa. Kwashintilila ulya musango pa mulandu fye wa milimo iya pwishiwa iyakwa Kristu pa Kalbale. Imwe mulashishiwa ilyo lyonse ilyo bunte bwenu buli ubwalungama, ilyo lyonse ilyo muleikala ubumi ubwa shishiwa, no kucetekela ukutula Lesa ali mushisha imwe; imwe mulashishiwa, ukupendela fyonse ku kusenamina Kwakwe no kutemwa Kwakwe. Kabili ilyo lyonse ilyo mwasumina ukundapwa no kucetekela ukundapwa kwenu kabili no kutwalilila ukucetekela cena ifyo fine, imwe muli no kundapwa ilyo lyonse mwacetekela cena. Kabili imwe mwatendeka ukutwishika cena...

Kabili sendeni umwaume uwikele muno uyo ushilwele nangu panono, kabili lekeni atendeke ukukwata mu mutima wakwe, ukucetekela ukutila ena nalwala, bena bali nokumwimya uku mufumya mu cikulwa. **Nge fyo icitetekelo cenu cili, efyo cibe kuli imwe.** Ilya te Science ya Bwinakristu. Nshilepilibula amano pa fya kubomfya. Lelo mulemona, icintu ica cena cili, **caba imibele iyo muleikalamo.** [9]

Bushe Ena tawama? Nomba, tontonkanyeni, ifwe tule pilibula cilya; ifintu fyonse fyalekelwako. “Nshile tontonkanya amatontonkanyo yandi nakabili. **Nsha kulatontonkanya nge fyo ninga tontonkanya, Shikulu. Ndi no kutontonkanya fye nge fyo Imwe mu tontonkanya. Kabili Imwe mwaililaya ukutila nalyundepwe (Esaya 53:4-5). Nde tontonkanya cilya. Nalekelako amatontonkanyo yandi. Ine nshakula tontonkanya nakabili pa bulwele bwandi. Nshakula tontonkanya pa bulwele ubo nakwete. Nshile tontonkanya pa fintu ifili fyonse kano ukutontonkanya ifyo Imwe mwasosele.”**

Nomba, uko kwine kuntanshi fye yenu na kwiminina umuntu nge fyo imwe mwaciba ama miniti ayanono ayapitapo; mwaciba abalwala kunuma uku, **lelo ulya umuntu umutuntulu naiminina palya. Yesu Kristu aleita kuli ulya umuntu umutuntulu ukuciluka fye cena.** Nomba, imwe fye, ku citetekelo, **ilyo muleisala Ameniso yenu, endeni fye muli ulya umubili uutuntulu, lyena twalilileni fye ukulaenda, twalilileni fye ukulaenda.** [10]

Mulemona, **cena citetekelo cenu; tacatala ukuba imyufwile yenu.** Tacatala nangula cakutila cili fyo; atemwa ukuboko kwandi nga ta kololweke... Cilya tacikwetepo nangu cimo icakucita na cena. **Caba icitetekelo candi ecicita cilya. Kuno kwine kuntanshi fye yesu tulemona icipasho ica muntu umutuntulu uwaundapwa ku citetekelo. Kabili lyena ifwe tulaya ulutampulo pa lutampulo mpaka mwatampwila muli ulya muntu, no kulaenda fye pamo na wene.** Mwacimone ci. Cilya e cicita. **icitetekelo cenu,** te myumfwile yenu; icitetekelo cenu cilacicita. Lelo ukutotela na malumbo fibe kuli Lesa. [11]

Kabili ndetila, **ukutila nga twanakila inshila iyapelwa na Lesa, ifibashi fili no kuya, ubulwele buli no kuya, ifintu fyonse fili no kuya, lelo mulingile ukwisa inshila Yakwe ya buno bushiku.** Nomba; ukuibisha mu Yodani teti kucite icisuma nangu cimo nomba; cilya cali kuli Namaani. Amalango yali ku ba Yuda. Ukusenamina kwaba kuli Kristu. [12]

Ilyo Lesa asosa icintu icili conse, cena cilingile ukucitika. E ico ilyo mwakumanisha ifyo Lesa afwaya, ibukisheni fye, Lesa ali no kuilangisha Umwine no kusakamana ifyashala ifya cena; kabiyeeni fye pantanshi ngo mulimo uwa pwishiwa. Owe, bushe cilya tacawama? Owe, mwe, tontonkanyeni. E beni fye Lesa. Lesa atile, “Imwe citeni ici, kabili Ine ndi no kucita ici.” Cisuma, nga naya ukucita ici, Ena alingile ukucita cilya.

Nomba, ciwa asosa, “mwamona, Ena alakokola.” Cilya tacipanga ubupusano ubuli bonse. Daniele alipepele inshita imo, kabili cali inshiku amakumi yabili na bumu ilyo Malaika tala fika kuli wene (*Daniele 10:12-13*); lelo ena tanenushiwe; ena alishibe ukutila Akesa nangu cibe fyo, e ico ena alolele fye mpaka Wene alifikile palya. Cilya cishinka. **Owe, lilya e lintu mulekwata icitetekelo.**

Lelo tulefwaya ukulongana ukwa kundapa kwa mweo ku kundapa mukati, pantu cilya e cikatwalilila. Imwe mulakwata umweo wa muyayaya; umweo wa muyayaya taupwa nangu ukukota; ulatwalilila, ulaba cimo cine (*Yohane 5:24*).^[13]

Lekeni Mupashi wa Mushilo wise pa muntu onse uyo mucine ukwete icintu cimo mukati mulya! **Ukundapwa kwisa ukufuma mukati. Lekeni kulya ukundapwa kwise ukufuma mu Mupashi uli muli imwe** (*11 Abena Korinti 4:7*).^[14]

Kabili ifwe tulepepa ukutila imwe mwalalenga ici ukuba icituntulu nganshi kuli cila umo uwa muli ifwe ilelo icakutila imitima yesu ili no kubilima mukati kesu, imyeo yesu ili no kulungamikwa, **imibili yesu ukundapwa, imipashi yesu ukundapwa, imyeo yesu ukulengwa iipya** (*11 bena Korinti 5:17*), ukulengwa mu cipasho ico Lesa engatulenga ifwe.

^[15]

Kuliko icintu cimo eco ndefwaya ukuba uwa cishinka na iwe, we munandi. **Umusango umo wine Lesa ondapa caba pa mulingo uwa kubombela Wene.** Mwamona? **Caba pa mulingo uwa kubombela Wene. Ifwe tulingile ukupokelela ukundapwa kwesu pa mulingo uwa: ifwe tuli no kubombela Wene panuma ilyo twaundapwa.**

Nomba, Baibele itila, “Tumbuleni imembu shenu kuli umo no mubiye (*Yakobo 5:16*). Pepeleni umo no mubiye, pakutila muposhiwe.” Mwamona? Caba pa mulingo muli no kubombela Lesa. Mwebengi imwe muno, nalimo, muli mu mibele ya kumfwa. Kabili mulingile ukufwa icintu cimo nga icintu cimo tacilecitika. Lyena ndefwaya imwe mu mutima wenu...

Nomba, ifwe limbi kuti twamusuba na mafuta (*Yakobo 5:14-15*); ifwe limbi kuti twa mupepelako, kacema wenu, na ine, ukupepa ipapo lya citetekelo, ukucita ifili fyonse ifyo twinga cita. **Lelo tacakacite nangu cimo icisuma mpaka imwe mwebene mwaingila mwisenge na Kristu.** Mwamona? Mulingile ukwisa kuli lilye senge. [16]

Kabili te mulandu umusango uuli onse uwa mulimo, **Icebo cilingile ukuba ica ntanshi. Cilingile ukuba icantanshi.** Cilingile ukuba ica kubalilapo. **Kabili ukundapwa kwa mweo kwaba lyonse ukwa kubalilapo.** Cinshi, ilyo umuntu afyalwa libili ku Mupashi wakwa Lesa (*Yohane 3:3-5*), **ena nakwata ushifwa, Umweo uwa Muyayaya, kabili takonaike** (*Yohane 5:24*).

Lelo ilyo umuntu aundapwa ku mubili wakwe, caba fye pa nshita iya kupenda. Lelo ipusukilo lya mweo muyayaya. Ena alesa mukuba icibumbwa icipya muli Kristu (*Abena Galatia 6:14-15*), **ilyo aundapwa ku mweo wakwe.** Lelo ukundapwa kwa Bulesa kwali bikilwemo mu cakukonsolwela, pa mulandu ica kukonsolwela icipya cali icawamisha ukucila icakale. Kabili ica kukonsolwela icakale cali kwete ukundapwa. Kabili Baibele isosa ukutila, *“Alashilwe pa fya bupulumushi fyesu; na mufipumo fyakwe twali poshiwe.”* **ICacitike kale, twalyundepwe** (*Esaya 53:4-5*). Owe, ifyo cawama! [17]

Ifwe twalishiba tatundapa umuntu nangu umo, lelo tubapepelako fye. Kabili nshilaundapapo nangu umo na nomba, lelo ine mucine nalikwata amasuko ayakalamba ku mapapo, **ukumona Shikulu ukundapa abalwele.**

Kabili tekundapa fye kweka ukwa mubili, lelo ukundapa kwa mweo nako, uko ukwaba ukukankala nganshi ukucila ukundapa kwa mubili. Nomba, kuti cacitwa nga mwaikala inshita itali nganshi mukesha lwala nakabili. Baibela itila, *“Yengi amafya ya walungama, lelo Lesa alamupokolola kuli yonse”* (*Amalumbo 34:19*). E ico ifwe twalilaiwa amafya ayengi, lelo ukupokololwa kuli yena. [18]

Kabili e ico, ukundapwa kwa Bulesa, cintu icikankala ca **kundapwa kwa Bulesa ukwa mweo. Umubili wakwa Kristu, ulefwaikwa ukundapwa ukucilapo ukucila icintu icili conse ico na ishikapo, caba Umubili wakwa Kristu.** Wene walyonaulwa nganshi ku masambililo ya bantu ya fya bulesu ne fya kupusana ifya filonganino, mpaka waba **Umubili uwalwala.** Kabili ndemweba, ulefwaikwa ukundapwa, ukundapwa ukukalamba. E ico

ndecetekela ukutula Shikulu ali no kucita icintu icikalamba ku **kundapa icilundwa Cakwe ica Mubili uuli pano.** [19]

Nomba, Shikulu, ndepepa ukutula imwe muli no kubondapa bena, **lelo ukubondapa ukwapulamo nganshi pali konse!** Nga Imwe muli no kundapa imibili yabo iya buntu ku mpwalonda, TB, akalaso, icintu cimo, **benali no kulwala nakabili,** ukwabula ukutwishika, **nga benali nokubapo inshita iitali, pantu umubili wabo ucili uwa kumako ku lubembu, icitipu.** Lelo lekeni bakwate **ukundapwa ukwacine ukwa Bulesa, ukundapwa ukwa mweo, uko ukulenga icibumbwa cipya** (11 Abena Korinti 5:17), ulafuma mumfwa no kwingila mu Mweo, kabili lyena ukulolela muli ili ihema lyakale ku **kulubulwa kwa mubili** (Abena Roma 8:22-23) **panuma ilyo umweo walubulwa.** Peleni ici Shikulu. [20]

Ilyo twaisa ku mpela ya musebo, tatwaishiba nikwisa kabili umusango uo ifwe tukulwalilamo. **Ifwe kuti twalwala mu mano yesu; limbi kuti kwaba ukukaba kwa mubili uko ukwingoca mucine ubongo bongo bwesu bwine; kabili kuti twasosa icili conse no kucita icili conse ku mpela ya musebo.** Ifwe tatwaishiba. lelo, mulemona, **nga ifwe natwikashiwa kale muli Kristu, te mulandu ubulwele ubukatusenda, atemwa imibele tukabelamo ilyo tukaya, cena nacipwishiwa kale. Ifwe twalikakatikwa mpaka ubushiku bwa kulubuka kwesu.** Abena Efese 4:30 itila, *“Mwilenga Mupashi wakwa Lesa ubulanda, uo mwakakatikwako ukufika ubushiku (te bwa kufwa kwenu, lelo) bwa kulubuka kwenu.”* **Mwamona, panuma ilyo imfwa yafumapo, imwe mucili abakakatikwa.** [21]

Doctor atile, “Ba Branham, nalibelengele amabuku yenu pa kundapwa. Ine mucine ndesuminishanya na imwe. Nalamweba, ni nkwata amafya ayene yene pano ayo ninga shininkisha kuli science...Lekeni umuntu akwate cimumena, atemwa icifuba ca ntanda bwanga, atemwa icilonda ca mu mala, atemwa icintu cimo ico cili icabipa nganshi; ifwe natwishiba cili no kumwipaya wene, kabili tuli no kumweba cilya. Nga ena aumfwa ububi nganshi, uwakalifiwa, ne cipyu, ubukali, kabili ukulaya fye, ulyo mulwele ali no kufwa lilya line fye. Lelo **ilingi line ulya umulwele nga Mwinakristu, ena tasakama ukufwa. Caba icintu cimo ico tulingile ukucita, pantu ukufwa caba iciputulwa ca bumi, e ico ena aya fye pantanshi no kuisenda yena: ‘Ndeba no mweo mpaka inshita yandi ikapwe.’ Mupepi ilya imicitile ila fumyapo ubwafya. Ena ali nokubapo, no kubapo, no kubapo, ilyo taila mwipaya.**” [22]

Lelo kwaba ubulwele ubukalamba ukucila ubulwele bwa ku mubili. Kabili bwena bwaba ubukankala nganshi ukutula tube abatuntulu ilyo ici cikacitika icikalamba ico icili mupepi no kubapo...cisuma ukuba uwaiteyanya. Kuti cawama naba umuntu umulwele uwaiteyanya na Shikulu, ukucila ukuba umuntu umuntuntulu ukwabula ukuba uwaiteyanya ukuya na Shikulu. Lelo te mulandu ifyo cili, Lesa alafwaya nganshi **ukuti tube fyonse fibili mu buntuntulu kabili uwaiteyanya,** umweo no mubili (1 Abena Tesalonika 5:23-24). Pantu Ena alalekelela amampulu yesu yonse no kuposha amalwele yesu yonse. Ena afwile pe pange lya fintu fibili (Esaya 53;4-5). [23]

Umwakumona:

- [1] “Lolekesha” (63-0428), par. 4-9
- [2] “Yesu Kristu Cimo Cine Mailo, Ilelo no Muyayaya” (63-0627), par. 84-86
- [3] “Alasakamana, Iwe Ulasakamana” (63-0721), par. 43-44
- [4] “Ilyo Ameniso Yabo Ya Shibwilwe” (56-0420), par. E29-30
- [5] “Imbuto Ya Nshita Ya Mpela” (62-0319), par. E9
- [6] “Ukupanga Inshila” (56-0304), par. E25
- [7] “Ampusho na Masuko” (64-0823M), par. COD pg. 930-931
- [8] “Ubumi Ubwa Fiswa Na Kristu” (56-0213), par. E20, E22-23
- [9] “Icakupapusha” (56-0129), par. E28
- [10] “Kabiyeni Shibusheni Yesu” (63-1130E), Par 274
- [11] “Nicinshi Nalacita na Yesu?” (63-1130E), par. 34
- [12] “Inshila Iyapelwa Na Lesa Iya Buno Bushiku” (64-0206E), par. 12
- [13] “Icimonwa Ca Patmo” (60-1204E), par. 95-97
- [14] “Amaka Ayasangula” (65-1031M), par. 276
- [15] “Bu Umo” (62-0211), par.10
- [16] “Ukuciluka Umupaka wa Nshita” (61-0305), par. 87-89
- [17] “Mumfweni Wene” (57-0125), par. E-11
- [18] “Umusonkano” (61-0410), par. E-2
- [19] “Kristu Uwa Ishibikwa Mu Nshita Shonse” (64-0401), par. 1k
- [20] “Umulungu Uwa Ino Inshita Iibifi” (65-0801M), par. 189
- [21] “Ubunte Ubwante Iya Cine” (61-1105), par. 71
- [22] “Inshila Yakubwelelamo” (62-1123), par. E-93
- [23] “Ukwakupumikisha, Ukwankama Ukuya kwa Lukuta” (58-1012), par. E-5-E-6

Ilibwe Ilyakukulilako Ilya Bumupashi No.20

Ukufunda Kwa kwa Shifwe

Tito 2:11-14, “Pantu ukusenamina kwa kwa Lesa kwa moneke ku kuletela abantu bonse ipusukilo, pa kutufunda ukuti, tube abakana ukukanapepa ne fya lunkumbwa fya pano isonde, kabili tube no mweo wakutekanya kabili uwa bulungami, kabili umwabela bukapapa mu bwikashi buno ubwa nombamba; tube abalolela ca kucetekela ice shuko, ekutula, ukumoneka kwa bukata bwa kwa Lesa mukulu kabili ubwa Mupusushi wesu Yesu Kristu; Uwa ipele pali ifwe, ukuti atulubule ku bu pulumushi bonse, no kuisangulwila abantu bakwe bene, abacincilile milimo iisuma.”

Nombamba, inshita shimo, nalasumina ici, ukutula **shifwe uwa mu mulu inshita shimo alatufunda ifwe na malwele, ukusuminisha satana ukucicita (Yakobo 1:13-15), ukutwesa inshita shimo ukutubwesa**. Nga twafuma mu nshila, lyena Shifwe uwa mu mulu limbi kuti **aleka icintu cimo ukucitika kuli ifwe** ukutubwesa. Lelo caba fye ku busuma (*Abena Roma 8:28-29*). Mwamona? Ukufunda kwa kwa Shifwe takwawama pa ka shita, lelo mukulekelesha kulaleta...**ifintu fyonse fibomba ku kuletako ubusuma kuli abo abatema Shikulu**. Kabili nga nali ukutali ukutaluka kuli Lesa **kabili kunse ka bufwayo bwa kwa Shifwe uwa mu mulu**, cinshi, nga Lesa kuti fye...Ukutula Ena kuti ancitila icintu cimo no ku ngafwilisha ukubwelelamo, cinshi, ine kuti natotela Shifwe uwa mu mulu, bushe teti mucite? [1]

Ifwe tulemona ukutula ici caba ngo kwishiba kwa Mwinakristu. **Inshita shimo ifwe tulingile ukupita mu kufunda ukwabipisha, ukufunda kwa kwa Shikulu, ifintu ifingi ukutulungamika ifwe pakutula twingaba Abenakristu aba kutwala ifisabo**. Inshita shimo **alingile ukutu tungwila**, ukuputulako, ukufumyako, ukufumya mu maboko yesu (*Yohane 15:1-8*). Ifwe tula tontonkanya inshita shimo, “Mwe Lesa, cinshi ico mulecita kuli ifwe?” **Lelo Ena aliishibe ifyo Alecita**. E ico tulepepa, Tata, ukutula ilelo Imwe mwalatungwila cila umo wa muli ifwe, ukutula pa munono nganshi ukwisa ku mukalamba, kacema. Lesa, ifwe tulepepa ukutula imwe mwalatungwila cila umo wa muli ifwe. **Fumyeni fyonse ifyapusana na**

Imwe, Tata. Fumyeni icintu ico iciletucingilila ifwe ukukanaba Abenakristu abatwala ifisabo. [2]

Nomba, ilyo bali mulya mu Egupti, kabili Lesa atumine Mose nao atambalike inkoto, kabili impatila ne nda fyaishile pa mushili... Ena atambike ku kasuba, kabili kaliingile. Ena atambike yena pa menshi, kabili yasangwike umulopa. Mulandunshi, Israele ali kulya mu Goshen (*Ukufuma* 8:22; 10:23), ukukwata fye inshita ya wamisha; akasuba takatalile ingila; ifinkunka tafyatalile bapola; mulandunshi, bena bakwete fye inshita iyabukata nganshi, nga filya mwacitile ilyo mwa pusushiwe pakubala.

Ifintu fyonse, ifyuni fyaleimba mukuibela, kabili cila muntu ali umusuma. Kabili, owe, mwe, ifyo ifintu fyonse fyali fye bwino ilyo mwa pusushiwe pa kubala. **Elyo kwaishile inshita ya kwesha, ukufunda, inshita ya kusangululwa, ukuisangulula mwebene ukufuma ku fintu fya pano isonde**, “ukufula icifinine conse no lubembu ulwalambatila kuli imwe.” (*Abahebere* 12:1-2). Iwe, we mwaume, ukuleka ukupepa fwaka yenu, ukuleka ukunwa, ukuleka ukuya ku cikulwa ca pool, yonse amalila yenu aya bushiku. Fyonse filye fintu, **imwe mwaliishishishe mwebene kuli fyena ku citetekelo mu Mulopa wa kwa Yesu Kristu: ukuishisha we mwine** (*Abahebere* 10:14; *Abahebere* 13:12; *Yohane* 17:17). Imwe mwe banakashi mwalekele umushishi wenu ukukula, ukulefya indeleshi shenu, no kwikala abaibela ukucila fintu mwali: inshita yakusangululwa. Inshita ishingil balasanguka no kubwelelamo; cisuma, ulya te mwana wakwa Lesa. Mwamona? **Umwana wa kwa Lesa alolekesha fye ukutonta ku Kalbale kabili aleshiba ca ku busuma bwakwe.** [3]

Natile, “Cinshi, tutile, **nga namukwata icitetekelo icine cine...** kabili pano paiminina umwaume pa ntanshi ukukwata fye inshita ikalamba ukulabilikisha, kabili no bukata bwa kwa Lesa ukushinguluka.” Natile, “Nomba, nalimo uyu mwaume aliiba indalama: aikele mu bubi; nalimo aleenda enda no mwanakashi mu bulalelale, atemwa ali ipeye umo atemwa icintu cimo, **ukutila Lesa abikile ubu ubulwele pali ena.**” **Namwishiba, Lesa alabomfya ubulwele ngo kukapaula uku bwesha ifwe kuli Wene.** Mulecetekela cilya?

Nomba, mulingile ukumona, ifya bupe fya busesemo kuti fyakubika mu mafya. Mucine kuti fyacita. Nomba, nga cakutula uyu muntu alicitile icabipa cimo, kabili ninjiminina kulya, icikulu icikalamba (ico twita mu America) **icitetekelo cambwa iikulu**, kabili na mwikata, ukusosa, “Alleluya. Alleluya. Satana mulekeleko. Ubukata kuli Lesa.” **Kabili**

nafumyapo bulyo bulwele pali wene, kabili Lesa abubikile pali wene pe pange. Ndi mu bwafya na Lesa. Mulemona ico ndepilibula. [4]

Nomba, ibukisheni Yobo, yonse amepusho yakwe? Nomba, **ulya tali ni Lesa ukufunda Yobo, lelo cali ni Lesa ukushininkisha umubomfi Wakwe.** E ico conse cabombeke ukuleta ubusuma, mulemona. E lyo kabili ibuku lya kwa Yobo lyalembelwe ku nkulo shonse, ukupela ubunte. Nomba, **Lesa ukubomba cena ku busuma.** [5]

Yobo apitile mu mesho kabili na mukweshiwa. Abana bakwe bali sendelwe; ne fintu fyonse ifyashala fyali sendelwe (*Yobo 1*). **Ba membala ba lukuta baliishile, ba mupele umulandu ukutula ali umubembu wa mubumfisololo,** kabili balyeseshe ukusosa ifintu fyonse ukususha Wene, lelo nombata teti omfwe kuli cimo ca fyena. **Ena aliishibe alikumanishe ifyo Lesa alefwaya.** Ena aliishibe tapali umulandu wakwa Satana ukulamwesa. **Ena aliishibe cali ni kasebanya. Kabili ilyo lyonse Satana engamulenga wene ukucetekela ukutula ubulwele bwakwe cali ni Lesa wakwe ukucita ici, ena ali kwete Yobo uwapumwa.** Lelo ilyo Yobo umuku umo aikeshe bulyo busokololo, ukutula tacali ni Lesa! Ena alepita fye mu mesho yakwe **ukumulenga wene ukuba icintu cimo.** Tacali ni Lesa ukucita cena. **Cali ni satana ukucita cena.**

Kabili icintu cimo cine ilelo. Ena akesha ukumweba aya mesho ne cintu **ni Lesa wenu uleesha ukubika ukukandwa pali imwe.** Cena tefyo cili. Iyo, mukwai. Cali ni Satana ukucita cilya, **kabili Lesa ukusuminisha cena, ukumwesa imwe;** ukulenga imwe ukumona **nga cakutula mwalikakwa kuli ili sonde, ku masakamiko ye sonde,** atemwa nga cakutula ifyuma fyenu fili mu Mulu. “Pantu konse uko ukuli ifyuma fyenu, kulya na imwe mukaba.” Cilya cishinka. Umutima wenu waba ukwaba icuma cenu (*Mateo 12:34-35; 6:19-21*). [6]

Mwe Lesa, imyaka ikumi limo na isano iya kushimikila ukwa kosa no kwebaula, kabili, Lesa, Imwe mwaliishiba umulandu, ukutemwa! **Ukutemwa ku lafunda** (*Ukusokolola 3:19*). Ukutemwa kulebaula. **Ukutemwa kulalungamika.** Mwe Lesa, lekeni njibike pamo naba bantu, kabili **shi mwinga tufunda, Shikulu, ku cebo Cenu.** [7]

Kabili nombata Ena alesosa ku Bakwe umwine, “**Bonse abo natemwa, ndabebaula no kufunda.**” Ena **alafunda ne ndupi ishamushilo isha**

misomali! Ukwebaula caba ukusambilisha. Ukusambilisha caba ‘ukuleta palwalala ne pange ilya kulungamika.’ Ukufunda tacipilibula ukupanika. Cipilibula uku “ukulungamika pantu icipe cakuwamya cili mwitontonkanyo.”^[8]

Les a alaleta ukupusana mu lukuta, pantu umwana onse uyo uwisa kuli Les a alingile ukweshiwa, no kushininkishiwa, no kulopolwa (*Aba Hebere 12:4-11*). Ena alasuminisha ubulwele ukwikata imwe. **Ena alaleka amalwele ukwisa pali imwe kuku mwesha no kushininkisha imwe, ukulangisha isonde ukutila muli icine cine uwa bufyashi bwa kwa Abrahamu.** Ena alasuminisha cena ku bufwayo Bwakwe umwine. Ena alasuminisha ifinkunka; ena alasuminisha ifibusa uku musangukila. Ena alasuminisha fyonse ifi fintu, no kulekelako ciwa ukwisa ku kwesha imwe, kabili akacita fyonse kano ukusenda ubumi bwenu. Ena kuti amubika pa busanshi bwa bucushi; ena kuti alenga abena mupalamano benu ukumusangukila; ena kuti alenga ulukuta uku musangukila; ena kuti acita mupepi icintu icili conse, kabili cena bufwayo bwa kwa Les a kuli ena ukucicita. **Twali sambilishiwa ukutila kwaliwamisha ukucila golide kuli ifwe.”** (*1 Petro 1:6-7*).^[9]

Inshita shimo, abacetekela ukubikwa mu kweshiwa. **Te nshita shimo; lelo inshita fye yonse! “pantu umwana onse uyo uwisa kuli Les a alingile ukufundwa, ukweshiwa, ukufunda kwa mwana.”**

Ibukisheni, amesho, imisebo ya lukungu, akasuba akakaba aka kupakaswa, lelo bu cishinka bwa mutima wenu butunta filye fyakubomfya mpaka ena aipekanya ukuya mu cikombola. Abana bakwa Les a bapangwa mu kulungama mu Cebo Cakwe, **pantu fyena filangililo ifya mweo, kabili Icebo ca kwa Les a ukwikala ukupitila muli bena.** Mwamona? Ubwesho bules a uku musunkanya, uku mubika imwe pe samba pene, ukumona apo muli no kwiminina. Bali eshiwe, ukwesha umwana onse uyo uwisa kuli Les a.^[6]

Moneni lyena, ukutila ilyo Daniele na banankwe batatu bali kulya lubali babikilwe mu kweshiwa, **icilangililo icisuma nganshi ifyo uwacetekela uwacine esako ilyo ena mucine asumina Shikulu nga Kapususha wakwe.** Ena lyonse abikwa mu kweshiwa. Satana acili mu makwebo ayakwesha. Kabili kwena kwisa fye kukwafwilisha imwe. Cena ca kubusuma bwenu. **“Umwana onse uwisa kuli Les a alingile ukweshiwa, ukufundwa, ukufopaulwa;”** kabili mu mashiwi yambi, ukupelo ukukapa

panono, ukulungamikwa. Kabili nga Lesa atupela ifwe ukufundwa kumo kabili teti tushipikishe kwena, **lyena tulesa mukuba abana ba mucani kabili te bana bakwa Lesa.**

Nomba, umuntu uyo uwakwata mucine icitetekelo cakwe ukulola ku mulu, **te mulandu ico icilecitika pano pe sonde, ena nalyo line akwata icitetekelo cakwe ukulola ku mulu.** Abanankwe kuti ba mulekelesha; ulupwa lwakwe kuti lwa mu lekelesha; kacema wakwe kuti amulekelesha; **lelo kwaba umo usha ka mulekeleshe; ulya ni Lesa.** Kabili ilyo amano yenu ya sala, nalitemwa cilya. [10]

Cila umo, ifwe tulingile fye ukweshiwa, ubwembya bwakwa Lesa pali ifwe, cimoneka kwati tuli bakaele. Lesa ukucita cilya ukushininkisha ukutila tuli bana. Balya abashingeminina ukufundwa baba abana ba mucani, atemwa te bana bakwa Lesa aba cine. Lelo ulya umwaume atemwa umwanakashi uyo uwingeminina **no kupokelela ubwembya bwabo, ne fintu fyonse ukulubana,** nalyo line ukulolekesha ku mulu no kusosa, **“Shikulu, nali Mutemwa,”** ulya eo. “Uyo ushipikisha ukufika ku mpela, ulya ena akapusushiwa.” (*Marko 13:13*). Nomba nalitemwa cilya, inga imwe ta mucita?

“Awe te ici ceka, ukuti ubucushi bucito ukushipikisha, no kushipikisha kucite mibele ya cishinka, ukucetekela takutusebanya iyo.” (*Abena Roma 5:3-5*). Mwacimone co. mwamona? “ubucushi bucito kushipikisha”. Shipikisheni. “Kabili ukucetekela takutulengeshe nsoni.” Kabili natukwata isubilo lelo. Mu macushi yesu yonse, lelo nomba, **yalabomba. Amacushi yalatulenga ifwe ukushipikisha, ukulolela ukwisa kwa kwa Shikulu.** [11]

Imyulu ya makumbi ne finkunka fya bumi ta fyaba ifishibilo ifya kukana kwa kwa Lesa. Nangula imyulu iyabalika na menshi ayalengama fishibilo fya kutemwa Kwakwe no kushininkisha. Ukushininkisha Kwakwe ukwa cila umo uwa muli ifwe **kwaba fye mu wa Temwikwa. Ukutemwa kwakwe kwaba ukwa kusala uko Ena atukwatile ilyo pano isonde tapalalengwa** (*Abena Efese 1:3-7*). Bushe Ena ali tutemwa ifwe? Ee mukwai. **Lelo musangonshi twingeshiba?** Tukeshiba pantu eflyo Ena asosele, **no kulangisha ukutila Ena alitutemenwe pantu Ena alituletele ku Mwine no kutupela Umupashi Wakwe, ukutubika nga abana** (*Abena Galatia 4:6-7*). Kabili nkashininkisha shani ukutemwa kwandi kuli Wene? Pa kutetekela ifyo Wene asosa, no kwikala kuli Wene? **Pa kutetekela ifyo Wene asosa, no kwikala ne mwine no kusangalala mukati ka mesho ayo ena mu mano Yakwe asuminisha ukufikilishiwa.** [12]

Ukusenamina ukwa pulamo kufuma kuli Ulya uwapulamo. Ukwapulamo, finshi kwinga cita? Ukwapulamo kuti kwacita conse kulefwaya ukucita. Umfweni kuli ici nomba. **Ukusenamina ukwa pulamo kuti kwapelwa fye kuli Umo uyo uli Uwapulamo.** Kabili Lesa aba uwapulamo, e ico Ena kuti apela ukusenamina ukwapulamo. **E ico kanshi, pakuba uwapulamo, ukusenamina takulingile kwaipusha uli onse (1 Petro 5:10-11).** Kulacita ifyo kulefwaya ukucita. Bushe co tacawama? Kwena takulingile ukwipusha, “Bushe kuti nacita ici? Atemwa, bushe nalacita ici? Kutu nacita? Ine ningile? Ine kuti nacita? Cena taticita. Cena cilacicita icine. **Ukusenamina kwalipulamo;** e ico kanshi, Ena kuti apususha umubi nganshi. Ena kuti apususha uwabipisha. Ena kuti apususha uwa kowela nganshi. Ena kuti apususha cilende uwabipisha. Ena kuti aundapa umulwele nganshi. Alleluya! [13]

Abantu tabapwililika. **Lelo Lesa aliba. Umuntu, mukabike amano yenu pa muntu, ena akapanga icilubo. Nalimo tekuifwaila, lelo ena akacicita. Lesa alalenga ena ukucicita pakutila Ena engasunkanya icitetekelo cenu ukutaluka ku muntu.** Icitetekelo cesu tacaba mu mano ya muntu, lelo mu maka aya kubuka kwa kwa Yesu Kristu (1 Abena Korinti 2:3-5). Palya epo aba bufyashi abacine bakwa Abrahamu bashintilishisha icitetekelo cabo, **pa mulandu bena kuti baba fye ubufyashi bwakwa Abrahamu ilyo bapokelela Mupashi wa Mushilo. Ukwabula Mupashi wa Mushilo bena te ba bufyashi bakwa Abrahamu (Abena Galatia 3:7, 29). Kabili cilya icitetekelo cimo cine icali muli Abrahamu ciisa mu wa cetekela.** Te mulandu ifyo ificitika atemwa ifyo fyaba ifyapusana, uwa cetekela alatwalilila ukulaya pantanshi. [9]

Mu Germany balikwata icikope, baciita, “Ikumbi Mukasuba,” ndecetekela efyo ciitwa. Kabili nga mwabula akaputulwa ukufuma kuli cena no kulolekesha pali cena, owe, cilemoneka icakutinya, cimoneka kwati ma kumbi ayabukali ukulaisankanya limo ne libiye, nga filya, ilyo, ama lubuuto yalesanika pali cena. Cimoneka kwati amakumbi yaleenda, nge fyo icikope capangwa ukulangisha ama lubuuto, cilacilenga cena ukumoneka kwati cipupu icikali cileisa kukonaula ifintu fyonse. Kabili lyena balamweba kuli katungulula, “Palamineni mupepi, kabili twalilileni fye ukulolekesha lyena.” **Kabili ilyo mwapalama nganshi kuli cena, tacaba makumbi, caba amapindo yaba Malaika ukupupila pamo, ukusangalala. Caba mapalo aylabelama.**

Nalimo ubulwele bwenu, nalimo ukuipela kwenu ukwisa kuno, **cili fye amapalo mukubelama.** Ba Malaika bakwa Lesa bali muno mwine ukulundinkanya amapindo yabo pamo no kusangalala, pa mulandu cali lembwa mu Malembo, ukutila, “Ba Malaika ku mulu balasangalala ilyo umubembu umo alapila.” Tontonkanyeni pali cilya. Pantu EFYO ASOSA SHIKULU, Yesu Kristu aba cimo cine mailo, ilelo, no muyayaya (*Abahebere 13:8*). Ukusenamina kwakwe teti tukupwishe. **Kabili Ena alafwaya ukupela kuli imwe icintu icili conse umutima wenu ukabilapo.**

[14]

Lelo, nangu cibe fyo, ilyo icikope calengwa, **cilingile intanshi ukupita mu cikulwa ca bakasusha ilyo tacilaya mu cikulwa ca fya lumbukwa.** Kabili ifyo caba icikope icayemba cilya cili ica Lukuta. **Ilyo Lukuta talulati Lusendwe no kubikwa mu cikulwa ca fya lumbukwa, lulepita muno mu cikulwa ca ba kasusha.** “Bonse abekala ababulesa muli Kristu Yesu bakapakaswa.” (*11 Timoti 3:12*). Lulingile ukupita mukususishiwa: **ukwabula ukwebaulwa, takuli ubukata.** [15]

Mulingile mwakwata icintu cimo ica kucita. Lesa nakwata icintu cimo ico imwe mulingile ukucita. Imwe kuti mwakwata ukukalipwa kwa mutima na mafya yamo, imwe kuti mwakwata ifya kupapushiwa fimo, lelo bushe tulapepa ukufikana? **Iyo. “Shikulu, mpisheni muli fyena,** fyonse ifyo fyaba. Fyonse ifyo fili, mwileka ine mfibutuke. **Nga fya tantikilwa ine, mpeni fye ukusenamina ukupita muli fyena** (*Amalumbo 34:19*). Epela fye.” [6]

Kabili ngo muntu uwa ili sonde, ku cimonwa, engaba uwashininkisha ukutila ifintu fyonse fyali eshiwe bwino bwino ilyo tafilabikwa mu bulalo pa mulandu wa misango yakwe, kabili pa mulandu we shina lyakwe, cipulemo ifyo Shifwe uwa mu mulu uwapalwa aeseshe Icebo icili conse icatalile ukulandwa, atemwa ukulembwa muli Baibele. Ena aeseshe Icebo conse, kasesema uuli onse. **Kabili umwana uuli onse uwisa kuli Lesa alingile ukweshiwa.** Ifya kubomfya ifyo ifingila muli uyo musebo ukalamba, ilibwe ilili lyonse, icakubomfya conse, **ilyo tacilabikwa mu Mubili wakwa Kristu cilingile ukweshiwa, ukufundwa.** Umwana onse uwisa kuli Lesa alingile intanshi ukweshiwa, tapali ukupatulula, cila umo uwa bena. Onse kasesema ilyo ena talalemba muli ilya Baibele, ena aliyenshiwe na Mupashi wa Mushilo.

Nga filya kakula wa bulalo...Inshiku ishinono ishapitapo nalebelenga ilyashi ifyo ukutula ena alikwete ifintu fyonse ukweshiwa. Ena asendele abalungisha abaishibisha ena engasanga. Ena asendele abaume abaishibisha ababika konkili. Ena asendele abaishibisha abo ena engasanga ukubika capamo abaishibisha abo ena akwete.

Owe, umweo wandi kuti wabilikisha, “Alleluya kuli Lesa,” ilyo natontonkanya ukutula Lesa alabika mu Lukuta Lwakwe ifyawamisha ifyo engasanga. Lesa asenda abana bakwe no kubesha no kwesha kwa koca. **Lyena Ena alababika mu Mubili wakwa Kristu pantu bena balyeshiwa (1 Abena Korinti 12:13).** Balacetekela. Bena balipita mu **mesho**. Bena balikwete **ukwishiba**. Ni nte Shakwe, kabili balishiba ico balelandapo. **Te tontonkanyo fye ilya masambililo, lelo bali fyalwa libili ku Mupashi wa Mushilo uwawama (Yohane 1:12-13), kabili inshita iyaeshiwa no kweshiwa, mpaka imyeo yabo yalibikwa nge libwe lya kosa ku Kalbale.**

Ee, bena balyeshiwa ne nshita. Bena ni nte sha maka Yakwe. kabili ukupitila muli cilya, **Lesa alekula ubulalo ukufuma pe sonde ukulola ku bukata**, pakutula umuntu uleenda pa nkasa kuti aisa mu musebo ukalamba, ukwikala panshi pe samba lya cimuti ku kutalala kwa kasuba ku fya kubomfya ifya eshiwa ku nshita, abo abasenda Lesa pa Cebo Cakwe. **Te mulandu ifyo fishibilo fili, amafya, filya tafiminina mu nshila. Lesa alakwata ifyakubomfya ifya eshiwa ne nshita nge nte, kabili ena alabika cena.**

Kabili uyu mukalamba uwakulile ubulalo, ilyo mukulekelesha ulyo ulenga aiminine mu mbali, kabili atile kuli kakula, abengi bakasusha, “Tabwakatale iminina.”

E ico eflyo basosa ukutula Ulukuta talwakatale ima. E fyo basosa ukutula inshiku sha fipesha mano shalipita. E ico, bushe tabasosa ukutula bukapapa bwa nshita yakale teti butumfwise bwino nakabili.

Lelo, owe, ilyo uyu umwaume abikile fyonse filye fyakubomfya capamo, aliimbawile; aishile senda ifyakwimbilako, kabili ena aimbawile ukufumya ilye misensenga umo yalesangwa. Ena aile panshi, panshi, panshi ama feet imyanda pesamba ya menshi, mpaka ena aimbawile ilye minsesenga iibisha ukuifumyamo, mpaka abikile iyi konkiliti mukati ka cilibwe pe samba pali bembwa. Owe, cali umutengo, ee. Kabili icili conse icili icalinga ukucikwata, calikwata umutengo ukubikwa kuli cena. Ifyo lyaba ilikalamba ili pusukilo, ifyo waba umutengo uukalamba.

Lelo mukulekelesha aishile fika panshi pa musensenga uwibisha. **Kabili Lesa alisenda Abenakristu no ku besha bena, kabili no ku besha bena, Ena ali bapukwite, no kubapukuta, no kubapukuta mpaka**

mukulekelesha bumo muli ishi nshiku Ena akeka ku cilibwe icakosa. Bamo abaume basenda fye uku ukunono ukwanakuka ukwishiba ukwa kuposhanya ku minwe, no kuilunda ku lukutu, no kusanswa inshita inono, atemwa uku batishiwa, atemwa icintu cimo. Kabili alasamba imisensenga yonse iibisha ukuitalusha mpaka ena aikashiwa mu Cilibwe, Kristu Yesu. Fyonse ifiwa ificushe teti fimuseshe wene. [16]

Nomba, Lesa tatunka abantu, lelo Lesa alesha abantu, ukubesha bena (*Yakobo 1:13-15*). **Lesa teti atunke imwe, lelo Lesa kuti aesha imwe.** Kabili umwana onse uwisa kuli Lesa alingile ukweshiwa atemwa umwana uwa sambilishiwa **ilyo ena engaba umwana.** Kabili nga ifwe teti tushipikishe ukufundwa, Baibele itila ifwe tuba abana ba mucani kabili te bana bakwa Lesa, **pantu umwana wakwa Lesa afyalwa kuli Lesa, kabili ena akeminina ukweshiwa ukuli konse, inshita ili yonse, pa filecitika ifili fyonse, umwana uyo uwafyalwa kuli Lesa. Uyo ufyalwa kuli Lesa, tacita lubembu** (*1 Yohane 3:9*). [17]

Umwakumona:

- [1] “Ukukoselesha Kwa Kundapa Kwa Bulesa” (51-0501), par. E11
- [2] “Icakupapusha” (56-0129), par. E9
- [3] “Amenshi Ayafuma Lyonse Ku Cilibwe” (61-0723M), par. 68-69
- [4] “Uwapula pali Solomoni Ali Pano” (62-0725), par.E30
- [5] “Inkombe Ya Cungulo Bushiku” (63-0116), par. 50
- [6] “Abacetekela Imisango Itatu” (63-1124E), par. 100-104,118
- [7] “Umutende” (64-0119), par. 237-238
- [8] “Inshita ya Lukuta Lwa Laodikea” Church Age Book Pg. 354
- [9] “Ukukwata Impongolo Ya Mulwani” (59-1108), par.32,35
- [10] “Ukutendeka Kabili Nokupwisha Ubupyungishi Bwa Benafyalo” (55-0109E), par. E9
- [11] “Umwaka Wakusangalala” (54-1003e), par. 35-38
- [12] “Inshita Ya Lukuta Lwa Smyrna” Church Age Book Pg.118
- [13] “Imbila Ya Kusenamina” (61-0827), par. 130
- [14] “Eliya Ne Cakuninika Ica Bunga” (60-0310), par. 103-104
- [15] “Moneni Ninjiminina pa Mwinshi Ndekunkusha” (58-0617), par. E-30
- [16] “Cetekeleni Ukufuma mu Mutima” (57-0623), par. 22-25
- [17] “Lesa mu Cebo Cakwe” (57-0323), par. E14

Ilibwe Ilyakukulilako Ilya Bumupashi No.21

Lesali Kunuma Ya Kusela Konse

Abena Roma 8:28-30, “Awe twaishibo kuti abatemwa Lesa abaitwo mwabela ukupanga kwakwe, ifintu fyonse fibombelako capamo ku kuletako ubusuma. Pa kuti abo aishibile libela, no kulinga abalingile libela ukuti bakabe abapalana ne cipasho ca Mwana wakwe, ukuti wene akabe beli muli ba munyina abengi. Na abo alingile libela, bena abetile no kwita: na abo aitile, bene abalungamike no kulungamika; na abo alungamike, bene abacindamike.”

Lesali alikwata inshita no mulandu uwa ilya nshita ku kufikilisha umulimo Wakwe onse. Lesali aliishibe filya fine fye ifyo Ena ali no kucita. Ifwe tatwaishiba. Ifwe tulingile ukupokelela fye Cena ilyo Ena alepela Cena kuli ifwe. Lelo Ena aliishiba, kabili takwakabe nangu cimo icikalubana ne fyo **Ena apanga ukucita.** Cena conse cilingile ukwisa. **Kulingile kwaba inshita shimo isha kalabana kabili ifintu ifyakosa kukuleta fye icifyalilwa icituntulu ica cine icacipe** (*Abena Korinti 4:7-15; Lukalamilandu 3:1-8,11,14-15*).

Namwishiba, imfula ila fyalwa mu kubilima, ukukalabana, ukubyasha kwa nkuba, imyulu ya fibulumo. Kabili **nga tatwakwete imfula, ifwe teti tube no bumi.** Lelo mulemona ico icicitika ku kuleta imfula? Ukubulukuta, inkuba, ukubyasha, ubukali; kabili ukufuma mulya imfula ilela.

Imbuto ilingile ukufwa, ukubola, ukonaika, ukununka, no kubwelelamo ku lukungu lwe sonde pakutula ingaleti ubumi bupya.

Cisenda ukupumaula kwa golide, ukupilibulwa libili libili, uku no ku, no kupumaulwa mpaka fyonse ifiko fyafumishiwako kuli yena. Te pa mulandu wakutula ilabeka, pa mulandu ilibwe ilitwa ironi pyrite, ico caishibikwa nga golide iitumpika, ibengeshima nga golide iya cine; lelo imwe mukabike yonse yabili pamo...Mukaibike ku lubali lumu, imwe teti mulande ubupusano nangu panono; lelo yabikeni pamo, imwe tekuti muyeshibe ukuyapatulanya; lelo yabikeni pamo, imwe kuti mwaishiba cena. **Kabili upumaula lyonse alingile ukupumaula mpaka amona icipasho cakwe umwine ukumonekela muli golide** (*1 Petro 1:6-7*).

Kabili Lesali alabika inshita kabili alikwata ipange pa cintu icili conse ico Ena acita. Takwaba icintu icicitika fye mu kupumikisha kuli abo abatemwa Shikulu kabili baliitwa ukulingana no bwite Bwakwe.

Mwamona, ifwe twalilingilwa libela (Abena Efese 1:3-6). Kabili ifintu fyonse fibombelako kubusuma kuli cilya; pantu Ena teti abepe, kabili Ena asosele ukutula cali ifyo, ukutula ifintu fyonse fyalikwata inshita ya fyena, inshita iiyene ya fiko, kabili fyali kwata inshila ya fyena; kabili Lesa aba kunuma ya kusela konse (Amalumbo 135:6). Kabili inshita shimo mutontonkanya ifintu fyonse tafileenda bwino. Cili kuli ifwe. Filya fintu fyabikwa pali ifwe, amesho no kulanguluka; caba ukweshiwa ukumona ifyo tuli no kucita pa cicitilwe. (1 Petro 4:12-16). [1]

Ulu lukuta lwabikilwe pano pe pange. **Kwaba umupashi kunuma ya ulu lukuta.** Mucine. Umupashi kunuma ya ng'anda yenu, kunuma ya cikulwa icili conse. **Kunuma ya cintu icili conse kwaba umupashi, amapange, ne fyakucita.** Ulu Lukuta lwisa kuno kukusansabika nganshi imibombeke ya muntu atemwa icintu cimo, lyena amapange ya lwena tayali ayalungama; lelo nga lwabikwa pano **ukwesha ukubombela icintu cimo ca ku Bufumu bwakwa Lesa, lyena amapange ne fyakucita, fyonse fibili, nafilungama,** nga cakutula amapange ya tungululwa ulya musango.

Kwabako iciputulwa ca Cebo icabikilwa kuli cila nshita. Kabili kwaba ukusubwa uko kwisa, uko ukulangisha cilye ciputulwa ca Cebo ca ilya nshita. Kabili mulemona apo tubelele ilelo. Belengeni ico tulingile ukulacita, lyena muli no kwishiba apo tubelele. **Ndemona fye icintu cimo icishele, Ukwisa kwa kwa Shikulwifwe Yesu, pa nshita iili yonse, ukusendwa kwa Lukuta, kabili tulingile uku kumanya Wene mulwelele.** Nomba ifi fintu filingile ukufikilishiwa muli ishi nshiku, nge fyo Ena alaile ukutula Ena akacita cena. [2]

Ee, nalicetekela Icebo cakwa Lesa cisambilisha ukundapwa kwa mubili no mweo. Te ico fye ceka, lelo Lesa ala shininkisha Icebo ne fishibilo ne fipapwa ukukonka. Nalasumina ukutula **Lesa asuminisha Satana inshita shimo ukutufopaula (Abahebere 12:5-11); cilya cishinka. Lelo ilyo kulya kufopaulwa kwapwa, mwe mulabwela kuli Lesa, Lesa Shinwe ali no kumundapa.** Kabili cilya cishinka. [3]

Ukwishiba kwa Mwinakristu kwashintilila umupwilapo na fyonse pa kutusha. (Abahebere 4:1-3) “Iseni kuli Ine bonse mwe bacucutika kabili abafininwa, na ine nalamupelo kutusha.” (Mateo 11: 25-30). Ifwe tulasunkanishiwa ne fintu fili fyonse mpaka mwaisa kuli Kristu, **lyena fyonse fyapwishiwa. Ukutusha muli Kristu, mu kupwilika.** Te mulandu

ifyo ifiisa atemwa ifileya, **takuli cintu icinga tukumya ukwabula cena ukwisa pali kacema. Ena alingile ukusuminisha cena.**

Baibele itila, “*Ifintu fyonse fibomba ku kuletako ubusuma kuli abo abatemwa Shikulu.*” Cilingile caisa pali Kacema intanshi. Atile, “*Ndi mwinshi*” (Yohane 10:1-5). “*Takuli umuntu uwingengilamo ukwabula ine ukusumina cena*” (Yohane 6:44). **Lekeni mwebe ukutula ilyo Lesa asuminisha icintu icili conse, cilebomba ku busuma bwenu. E fyo no bulwele bwingaba icintu cimo cine? Mucine, pakutula Lesa enga mundapa ukulangisha ubunte ubukalamba, ukumupela icintu cimo icinono ukwendelako. “Ifintu fyonse fibomba ku kuletako ubusuma” (Abena Roma 8:28-30).**^[4]

Takuli icinga mucena, takuli nangu cimo icingesa kuli imwe kano Lesa asuminisha cena.^[5]

Les, ilyo Les aisa mu muntu, atemwa ku bantu, mu kati ka lukuta, mu mwaume atemwa umwanakashi, Ena alashininkisha Umulola Wakwe. Les alashininkisha ukutula Ena epo ali. Cinshi, ilyo Les aisa, ifishibilo fya kupapusha filatendeka ukumoneka. Uyu muntu esa mukuba umuntu uwa pilibulwa. Bena tabali nakabili umusango babelelemo. Umwensho no kutwishika na fiya, ukumfwo bubi. Baba bakosa, abatekanya; aba mweo nangu ukufwa, ni Kristu (Abena Roma 14:8). Bena tabasakama icileisa atemwa icileya, tapali nangu cimo icibasunkanya. Bena baya pantanshi.^[6]

Caba muli yalya ama ora ayakalabana ayatubika kuli ilye imisesenga ya bukata. Efyo cali muli Baibele. Kabili ibukisheni, **te mulandu ifyo ubukalamba ubwafya buli, satana teti afumyepo ubumi bwenu mpaka Lesa apwisha na imwe. Takuli icinga citika na imwe kano Lesa asuminisha cena. Tapali ububi ubwingesa kano fye Lesa asuminisha bwena.** Kabili cena ca kubusuma bwenu Ena alebomba cilya.

Lekeni tutontonkanye, kulya ilyo ilyeshi lyaishile ku konaula isonde, tekuti lyonaule Noah. Noah teti onaulwe, pa mulandu Lesa alikwete umulimo uwakuti abombe.^[7]

Nomba, uyu muntu ipomfu alikele kulya, kabili Yesu na basambi Bakwe balishile, kabili ndetontonkanya Yesu abapele isambililo ilinono pano. Ilyo bamwene uyu umubusu, umwaume impofu, bena batontonkenye, “Cisuma, nomba mucine, kuli ko ulubembu kunuma ya cilya pa cifulo cimo.” **Ilyo twamona icintu cimo cacitika ku muntu, ifwe lyonse tulasosa, “cisuma, ena alibembuka; ena ali fuma ku bufwayo bakwa Shikulu pa cifulo**

cimo.” Ilyo munyina Crase ampunkile ku mulongoti, ena alifuma mu bufwayo bwa kwa Shikulu pa cifulo cimo. Mwi tontonkanyo lya muntu umo. Ilyo imfuti yampolekele, “Cisuma, ena ali kunse ka bufwayo bwa kwa Shikulu.” Munyina Naville alipunkisha motoka. “Ena ali kunse kabufwayo bwakwa Shikulu.” Cilya te cishinka iyo. Iyo, mukwai, cena tacili. **Lesa alasuminisha filya fintu** (*Amapinda 16:4*). [8]

Lelo inshita shimo Lesa alabika ubucushi pali ifwe ukuleka ifwe twishibe ukutila Ena acili ni Kateka wa bumi bwesu. Kabili twaba fye pano pa mulandu Ena asuminisha ifwe ukuba pano, kabili caba ukusenamina Kwakwe ukutila tube pano. **Kabili tulingile ukubombela Wene** (*Yoshua 24:15*). [9]

Kabili ku kabanga, ifyo basunga impanga shabo, kacema alashiletamo ubushiku, kabili ena alashipenda shena cila imo ukumona nga shonse emo shili. Nga kuliko imo ilubile, ena talala mpaka alaya mu ciswebebe, atemwa konse uko acila cemena akasuba konse, kabili ali no kusanga ilye mpaanga, no kuibika pa mapeya yakwe, no kuileta mukati. Kabili ilyo shonse shili mwincika, lyena kacema alalala pakati, **ena mwinshi kwicinka lya mpaanga** (*Yohane 10:1-10*). Takwaba inshila na imbi; lyena licinka, lyailikwata umutenge pali lyena. **Kabili takuli nangu cimo icingesa muli shilye mpaanga mpaka shaciluka ulya kacema.**

Kabili ifyo caba ubwa fwilisho, ifyo caba icintu icawama ku kwishiba, ukutila ilyo twabikwa mu kusakamana Kwakwe ukwapalwa, **Ena esa mukuba Umwinshi, kabili takuli nangu cimo icinga citika kuli imwe. Te mulandu ifyo cili, fyonse filingile ukupitila pali kacema. Nga bulwele, kuti bwaba ubwa ku mulungamikilako. Kuti bwaba ubunte ubwa kushinina umulwani. Kuti bwaba ubwa kusansabika Ishina lya kwa Yesu. Lelo takuli nangu cimo icingesa kano ena asuminisha cena ukwisa.** Ena Mwinshi kwi cinka lya mpaanga.

Fyonse ifiisa kuli Wene ukwesha ukumikata, ukwesha ukumisenda imwe, ukwesha ukumisenda ukumifumya mwi cinka Lyakwe, bapupu, aba bifi...lelo teti bamikate. Takuli icinga mucusha ilyo muli mwi cinka lya mpaanga lya kwa Lesa. Pantu Ena Mwinshi Umwine, kabili takwaba inshila imbi. Ifintu fyonse filingile ukusuminishiwa na Wene (*11 Abena Korinti 4:15*). [10]

Takuli nangu cimo icinga bacusha balya abanono. Wene ali nokumona kuli cena. Takuli nangu cimo cilingile uku mucusha. Mwilaumfwa umwenso ukusenda Lesa pa cebo Cakwe. **Ikaleni fye no kukwata icitetekelo no kucetekela.** Ena alelolesha pali imwe. Ena ali no

konaula icili conse icili no kwesha ukucusha imwe. Owe, limbi kuti ca puma pali imwe. **Lelo teti cimucene.**

Pantu ifintu fyonse, Ena alasuminisha cena. Teti cibe cintu nangu cimbi, pantu cibomba ku kuletako ubusuma kuli abo abatemwa Shikulu. Takuli icibi icingesa pali imwe. [11]

Lesa alaleta ukupusana mu lukuta, “pantu umwana onse uwisa kuli Lesa alingile ukweshiwa, no kushininkisha, no kweshiwa (*Abahebere 12:4-11*). Ena aleka ubulwele ukumwikata. **Ena alaleka amalwele ukwisa pali imwe ukwesha imwe no ku shininkisha imwe, ukulangisha isonde ukutila muli icine cine uwa bufyashi bwakwa Abrahamu.** Ena alasuminisha Cena ku bufwayo Bwakwe umwine. Ena alasuminisha ifinkunka; Ena alasuminisha ifibusa ukumusangukila. Ena alasuminisha fyonse ifi fintu, kabili alakakulula ciwa ku kumweshwa, kabili ena akacita fyonse kano ukusenda ubumi bweni. Ena kuti amubika pa busanshi bwa bucushi; ena kuti alenga abena mupalamano ukumusangukila; ena kuti alenga ulukuta ukumusangukila; ena kuti acita mupepi icili conse, kabili cena bufwayo bwa kwa Lesa ukucicita. Twalisambilishiwa ukutila kwaliwamisha ukucila golide kuli ifwe (*1 Petro1:3-9*). [12]

Inshita shimo mulasosa, “Cinshi ndwalila?” **Cena limbi kuti caba ca kubukata Bwakwe.**

Inshita imo ilyo balepisha umwaume impofu, abasambi batile, “Nani uwa bembwike, uyu mwaume atemwa abafyashi bakwe?” (*Yohane 9:1-41*). Kabili Yesu atile, “Muli ili lyashi tacili alibembwike, ena napamo abafyashi bakwe, **lelo ukutila imilimo ya kwa Lesa inga lengwo ukumonekela.**” [10]

Bushe tacaba iceni ifyo Lesa aleka abana Bakwe ukuya fye kulya kuli ilya inshita iya kulekelesha? Owe, **inshita shimo ena alasuminisha cilya ukumona ifyo imwe mwalacita.** Baibele itila, “nga ifwe teti tushipikishe ukufundwa kwa kwa Lesa, lyena ifwe tuli ba mucani kabili tatuli bana bakwa Lesa.” Ifwe twalifyalwa ku Mupashi wakwa Lesa. Icitetekelo cesu muli Lesa cilekatilila pa Cebo Cakwe, cilekala ku Cebo Cakwe, kabili kulya cena cilekatilila. [13]

Kabili ilyo muntu atendeka ukumusenteka imwe, ukusosa, “Wene wamimonekele ya kale. Lolekesheni pali ena, ena ali ... Owe, ndekweba, ena alipo...” **cisuma, ibukisheni fye, fyena fyakukalipwa fya kukula.**

Kulya e kulya ukupakaswa ukwaba ukusuma kuli imwe. Fyena fyakukalipwa ifya kukula.

Owe, ee, Ena alasuminisha ifya kucilinganya na macushi na mafya. Ena lyonse alacita cilya, pakutila enga tulenga ukuba abapwililika ku mulimo Wakwe. Ena alasuminisha filya fintu ukucitika. Bushe tamuleiluka cilya? **Ena alacita cilya pakutila Ena enga mulenga ukuba abapwililika kubwite Ena amwitilako. Filya fyakukalipwa fya kukula kwenu.** Ena alicitile Dainiele ulya musango, namwishiba.

Ena acitile abana ba ci Hebere, mwilungu lya mulilo (*Daniele 3*). Ni cinshi ico ilungu lya mulilo lya citile? Ilungu lya mulilo lya onawile fye imyando isho isha bakakile. Cilya fye ceka eco ilungu lya mulilo lya citile, lyaocele fye ukukakulula imyando. ^[14]

Kabili inshita shimo cisenda amesho aya kosa ukuputaula imyando ishe sonde ukufuma kuli ifwe (1 Petro 4:1-2). Inshita shimo Lesa alaleka ifwe ukukwata ukweshiwa ukunono (1 Abena Korinti 10:12-13), namwishiba, ukumona ifyo ifwe twalacita, ukumufumya imwe ukufuma mwi sonde. Atemwa, mu mashiwi yambi, lekeni imwe mukwate ukweshiwa ukunono no kufumya imwe ukufuma muli kalya ka bungwe, kabili lilye tontonkanyo ukutula “ba Methodist ebaba fye beka, ba Baptist, atemwa ba Pentecostal, atemwa lilya e bumba fye lyeka bakwata. Nga imwe tamulecetekela cena nge fyo lukuta lwandi lwa cetekela cena, imwe mwicetekela na kalya.” Inshita shimo Ena alaleka ubwesho ubunono ukucitika. Nalimo namukwata umwana umulwele. Nalimo icintu cimo cila citika lilya line pa nshita ya kufwa. Nalimo umo umuntu afumishiwa kuli imwe, atemwa icintu cimo. Ni finshi ifyo cili no kucita? **Ukumutalushako imwe, ukulangisha imwe icintu cimo, ukwisula Ameniso yenu.** Nalimo imwe mwaisa mukwebaula, inshita shimo. Nalimo Lesa alecita cilya ukuputaulako imo imyando iye sonde iyo iya mikakila panshi.

Ngo mwaume ulenwena mu mumana, **imwe mulingile mwasenda umwaume ukufuma mu mumana ilyo imwe tamulafumya umumana ukufuma mu mwaume.** Cilya cishinka. Imwe mulingile ukufumya wene mu mumana intanshi, lyena imwe fumyeni umumana muli wene. Inshita shimo Lesa alingile ukucitica ulya musango. **Ena asuminisha amacushi, na mafya ukucita cilya.** Iminineni pa mabulayo Yakwe, Icebo, pantu yena tayatala filwapo. Kuntanshi, ukuli mukuboko Kwakwe. Iminineni nge fyo bacitile, mwilekelako (*Yobo 23:14*). ^[15]

Lolekesheni kuli Yobo, uwapwililika, umuntu umulungami. Kabili Lesa asuminishe ciwa umubi ukwisa pali wene, **no ku mufopaula, ne fintu fyonse ifya shala pa kuwaminisha kwa mupashi wakwe. Lesa abomfya imipashi ibifi inshita ishingi ukubomba ipange Lyakwe no bufwayo Bwakwe** (*Amalumbo 105:17-19; Amapinda 16:2-4; Yobo 1:6-22; 2:1-10*).

[16]

Lelo, kabili nga abantu teti bende mu bufwayo Bwakwe ubwapwililika, **Ena alakwata ubufwayo ubushili ubwapwililika Ena akamulenga imwe ukwendamo. Moneni, Ena alasuminisha cena, cisuma, lelo Ena ali no kulenga cena ukubomba ku bukata Bwakwe, mu bufwayo Bwakwe ubwapwililika.**

Nga filya, mu kutendeka, tacali bufwayo Bwakwe ubwapwililika abana ukufyalwa pe sonde ukupitila mu kukumana (*Ukutendeka 1:26-28*). Iyo, mukwai. Lesa alengele umuntu ukufuma mu lukungu lwa mu mushili, no kuputilamo umupu wa mweo muli wene, kabili aishileba icibumbwa ca mweo. Ena asendele ukufuma kuli ulyo mwaume uwa ku mwafwa, no ku mucitila umukashi wakwe. Bulya bwali bufwayo bwakwa Lesa ubwa kubalilapo kabili ubwa ntendekelo. Lelo ilyo ulubembu lwaishilemo no kucita icintu lwacitile, lyena Ena asuminishe umwaume ukuupa umukashi, mwi funde, no kukwata abana kuli wene. “Sandeni no kwisusha isonde, lyena, nga ulya e musango uli no kucicitilamo.” **Lelo, mulemona, tacatalile ukuba ubufwayo Bwakwe ubwa pwililika.**

Lesa asuminishe Israel ukusenda amalango, mu Kufuma icipandwa ca 19. Ilyo ukusenamina kwa bapele kale Kasesema, Ntumba ya Mulilo, umwana wa mpanga uwakuninika, amaka aya kupokololwa, lelo balilile amalango. Cena tacali ubufwayo bakwa Lesa, yena yalibikilwemo pa mulandu umuntu aleyafwaya. Kabili bali tipilwe ku malango yene ayo balefwaya.

Cali wamisha ukukwata ubufwayo bwakwa Lesa. Cilya eco Ena atusambilishe. “*Ubufwayo bwenu bucitwe. Ubufumu Bwenu bwise. Ubufwayo bwenu bucitwe.*” (*Mateo 6:9-15*) **ifwe tulingile ukuipela fwebene ku bufwayo bwakwe na ku Cebo Cakwe.** Mwii pusha cena bafwaya ukupita mumbali, ukusenda inshila imbi. Kabili ilyo mwacita, mulaisanga mwebene ukutwalila ukulaya, **muli no kusanga Lesa ukumupala, kabili mulebomba mu bufwayo Bwakwe ubushaba ubwa pwililika kabili te bufwayo Bwakwe ubwa pwililika, ubufwayo bwa Bulesa.**

Ena alasuminisha cena, nge fyo nasosele, lelo Ena takaleke cena ukuba ubufwayo Bwakwe ubwapwililika; **lelo Ena ali no kulenga cena ukubomba ku kucindika no kupala ubufwayo Bwakwe ubwapwililika.** Kabili ukufyala abana mu kukumana ni bumo ubwa cilya. [17]

E ico, ifwe mucine twacetekela ukutla Lesa tapilibula amano Yakwe pa fintu Ena asosa. Ena lyonse alasunga Cena ukube cishinka.

Lelo Ena alikwata **ubufwayo ubusha pwililika. Nomba, kulya, uko ubwafya bwa bela. Ifwe tuleesha ukubombela mu bufwayo bwa kwa Lesa ubusha pwililika, kabili Ena ali no kusuminisha cena.** Lelo na cimbi nga twasenda ubufwayo Bwakwe ubusha pwililika, nangula tabuli bwino, Ena ali no kulenga ubufwayo Bwakwe ubusha pwililika ukubomba, capamo, **ukucindika ubufwayo Bwakwe ubwa pwililika.**

Lelo, mulemona, **Lesu, Umupashi ukalamba, Tata (Yohane 4:24), muli wene mwali imibele,** kabili ifi fintu ifyo mulemona ukulangishiwa nomba fyaba fye imibele Yakwe ukulangishiwa. Ena aikele eka, Ena tali nakuba ni Lesa; Lesa ali cibumbwa icakupapa. **Ena ali Umukalamba umo Uwa Muyayaya.** Kabili muli Wene mwali imibele, iyapala ngo kuba Tata, ukuba Kapususha, ukuba Kondapa. Kabili nomba, musangonshi Ena engaba intanshi...Ena ali nokuba Tata, pa mulandu cile shininkisha ukutla Ena ali Tata, lelo Ena ekala eka. Ena fye eka teti afwe. Kabili, nomba, lelo imibele yakwe ilingile ukulangishiwa.

Nomba, **ukuba Kapususha, kulingile kwaba icintu cimo ukuluba.** Kabili Lesa teti umufulo alufye icintu icili conse kabili lyena ukulubula cena. Teti ciwame ku mushilo Bwakwe kabili no bupingushi Bwakwe ubukalamba. **Lelo Ena abikile umuntu pa kuifwaila umwine, ukwishiba ukutla umuntu akawa.** Kabili muli cilya, lyena, **Ena aishileba umuntu, Umwine, pakutla engalubula umuntu uyo uwawile.** Ulya e mulandu wine Yesu ali ni Immanuel (*Mateo 1:21-23*). **Nga Lesa ali tumine umuntu umbi kunse ka Ena, lyena cilya teti cibe icalungama. Lesa alingile ukwisa Umwine no kusenda icifulo.** Kabili Lesa teti eke mu Mupashi no kusenda icifulo, Ena alingile ukulengwo umubili, mu mubili wa Mwana Wakwe Wine uwalengelwe (*1 Timoti 3:16; Abena Phillip 2:5-11*).

Kabili Ena alilangishe pano, mu kutendeka, ukutla ubufwayo Bwakwe ubwa pwililika bwali ukulenga umuntu ukufuma ku lukungu lwa mu mushili. Lelo, mulemona, Ena asuminishe ukukumana ukwisamo. Ena tatalile fwaya abana ukufyalwa mu kukumana, lelo kwalisuminishiwe, ico icili nomba line no kufumishiwapo. [18]

Umwakumona:

[1] “Ukusebana Pa Mulandu Wa Cebo” (62-1223), par. 77-81

- [2] “Ubunte” (63-1128M), par. 26-29
- [3] “Ukwishiba” (52-0726), par. 5
- [4] “Isenge” (56-0212), par. E31
- [5] “Ukupwililika kwa Cebo Cakwa Lesa Icalandwa” (56-0404),
par.E35
- [6] “Cinshi Ulelila, Sosa” (59-1004E), Par. E-15
- [7] “Naliishiba” (60-0417S), par. 36
- [8] “Ukusenda Ulubali Na Yesu” (62-0601), COD pg. 775, par.151
- [9] “Ilembo Pa Cibumba” (56-0902), par. E32
- [10] “Kacema Musuma Wa Mpaanga” (57-0308), par. E11-E12
- [11] “Umfwa Ishiwi Lyakwe” (58-1005M), par. E79
- [12] “Ukukwata Impongolo Sha Mulwani” (59-1108), par. 35
- [13] “Ube Uwa Shininkisha Pali Lesa” (59-0708E), par. E28
- [14] “Umutende” (64-0119), par. 180-182
- [15] “Umutende” (64-0112), par. 227-228
- [16] “Amepusho Na Masuko Pa Mupashi wa Mushilo” (59-1219),
COD pg.432, par. 104
- [17] “Bushe Lesa Alitala Ukupilibula Amano Yakwe Pa Cebo Cakwe”
(65-0418E), par. 92-98
- [18] “Bushe Lesa Alitala Pilibula Amano Yakwe” (65-0427), par. 45-
51

Tuli Umukashi Wakwa Kristu, Ukuleta Abana

Abena Roma 7:4, “Ifyo fine, naimwe mwe bamunyanane, umubili uwatanikwe uwa kwa Kristu wa mulengele abafwa lubali ku malango; ukuti mube baumbi uwa uyo uwabushiwe ku bafwa, ukuti tutwale ifisabo fya kwa Lesa.”

Ifwe tatwakobekelwa fye, **lelo twali upwa. Ulukuta lwali upwa kuli Kristu. Ifwe tuli Umukashi wakwa Kristu, ukuleta abana.** ^[1]

Shimapepo mukalamba abulile Umulopa ku cipuna ca luse (*Aba Hebere 9:5-14*). Kabili Ena fye, eka, kuti aingilamo umuku umo pa mwaka. Lelo ilyo Yesu afwile, pa bushiku ubwa ku konsolwela, Ena alepwile icipembe pa bili. Tacali shimapepo mukalamba eka, lelo uyo onse ulefwaya kuti aisa inshita ili yonse **mukati ka Bukata bwa Shekina ubwa kwa Lesa ku Lubatisho lwa Mupashi wa Mushilo, mwi senge lya cine lya Pentecostal (Ameni), mukati ka ncende mu Mulola wakwa Lesa,** umo amaka ya kwa Lesa yatusangulula ukufuma ku kuulungana konse. Tulesa mukuba **ifibumbwa ifipya muli Kristu Yesu (11 Abena Korinti 5:17). Mupashi wa Mushilo uwila pali ifwe** kabili no kufilwa kwesu konse no kusekwa, tulesa mukuba mwisenge na Lesa. Bushe Ulukuka te Nabwinga? **Cisuma, bushe Nabwinga talingile ukuleta abana ukubilikisha, “Abba, Tata”?** (*Abena Roma 8:15-17*). Bwafyanshi? **Te cakusunguka te kuti tuiifyale fwebene nakabili, nga ca kutila twa fuma kuli Bulyo Bukata bwa Shekina, ukutalukako ukufuma kulya kabili ukwabula ukwishiba Uo shinwe aba, ta mwaishiba uo nyinemwe aba, ukufuma pe samba lya Mulopa.**

Lelo nomba, Lesa takwata abe shikulu nangu bamo, Lesa akwata fye abana. Umwaume onse, umwanakashi onse, umulumendo onse, abakashana, **balingile bakwata ukwishiba ukwa kwingila mukati ka mwashilisha no kufyalwa cipya cipya (Yohane 3:1-8).** Caba icabipa nganshi ulukuta lwa Pentecostal luleba muli ulyo musango nalo. Natukwata bamo abeshikulu ba Pentecostal. Leken i mwebwe: Lesa takwata nangu umo. Ulukuta lwali kwata

ici, lelo Lesa takwata cena. **Umuntu onse uwisa kuli Lesa alingile ukupitila mu Mulopa.** [2]

Nomba, ulya e musango cabelamo ilelo. **Ifwe tulailumbula ukuba Nabwina wakwa Kristu. Ifwe tulumbula ukuba Nabwina. Kabili nga tuli Nabwina, tulingile ukuleta abana.** Ifwe tatuli na nsoni pa Mbila nsuma (*Marko 8:38*).

Ilyo intanshi naendele pakati ka bantu ba Pentecostal, cali libumba iline line; nalasumina cilya. Lelo kwaba icintu cimo ico namwene; **Bena tabali na nsoni pa cintu ico balelandapo. Bena balibutwiwe uku no ku umwakupita;** balikwete amaka ayo nshatala monapo ukubomba. **Pa mulandu baiingile muli bucibusa na Lesa, kabili balifyelwe cipya cipya,** kabili bali bana baume na bana banakashi bakwa Lesa (*Yohane 1:12-13*). Bena kuti baiminina fye mu musebo no kubilikisha, “Alleluya, Lesa alumbanishiwe!” Bena kuti baende mu musebo uku no ku ukuli konse, ukubilikisha no kulumbanya Lesa; bena tabali nansoni. [3]

Nomba, amaka aya lukuta ulwacetekela; **Kristu ali kwata amaka yonse mu myulu na pesonde. Mulecetekela cilya? Lyena inga cakutula Ena ali muli imwe? Bushe Kristu alikwata amaka yonse?** Mateo 28:18. Cili fye bwino.

Ena ni Mbuto Cebo mu Mubili Wakwe, kabili Ena muli ifwe esa mukuba Icebo Imbuto muli ifwe. Fyonse ifyo Lesa ali, Ena apongolwele muli Kristu, kabili fyonse ifyo Kristu ali, apongolwele mu Lukuta; yalya e maka (*Abena Kolose 1:26-29*).

Nomba, moneni. Ibukisheni **ifunde lya kwa Lesa ilya kufyala.** Nomba, ibukisheni, umusango wa luko. Bushe ico cishinka? **Imbuto yakwa Kristu, Icebo, cilingile ukwishila ukupitila mu mubili Wakwe.** Ndefwaya ukuletamo ici bwino nganshi. **Imbuto yakwa Kristu ilingile ukwishila ukupitila mu Mubili Wakwe,** te kupitila mu cilonganino, **lelo ukupitila mu Mbuto ya Cebo iyafyalwa libili** (*1 Petro 1:22-23*); ilingile ukufuminamo.

Nomba, ibukisheni, cena ni cinshi? **Imbuto yakwa Kristu...Musangonshi imbuto yandi iisa? Ukupitila mu mubili.** Musangonshi imbuto ya cimuti ca mu apele iisa? Ukupitila mu mubili. **Imbuto yaba ukupitila mu mubili, kabili ulukuta e mubili wakwa Kristu, ulukuta lwa Baibele** (*Abena Efese 1:22-23*). Uku kufyalwa kuleta (cilya e ku fyalwa cipya cipya) **Umwine mu mubili, ulukuta Lwakwe e Cebo Cakwe,** pakutula abantu bengamona ukushininkisha ukwa ba *Hebere 13:8*, “*Yesu Kristu aba cimo cine mailo, ilelo, no muyayaya.*”

Nangula Malaika atungulwile Fillipi kuli ena (*Imilimo Ya Batumwa 8:26-40*), **lelo akabulungwa ka Bumi kaishile ukupitila mu mubili**: Filipi. Nikwisa uko akashishi kaishile? Ukupitila muli Malaika? Malaika a mulangishe wene ukwakuya. Malaika ni nkombe; uyu apa umwana. **Filipi alikwete Akashishi, Imbila, Icebo**. Ulya e musango umwana enga fyalwa. Fillip abikile indupi Shakwe pali wene. Fillip ali mubatishe mwi Shina lya kwa Yesu Kristu. **Kulya kwalishile Umupashi wakwa Lesa**. Mucine.

Nomba, akashishi kalingile ukwisa ukufuma mu mubili. Mubili wisa? Umubili wakwa Kristu. Cisuma. Kabili Filipi ali icilundwa ca ulyo Mubili (1 Abena Korinti 12:12-27).

Nomba, umfweni, icintu cimo cine calicitike mu Milimo yaba Batumwa 10:9-48. Petro ali pa muputule wa pa mulu. Malaika amutungulwile ku ng'anda yakwa Korneli, **lelo ni kwi uko Icebo cafumine? Mu mubili**. Malaika aliishile no kutila, “Wisakamana; wiita icili conse ukuba icakowela; kabiye fye; witontonkanya nangu cimo.” Kabili ilyo Petro acili alelanda ifi fyebo, te Malaika, te kadino, ilyo Petro acili alelanda ifi fyebo...Cinshi? **Ena ali umubili. Ena alikwete Icebo. Icebo caliikatilile**. Owe, munyina. Owe, mwe. Malaika atungulwile cena, **lelo Ubumi bwafumine mu mubili wakwa Kristu**.

Paulo mu bulendo Bwakwe ukuya ku Damaseke, icimonwa cali mutungulwile; **lelo Anania alikwete akashishi, alikwete Icebo**. Amenii. Ulya kasesema Anania amwene icimonwa. Kabili atile, “Kabiye kulya lubali no kubika indupi pali wene.”

Atile, “Munyina Saul, Shikulu alimonekela kuli iwe pa musebo ukwisa kuno.” (*Imilimo ya Batumwa 22:1-21*) musangonshi engeshiba? **Ena alikwete Icebo. Icebo cakwa Shikulu caishile kuli kasesema**. Ali seseme, no kuya kulya lubali, kabili atile, “Ena nantuma ine kuno pakutila ninga bika indupi shandi pali iwe, kabili iwe kuti waundapwa no kupokelela Mupashi wa Mushilo, no kupokelela ukumona kobe.” Kabili ifibubi fya fumine mu menso yakwe, kabili aliimine no kubatishiwa **mwi Shina lya kwa Yesu** kabili aile mu kubelenga. Malaika alitungulwile cena. Cilya cishinka. **Lelo Paulo ali na kashishi ka Mbuto. Cisenda Umupashi wa kwa Lesa, Imbuto ukupela Umweo wa Muyayaya**.

Nomba, moneni, ico icacitike kubana bakwa Efa? Nomba nga Lesa alisosele kuli nabwanga wakwa Adamu, “**Fyaleni no kufula pe sonde,**” ulya wali umulimo uwapelwe na Lesa (*Ukutendeka 1:28*); kabili umwanakashi nga ali cicitile, kabili ena nga baliisankenye abene capamo. Lelo ni cinshi icacitike? Ilyo Adamu aiteyenye ukwisa kuli wene, wene alikale na cifyashi. Mulemona. Ico ndepilibula? (*Ukutendeka 3:1-7*).

Nomba, icintu cimo cine nacitika ku lukuta lwa kwa Kristu, **nabwinga wakwa Kristu**. Moneni, muli uyu nabwinga, ni cinshi ico acitile lyena? Umwana wakwe ibeli aliishile; ali umwana wa mucani (*Ukutendeka 4:1*), kabili ena aliswilemo imfwa no kuleta imfwa. Kabili cila umo ukutula lilya ni mfwa. Nomba, mulemona cali no kuba ukukumana. Cinshi ico mu fwila nga tacali ukukumana? Ilyo Lesa apele umulimo ushingonaika...Icebo cakwa Lesa ca muyayaya. Cena teti cifilwe. **Ilyo Ena asosele, “Sandaneni no kwisusha isonde,” lilya lyali lipange lya kwa Lesa ilya muyayaya. Ukuliicita lyena teti ufwe, pantu cena Cebo cakwe. Imwe mulingile ukuba no mweo.** Kabili nga ulyo mwana nga aliletelwe mu kulungama, kulya nga takwatalile ukubako imfwa; **lelo wene talolele.**

Bulya e bwaba ubwafya ilelo. Mufwaya umusango umo uwa ilya micitile yakusekesha no **kubilikisha, ukutoloka, ukulandila mu ndimi**, atemwa icintu cimo, **mucifulo cakulolela Icebo cakwa Lesa icituntulu ukulengwo ukumonekela kuli Nabwinga.** Aba ulyo musango abo abasenda Icebo e Nabwinga uwa cine uwa kwa Lesa, **ukuleta abana.** Bena teti bafwe. **Umwana Nabwinga aleta pa Cebo teti afwe, pantu Cena Cebo.** Amenii. Bushe namumfwe ci? **Ulyo mwana teti afwe pantu ena mwana wa Cebo; ena mwana imbuto; ena mwana wa muyayaya.** Alleluya. [4]

Nomba lolekesheni, mu kusondolwela kwa kulekelesha, lolekesheni, kwaba umo Yesu Kristu, Umwaume umo, Lesa, Immanuele (*Mateo 1:23*). Bushe mulecetekela cilya? Lelo ba membala ba Mukashi Wakwe bengi, mwamona, amakana ukufusha amakana ba makana, **Umukashi wakwe, Nabwinga,** Ulukuta. Muleumfwa nomba?

Ulya e mulandu wine Ena asosele kuli Adamu, ilyo ukukumana takulati kwishibishiwe, “Sandaneni, no kufula pe sonde,” (*Ukutendeka 1:28*), ilyo ena ali acili lilya mu kutendeka, ilyo ena ali fyonse fibili umwaume no mwanakashi mu mwine. Kulya, cilelangisha lyena ukutula Nabwinga alingile ukwisa **ukufuma mu Cebo, ukusandana ukwa bumupashi, ukusandana,** mwamona, isusheni isonde.

Kabili efyo cili no lukuta ulo ululekana ukwimitwa mu nshita iyo nomba tuleikalamo, **ukuleta abana aba ino nshita.** Ifwe tatuli ba Lutheran, ifwe tatuli ba Wesleys, nangula ifwe ukuba ba Pentecostal! **Ifwe tulingile ukuba abana ba ino nshita, ukupitila ukwimitwa ukwa Cebo cakwa Lesa, ukuleta Umwana wa ino nshita, Umwana wa Mbuto.** Amenii. Ndesubila muleiluka.

Ena ali twalilile ukusokolola Icebo Cakwe ku Mubili, no kushininkisha Wene, cimo cine, ku Mwine. **Abana Bakwe batendeke ukuba**

abalemoneka nganshi nga Wene (Abena Efese 5:27), pa mulandu Cena nacikula ukufikapo, atemwa, bena besamukuba abana ba Cebo, te bana ba lukuta. Abana ba Cebo! Kabili Nabwinga akaba umunono Umukashana uwatemwikwa uwa Cebo, uwa bula akalema, tekwikatwamo ku kabungwe aka muntu uuli onse, isambilisho iili lyonse ilya pangwa no muntu.

Ena akaba umupwilapo uwabula akalema, Nabwinga wa Cebo! Amenii kabili Amenii ndesubila muleufwa cilya, uko pa mulabasa. Ena akaba uwaimitwa umwana mwanakashi wakwa Lesa. [5]

Filya ni filya fine fintu Yesu Kristu ali- uwalandwa Umwana uwa muyayaya (Esaya 7:14; Yohane 1:14). Talingile ukufwa, lelo Ena ali cicitile pakutila engalipila imisha (*Abena kolose 2:13-15; 11 Abena Korinti 5:14-15*). Ulya e musango fye weka cingalipilwa. Tapali umbi uwashala uwingacita (*Ukusokolola 5;1-7*); **beni bonse bafyelwe muku kumana ukukonka ciwa, ipange lyakwe.** Muleumfwa ici nombi? Mwamona?

Lelo **umwaume onse**, te mulandu nga cakutila ena ni papa, shimapepo, bishop, fyonse fintu ali, **ena alafwa pa mulandu ena alisankanishiwa.** Cilya ni filya fine. **Ena afyelwe pakati ka kwa Satana na Efa.** Beni kuti baciita icili conse mulefwaya ukucita, cali ni Satana na Efa. **Icebo ca ntendekelo tacakwetepo ica kucita na cena. Icebo ca ntendekelo cali Umweo.** Ena alisankenye Cena kabili cena caletele imfwa. Kabili ilyo ulukuta ilelo abo abaiita abene ba Pentecostal, balaiita abene Baptists, fyonse ifyo balefwaya ukucita, ilyo basankanya ici Cebo ne cisumino, **cilaleta umwana uwafwa.** Kabili ena akwete ubumi muli ena. Ena untu wafwa, kabili abana bakwe bantu bafwa.

Lesa atile, “ndi no kumubika mu busanshi ubwa fye sonde no kwipaya abana bakwe.” (*Ukusokolola 2:22-23*). Lesa efyo asosele mu kusokolola. Nibanga abaishiba cilya cishinka? Ukubika wene mu busanshi bwa fye sonde (palya epo abelele.), no kwipaya abana bakwe, nangula no mulilo. Cinshi icilecitika ku mankumba ayali pakati ka ngano? **Ukocewa (Mateo 13:30).** Owe, imwe teti mulenge Icebo ukubepa. Cena Cishinka. Inshita shimo ifya kulufyanya fyenu, lelo ifwe limbi kuti twalenga Cena icilubo, lelo nga muli no kusunga Cena ukulaya icalungama, Cena cakulaya cimo-fibili, cimo-fibili, cimo-fibili cimo-fibili ukulaya fye. Ukuposela ena mu busanshi wa fye sonde... **Wene teti alete nangu cimo kano abana abafwa.**

Icebo conse icalandwa ica kwa Lesa ni Mbuto. Cilya cishinka. Nalashininkisha cilya muli miniti fye, epo Yesu asosele filya. Icebo conse icalandwa ica kwa Lesa ni Mbuto. Lyena kano fye umuntu afyalwa libili,

mulandunshi alingile ukufyalwa libili? Ena untu wafwa mu mibele abelelemo. **Ena alisankanishiwa. Ena alingile ukufyalwa libili** (Yohane 3:3-8). Mulandunshi? Ena afyalilwe mu lubembu ukufuma mu lubembu lwa kwa Efa, ukupangwa mu mampulu (Esaya 64:6), ukwisa pe sonde ukubepa ubufi (Abena Roma 3:4). **Ena wa bufi icakubalilapo.** Te mulandu ifyo acenjela, asambilila, fyonse ifyo ena ali, ena wa bufi; Baibele itila efyo aba. Ifyo abafyashi bakwe bali aba mushilo atemwa icintu icili conse icabapo, ena wa bufi icakubalilapo. Kabili umusango fye weka engasosa Icline caba ukusosa ifyo Icline caba ukupitila mu milomo yakwe umwine. Ulya e musango fye weka icine cingesa. **Icili conse icapusana kuli cilye Cebo, ena wa bufi na nomba.** [4]

Pa mulandu, Kalenga umukalamba atumine fye Icebo Cakwe, kabili **imbuto Icebo yali kulya ilyo imbuto ituntulu tailapangwa.** Kabili Icebo capangile imbuto. Mwamona, “Ena alengele icalo ku fintu ifishimoneka.” (Aba Hebere 11:3) mwamona, **Ena alengele icalo ku Cebo Cakwe. Lesa alandile ifintu fyonse mukumoneka.** [6]

Nomba, moneni, imilimo ikalamba yali ukukwata amaka mu lukuta, te kuundapa fye abalwele kwi pepo, ukutamfya ifiwa kwi pepo, **lelo ukupelo Mweo wa Muyayaya ku bacetekela** (Yohane 14:12). Mupashi wa Mushilo aleisa no kupelwa mu minwe ya lukuta **ku kupela umweo.** Owe, cilya efyo Kalbale ipilibula!

Casendele abafye, abapanshi, abaume na banakashi kabili alibasumbwile mu cifulo icakuba abana baume na bana banakashi bakwa Lesa **ukundapa abalwele no kupela Umweo wa Muyayaya. Pa kupela Mupashi wa Mushilo ku bacetekela ba cumfwila.** (Imilimo ya Batumwa 5:32), abaume abo abali kale abashacetekela ukulengwo ukuba abacetekela **no kupelo uwa bumupashi Umweo wa Muyayaya.**

Umo muntu atile, “Musangonshi mwingeminina no kuleka umuntu uuli onse ukumwita amashina ayamusango ifi ayabipa? **Imwe ta mwikalila mwe bene** (11 Abena Korinti 5:14-15; Abena Kolose 1:16-18; Abena Efese 1:22-23). **Imwe mwikalila bambi pakutilla mwingalubula ulya muntu** (1 Yohane 5:16). Mulesa mukuba abana. Kabili **ubwafya bwa cena bwakutilla ulukuta nalulabako ukutilla bena bana.** Imwe muli bana. Mulasenda icifulo cakwa Kristu (11 Abena Korinti 5:20-21). Imwe muli bana; e ico tamwiikalila mwebene; ikalileni bambi (Abena Roma 14:7-8).

“Cisuma, munyina Branham, kuti naikalila uyu munyina pa mulandu ena mucine muntu umusuma.” Cilya teco. **Ikalileni ulya umuntu uwamipata**

(Mateo 5:43-48). Ikalileni ulya muntu uwingamipaya nga kuti bacita. Cilya eco bacitile kuli Wene. Bena bali mwipeye Wene, kabili **Ena alifwile pakutila Ena engabapususha. Ulya e Mweo wa Muyayaya.** Ilyo cilya cili mu mutima wenu, imwe mwalola ku mulu lyena. Lelo imwe mulapela ifintu fyenu mwebene, mulafilekelako nge fyo impaanga ipela amasako yaiko. Imwe mulatwalilila ukulolekesha pa Kalbale.

Shikulu Yesu Kristu ali fye Umwaume umo, Umwaume uwapwililika (Abena Philipi 2:5-8). Ena apele ubumi Bwakwe, kabili **Ena apele icilangililo kuli imwe.**

Nomba, cinshi ico tulingile ukucita. Nomba, icintu cakubalilapo ndefwaya ukusosa ni ci: **Yesu tatalile ikalila Umwine. Ubumi Bwakwe bwa bomfishiwe pali bambi. Cilya mu ku pwililika e Mweo wa Muyayaya.** Ilyo mwasosa ukutila mulaya ku chalici no kucita ifintu ifisuma, cilya cili fye bwino. **Lelo ilyo muleikalila ubumi bwenu kuli mwebene mweka, imwe ta mukwete Umweo wa Muyayaya. Umweo wa Muyayaya kwikalila bambi** (Mateo 25:31-40).

Cashininkishe cena ilyo Ena aishile mu **mwana wa mpaanga wakwa Lesa** (Yohane 1:29). Ena aliikele kabili alikwete Umweo wa Muyayaya, pa mulandu Ena taikalile Umwine. **Ena aikalile bambi.** Kabili mu lapokelela Umweo wa Muyayaya pa kupokelela bulya bushiku (pa Kalbale), **kabili imwe tamwikalila mwebene nakabili. Imwe mulekalila bambi.** [7]

Nomba moneni, Lesa ukuilenga Umwine ukwishibikwa. **Ifwe tatulingile ukupanga abapilibulwa kuli Kristu ku buteko; lelo ku busokokololo, Kristu muli imwe, nge fyo Lesa ali muli Kristu. Nge fyo Lesa ali muli Kristu, Kristu muli imwe! (Abena Kolose 1:26-27). Ifyo Lesa acitile muli Kristu, Kristu alacita muli imwe! Umusango wa fishibilo Lesa acitile muli Kristu, Kristu alacita muli imwe! Owe, bushe ici ta cawama? Owe, mwe! Nalitemwa cilya.**

Yesu atile, “Pali bulya bushiku,” bulya ni ubu bushiku. “Pali bulya bushiku,” **ilyo bulya busokololo bukalengwa ukwishibikwa, “imwe mukeshiba ukutila ndi muli Tata, kabili Tata muli Ine; Ine muli imwe, kabili imwe muli Ine.” Ilyo busokololo bwalengwa ukumonekela, “Pali bulya bushiku mukeshiba ukutila Ine na Tata tuli Umo; Ine ndi muli Tata, kabili Tata ali muli Ine.” Lyena ilyo busokololo bwaisha, lyena cena cili, “Ine muli imwe, kabili Imwe muli Ine.” (Yohane 14:20).**

Kabili ibukisheni, ifwe tuli nomba, **nga Nabwinga Wakwe, abaimitwa no Mupashi Wakwe.** Owe, mwe! **Ulukuta, ukufyala abana, mwamona, abaimitwa ku Mupashi Wakwe ne Shina Lyakwe; ukukwata Ishina**

Lyakwe, ukukwata Umweo Wakwe; ukuleta ifishibilo fya Mweo Wakwe, ne cishininkisho cakuba uwantanshi, icishininkisho ica kubuka Kwakwe; ukulangisha ukutula Ena tafwa, lelo wa mweo umuyayaya. Uyu Mweo wa Muyayaya, kabili uwa shininkishiwa, **ukushininkisha kwi sonde ukutula tuli aba mweo muli Wene.**

Musangonshi mwaishiba, pa mulandu muli membala wa lukuta? **Pa mulandu, Kristu aleikala ukupitila muli imwe, muli abaimitwa nganshi no Mupashi Wakwe icakutula muli abafungwa ku cili conse icashala (Abena Galatia 3:1).** Imwe muli abaisalilwa, owe, mwe, ku Mbila nsuma, abaisalilwa ku Cebo, **kabili bonse abana abo mwingaleta baba cilya, pa mulandu muli mufungwa.**

Imwe teti mucite bucene; imwe mwaliimitwa kale. Ubukata! Cena teti ciikate. Ifumo lya bumi lyaliisalilwa ku cili conse icashala. **Imwe muli kale Abakwe. Mu kulingilwa libela. Ilye Mbuto ilingile ukuletwa ku Mweo; takuli isonde ilingengilamo.** Owe! Owe, ifyo twinga temwa ukwikala pali ici pali ora! Ndi uwashininkisha muleiluka. Mwamona? Kristu, kabili iyakwe Eka, nacipwishiwa kale. **Imbuto eka yali kulya. Imbuto yali, kale. Cali ci cinshi icabikilwe kulya? “Ilyo umufula we sonde taulalengwa, ali tulingile libela ku Mweo wa Muyayaya.” (Abena Efese 1:3-4).** Kabili lilya line cilya icipela Umweo caletwa, ilye Mbuto ukuba palya...Shimbi Imbuto shimbi ishingengilamo fye, tekuti shikashe, tekuti shicite fye, capala. Lelo ilyo ilye Mbuto yaisamo, bwangu bwangu yalisele munda; shonse imbuto ishashala shali fumishiwe kunse, mwamona, nga filya.

Kabili mulesa mukuba **umufungwa**, uwashingulukwa, **muli Kristu. Kristu muli imwe**, ubumi Bwakwe buleta icishininkisho Cakwe, ifishibilo Fyakwe. Owe, mwe, mwe, mwe! Lolekesheni ukuleta ifishibilo Fyakwe fya bumi nge cishininkisho ca kubuka Kwakwe, ukushininkisha kwi sonde ulyo Mweo wa Muyayaya, ukushininkisha kwisonde ukutula tuli no mweo muli Wene. Kabili tontonkanyeni pali cena, aba mweo na Lesa, Kalubula wesu, **Uyo uwatulengele kwi pange limo line, Ulukuta, kabili Ubwakwe Ubumi ubwalengwa muli ifwe.**

Ni Lesa mu muntu. Kulya e kulangisha Kwakwe. Filya efyo Ena alesokolola. Cilya eco Ena aleesha ukucita, kabili Icebo cakwa Lesa Umwine ukusokolola Cena. Cilangisha ukutula umuntu teti alenge; Lesa ni Kalenga. Kabili te muntu nakabili; **ni Lesa Kalenga, mu muntu, ulo ulwaba Lukuta Lwakwe nomba.** Amenii! Ukuya ku Mushi ku Mulu, ukwikala Nankwe, lyonse. **Lesa alangisha ukutemwa ukwa Muyayaya ku Lukuta.** [8]

Nomba, **Ulukuta nomba lwalikobekelwa kuli Kristu ku bwinga (11 Abena Korinti 11:1-4). Ubwinga tabulacitwa na nomba; bukaba pa mulalilo wa bwinga wa Mwana wa mpaanga.** E ico tulemona nomba ukutula ulukuta nomba lwali kobekelwa, nge fyo mwaume uwakobekelwa ku mukashi wakwe. Ni cinshi ico acita ilyo bacilli na bakobekelana? Ena alepela fye imisango ya fintu fyonse, ukumutumina ifyabupe, ukumulenga wene ukumfwa bwino. Cisuma, cilya eco Kristu alecita ku lukuta Lwakwe (1 Abena Korinti 12/13/14:1). Ena aletumina ifwe ifyabupe fya Mupashi (Abena Efese 4:8). Musangonshi mwingakobekelwa elyo mulekana ifi ifyabupe epo fyaba? Fyaba ifishibilo ifya kutemwa kwine. Caba icishibilo ca kwa Lesa ku lukuta. Yesu efyo asosele, “Ifi fishibilo fikakonka abo abacetekela. (Marko 16:17-18). [9]

Kabili Ena alingile ukucita, ukulingana na Malembo, ukubwekela kuli ifwe muli ishi nshinku sha kulekelesha, muli bukapyunga ubwa uyu musango. **Cilya cikaba panuma ya lubatisho lwa Mupashi,** no kulandila mu ndimi, kabili no kundapwa kwa Bulesa, kabili na fimbipo, ifi fintu. **Ukwisala kwa mbila ya Pentecostal eco tulelandapo ilelo. Ubu bukapyunga bwakwa Kristu Umwine** ukumonekela mukati ka bantu Bakwe, ne fintu fimo fine ifyo Ena acitile ilyo Ena ali pano pe sonde” **mu Mubili Wakwe, Nabwinga, ico icaba icilundwa Cakwe, ukucita ifintu fimo fine, ngo Mulume no Mukashi, atemwa Imfumu na Namfumu, lintu fye takulaba ukusefya kwa bwinga.** [10]

Ifyo caba icintu icikalamba ilelo, Shikulu, Ukwishiba **ukutula nomba twaliyampana no Mupashi Umo.** Umupashi Umo, Mupashi wa Mushilo, walikwata Icebo mukuboko Kwakwe, ciisa muli ifwe, kabili ifyo cena caba icintu icikalamba, ifyo caba ishuko ukukakululwa ukufuma kwi sonde lyonse. **Ukwampana fwebene kuli Yesu Kristu.** No kutontonkanya ukutula ubushiku bumo, **mu cipasho ca mubili, no mubili uwapalana no mubili Wakwe uwa bukata (Abena Filipi 3:20-21; 1 Yohane 3:2),** tukekala panshi petebulo pa mulalilo wa Bwinga kabili **kulya tukampana no kuufiwa mu cupo kuli Wene; ukwikala nga Nabwinga na Shibwinga mu nshita fye shonse isho ishileisa, monse mu muyayaya ukwabule mpela.**

Shikulu Lesa, mwileka ici cibe fye itontonkanyo lya kwelenganya ku bantu, lelo lekeni cibe icituntulu nganshi mpaka **insala imo ne cilaka fingabikwa mu bantu** icakutula ilyo bali no kubelenga amapepala yabo, ukukutika ku mulabasa ne lyashi, kabili **ukumona ni nshita ya kwa mpaana (Mateo 5:6).** Ifishibilo filemoneka. [11]

Umwakumona:

- [1] “Ukwisa Ukwu Cibili Ukwakwa Shikulu” (57-0417), par. 87
- [2] “Ukupalama Ukwakwa Lesa Kwi Senge Lya Bulesa” (60-0630),
par. E-34
- [3] “Inshila Iyapelwa Na Lesa Iyakupalama Kwisenge” (60- 0709),
par.E-58
- [4] “Icebo Icalandwa E Mbuto Ya Ntendekelo” (62-0318), par. 388-
392, 403-409, 75-87,121-122
- [5] “Icupo No Kulekana” (65-0221M), par. 238-242, 258-259
- [6] “Amaka Yakwa Lesa Ayasangula” (65-0911), par. 50
- [7] “Bulya Bushiku Pa Kalbale” (60-0925), par. 129, 84-88
- [8] “Kristu E Nkama Yakwa Lesa Ukusokololwa” (63-0728), par.
448-449, 465- 468,477
- [9] “Bu Umo” (62-0211), par. 34
- [10] “Umo Muli Million” (65-0424), par. 10
- [11] “Inshita Yakwampana Ne Cishibilo” (63-0818), Par. 127-
128

**Ifyo Caba Icikankala: Ukwikala
Muli Wene!**

Yohane 15:7 “Nga mwaikala muli ine, ne fyebo fyandi fyaikala muli imwe, lombeni ico mulefwaya, na co cikamucitilwa.”

Ici icili apa nakabili, “Nga mwaikala...” owe, nalitemwa lilye shiwi, “Ukwikala,” te kubutukila kuno, no kubutukila kulya, nokubutikila kuno, no kubutukila kulya. Lelo, “Nga mwaikala muli Ine ne Fyebo Fyandi fyaikala muli imwe, lyena lombeni ico mulefwaya, kabili cika mucitilwa.” Cilya cishinka. “Nga mwaikala...” **Nalitemwa Ulukuta ulwaikala, bushe imwe tamucita? Lyonse ukwikala, Yesu Wandu.**^[1]

Calilembwa mulya muli Yohane nalimo mu cipandwa ca 15, “Nga mwaikala muli Ine, kabili ne Cebo Candi muli imwe...” **Mwamona, Icebo cikala muli imwe.** Mwamona? “Lyena lombeni ico mulefwaya, kabili cikamucitilwa.” **Pa mulandu te imwe; Cena Cebo icili muli imwe. Kabili Icebo ni Lesa, Lesa muli imwe.** Lesa e Cebo. Mukutendeka mwali Cebo. Kabili Cebo cali ni Lesa, kabili Cebo ali ni Lesa. Kabili Cebo calengelwe ubuntunse no kwikala mukati kesu.” (Yohane 1:1-3).

Nomba, **mukubwela kwa Mupashi wa Mushilo ukuleta Icebo muli ifwe, kabili Cena ukwikala mulya, lyena te imwe abalelanda;** cena Cebo cine icilefuma. E ico, Icebo cili no ku bomba umulimo.^[2]

Nomba, Tata ne Cebo Cakwe teti fipatulwe, pantu Icebo e Mwana Wakwe. “Mu kutendeka mwali Cebo, kabili Cebo ali pamo na Lesa, kabili Cebo ali ni Lesa. Kabili Cebo calengelwe ubuntunse no kwikala mu kati kesu.” Lesa ne Cebo Cakwe ta fyapatulwa. Teti mukwate Lesa ukwabula ukukwata Icebo Cakwe, kabili ilyo mwakwata Icebo Cakwe, imwe namukwata Lesa.

Lyena na mukwata Lesa, Icebo muli imwe. Kabili mulacetekela Icebo ngefyo mulecetekela Lesa pantu Cena ni Lesa, kabili Cena tacipatululwa. Lyena nga imwe na mukwata Icebo Cakwa Lesa muli imwe, imwe na mukwata Umweo wakwa Lesa muli imwe. Imwe na

mukwata Lesa muli imwe, kabili icili conse ico Cebo cakwa Lesa cilanda ukufuma muli imwe, Cena cili nokwisa fikilishiwa nga filya fine calandilwe ukufuma kuli Lesa. [3]

Icebo cakwa Lesa e cintu ico Mupashi wa Mushilo abomfya, te fisumino, te filonganino, lelo Icebo e citupatula ku fintu fya mwi sonde. Cilaputaula amano yesu ne fintu, kabili umupwilapo cilatusangulula kuli Lesa. Yesu asosele, “Nga mwaikala muli Ine, ne Cebo Candi muli imwe...” Mwacimone co. **Cena te cebo cenu, cena Cebo Cakwe. Lyena mulemona, Nga mwaikala muli Ine ne Cebo Candi muli imwe, lombeni ico mulefwaya.”** Mwamona ifyo cili? Imwe tamulelanda icebo cenu mwebene; **imwe mulelanda Icebo Cakwe.** E ico lyena Mupashi wa Mushilo e Ulya usenda Icebo cakwa Lesa no kutupatula ukufuma kuli ifi fintu fye sonde. [4]

Kabili lyena, ilyo Icebo Cakwe caba icantanshi muli imwe, lyena **imwe na Kristu mulaba umo lyena. Pa mulandu tacili ni mwe nakabili; cena Cebo cakwa Lesa: Kristu muli imwe.** Imwe mulesa mukuba umo. Cisuma. [5]

“Ngo muntu aikala muli Ine na Ine muli ena, nga mwaikala muli Ine ne Fyebo Fyandi muli imwe.” **Ukwikala, te kutoloka fye ukufuma pa cifulo ne cifulo,** kabili ukupeleshanya amakandi yenu ye senge ukufuma kuli ba oneness ukwisa kuli twoness na kuli ba threeness, kabili ukubwelela kuli ba Presbyterian, Lutheran. **“Ikaleri muli Ine,”** kabili Ena e Cebo, **“Ifyebo Fyandi fyaikala muli imwe!”** [6]

Nge fyo nasosa, nga nalikwete umupashi wakwa Beethoven muli ine, kuti nalemba inyimbo. Nga Beethoven ekala muli ine, kuti naba Beethoven. Mwamona?

Nga Shakespeare ekala muli ine. Kutu naba Shakespeare. Kutu nalemba imishikakulo na mangalo na fimbipo, nga Shakespeare aikele muli ine. Kabili nga Kristu ekala muli ine, **imilimo yakwa Kristu mukacita.** Cisuma. Cilingile ukuba. Kabili **Kristu ni cinshi? Icebo.** [7]

Lelo ikaleri mulya. “Nga mwaikala muli ine ne Cebo Candi caikala muli imwe...” nibanga abaishiba ukutula cilya cishinka? Cena bulayo bwa kwa Lesa.

“Nga mwaikala muli Ine...” Ico cilepilibula ikaleri mulya. Mwibutukila kulya ku Egypti no kubutukila ukukonkelela ifintu fye sonde. **“Nga mwaikala muli Ine, ifyebo Fyandi fyaikala muli imwe, imwe kuti mwalomba**

ico mulefwaya, kabili cikamucitilwa.” Bulya bulayo Bwakwe. Nga muli ababufyashi bakwa Abrahamu, **lyena ikaleni muli bulya bulayo.** Nga muli kunse ka bwena, bweleleni kuli bwena. **Imwe mukaba mubwafya** kulya lubali mu Egypti. Bweleleni **ukubwekela mu mpanga ya bulayo!** [8]

Nomba, ”ukwikala” cipilibula “ukwikala mulya,” (ukutusha mulya). **Nga mwasenda ubulayo bwa kwa Lesa mu mutima wena, “Nine Yehoba kondapa obe” (Ukufuma 15:26), mwasenda cena mu mutima wenu, lekeni cikale mulya.** Mwileka cifumine kunse. Lekeni cikale mulya. Bombeleni pali cena! Owe, mwe! Cilya cishinka nganshi! Nga mwaikala muli Ine (**Mupashi wa Mushilo, Kristu**), ne Fyebo Fyandi (**amabulayo Yandi, yonse**) fyaikala, muli imwe (ukwikala mulya), lombeni fye ico mulefwaya, kabili cikacitwa kuli imwe, pantu Cena cilingile ukucitwa. [9]

Cilya Cebo cakwa Kristu Umwine. Lelo, cinshi? Icebo cilingile ukwikala muli imwe. **“Nga mwaikala muli Ine, muli Kristu, kabili Icebo Candi muli imwe.”** Lyena, musangonshi twingila muli Kristu? Ku lubatisho lwa Mupashi wa Mushilo (*1 Abena Korinti 12:13*). Lyena, cilya cilundwa cimo. Lelo, lyena, “Nga mwaikala muli Ine, elyo kabili Ifyebo Fyandi fyaikala muli imwe, lyena kuti mwalomba ico mulefwaya.” **Lelo mulingile ukukwata fyonse fibili, Kristu ne Cebo.** Kabili mu cine teti mukwate cimo ukwabulo ukukwata icibiye, cilya cishinka, pa mulandu Cena **cintu Cimo cine.**

Imwe teti mukwate Tata ukwabula ukukwata Umwana. Imwe teti mukwate Umwana ukwabula ukukwata Mupashi wa Mushilo. **Cena caba Umupashi Umo wine.**

E ico, kanshi, mulemona, imwe teti mucicite umusango umbi uwashala ukucila ukusenda Ishintililo ilya pelwa na Lesa pa Bumi bwesu. Nomba nalikakwa kuli Wene, ne Cebo Cakwe. Ena e Shintililo lyandi. Kabili ninsanga ukutila cena cintu icikalamba kabili icawamisha ukwikalila Wene.

[10]

Ishina lya kwa Shikulu lupungu ulwakosa, ilyo abalungami ba butukila muli lyena, baba fye (*Amapinda 18:10*). Lupungu lwa musango shani? Lwena **lupungu lwa kushinamo,** ilyo twingaya mulya. Kabili Shikulu e Cebo.

Nakabili, **“Nga mwaikala muli Ine (ulupungu), ifyebo Fyandi fyaikala muli imwe...”** Nomba, lilya e lintu muli mukati. Tacili muli kunse uko ukulolekesha mukati; **lelo ilyo muli mukati umu ukulolekesha kunse.** Mwamona? [11]

Inshita shimo Lesa ala mubika mu lukuta ulo ululi mu cilubo, ku kusalanganya Ulubuuto lumo. Mwitoloka, ukutoloka fye ukufuma ku ncende imo ukuya kuibiye, ukufuma ku cintu cimo ukuya ku cibiye. **Imwe ikaleni fye pe samba lya Mulopa. Kabiyeni butukileni kunse, lyena ukucingililwa kwenu kwafumapo.** Ikaleni pe samba lya Mulopa.

“Ishina lupungu ulwakosa. Abalungami emo babutukila, no ku ba fye.” Fumyenipo ukutitikishiwa. Moneni wene mu ma ora ayo twaishiba ukutila kuli abantu abo abali pe samba lya ulyo Mulopa. Ifwe tulemona fye cena ukushininkishiwa. Ifwe tulemona Lesa, ifyo Ena acita ukushininkisha Ulukuta Lwakwe.

Twalilaiwa icili conse ilyo tuli muli ulu Ulupungu. “Icintu icili conse ico mukalombela mwi Shina Lyandi, nkacicita.” **Ifyo caba icifulo!** Calilembwa, “Citeni ifintu fyonse, conse ico mulecita, ciciteni mwi shina Lyandi,” (*Abena Kolose 3:17*), kabili ciciteni mwi shina lya lukuta. Lyena, **mwi Shina Lyakwe twalikwata isenge.** [12]

Yohane 14:12, “Uyo uwikala muli Ine, imilimo iyo ncita ena akacita nao; ukucila ii ena akacita, pantu ndeya kuli Tata.” “Pakashita akanono, kabili abe sonde tabaka Mone nakabili; lelo nomba muka Mona, pantu nkaba na imwe, kabili muli imwe.” (Yohane 14:19-20). Musangonshi Ena? **Te mubili;** namwikala ku kwakulyo kwa kwa Mulopwe. Lelo Icishibilo, **ukutila imwe na mupokelela Wene,** kabili Ena napela Cena kuli imwe, sendeni cilya Cishibilo no kulomba icintu icili conse mulefwaya. Lesa alilaya cena. [13]

Nomba, nge fyo mucine Adamu na Efa balingile ukuba umupashi umo wine, Kristu no Lukuta balikwata Umupashi umo wine, bukapyunga bumo bwine. “Ifintu ifyo ncita, nao akacita.” Mulemona ifyo ndepilibula? Bena balingile ukwampana capamo. Umubili no mulopa, na Lesa, fyaishileba capamo no kuba Umupashi umo. **Kabili Yesu Kristu no Lukuta Lwakwe baba Umupashi umo.** Musangonshi ulukuta lwingakana ukulenga, musangonshi ulukuta lwingakana icintu ico Kristu abebele ukucita, musangonshi twingakana Cena kabili lyena ukusosa ukutila tuli bakwa Kristu? **“Ndi mwanganshi, imwe muli misambo, kabili Ubumi ubo ubwaba mu mwanganshi buya mu musambo ukutwala icisabo.”** (*Yohane 15:1-2*). Abatwala ifisabo! [14]

Imwe tamwipusha impaanga ukumesha amasako atemwa ukupanga amasako. Impaanga tailingile ukupanga amasako. Yena kuti yasosa, “Nomba, ba shikulu balefwaya ine ukukwata amasako yamo uno mwaka. Ningile ukubomba.” Iyo, icintu fye ceka ico ilingile ukucita caba fye

ukutwalilila ukuba impaanga. Cilya cishinka. Amasako yakAmenia ayene fye yeka/...

Kabili tatwaipushiwa ukupanga ifisabo; ifwe tulingile ukuleta ifisabo, ukutwala ifisabo. Mwamona? **Ifwe tulingile ukutwala ifisabo.** Kabili ilyo lyonse muli icimuti ca cisabo cakwa Lesa ne Cebo cakwa Lesa, **Icebo cakwa Lesa cili no kuishininkisha Icine.** Cilatwala icisabo ilyo lyonse Icebo cili mulya.

Imwe tamupanga cena. Imwe tamubombela pali cena; cena caba fye palya. Kabili cilaya no kutwalilila. [15]

Nomba, twalishiba ukutula ili sonde lyaba icilengwa. Kabili ilyo takulaba icilengwa, kulingile kwaba Kalenga uwa cilye calengwa. Kabili uyu Kalenga alailangisha Umwine mu fyalengwa (*Abena Roma 1:18-21*). Nga tatwakwete nangula ni Baibele, ifwe nalyo line kuti twaishiba cilya, icine, nge fyo tucita. **Iyi Baibele ibika fye cena mu butantiko.**

Nomba, **Les, ukulenga ifyalengwa, alailangisha Umwine mulya mu fyalengwa. Ena ni Les wa fya pusana pusana.** Ena alalenga impili ishikalamba, no tupili utunono; kabili ena alalenga ifiswebebe, kabili Ena alenga babemba; kabili Ena alenga imiti iinono, ne miti iikalamba; na maluba ayabuta, na maluba ayakashika; kabili alenga abaume abanono, na baume abakalamba; kabili na banakashi abasweshi, kabili naba nakashi abafishi. Kabili Ena alatulenga ifwe abapusana, pantu alefwaya ifwe muli ulya musango. Ena ni Les wa fya pusana pusana. **Kabili Ena alalenga bamo ukuba abanonka, kabili bamo ukuba ababusu, bamo pakati.** Lelo natukwata icifulo ica kubombela Les, kabili cilye cifulo ico Ena atubikamo, **nga ifwe twaikala fye muli cilye cifulo.** [12]

Ifwe bonse twalikwata ififulo fyesu, kabili tulingile twaikala mu bwite bwesu. [16]

Bonse Abenakristu balingile ukubomfya ishintililo ili line, Icebo cakwa Lesa. **Icebo cakwa Lesa ni nshila iyo Umwinakristu ekalamo.** [17]

“Nga mwaikala,” tekuba mukati na kunse, mukati na kunse, lelo, “nga mwaikala muli Ine,” kabili Ena e Cebo, “kabili Cena caikala muli imwe, lyena lombeni fye conse ico mulefwaya kabili cikapelwa kuli imwe. Imwe mukacikwata.”

“Uyo uupokelela Ifyebo Fyandi, no kucetekela muli uyo uwantumine, na fuma kale mumfwa aingila mu mweo.” (Yohane 5:24). Lelo kuti mwapokelela Icebo, intanshi? **Bushe kuti mwapokelela Icebo, Icebo conse, Kristu onse? Kristu e Cebo icasubwa. Ena e Cebo, icasubwa (Luke 2:10-11).**

Kristu cipilibula “Uyo uwasubwa,” Icebo icasubwa ica bulya bushiku, ukulengwo kumonekela, kapususha, Kalubula. Lilya Elyo ena ali no kwisa, kabili Ena ali ulya muntu uwasubwa ukusenda cilya cifulo (*Imilimo ya Batumwa 2:36*). [18]

Nomba, **ilyo Yesu aishile,** Ena tali fye umuntu. Ena tali fye umuntu wa citatu uwa bene batatu. **Ena, Ena ali Lesa. Ena ali Lesa, Umwine.** Ena, Ena ali Immanuele (*Esaya 7:14*). Kabili bali tweba, muli Baibele, ukutula, **“Ifwe twapusushiwa no Mulopa wa kwa Lesa.”** Ilyo Lesa Umwine aba umo uwa muli ifwe, apilibwile ilyakwe, ifyo Ena ali. **Ena apilibwile icakufwala Cakwe. Ena aishile ika, ukufuma ku Bukata, kabili aishileba umuntu (Abena Filipi 2:5-8).** E ico kanshi, ukufyalwa ukwabulo ukukumana, **Ena ailengele Umwine umubili uo Ena aikelemo, Umwine. Immanuele,** Lesa ukwimininako na ifwe, Icebo ukulengwo mubili pakati kesu, kabili aikele pamo na ifwe (*Mateo 1:21-23*), ukulubula abana abengi ukubabwesha kuli Lesa, ukupitila mu kusumya kwa uyu Mulopa.

Umubili, mucine, ali ni Kristu. Cali ni Ulya uwasubwa. Kabili nga Kristu cipilibula **“Uyo uwasubwa,”** kabili aba cimo cine, mailo, no muyayaya (*Abahebere 13:8*), **kabili Ena e Cebo, lyena Icebo e kusuba.** “Nga mwaikala muli Ine, kabili Icebo Candi muli imwe, lyena soseni ico mulefwaya.” **Cena Cebo cakwa Lesa, Icebo icasubwa, cilya e cicita.** [19]

Cali ni Yesu, muli Marko 11:23, uyo uwasosele, **“Nga mwasosa kuli ulu lupili,”** tacili nga mwapepa kuli ulu lupili. **“Nga mwasosa kuli ulu lupili,** sela, kabili ta mutwishike mu mutima wenu, lelo mwacetekela ukutula ico mwasosa cikafikilishiwa, mu kakwata ifyo mwasosa.” Nomba imwe, nga mwasosa cena mukwelenganya, tacacitike. **Lelo nge cintu cimo muli imwe, ukutula muli abasubwa ku mulimo, kabili mukeshiba ukutula bufwayo bwakwa Lesa ukucicita,** kabili muli no kusosa cena, cilingile ukucitika. [20]

Umutwe kabili no mubili waba icilundwa cimo. Ni Lesa ukumonekela mu bantu Bakwe. Ulya e mulandu wine umulume no mukashi tabali nakabili babili; bena bali umo. **Lesa no Lukuta lwakwe baba umo.** **“Kristu muli imwe,”** ubusokololo bwakwa Lesa ubukalamba. Ubukata

kuli Lesa! Nangula ukukwata Ishina Lyakwe; **Ishina Lyakwe ni Yesu, Uwasubwa.** Umulandu Ena etilwa Yesu, **Ena alisubwa. Wene Mubili uwasubwa wakwa Kristu,** ukushininkisha, ukulangisha ulya Lesa nge fyo ulyo mubili wacitile. Kabili Ulyo mubili walilubwile cila umo uwa ifi, kabili iyi mibili, kabili ukupitila mulya Lesa alebomba ukumonekela Kwakwe kutatu, ukuya ku bufumu. Ukubuka, ali lipile umutengo! Ifwe twalilubulwa. Lesa nashininkisha cena, ashininkishe cena. Mwamona?

Kabili twaliiminina abalungamikwa muli Kristu, kuli Wene. Pa mulandu, Ena teti apele ubupingunshi, pantu Ena alipingula kale ulya Mubili, uo ine nabako icilundwa. Cinshi, naba shani icilundwa ca Wene? Ici cili apa; cili muli ine. “Nga mwaikala muli Ine, kabili Ifyebo Fyandi muli imwe, lyena ico mwasosa... lombeni Tata icintu icili conse mwi Shina Lyandi, cikacitwa, **pa mulandu Cena cili palya.**” Ukulungamikwa! Ubukata kuli Lesa!

Kabili ukuba abashininkisha ukutila, Ukusendwa konse nombu; Luther ali cilundwa, Wesley ali cilundwa, ba kasesema bali ifilundwa. Mubusokololo fye ubo balepanga, umubili, amolu, utukondo, amaboko, kabili na fimbipo, mpaka Umutwe, mwamona, cilya cila panga ukusendwa konse. **Cena Mubili wa Cebo, Uyo uuli ni Kristu. Amenii!**

Kunse ka cilya, mwaliluba. Nshilesakama ifyo mwaba abasuma, atemwa cibusa uyo mwakwata, atemwa uko mulongana kwaba, atemwa ifyo akabungwe kenu kaba, **imwe mwaliluba, kunse ka cilya Icebo ukuba muli imwe.**

“Nga mwaikala muli Ine, Icebo, Icebo candi caikala muli imwe, lyena lombeni ico mulefwaya,” **pa mulandu imwe ne Cebo muli cimo cine. Ena nakwata intanshi muli fyonse.** Ena nakwata bukateka. **Imwe muli mufungwa kuli wene.** Isonde lyalifwa. Imwe tamukwete na fimbi... **mulemona abantu abashala bekala umusango bekalilamo, lelo imwe ta mucicita. Imwe muli mufungwa. Imwe muli mwikoli na Wene.** “Ikoli Lyandi lyali yanguka.” (*Mateo 11:28-29*). **Abali mwikoli na Kristu, ne Cebo Cakwe.** “Ndacita fye cilya icitemuna Tata. Kabili nga teti mucetekele cilya ukutila Nine, lyena cetekeleni Icebo.” Ukupwililika nganshi! [21]

Umwakumona:

[1] “Icitetekelo” (53-1213E), par. E41

[2] “Ukwelenganya” (62-0117), par. E20

[3] “Umufula we Funde Lya Citetekelo” (55-0113), par. E14-E15

[4] “Kabili Aba Bufyashi Bobe Bakakwata Impongolo Ya mulwani Wabo” (62-0121M), par. E28

- [5] “Icupo ca Mwana wa Mpaanga” (62-0122E), par. E49
- [6] “Mulanunshi Betelehemu Umunono” (63-1214), par. 144
- [7] “Lolekesheni Kuli Yesu” (63-1229E), par. 35-37
- [8] “Yehobah Yire” (61-0209), par. E46
- [9] “El Shadai” (59-0416), par. E35
- [10] “Ishintililo” (63-0127), par. 153-155
- [11] “Ukufumya Ukutitikishiwa” (62-0609E), par. E35
- [12] “Ukufumyapo Ukutitikishiwa” (63-0113M), par. 112-116,10-11
- [13] “Icishibilo” (64-0208), par. 160
- [14] “Yehobah Yire, Part 3” (64-0404), par. 233
- [15] “Lesu Ukuifisa Umwine Mu Kuicefya” (63-0317M), pg. 38, par. 238-239
- [16] “Ukongola” (63-0112), par. 83
- [17] “Ukwa Kushintilila” (63-0304), par. 114
- [18] “Imisango Itatu Yaba Cetekela” (63-1124E), par. 304-306
- [19] “Lolekesheni” (63-0428), par. 71-72
- [20] “Cinshi Ulelila, Sosa” (63-0714M), par. 288
- [21] “Kristu E Nkama Yakwa Lesu Ukusokololwa” (63-0728), par. 591-592,188-190

Nabwinga Apyungila Kuli Kristu, Icebo

Ukufuma 23:25, “Kabili mukalebombela YEHOBA Lesa wenu, elyo nkapala icilyo cobe, na menshi yobe; kabili nkafumya mukati ka imwe ubulwele.”

Nani namfumu wenu umunono mu ng’anda? Wene apyungila icakulya kuli imwe. Bushe ico cishinka? **Nabwinga aapyungila kuli Kristu, Icebo.** “**Umuntu te ku cilyo ceka akekalila no mweo, lelo ku Cebo conse.**” (*Mateo 4:4*). **Mwamona? Wene apyungila Icebo ku Mfumu, ukulangisha Icebo Cakwe icalaiwa mu nshita iyo wene aleikalamo. Amenii. Ici caciba icisuma. Mwamona? Ukupyungila mu nshita, Icebo.** ^[1]

Imwe mwe banakashi, ilyo mulebombela abalume benu, mulebombela Lesa (*Abena Kolose 3:23-24; Abena Efese 5:22-24*). ^[2]

Imwe mulingile ukufwaya ukubombela Kristu. Mulingile ukufwaya conse ifyo cili, abafula icifinine conse no lubembu ulwalambatila imwe, tubutuke no mukosha ulubilo (*Abahebere 12:1-2*). ^[3]

Kabili ulya e musango umo wine cabelamo pa kukwata ukusala Kristu. Icintu cakubalilapo mulingile ukucita, saleni mu mano yenu nga cakutula muli no kubombela Lesa no kusenda Wene nga Kapususha wenu; nangula, imwe ta mwacicite. **Bushe muli no kubombela Isonde, bushe imwe muli no kubombela Kristu?** Muli no kusala mu mano yenu. Palingile paba ukusala ukucitwa. Ilyo mwasala mu mano yenu nga muli no kubombela Lesa atemwa mamoni, lyena mulasenda ukusala kwenu. Lelo ukusala kulingile kwacitwa. ^[4]

“Ulukuta,” cipilibula “abo abaitwa, abapatulwa.” Kabili abantu babili teti bekale muli imwe pa nshita imo ine. **Imwe mulingile ukufwa ku fintu ifya mwisonde ku kubombela Lesa. Imwe teti mutemwe Lesa na mamoni pa nshita imo ine** (*Mateo 6:24*). Kabili ilyo lyonse ukutemwa kwe sonde kuli mu mutima wa wacetekela, alafumyapo no kuipusula umwine kwishuko ilyo Lesa amupela. **Lesa tafwaya imwe ukubulilwa. Ena afwaya imwe**

ukukwata ishuko lyonse lya filya ifyo Ena afwililepo. Ishuko lyonse Ena apele ulukuta, Ena alefwaya imwe ukuipakisha lyena; fyena fyenu. [5]

Nalicetekela ukuti uyu Umupashi ukalamba uli mukati kesu waba Mupashi wa Mushilo. Nde cetekela ukutla Ena alinjita ine kuli ili pange. Tacilenenga ine ukucila umuntu uyo uwacipusushiwa muno lucelo, umubomfi fye wenu munyinenwe. **Cilenenga ine ukukanacila imwe, pa mulandu nalitumwa ukubombela imwe. Ine ndi mubomfi ku cintu bwingi. Umubomfi wa cintu bwingi ni kashimikila, ukubombela icintu bwingi. No kuba uwasulwa, ukusenda aya macushi ne ficitwa fya cintu bwingi,** Conse ifyo cili, iminineni palya. Kabili nga tamukwete ukusenamina ukwalinga ukumwentula no kusenda cena, lyena imwe mulingile ukubwelelamo ku Kalbale no kushininkisha cipya cipya ukulashikwa kwenu. Cilya e co mulingile ukucita (*Mateo 20:26-27*). [6]

Tamuli umuntu muno uo teti ntemwe ukwikatilila amaboko yabo no kwikala panshi, ukuya ku ng'anda naimwe. Nalitemwa fye isenge, lelo teti nkwate lyena. Lilatalushiwa ukufuma kuli ine mpaka tu kabuke umupaka. **Teti mbe umubomfi wa muntu no kuba umubomfi wakwa Lesa pa nshita imo ine. Imwe mulingile ukutaluka ukufuma ku muntu ukubombela Lesa, no kutemwa abantu, cilya cilabaleta ku bufumu.** [7]

Ndetontonkanya caba icintu icikalamba nganshi ico icatala ukucitika kuli ine, ukukwata ishuko lya kubombela Wene. Kabili naliishiba ilyo ndebombela imwe, ndebombela Wene. “Apo ponse mwacitile umo wa muli aba abacepesha, mwacitile Ine.” (*Mateo 25:40*). Kabili takuli nangu fimo Ifyebo Fyakwe ifingatala ukufilwa. [8]

Ici cisendo icafina icikalamba ico tapali nangu umo uwaishibapo cimo. Cilya cili fye pakati ka ine na Lesa eka. Lelo ilyo naya pa busanshi, ifyo lyaba ishuko ilyawama nkwata ukufuma kuli Lesa no kusosa, **“Tata, ni ncita icawamisha ico naishiba ilelo.** Ni ncita fyonse ifyo naishiba ifyakulenga ubumi ukuwaminako panono ku bantu.” **Kabili ndi uwa shininkisha ukutla amapalo Yakwe yala bwela kabili no kubwela no kulenga ubumi ukuwamisha nganshi kuli ine. Nga mulefwaya ukubombelako cimo Lesa, bombeni icintu cimo ku bantu Bakwe.** Mulefwaya icintu cimo icisuma ukulandwa pali imwe, landeni icintu cimo icisuma pa muntu umbi. Paleni umuntu umo, kabili ilyo mulepala umuntu umo, mulepala Lesa. [9]

Kabili nga Ena ali no kunsunga fye **umutuntulu** kabili mu **mano yandi ayalungama**, ukusunga **umutima wandi uwalungama kuli Wene**, ndefwaya ukubombela Wene ilyo lyonse ndi no mweo pe sonde. Nalilaya Wene cilya ukufuma kuno ku cintamba, nga Ena ali no kunsunga mu mano yandi ayalungama, no kunsunga umutuntulu kabili uwa maka, pakutila ninga mubombela, kabili nali Mutemwa, kabili nali Mulaya, **ukutila ndi no kucita conse icaba mu maka yandi ku bantu Bakwe. Kabili ulya e musango tubombela Lesa, ilyo tulebombelana umo no mubiye. Ulya e musango fye weka twinga bombela Lesa (1 Petro 4:10-11).** ^[10]

Ine lyonse naliishiba ici, kabili nalisanga ici mu bumi bwa bu kapyunga bwandi. **Nga mulefwaya ukubombela Lesa, bombeleni abantu Bakwe (Abena Galatia 5:13; Abena Roma 14:19).** Ulya e musango mubombelamo. **Ilyo tuletewana umo no mubiye, ifwe twalitemwa Lesa.** Kabili nalitemwa abantu Bakwe, kabili ndecita fyonse filya ifyo naishiba ifyakwesha ukwimininako Shikulwifwe Yesu Kristu kuli bena mu musango wa kusenamina Kwakwe ukwa Bulesa na maka ayo Ena apela ku lukuta muli ishi nshiku sha kulekelesha. ^[11]

Ulya e musango tulingile ukumfwilamo kuli Lesa, te kushita inshila yesu ne cintu cimo; **lelo ifwe bonse twalikwatila Lesa imisha ubumi bwesu**, pantu ifwe twalefwa no kwibila mu cilindi ca lubembu. Lesa abikile amaboko Yakwe, umwingila pali ine.

Nalikwatila wene imisha ubumi bwandi. Mwalikwatila Wene imisha ubumi bwenu. Mwalikwatila Wene imisha ubumi bwenu ukubombela Wene, tekubupela, ukwenda enda no kuitakisha pa lukuta lwenu lwa cilonganino, te kulaya no kwebaula bambi; **lelo ukwesha ukupususha no kubombela bambi, no kubaleta ku kukwishiba kwakwa Shikulu Yesu Kristu.** ^[12]

Nalipata ukusosa ici. Lelo abanono nganshi Abenakristu abailumbula ukuba ilelo mu calo cesu balishiba ifinono nganshi pali Lesa wesu. Owe, baliishiba bukapapa bwabo bonse, **lelo ukwishiba Lesa (Yohane 17:3).**

Ali ipetamike Umwine, cilya e cilemulenga wene ukuba umukalamba kuli ine. Cilya e cimulenga Wene uwacine kuli ine caba ukutontonkanya ukutila Ena alefwaya ukwisa pano kabili tekuba umo muntu mukalamba, ukusenda amashina yamo ayakalamba, atemwa icintu cimo nga cilya. **Ena ali ipetamike Umwine no kwisaba umubomfi kuli bonse (Abena Filipi**

2:5-11). Ulya ni Shikulu wandi Yesu Kristu. Ni ulya Uo natemwa; ulya Eo, ndefwaya ukupela ubumi bwandi umupwilapo ukumubombela Wene, no kubombela Wene, no kucita ifintu fyonse ningacita ukulenga abantu ukulolekesha kuli Wene, no kucetekela Wene, no kutemwa Wene. Ena alitemwikwa. Ena aliwamisha. [13]

Ena aliba uwalinga uwapulamo. Ni finshi mutontonkanya pali Wene? Ukupela Wene icimbala. Owe, ee, muleenda enda akasuba konse, no kumupela Wene amaminiti yatatu mu bushiku ilyo ta mulaya mukulala. **Ena afwaikwa ifyawamisha fyobe, we cibusa. Ena afwaikwa ifintu fyonse iwe wakwata.** Lelo cinshi mucita palwa cena? Imwe mulapela Wene icintu fye icili conse. Ena alacisenda. Ena alacisenda, nangu cibe fyo.

Peleni Wene ifisuma fya bumi bwenu. Peleni Wene inyimbo shenu ishawamisha. Peleni Wene italanta lyenu lyonse. Peleni wene fyonse ifyo mwakwata. Peleni Wene inkasa shenu. Peleni Wene amaboko yenu. Peleni Wene Ameniso yenu. Peleni Wene akanwa kenu. Peleni Wene amatwi yenu. Peleni Wene umweo wenu. Peleni Wene umutima wenu. Peleni Wene amalumbo yenu. Peleni Wene ifintu fyonse ifyo mwakwata. Alleluya. Ena alefwaikwa ifyawamisha, [14] kabili pyungileni kuli Wene mu malumbo na mu mapepo, kabili na mukutotela. [15]

Lelo ukutotela kube kuli Lesa, ifwe twalikwata Icakulya icafiswa, Icakulya ca bu Mupashi, **ukutila tuleikalila pa busuma ne nkumbu sha busokololo bwa kwa Yesu Kristu muli ishi nshiku sha kulekelesha,** ukuishininkisha Umwine pakati ka bantu Bakwe. Amenii!

Eliya aliile ilyo icilala tacilaisamo tuletotela Lesa pakuba mukati ilyo ubupingushi tabulaisamo. Nomba ninshita iyakufumyamo no kwingilamo, ukufumamo muli tulya utubungwe **no kwingila muli Kristu, ukufumamo no kwingilamo ni nshita ku bacetekela bonse abacine.**

Lyena ena aliitilwe, kabili aikele mulya. Ibukisheni, ena tatalile fuma pali ulya mukuku mpaka Lesa alimwitile wene.

Kabili panuma ilyo icilala cali mukupwa, Ena alimwitile ukufuma mulya, ukuya ku ng'anda yakwa mu kamfwilwa. Moneni, Ena aile iita kuli uyu mu kamfwilwa. Kabili uyu muka mfwilwa ta yampenye umwine kuli aba abashacetekela; ukusenda ululembo lwa ciswango mu nshita ya cilala. E ico Ena aitile Eliya ukuyalisha uyu mukamfwilwa. Ena akwete fye akapapatu kamo akanono, kamo akantu akanono eko aikatilileko. Kabili Eliya atile, *“Pela kuli ine, intanshi. Pantu, EFYO ASOSA YEHOB, ilya impakwilo ya*

bunga tayakapwililile nangula mulogwe wa mafuta takabulile, mpaka ubushiku Yehoba Lesa akatuma imfula pa calo.” (1 Ishamfumu 17:13-14).

Ukubika Lesa intanshi, Icebo Cakwe intanshi! ^[16]

Nomba, camoneke kwati ena atuminwe ukusenda akanono ako akwete, lelo cali ulubali lumbi. **Ilyo wene alefwaya ukupela ifyo wene akwete mukwafwilisha ku Cebo, Lesa alimulishishe. Kabili nga mulefwaya ukupela umusango wa Mupashi mwakwata, umusango wa Mupashi uo Lesa amupela ukwafwilisha Icebo, lyena Lesa ali no kumusunga aba mweo** (*Abena Philipi 3:3*). Aleluya! Owe ubukata kuli Lesa! Bushe mulemona ici, mwe lukuta? Ifyo mwakwata, ifinono ifyo mwacetekela muli Lesa, umusango wacicetekelo ico mwakwata, bikeni cena pa Cebo, te pa kabungwe. **Fibikeni mu Cebo cakwa Lesa;** Ena akamusunga aba mweo.

Wene ali uwaiteyanya lyena, pa mulandu wene teti acite kunuma, pa mulandu bena teti bamusuminishe. Lelo nomba ali uwaiteyanya. Bushe wene ali nokupokelela cena? Lesa atumine munshila yakwe kasesema. Bushe wene ali nokupokelela Icebo Cakwe? Bushe wene ali nokupokelela uyu kasesema? Ee, wene ali citile. Kabili ali mwebele, atile, “nomba, ubumi ubunono ubo ukwete, bika wene umu, bulete kuli ine ntanshi.” Kabili cinshi icacitike? Ilyo abashala aba mwi sonde balecula no kufwa ne nsala, ena nabana bakwe kabili naba ng’anda bonse balelya ifyakulya ifisuma imiku itatu akasuba: **ubusokololo ubwa Bulesa pa Cebo. Ndesubila mulemone ci, we cibusa.**

Ni cinshi icacitike? Ena aikele kulya mpaka icipowe calipwile, ukwikala no yu mwanakashi, ulu lukuta, ulu lwamupokelele no kucetekela Icebo cakwe. Kabili ali musungile uwa mweo, asungile ulukuta ulwa mweo ku Cebo cakwa Shikulu, pa mulandu ena asosele, “EFYO ASOSA YEHOBA.”

[17]

Lesla alaiteka. Kabili tulemona apa ifyo Dabidi acitile, mu kubelenga kwa Malembo Imilandu ya Ntanshi 13. Amapange yakwe yali fye bwino. **Lelo Lesa tatupela ubusuma pa mapange ayasuma. Kwaba fye inshila imo iya kubombela Lesa, cilya caba ukucita ubufwayo Bwakwe kwi funde Lyakwe.** Kabili Lesa, pakuba uiteka, takwaba nangu umo uwa kumweba Wene ifyakucita no musango uwa kucicitilamo. Ena alacicita umusango, Ena aliishiba inshila iisuma iya kucicitilamo cena. Kabili cilya cinenga ine ukumfwa bwino. Kabili cena cilingile ukulenga ifwe bonse ukumfwa bwino, kabili ndi uwashininkisha cilecita. Pantu, umo kuti akwata cena ukwisa muli uyu musango, kabili umo kuti akwata cena ukuya ulya musango, kabili umbi umusango ubiye.

“Amapeya ya bena Lebi,” **yali ni nshila yakwa Lesa iyantendekelo iya kucitilamo cena.** Kabili bena balibikile cena pali celeta umupya. Nomba, tacakatale bomba (2 Samuele 6:1-11). Bena tabaipwishe inshila iyalungama. Mwamona? E ico baliile kulya, palwa cena, kabili baile palwa cena munshila iyalubana.

Kabili cilya e cacitika ilelo. Ilyo umuntu, te mulandu ifyo ali uwabufuma cumi, **ukwesha ukubombela Wene umulimo kunse kanshila Yakwe iyapelwa iya kusokololwelamo cena, bena lyonse balacifulunganya.** Lesa alabika cena munshila Yakwe. Umuntu, te mulandu ifyo ali uwabufuma cumi, muleesha ukucita cena kunse ka cilya, imwe mukacifulunganya. [18]

Kwaba fye inshila imo iyakubombela Lesa, kabili ilya niyi; **ifwe tulingile ukwikala mu nshila Yakwe, te mulandu ifyo amatontonkanyo yesu ifyo yali. Inshila Yakwe!** [19]

Nalishiba imwe mutontonkanya ukutula ndi umwaume uwakosa umutima. Nshila uwakosa. Ndi munyinenwe, kabili nali mutemwa. Fulumukeni ku bukali ubuleisa. **Kabiyeni ku Lupanda no kulila mpaka umutima wenu waisushiwa no Mupashi Wakwe,** cilya cili no kupilibula inuma yenu ukufuma ku fintu fyonse fya mwi sonde, kabili endeni ababulesa ku cinso Cakwe no mutima wenu ukubiliminina Wene. **Ukudemwa, te mulimo; tacaba mulimo ukubombela Kristu; cena caba kutemwa e kubombela Kristu. Cena cila mucusha imwe, cila mupatikisha imwe,** mpaka ukutunta konse ukwa bumi bwenu kutuntula pamo Nankwe (2 Abena Korinti 5:14). [20]

Pantu naliishiba ici: kuli umwinshi ukalamba ubikilwe ku ntanshi yandi, kabili witwa imfwa. Kabili wene wa cila umo muli ifwe. Kabili cila nshita umutima wandi wa tunta, utuntula umuku wakulekelesha ukupalama pali ulya mwinshi. Tawaka tunte kulyo kutunta nakabili. Ifwe tuli ukutunta kumo fye ukupalama. Kabili bumo muli ishi nshiku, ifwe tuleisa kuli ulya mwinshi. Wene witwa imfwa. Kabili cila umo uwa muli ifwe tukaikumanya yena. Kabili ilyo nkafika palya, ine mucine nshilefwaya ukwingila mulya nga kuwe. Ndefwaya ukwingila mulya ne mingila Yakwe iya pombwa pali ine, no kusenamina Kwakwe, ukwishiba ici cintu cimo: ukutula ilyo Ena akalaita, nkesafuma muli cilya ubushiku bumo. **Cilya e co njikalila ilelo, caba ukucita cilya: ukwishiba Wene no kumubombela Wene.** [21]

Ubumi bwishila mu kabulungwa ka Mulopa; cisenda ukushishiwa ukusamba bulya bumi, ukwipaya ukukabila kwa lubembu; lyena Mupashi wa Mushilo esa mu cipe icasanguluka no kucibika pambali mu mulimo, ukubomba. Icipailo cashishishe icipe, **lelo ukwisushiwa ukwabikile cena mu mulimo. Calibikilwe ku mbali ku mulimo, nomba cena cilingile ukubikwa mu mulimo. Kabili Mupashi wa Mushilo ulabika ulukuta mu mulimo** (1 Abena Korinti 12:13). [22]

Ndetontonkanya, ukupita mu nshita shesu, calishininkisha ici ukuba icacine; **amenshi, Umulopa, Umupashi; ukulungamikwa, ukushishiwa, ulubatisho lwa Mupashi wa Mushilo.** Cilya cilalenga icakupashanya, ico icifumyapo ukufuma mu kufyalwa kwa cifyalilwa. Lolekesheni ilyo umwanakashu atemwa icintu icili conse mu kukalipwa, ku kupapa. Icintu cakubalilapo icicitika, kufuma kwa menshi, ukufyalwa ukutuntulu; icintu cacibili mulopa; kabili lyena kulesa ubumi. **Amenshi, umulopa, umupashi;** kabili cilya e cakwata ukutuntulu, ukufyalwa kwa cifyalilwa (1 Yohane 5:7-8).

Kabili e fyo caba na mu ciputulwa ca bumupashi. **Caba menshi; ukulungamikwa ku citetekelo, ukucetekela pali Lesa, ukupokelela Wene nga Kapususha wenu mwebene, no kubatishiwa. Ica cibili, caba ukushishiwa kwa mupashi, ukutila Lesa alasamba umupashi ku fintu fyonse fya mwisonde no kukabila ifya mwisonde. Kabili lyena Mupashi wa Mushilo ulesamo no kupela Ukufyalwa cipya cipya no kwisusha cilya icipe icashishiwa.**

Tutile, nge fi. Nomba, kapu ili mulya mulubansa lwa ku kiceni. Imwe tamusenda fye ilya nokuibika pe tebulo no kuiisusha na menshi nangula umukaka. Iyo. Pakuibula, caba ukulungamika. Ukuisamfya, caba ukushishiwa, pa mulandu ishiwi lya Cihela ukushisha lya ba lishiwi ilyaba no bupilibulo bubili, ico icipilibula “ukusambwa, kabili **no kubikwa ku mbali ku mulimo.**” Te mu mulimo; ku mulimo. Lyena ilyo mwaisusha cena, cilabikwa mu mulimo. [23]

Icintu fye ceka, **munjeleleko nshikwete ubumi fye na bumbi ukwikala ukubombela Wene.** Soseni palwa kulekelako icintu cimo, owe, takuli icakulekelako; **cena conse kucimfya; cena conse ku nonka.** Kabili nga nali kwete ubumi ba million, nga kuti nabwelela ku cimo ca myaka ikumi limo na mutanda ya kufyalwa no kuba imfumu pe sonde pa myaka imyanda mishila, atemwa ukufwa ino ine nshita no kuya ku mulu na Yesu Kristu, kuti nasosa, “Leken i ndeya ino ine nshita. Kut i natemwa fye ukuya

ukwikala fye pamo Nankwe.” **Pa mulandu nomba ninkwata Umweo wa Muyayaya.** Imyaka imyanda mishila yalikumene, ndi no kuya kumbo. Lelo nomba ilyo imyaka imyanda mishila yapita, nshakakwate inshita inono ukucila ifyo nal ilyo naingile kulya. Amenii.

Ena mutuntulu. Nani uwalengele amabula? Nani uwabikile amalangi muli yena? Umuntu umo wine uwabikile amalangi mu maluba abikile Mupashi wa Mushilo mu mutima wandi. Ubukata kuli Lesa. Ena ali pano, ee, mukwai. Mwiumfwo mwenso pali Wene, **pa mulandu Ena ali pano.** Lesa cipilibula ukupepa. Lesa aba cibumbwa icakupepa. Kabili nalitemwa ukumupepa. **Ena aba fyonse muli fyonse wandi. Ena mutende wandi. Ena ni Tata, ni Mayo, ena ni fyonse efyo natala kwatapo, fyonse ifyo nkatala ukuba; ifintu fyonse fyaba muli Wene.** Owe, mwe, natwimye fye amaboko yesu no kulumbanya Wene. [24]

Ilyo natendeka ukumona imyaka ileya pantanshi, kabili ukutendeka ukumona ukulongana kubili atemwa ku tatu mukasuba, citendeka ukulenga ine ukuba fye uwanaka panono, uko tacalencusha ine. Lelo nomba ndetontonkanya, “Cisuma, bupusano nshi cipanga?”

Ndefwaya ukumwipusha icintu cimo. Ifwe tuli fye abamu mushi umo wine, e co ndefwaya. Inga cakutula muli ne myaka yakufyalwa amakumi cine konse konse muno bushiku, atemwa muli ne myaka ya kufyalwa ikumi limo na fisano muno bushiku? Nga muli ne myaka amakumi cine konse konse ya kufyalwa, kabili muli nokuba no mweo mpaka mailo ino nshita ya bushiku, mukekala ukucila abengi, abengi abana ba myaka ya kufyalwa ikumi limo na mutanda. Bushe mwalitala ukutontonkanya pali cilya? Imwe mucine muli no kucita. **Imwe muli pano pe pange, ukubombela Lesa.** E ico bupusanonshi, icimo cili kuli imwe? **Bombeleni fye Lesa (11 Abena Korinti 3:1-6).**

Nga cakutula Lesa aliishile kuli ine no kusosa, “Ndefwaya iwe ukuya pe sonde,” kabili nali ku mulu kulya kabili Ena atile, “Kabiye pe sonde, ndi no kukupela inshita iya myaka imyanda ya kwiishiba, lelo ndefwaya iwe ukusala imyaka yobe. Myaka isa ulefwaya ukusenda, iya kubalilapo amakumi yabili na isano, iyacibili amakumi yabili naisano, iya citatu amakumi yabili na isano, atemwa iyakulekelesha amakumi yabili na isano?”

Ni cinshi ico ninga sosa? Cisuma, nga ndi nokubika inshita yandi pano ukuba, owe, kateya wa mupila nangula ubutuka ulubilo, atemwa icintu cimo, kuti cawama nasenda iya kubalilapo amakumi yabili na isano. Nga cakutula ndi no kuba kapala wa mbao, atemwa umuntu umo uwapala filya, cisuma, ine kuti cawama nasenda iya cibili amakumi yabili na isano. **Lelo**

nga ndefwaya ukusenda ukubombela Shikulu, ndi no kusenda iyakulekelesha amakumi yabili na isano, ukufuma kumyaka amakumi cine lubali na isano ukufika umwanda, pa mulandu, nganalikwete ubwingi bwa kulya ukwishiba, naliishiba ifingi palwa cena. Mwamona? Ilyo lyonse ningeminina pa nkasa shandi shibili no kwenda enda, bupusanonshi cipanga icimo ico nkwete? Ndi pano ukubombela Shikulu, kabili cilya eco. Amenii. Cilya cisuma nganshi kuli ine. Ena alilaya cena.

[25]

Ilyo cili munshila ya mulimo ukukonka Icebo, iminineni palya no kumona cena ukwisuka. Amenii. Ndi ne myaka yakufyalwa amakumi yasano na itatu, naba uwaku bombela Wene nalimo imyaka amakumi yatutu na fitatu, **ndekabila nga nalikwete imyaka ba million ikumi ukubombela Wene.** Nshatala monapo Wene ukufilwa na nomba, ilyo Icebo Cakwe casungwa. Cilya cishinka. [26]

Shikulu, mu lubuuto lwa Cebo Cenu, ndeeba umuntu onse uyo ushila batishiwa mwi Shina Iya kwa Shikulu Yesu Kristu ukubutukila ku menshi bwangu ilyo mukwete ishuko. Imwe mwe bashila isushiwa na Mupashi wa Mushilo, nde mweeba mwi Shina Iya kwa Shikulu Yesu Kristu; wileni pa makufi yenu **kabili mwiima mpaka Mupashi wa Mushilo wa mushisha imwe umupwilapo no kwisusha imwe no kutemwa Kwakwe no busuma mpaka umweo wenu waba uwaikushiwa nganshi mu Mulola wa kwa Lesa icakutula ukukabila kwenukonse kwaba uku mubombela Wene no kubombela pamo Nankwe inshita yonse iya bumi bwenu.** Peleni ici, ndepepa, ukutula Lesa ali no kumupela uku kupilibulwa, mwi Shina lyakwa Yesu.

Malaki 3:13-18,

“Fyakosa pali ine Ifyebo Fyenu, e fyo Yehoba asosa. Kabili mutila, twasosa shani pali imwe? Mutila, ca fye ukubombela Lesa: kabili ca nshi ukubake Cebo Cakwe, no kwenda nga balelosa ku cinso cakwa Yehoba Lesa wa milalo? Na nomba ifwe aba miya e bo tulumbwila ukushuka; ee, kabili abacito bubifi bakulwa; ee, kabili abo abesha Lesa balapusuka. E lyo abali nakatina kuli Yehoba balesoshanya: na o Yehoba alepepeka no kumfwa, ne buku Iya kwibukisha lyalembelwe ku cinso cakwe, Ilya babela Yehoba akatina, Ilya batontonkanya Ishina lyakwe. Kabili bakaba bandi, e fyo Yehoba wa milalo asosa, icikwatwa candi icaibela mu bushiku umo nkacita; kabili nkabalanguluka, ifyo umuntu alanguluka umwana wakwe

umwaume umubombela. Elyo mukabwela, no kumona apalekene umulungami no mubifi, **apalekene uubombela Lesa no ushimubombela.**”

Umwakumona:

- [1] “Ampusho na Masuko” (64-0830M), COD pg. 1122
- [2] “Ukulolekesha Kuli Yesu” (63-1229E), par. 170-171
- [3] “Tulangisheni Shinwe kabili Twalapema” (53-0610), par. E-83
- [4] “Icupo ca Mwana wa Mpaanga” (62-0121E), par. E-38
- [5] “Iciunda Icaibela” (61-0315), par. E-39
- [6] “Cinshi Ulelila? Sosa” (59-1004), par. E-60
- [7] “No Mukosha Ulwile Icitetekelo” (53-0404M), par. E-14
- [8] “Kasansamusha” (61-1001E), par. E-1
- [9] “Isubilo Lyesu Lyaba Muli Lesa” (51-0929), par. E-5
- [10] “Batimeyo Impofu” (56-0407), par. E-3
- [11] “Yesu Kristu Cimo Cine, Mailo Ilelo No Muyayaya” (52-1027),
par. E-1
- [12] “Ukwabula Indalama Nangula Ukwabula Umutengo” (59-0802),
par. 119
- [13] “Umubembu Uwabipisha mu Musumba” (56-0218E), par. E-32
- [14] “Kristu Ushasengelwa” (55-0911), par. 272-273
- [15] “Ukwa Kupumikisha Ukuya Kwa Lukuta” (58-1012), par. E-2
- [16] “Icakulya ca Bumupashi mu Nshita Iyayana” (65-0718E), par.
121-123
- [17] “Buka pepa Bwa kwa Yesebele” (61-0319), par. 111-113
- [18] “Ukwesha ukubombela Lesa Umulimo Ukwabulo Ukuba
Ubufwayo Bwa Kwa Lesa” (65-0718M), par. 29,124-125
- [19] “Umo Muli Million” (65-0424), par. 33
- [20] “Impongolo Ya Kamfyefye” (59-0301M), par. 150
- [21] “Cinshi Ico Mwaile Mukumona” (59-1001), par. E-11
- [22] “Inkombe Ya Cungulo Bushiku” (63-0116), par. 151
- [23] “Ukukalipwa Kwa pa kupapa” (65-0124), par. 47-50
- [24] “Yehoba Wafipesha Mano” (59-1126), par. E-46
- [25] “Umuku fye Uno, Shikulu” (63-1201E), par. 20-23
- [26] “Mulandunshi Nsusha Bukapepa bwa Bunganishiwa’ (62-
1111E), par. 200
- [27] “Icikakatikilo ca Cibili” (63-0319), pg. 226, par. 354

Ilibwe Ilyakukulilako Ilya Bumupashi No.25

Lelo Ilyo Cilya Icafikapo Cikesa...

1 Abena Korinti 13:10, “Lelo ilyo icaifikapo cikesa, icalubali fye cikafubalishiwa.”

E ico fyonse ifi fintu ifinono ifyakutoloka toloka nga akanya, ukwesha ukulandila mu ndimi shimbi, kabili na fyonse ifi fintu fimbi ifyashala, ilyo cilya icaifikapo... **kabili twalikwata ilelo, ku bwafwilisho bwa kwa Lesa, ukwiluka ukwa fikapo ukwa Cebo ne cishininkisho ica Bulesa.** Lyena cilya icili icalubali cikesafubalishiwa. *“Ilyo nali umwaice, nalelanda ngo mwaice, naleumfwa ngo mwaice; lelo nomba ndi mukalamba, nindeke fya bwaice.” (1 Abena Korinti 13:11).* Amenii.

Napapata londololeni 1 Abena Korinti 13:8-12. Nomba **ukutula icebo icaifikapo nacibwekeshiwa** ku lukuta aya ama Verse naya fikilishiwa?

Nomba, ndetontonkanya nacipita fye muli cilya, bushe nshicitile? “Kabili ilyo cilya icaifikapo caisa, cilya icili ulubali cikafubalishiwa.” Paulo atile, “Nangula ningalandila mu ndimi sha bantu naba malaika, kabili nacita fyonse ifi fintu apa...Lelo ilyo icaifikapo caisa...” **nomba, bushe kwalibako icintu cimbi icaifikapo kano Lesa?** Iyo, mukwai. Bushe Lesa aba uwafikapo? Mu kutendeka mwali Cebo kabili Cebo ali pamo na Lesa, **kabili Icebo cali ni Lesa (Yohane 1:1). Icebo cicili ni Lesa.** Mwamona? Cisuma. **Ilyo cilya icaifikapo caisa,** cilya icili ica lubali cafubalishiwa. ^[1]

Muleumfwe ci? Amenii. Pantu Lesa atile, “Nkabweseshapo Cena.” Ena ali no kubweseshapo Cena musangonshi? Inkombe shine ishamfwa shaipeye Cena; lyena inkombe shine isha Mweo shikabweseshapo Cena. Ali nani uwakubalilapo? **Martin luther, ukulungamikwa.** Nani uwali uwa cibili? **John Wesley, ukushishiwa.** Nani uwali uwa citatu? **Pentecost no kubweseshapo kwa fya bupe, Mupashi wa Mushilo, ulubatiso lwa Mupashi wa Mushilo.** Ni cinshi ica cine? **Icebo.** Cinshi? Icebo! ^[2]

Moneni, pano ubumi ubo ubwali mu fikapa. Mu mupeti, kabili na mu mupupunga, mu cikapa, bonse bulongana mu mbuto. Kabili ubumi ubo ubwali mu mupeti bwaliile, bumo bwaile ukupanga icibiye. **Ukulungamika, kwapangile inshila iya kushishiwa; ukushishiwa, kwapangile inshila kulubatisho lwa Mupashi wa Mushilo; ulubatisho lwa Mupashi wa Mushilo, wapangile inshila ku Mupashi wa Mushilo Wine ukwisa fye kulya mukupwililika, ukubwekela ku Cebo nakabili, ukuilangisha Icine.** [3]

“Ukuli ndimi shikaleka. Ukuli ukwishiba, kukafubalishiwa.” Ukuli icitetekelo, cikafilwa, kabili fyonse ifi fintu apa. *“Lelo ilyo cafikapo cikesa, icaba ukutemwa (1 Yohane 4:7-8, 16), tacakatale pita.”* Cilya cishinka, **ukutemwa kwa kwa Kristu.** [4]

Lelo munyina, nga cakutula ulelandila mu ndimi, elyo kabili watwalilila ukwikala ubumi ubo waleikala kale, lyena kuli ko icintu cimo icalubana no kwishiba kobe. Icintu fye ceka ico uleshintililapo caba ukulandila mu ndimi, mwilaesha cilya. Mukaponena pa cipoma, kabili bulyo bwato tabwakeminine kuli cilya.

Ukuli ndimi shikaleka. Ukuli ubusesemo bukafilwa. **Lelo ilyo cilya icili icafikapo caisa...Owe, kulya ukutemwa kwa kwa Lesa ukwa nonka kabili ukwasanguluka, ukwashika kabili ukwa maka...**Lyena ifi fimbi ifyabupe fikabomba nakwena. Mwamona? Filya fyabupe fya Mupashi wa Mushilo ifyo fyapelwa kuli imwe, ukulandila mu ndimi, ukusesema na fimbipo, amabwilulo. **Cilya caba ukwikusha ulukuta, kukwikusha umubili (1 Abena Korint 14:12). Lelo intanshi pokeleleni Mupashi wa Mushilo, pakutula mumone ukutula ubumi bwenu bwa pilibulwa (1 Abena Korinti 12:13).** [5]

Kuti natemwa membala onse wa mu lukuta lwandi alandile mu ndimi. Kuti natemwa bena ukucita cilya, kabili ndecetekela nga imwe mwaipusha Lesa, Lesa ali no kupela cena kuli imwe. Lelo lekeni mwebe; **nalishiba abantu abengi abo abalandila mu ndimi kabili tabakwata Mupashi wa Mushilo.** Kabili takwaba kashimikila uyo uwaba uwa cishinka palwakwe kabili no lukuta lwakwe lelo ifyo ali no kweba ulukuta lwakwe cimo cine. Kasebanya kuti apashanya cilya.

Paulo atile, “Nangula ningalandila mu ndimi sha bantu na bamalaika, nangula ningapela umubili wandi nge lambo ku kocewa, **nangula ningeshiba inkama shonse sha Cebo,** nangula ningapela ifipe fyandi ku

babusu, kabili ne fi fintu fyonse, **kabili nshikwete ukutemwa**, nalyo line nshili kantu. Ninkwata icitetekelo kuti naseshe mpili na fimbipo; nalyo line nshili kantu.” Elyo atile, “Cilya icili lubali cikafubalishiwa **ilyo cilya icili cafikapo cikesa,**” **atemwa cilya icili icafikapo cikeshibwa.** [1]

Nomba, Paulo asosele cena mu 1 Abena Korinti 13, icilekonkapo, atile nomba, ukutula, “*Nangula ningalandila mu ndimi sha bantu naba malaika (cilya misango yonse ibili) kabili nshikwete kutemwa, nshili kantu. Nangula ninga kwata amano...*” Nomba, ena alelanda pali ifi fyabupe kuno lubali mu mubili, **ukukwata ifyabupe ukwabula Upela, Ukutemwa.** Mwamona? Nangula ninga kwata amano no kwiluka kwishiba konse kwakwa Lesa, yonse Amalembo, kuti yabika yena capamo nga kasambilila onse umukalamba wafya bulesa, **kabili nshikwete ukutemwa, ico caba Mupashi wa Mushilo, nshili kantu.**”

Nomba, twalishiba ukutula **Mupashi wa Mushilo ni Lesa** (Yohane 4:24). Tulingile ukusumina cilya. Mwamona? Ulya ni Lesa. Cisuma kanshi, **Lesu kutemwa** (1 Yohane 4:16). Mwamona? **E ico kuti mwakwata icili conse ca fyabupe fya kwa Lesa ukwabulo ukukwata Lesa. Lesu kutemwa, kabili Satana kuti apashanya icili conse ca filya ifyabupe. Mwamona, ena kuti apashanya mupepi icili conse pa mulandu ena alapondamika. Ulubembu bulungami ukupondamikwa.** [6]

Nomba, pano, te mulandu ifyo mwingaba abalungama, ici –pano icintu cimo ico tufilwa no kupusa, ba munyinane. Te mulandu ifyo ningaba uwalungama, kabili ifyo ningeshibisha Amalembo, **kabili ne fingi ifyo naishiba pali Baibele yakwa Lesa, nga nshikwete Umupashi wa kwa Lesa uwa kutemwa mu mutima wandi** (Abena Roma 5:5). Pantu uluko lonse lwa bantu ne fyashala, lyena ndi mu cilubo icakubalilapo.

E ico nga ninjishiba shonse inkama sha kwa Lesa kabili no kushifungulula no kulenga shonse ukwikatana pamo, kabili nshikwete ukutemwa, busumanshi cicita? [7]

Nshili kantu mpaka ukutemwa kwaisamo, icili kutemwa. Ukutemwa kusenamina. Ukusenamina kwakwa Lesa uko ukucita fyonse. [8]

E ico bikeni Kristu mu mutima wenu; cilya cituntulu... **Kristu na Mupashi wa Mushilo cintu cimo cine.** Mupashi wa Mushilo, “Kristu” cipilibula “Uyo Uwasubwa.” **Kabili Mupashi wa Mushilo ni kulya Kusubwa, kabili ni mwe mwebali abasubwa.** Mwamona? **Kabili ni Kristu muli imwe ukusuba imwe.** Mwamona ico ndepilibula?

Lyena namukwata icintu icalungama. **Lyena kuti amubomfya imwe ku cintu icili conse Ena alefwaya ukubombelamo muli imwe, pa mulandu muli mu mubili kabili abakumako ku cili conse ca filya ifya bupe (1Abena Korinti 12). Lelo mwamona, ukukwata cimo ca fya bupe kunse ka mubili, teti cimucite imwe icisuma nangu cimo.**

Mwilanshintilila pali filya fintu. **Mupashi wa Mushilo Cibumbwa; ni Lesa, Lesa muli imwe, Umuntu, Lesa, uyo uwaambusha Ubuntu bwenu bonse.** Imwe mwalipilibulwa; imwe muli cibumbwa cipya (11 Abena Korint 5:17). Akantu akali konse akanono akalubana, Ena ali no kumweba ukutila ico cilubo, lyena lekeni; mwicicita. “Tata, nsha cipilibula ukucita cilya, imwe munjelele.” Mwamona? **Kabili ulya e Mupashi wa Mushilo.** [9]

“Kabili nangula mpele ifipe fyandi fyonse ukupela ababusu... nangula ningapela umubili wandi ku kocewa, kabili nshikwete ukutemwa, tacingafwa nangula cimo.”

Mwamona, yonse imilimo yenu iisuma, yonse imicitile yenu iisuma, fyonse ifintu fya bu mupashi mwakwata, fyonse ifyabupe mwakwata, fyonse ifya kuumfwa umfwa mwakwata, ukusangalala konse uko mukwata, umutende onse mukwata tafyakwatapo nangula cimo icakucita icakubalilapo. Tontonkanyeni fye pali cilya pakashita.

Lolekesheni kuli filya ifyabupe, fyonse filya ifintu fisuma. “Ndalisha ababusu, ninkwata umutima uusuma pali ine. Ndacita ici. Ndacita cilya. Ndaya ku chalici. Ndalandila mu ndimi. Ndasesema. Ndaposha abalwele. Ndashimikila Imbila nsuma (Mateo 7:21-23). Ndacita ifi fintu.” Paulo atile, “Nalyo line nshili kantu.” Fyonse filya fintu kuti fyapashaniwa mu buntunse.

Ukutemwa; ukutemwa. Ukutemwa ni cinshi? Ni Lesa. Musangonshi Lesa esa kuli imwe? Ku ku fyalwa. Mwamona? (Yohane 3:3-8). [10]

Mupashi wa Mushilo ukwisa mu musango uwa wamisha ukwika no kutusamba mukuyemba Kwakwe ukukalamba, naciba fye uwaputwamo ukulanda aya amashiwi no kusosa ifi, “Buno ubushiku ubwa bukata ilyo ifyabupe fyonse ifyo ifili mu Lukuta, fikabikwa fye pa mbali ya tamba tamba, nge fyo cali. **Kabili Mupashi wa Mushilo Umwine akasenda fye Ulukuta mu kutungululwa kwa kutemwa ukwa ifi ukwa Bulesa mpaka abalwele bali no kundapwa, impofu shikamona, abalemana bakenda, ukwabula indupi ukubikwa pali bena. Cikaba fye ukwampana kumo ukukalamba.**” [11]

Ukutemwa ukwacine kulalungamika, kabili kuli no ku bweseshwa imwe ku Cebo cakwa Lesa. [12]

Mwamona, icintu icikankala caba, ukutemwa Lesa, no ku ipetamika mwebene na cena. [13]

Les a lingile ukucipela. **Lyena ukutemwa kulaleta isenge. Ubushiku ilyo lulyo lubembu lwapatwile kulya ukutemwa ukwa Bulesa,** Lesa aebele Adamuu na Efa ukukanalya ifi fisabo fimo, kabili bali citile, **kabili ulubenbu lwaletete ukupatulwa.** Kabili ulubembu ku kupatulwa lwaletete ulupato, ububi, ifikansa, akalumwa. Bushe ico cishinka? Ni cinshi icacitike? **Baliipatulwa ukufuma ku kutemwa kwa Bulesa.**

Kabili ilyo mwaipatula ukufuma ku kutemwa kwa Bulesa, lyena teti ucilile ifilubo fyakwa munonko nakabili. Mulingile ukumwebaula palwa cena (1 Yohane 2:10). Cilya cishinka. Imwe teti mucilile ifilubo fyakwa nkanshi na kabili. **Pa mulandu na mutalukako kuli cilya iciputulwa ca Bulesa, cilye ciputulwa ca kutemwa.** Lelo mucine nga mwalitemwa Shikulu Yesu, nga nkashi nangu munyina, acita icintu cimo kuli imwe, “Owe, cisuma, cilya cili fye bwino, bena tabapilibwile ukucicita” ulya e musango wa kutemwa Kristu akwete, “*Tata, babeleleni uluse; tabeshibe ifyo balecita.*” (Luke 23:34). [14]

Kabili, ba muninya, twalilenga utushilwa utunono utwa mafunde ne fintu ifyapusana pusana, kabili nalyo line tatulati twise ku cisuma icine cine. **Caba fye ni Yesu Kristu ukutemwa kwa kwa Lesa, uo Lesa afwaya ifwe ukumona. Ifyo caba icabulanda. Ukutemwa kwaba ukwapulishamo, icanso ica maka nganshi ico ili sonde talyatala monapo atemwa ukwishibapo. Lyena lilekabila nganshi ukutemwa. Ulukuta luleonaika palwa kutemwa, ukutemwa kwa kwa Lesa emenshi ya kusenamina ukupongolokela kuli umo no mubiye. Ilyo ukusubila kwabwekeshiwa, ilyo ubulungami bwabwekeshiwa pakati kesu, ukutemwa kwa kwa Lesa uko ukwabikwa mu mitima yesu ku cilonganano...icintu cimo caumfwika mukuluba palya, bushe tacitile? Ukutemwa kwa kwa Lesa kwalibikwa mu mitima yesu ku Mupashi wa Mushilo** (*Imilimo Ya Batumwa 5:32*), **ukutemwa kwa kwa Lesa kuli ifwe...**[15]

Ulya e mulandu wine ndefwaya ukupela ubumi bwandi bonse kuli Shikulu Yesu, **ifintu fyonse ifyo ninga mucitila Wene. Kabili kuti na bombela fye Wene ilyo ndebombela abantu Bakwe. Imwe kuti**

mwatemwa fye Wene ilyo muletemwana umo no mubiye. Kuti natemwa fye Wene ilyo ndetemwa imwe na imwe mulentemwa ine. Kabili capamo twalitemwa Lesa. Kabili tulesa mukuba abana Bakwe, mukutila ndabombela imwe, imwe mulebombela ine. Kabili muli ici tulebombela Lesa. Yesu atile, “Apo ponse mwacitila utu twacepesha, mwacitila kuli Ine.” (Mateo 25:40). E ico ngatulefwaya ipalo, lekeni tube ipalo ku muntu umbi, kabili ipalo likabwela. Ngo kubika umukate wenu pa menshi, ukabwela. Kabili cilya cishinka. Mu myendele yonse ya bumi mukasanga cilya. Imwe lyonse mulalobolola nge fyo mwabyele (Abena Galatia 6:7-10). E ico natucite icisuma. Landeni icisuma kabili beni aba cikuku. Kabili abantu balalanda pali ifwe, tuli no kulanda ifintu ifisuma kabili ifya cikuku. Kabili ifintu ifisuma fili no kwisa kulubali lwesu nga tuli noku fipela. [16]

Nomba, mwalitemwa ine ukulanda, ico ndetontonkanya caba icapulishamo, ayapulamo **amaka ayabapo pe sonde? Ayapulamo nganshi amaka ayabapo pe sonde Kutemwa.** Cilya ni filya fine. Takwaba nangu cimo icingonaula ukutemwa. Te mulandu ifyo cili.

Fyonse ifyo muli, atemwa fyonse ifyo mwimba; imwe limbi mwalishanine mu mupashi; limbi mwalilandila mu ndimi; limbi mwaliposhanya muminwe ya bakalamba; limbi mwalibatishiwa imiku itatu, uyu musango, kunuma, icinso ku ntanshi, umusango uuli onse mulefwaya; **lelo mpaka ukutemwa kwaikasha mu mutima wenu, imwe nalyo line muli kunse ka kwa Lesa.** Cilya cishinka. Imwe mulingile uku kwata ukutemwa. Baibele itila, “**Lesa kutemwa.**” Ukutemwa maka ayakosa nganshi. [17]

Aba bantu abafwile muli Kristu baleshintilila no kulolela pali ifwe. E ico ulu lukuta lulingile lwaisa mukupwililika pakutila lwingaleta ukubuka (Abahebere 11:39-40;12:1), kabili pali imyeo pesamba lya cipailo, ukulolela ulu ulukuta ukwisa mu kupwililika kwa luko.

Kabili pa mulu apa ilyo icakwisalilako pali Pyramid caisa, **pyramid iine, umubili wa kwa Kristu ulingile ukucepa (11 Petro 1:3-11),** te cisumino fye ceka, atemwa isambilisho, atemwa icintu cimo ico twapitam. **Cilingile ukuba icapwililika ngashi nga Kristu mpaka ilyo akesa. Ena na bulya bukapyunga fikaampana capamo bwino nganshi. Lyena ku kesa ukusendwa, ukuya ku mushi.** [18]

Umwakumona:

[1] “Amepusho na Masuko” (64-0823E), COD pg. 1005, 1030, 1017, par. 57, 164, 96-97

- [2] “Ukubwekeshapo Kwa Muti wa kwa Nabwinga” (62-0422), par. 505
- [3] “Iciputulwa Icawamisha” (64-0705), par. 136
- [4] “Ulubembu Ulushilekelelwa” (54-1024), par. 118
- [5] “Lesu Ushiteluka Ukubomba Mu Nshila Ishenekelwa” (62-0120), par. E-92
- [6] “Ukulashanya pa Ndimi” (60-0807), par. E-7
- [7] “Umutwe wa Bulesa Ukulondololwa” (61-0425B), par. 36
- [8] “Imbila Ya Kusenamina” (61-0827), par. 145
- [9] “Amepusho Na Masuko” (64-0830M), COD Pg. 1079
- [10] “Abena Korinti, Ibuku Lya Kulungamika” (57-0414), par. E-24
- [11] “Lyena Yesu Aiishile” (57-0407E), par. E-5
- [12] “Ukukwata Impongolo Ya Mulwani panuma ya Kweshiwa” (64-0322), par. 148
- [13] “Ipetamikeneni Mwebene” (63-0714E), par. 93
- [14] “Inshila ya Kukwata Isenge” (55-1009), par. E-33
- [15] “Mumfweni Wene” (57-0322), par. E-51
- [16] “Amalango” (55-0115), par. E-17
- [17] “Bushe Nomba Mwacetekela?” (55-0610), par. E-26
- [18] “Umushinku Uwa Muntu Uwapwililika” (62-1014M), par. 367,371

Ilibwe Ilyakukulilako Ilya Bumupashi No.26

Bushe Umwina Kristu Ekala Ukupitila mu Malango ya Bufumu?

*Yakobo 2:8, “Nga mufisha **amalango ya bufumu** umwabele lembo ilyatila, Uletemwo mubiyo nga we mwine, ninshi mucite cisuma.”*

11 Abena Tesalonika 2:7-8,

“... Elyo Umupulumushi ulya akasokololwa...”

*Amalango pakuba ishiwi lya Cihela lipilibula “Amafunde yabili,” ishiwi Amalango. **Kabili Lesa alikwata Amafunde yabili.***

Limo ilya lyena lifunde lya mfwa, uku kananakila ku Cebo Cakwe. Tulesango kutila, ilyo Efa tanakile Icebo Cakwe, caletele imfwa. Lilya ni limo pa mafunde Yakwe, “Ubushiku mukalyako, bulya bushiku mukafwa.” (*Ukutendeka 2:15-17*).

Kabili elyo alikwata ifunde nalimbi, ilyo ilyaba lifunde lya Mweo, ukunakila, nga tamucita icintu ca musango uyu. Ukusunga Icebo Cakwe, muli no kuba no mweo. (*Abena Roma 8:1-2*).

Cilabilimya ku fintu fibili, munshila yandi ntontonkanishishamo, cilya, **nalimo ukusunga Icebo Cakwe atemwa Ukukana nakila Icebo Cakwe.**

Limo pali aya mafunde lya pelwe pa Lupili lwa Sinai (*Ukufuma 19+20:1-21*). Lilya lifunde lya mfwa. Ifunde limbi lyapelwe pa Lupili lwa Kalbale, uko ifunde lya Mweo lyapelwe, ukupitila muli Kristu Yesu (*Yohane 19:17-30*).

Ena nakabili alikwata ifipangano fibili:

Ena alikwete icipangano na Adamuu, umuntu uwakubalilapo pe sonde. **Kabili cilya icipangano cali ne fya kubomba,** “Nga mwacita ici ne ci, ndi

no kucita ici ne ci.” Adamuu nga alikwetepo icintu cimo icakucita ukusunga ici cipangano ca mweo kuli Lesa. **Ena alingile ukwenda mu nshila sha kwa Lesa, ukusunga Icebo Cakwe conse, ukwabulo kutobapo Icebo cimo.**

Lelo nomba ali pele icipangano na cimbi, kabili cilya cali na Abrahamu. Ici cipangano tacakwete ifya kubomba, lelo **cali ukwabule funde.** Lesa apele icipangano kuli Abrahamu, ukwabula ututambo utwakakwa kuli cena, nakalya. **Ukwabule funde!** Tacali, “ndi nokucita.” “Nincita! **Ine nincicita kale.**” (*Ukutendeka 15*).

Kabili lilya e funde Abenakristu balingile ukwikalilako. Te cilya ico tucita fwebene, lelo filya ifyo Wene atucitila. Kristu alininikwa kale. Tacili, “Ena akesacitwa.” Ena alicitwa! Cena cipe icapwishiwa. Ena ali no mweo, ali fwile, ali bukile nakabili, alininine ukuya ku Mulu, **alibwela nakabili mu musango wa Mupashi wa Mushilo** (*Yohane 16:12-23*). **E ico, cena mulimo uwapwishiwa, na Lesa.** Kristu, ukukana ishiba ulubembu, aishileba ulubembu lwandi; pakutila ningeminina mu cifulo Cakwe, **ena asendele icifulo candi** (*11 Abena Korinti 5:21*). **Nali muli Wene, pa Kalbale, ilyo ena afwile** (*Abena Roma 6:6*). Palya ningile ukufwa pamo Nankwe, ukuba no mweo. **Pantu ifunde lya lubembu ne mfwa fyaba mu mubili, mulingile ukufwa** (*Yohane 12:24-25; Abena Roma 7:18-25*), **ukuwikishiwa kuli Wene.** ^[1]

Yesu atile ukuti Icebo Cakwe cali ni Mbuto iyo katanda aile mu kubyala. Nomba, ifwe bonse twalishiba cilya (*Mateo 13:1-43; Luke 8:11*). Moneni, lyena, **ici Cebo, pakuba Imbuto. Lelo, ibukisheni, imbuto ileta fye ubumi bupya ilyo yafwa.**

Kabili ulya e mulandu wine cali icakosa nganshi kuli balya aba Fariseo ukwiluka Shikulwifwe Yesu Kristu, pa mulandu balekonka **amalango. Kabili amalango yali Icebo cakwa Lesa mu musango wa Mbuto. Lelo ilyo Cebo calengelwe mu buntunse, kabili caishileba, te malango, lelo ukusenamina** (*Yohane 1:14*). Nomba, **ukusenamina na malango teti fimonekele pa nshita imo ine.** Pa mulandu, **ukusenamina kwalicila nganshi pa malango,** amalango tayaba na mucikope. Kabili e ico kanshi cali icakosa nganshi kuba Fariseo ukufwa ku malango yabo, pakutila ukusenamina kwingafyalwa. Lelo kulingile ukuya. **Amafunde yabili teti yabepo pa nshita imo ine** (*Abena Roma 8:1-2*). ^[2]

Kabili cilya fye ceka eco Lesa akwata, amafunde yabili ayapusana. Kabili limo pali lyena lyaba **lifunde lya mfwa,** kabili ilibiye lyaba **ifunde lya**

Mweo. Lesa alikwata amafunde yabili. Ukumukonka Wene, kabili no kubombela Wene no kupepa Wene, caba Mweo; ukukana Cena ni mfwa. Mwaba amafunde yabili muli Lesa.

Nomba, limo pali yalya amafunde yalengelwe ukwishibikwa kwi sonde, **pa Lupili Iwa Sinai.** Lesa apele amafunde kuli Mose na Israele (*Amalango 5*). Tacali ukutula amafunde kuti yabafwa, **lelo amafunde yalesontelela fye kuli Bena ukutula bali babembu** (*Abena Roma 7:7-18*). **Mpaka ilya nshita, bena tabaishibe ifyo lubembu lwali, mpaka ilyo bakwete amafunde. Teti kube amafunde ukwabula ukukandwa. Ifunde taliba lifunde, ukwabula ukukandwa. E ico, kanshi,” “ukupula mwi funde caba lubembu** (*Abena Roma 5:12-21*), **kabili icilambu ca lubembu nimfwa”** (*Abena Roma 6:23*). E ico kanshi, mpaka ilyo Lesa abapele amalango, takwali ubupulumushi ubwaishibikwe kuli bena. Nga takuli ifunde kuno ilyo ilisosa ukutula teti mubutushe ukucila ba mailoshi amakumi yabili pali ora. Lelo ilyo kuli ifunde ilisosa imwe teti mucicite, lyena kuliko ifunde no kukandwa kunuma lya cena.

Nomba, **ifunde lya mfwa lyali malango ayapelwe pa Lupili Iwa Sinai,** ilyo ilyasambilishe umuntu ukutula ali umubembu. **Kabili, ukupula mwi funde lya kwa Lesa, ena ali fwile. Lelo tamwaba ipusukilo mu mafunde.** Yali fye kapokola uyo uwinga mubika mu cifungo; tacakwete nangu cimo ukumufumyamo. **Lelo lyena Ena alipele ifunde nalimbi, lilya lyali pa lupili Iwa Kalbale** (*Yohane 19:17-30*). **Uko lubembu lwalilingilwe muli Yesu Kristu, kabili palya ukukandwa kwalilipilwe** (*Esaya 53:4-5*). Ukwabula amafunde, **“lelo ku kusenamina mwalipusushiwa”** (*Abena Efese 2:8-9*). Ku kusenamina kwa kwa Lesa, ukupitila mu kulingilwa libela kwa kwishibila libela kwa kwa Lesa ukwa buntu bwenu (*Abena Roma 8:29-30*). [3]

Mose aiminineko amalango. Bakasesema baiminineko ubupingushi Bwakwe. Ifwe teti twikalile ku malango Yakwe. Ifwe teti twikalile ubupingushi Bwakwe. Nshilelomba ubupingushi; **ndefwaya ukusenamina,** te bupingushi. **Teti nsunge amafunde Yakwe, kabili teti nkumanye ubupingushi Bwakwe; lelo ndefwaikwa ukusenamina Kwakwe** (*Abena Efese 2:4-5*). Kabili Lesa atile amafunde no bupingushi fyafikilishiwe muli Wene. “Ena Mwana Wandu uwatemwikwa. Mumfweni wene. Ulya ni Wene; ulya Eo.” (*Mateo 17:1-8*). [4]

Lesa atile (mu Cipingo Cakale) ngo mwaume aikatwa mu bucende, atemwa umwanakashi, balebasenda kunse kulya no kubapola amabwe

ukubepaya. Cilya calepwisha cena. Mwamona? Nga cakutilla asangwa aletola umwina wa nkuni, pa bushiku bwe sabata, “Musendeni no ku mupola amabwe.” Baikalile yena lilya. Kabili nomba, mwamona, **ifwe tatwakwata amafunde ya ulya musango ilelo**. Lelo Umwinakristu, ulukuta, ulo ndelandako, **ilye funde lya kwa Lesa lili mu mutima wenu** (*Aba Hebere 10:14-18*). Mwamona? **Imwe tamwakwata ukukabila ukucicita** (*Abahebere 10:1-2*). **Ca mukati umu. Imwe mulefwaya ukusunga amafunde yakwa Lesa mu kupwililika nganshi**. Te mulandu ifyo cena cili, imwe mulefwaya ukuba fye cinshi...Nga Lesa alefwaya ica ku kumwinako ku nkasa, Ena alefwaya imwe ukuba cilya ca ku kumwinako ku nkasa pa mwinshi imwe muli abansansa nganshi ukuba filya. Te mulandu ifyo cingaba, imwe mulefwaya ukuba ica ku kumwinako ku nkasa. Mwamona? **Conse ico Lesa afwaya imwe ukucita, cilya e co imwe mufwaya ukucita, pantu ni Lesa. Nomba, palya epo imwe mucine musanga ukutemwa kwenu ukutuntulu, ukwapwililika, ukwa cine ukutemwa kwa kwa Lesa** (*Abena Roma 5:5*). [5]

Ifyo ulubembu lwali ulwabipisha, ifyo lwabipisha, tacili lwali, lelo ifyo luli nomba. Kabili nga cakutilla cilya cali mu malango **kabili Kristu aishilekusha amalango...Atile**, “*Mwalyumfwa ukuti, casoselwa ku kale, mwilaipaya... lelo ndetila kuli imwe, ukutilla uyo onse uucita ubukali na munyina apabulo mulandu akabo wa mulandu ku bupingushi:*” **Ali yakushishe**. “*Mwalyumfwa ukuti casoselwe ku kale, aciti wilacita bucende (ulya wa mulimo), lelo Nde mweba nati, onse uulolesha pa mwanakashi no ku mufwaya nacita nankwe ubucende:*” ali yakushishe imiku amakana. Cisuma, nga cakutilla cilya casendele inkulo ikumi limo na fine kuli cilya ukufumapo lilya, inga ilyo icilola cakwa Lesa icakukushishako cabikwa pali cena? (*Mateo 5:21-30*). [6]

Finshi ifyo Paulo apilibula pa buntungwa no kulubuka muli Kristu? Bupusano nshi ubwabapo ubuntungwa ukufuma ku malango? (Ukulingana na Bena Galatia 5:1-26).

Cisuma, **imwe tamwakakwa na mafunde**. Nalalondolola mu musango wa cifyalilwa. Tutile, kunse uku itila muleenda mu musebo, ba mailoshi amakumi yatatu pali ora e musango mwingendelamo ulubilo. Cili fye nomba. Nomba nga naya mu musebo ba mailoshi amakumi yane pali ora, ndi uwaebaulwa kwi funde. Lelo nga naya ba mailoshi amakumi yatatu pali ora, **nshili pesamba lye funde. Mwamona? Bulya e buntungwa muli Kristu, icintu cimo cine**.

Imwe tamuli abakakwa kwi funde ilyo lyonse...nga ta muleiba, ukubepa, Ukupepa fwaka, ukucito bucende, ifili fyonse filya fintu palya, nshili uwakakwa kwi funde ilili lyonse. Mwamona? **Ndi muntungwa kwi funde; ndi muli Kristu.** [7]

Amafunde yakwe yafwaya ubupingushi Bwakwe. **Kabili ifunde ilyabulo kukandwa te funde.**

Nga kuti nasosa, balipangile ifunde muno mu musumba, “caba mulandu ukucilila pa nyali yakashika,” Kabili lyena takuli ukukandwa kuli lyena, imwe mulatwalilila fye ukuciluka pa nyali ishakashika. Lelo kulingile kwaba ukukandwa. Kabili **ukukandwa kwi funde lyakwa Lesa, ukukana ubutantiko Bwakwe, caba ni mfwa.** Kabili kwalingile ukubako imfwa, e ico yalingilwe ukulupilwa. [8]

Lilya e pange lyakwa Lesa pali Yesu Kristu, cali ukuilangisha Umwine, ukusenda amafunde Yakwe Umwine no kwikalila ku mafunde Yakwe, no kufikilisha amafunde Yakwe, mumfwa. Kabili Kristu, Lesa, afwile mu mubili, pakutila engebaula ulubembu mu mubili (*Abena Roma 8:3*), **Pa kutila Ena engaleta ku Mwine Nabwinga uwabukata, ukulubulwa ukubweshiwa, uyo ukacetekela fye mu Cebo cakwa Lesa;** kabili no kukana kabushanya Cena, nge fyo Efa acitile, ku melenganyo aya mano ya muntu. Mulemona cena?

Kabili ipange lyonse lyena lyashilwa muli Yesu Kristu, **ukwisaba Lesa Umwine ukusenda ukukandwa kwe funde Lyakwe Umwine, imfwa, ukufwa, ukulubula umukashi uyo uwalubile pa kukana Wene.** [9]

Nomba umfweni. Nga mucine mwalifyalwa mu Mupashi wa kwa Lesa, cilya cipilibula ifintu fyonse kuli imwe. Mwamona? Tacili ifitabo fya mafunde. Tamwikalila amafunde ayali yonse. **Imwe mwikalila ku kusenamina kwakwa Lesa, Umupashi wakwa Lesa** (*Abena Galatia 5:22*). [10]

Umuntu uwikala ubumi pa mulandu wabo abene, e kala ubumi uwa kwitemwa. Tulingile ukwikalila bambi: “*Tusendelane ifisendo kabili efyo mu fishepo amafunde yakwa Kristu.*” (*Abena Galatia 6:2*) **Kabili tulingile twakwatila inkumbu umo no mubiye.** Kabili e ico kanshi, ilyo mwacita fyonse ifyo mwaishiba ifyo mwingacita, lyena ilyo mwasendama mu bushiku, cisuma, **imwe mulasansa mushiwa ukwishiba ukutila mwaciesha mu busuma bwenu.**

Teti nenge uuli onse ukucetekela. Cilya tacingacitwa. Yesu teti acite cilya ilyo Ena ali pe sonde. **Kabili ninjishiba kukaba fye abanono abacetekela.** Lelo nga kuliko icintu icili conse ningalundako ku kwafwilisha Imbila

nsuma, ulya e mulimo wandi wakuba kuno, cili ukweshwa ukwafwilisha umuntu umo mu nshila. [11]

“Pantu bonse abatungululwa ku Mupashi wakwa Lesa, bena bana ba kwa Lesa.” (Abena Roma 8:14). Lyena ilyo iciputulwa ca buntu cafumapo, **kabili Umupashi wakwa Lesa waisusha ilye ncende**, ukuifumyapo mwebene, lyena e lintu ulukuta lukaba mu maka yaluko aya kubuka kwakwa Yesu Kristu, tukenda muntampulo Shakwe, mu maka Yakwe, mu matontonkanyo Yakwe, mu buntu Bwakwe, mu kwenda Kwakwe...mulemona ico ndepilibula? **Lyena amatontokanyo yenu yakaba ifyebo, kabili ifyebo fikaba ifintu ifya kubomfya. Lilya e lintu ulukuta luba mu maka yaluko...**

Ndecetekela cili mu nshila, ukutila ilyo Ulukuta lukaba ulwapombwa nganshi muli Kristu, Mupashi wa Mushilo, abantunse ukutaluka nganshi ukufuma ku bene beka, icakuti tabaimona abene beka, bena tabakwata amatontonkanyo lelo ukubombela Lesa. Kabili amatontonkanyo yabo yalatwalilila. Balakana ifintu fye sonde. **Bena benda fye mu Mupashi, bekala mu Mupashi,** benda mu Mupashi, bendela mu Mupashi, e ico ukufikilisha amafunde yakwa Kristu (*Abena Roma 8:1-2*). **Lyena ukutemwa kwa Kristu mu mutima wa muntu, ukwenda mu Mupashi wa Mushilo,** lulyo lukalamba ulwawama Ulukuta lukaya na maka na Bulesa; pa mulandu Bulesa bukasokolwa mu Bantunse ku Mupashi wa Mushilo ukulengwa ukufikilishiwa amatontonkanyo ya mano yabo. [12]

Kwaba ifunde, kwaba ifunde ilyapelwa pakati ka ifintu fyonse. Namwishiba, isabi lyalikwata ifunde. Kabili lilye sabi kuti lyaiminina kulya mu menshi, kabili lyena lyali kwata ifunde mukati ka lyena. Nga lyena kuti lyalekelako fye kuli lilye funde lyaba muli lyena, lyena kuti yaibila pesamba pali bamba: talisakamana nangula panono; teti lyonaule akabulungwa nangu kamo.

Mukeshe ukucicita. Lilye funde talyaba muli imwe. Imwe teti mucicite, lelo isabi kuti lyacicita. Lila icingilila iline kuli ulyo mwela. Mu musango ulo lingacita; tamwaba nangu cimo muli lyena ukupoleka. Kabili lyena lyapangwa ulya musango; Lyena lyalicishiba, kabili kuti lyabomfya fye lilye funde ukuya pesamba lya bamba e lyo ukuimya ukubwela nakabili.

Owe, kwaliko ifunde muli Kristu; lilye funde lyaba mu muntu. Kuti mwamushika ku nshishi iyashika nganshi, atemwa kumbo ukwalepesha; **kwaliba ifunde lya Mupashi wa kwa Lesa, ilyo ili kamwimya nakabili.** Mwamona? (*Yohane 5:28-29*).

ICuni calikwata ifunde. Nomba, umubili wa ciko wapangilwa; caba icakwikala pe sonde, cilekala pe sonde pano; lelo calikwata ifunde muli

cena, ulya e musango citambalika amapindo ya ciko, cena kuti capupuka ukukana moneka. Cilya caba icakususha science. Batila cena cilekala pe sonde; ukutinta kulingile kwa cikatilila pano. Lelo kuti cacimfya ukutinta, cilaiimya icine, kabili cilaya fye ukulaya; **pa mulandu cilingile ukubika lilye funde muli cena kukubomba; kabili capangwa ukukwata lilye funde.**

Nomba, twalikwata ifunde, ifunde lya mweo muli ifwe. Icintu fye ceka ico mulingile ukucita... imwe mwalipangwa, **kabili mwalifyalwa, no kubikwa pano mu mubili wa kwa Kristu nga abana baume na bana banakashi bakwa Lesa (1 Abena Korinti 12:13).** Imwe ta mulingile uku “ukufukama” panshi kuli ciwa. **Ifwe twalikwata ifunde; lilya lifunde lya Mupashi wa Mushilo.** Icintu fye ceka mulingile ukucita, **caba ukwishiba ifya kulekelako no kuleka Lesa. Imwe muletwalilila ukulwisha kuli cena, kabili cena tacakatale bomba. Ilyo mwalekelako no kuleka Lesa, epela fye...(Amalumbo 37:5-7).**

Nge sabi lyatile, “Loleleni, ndi no kupema umupu wandi bwino nganshi; nalapema umwela uusuma unono muli ine, kabili ndi no kumona nga ndi no kuya pesamba.” Iyo, lyena nga lyacita cilya, lili no kupoleka. Mwamona?

Icuni catila, “ndi no kumona ifyo nginga butukisha nganshi pano lubali, kabili nalimo ndi no kwima.” Iyo, cena teti cicite; cena cili no kuwa. Mwamona? **Cena cilingile ukwishiba ifyo lilye funde linga tungulula cena.**

Kabili umusango umo wine cabelamo na ifwe, tacili ukutila tulalwa, kabili no kutinta, kabili no kwangufyanya, kabili, “Owe, nga nshilekwata ici; nga nshilekwata cilya;” cilya te co; **caba ukwishiba ukutila ifunde lya mweo lili muli imwe. Kabili imwe mulekelako fye no kulekela Lesa. Lyena Ena alamusenda ku kundapwa kwenu, alamusenda ku lubatisho lwa Mupashi, atemwa icintu icili conse ico Ena alaile. Ubulayo ubuli bonse ubo Ena apele bwenu, kabili pa kulekelako no kuleka Lesa...**

Lesa alitantika amafunde Yakwe yonse ukubombela Wene, fyonse fibili ifya cifyalilwa ne fya bu mupashi, ukubomba ukulingana ne Cebo Cakwe, te mulandu wa filecitika. Nalitemwa cilya.

Lesa alitantika amafunde Yakwe yonse mu kubomba. Tontonkanyeni pali cena; lekeni cikale mukati nomba. Mwamona? **Lesa alibika amafunde Yakwe yonse mukubomba; cilya cilingile ukubomba ukulingana ne Cebo Cakwe. Amafunde Yakwe yalingile ukubomba ukulingana ne Cebo Cakwe.** Ena aebele akasuba; Ena aebele umweshi; Ena aebele isonde; Ena aebele ifya cifyalilwa; kabili fyonse fyendela fye pamo. Kabili yonse yalya amafunde yendela mu cumfwano ne Cebo cakwa Lesa icalandwa.

Kabili ifunde Iya mweo Ilyo Ilyaba muli ifwe likatuleta mu kubuka. Lilingile ukucita. Cili icishingacitwa kuli cena ukukana citika (*Ukusokolola 20:4-6*).

Ulya e mulandu wine ifunde Iya Mweo Ilyali muli Kristu...Ilyo Icebo ca landilwe no kusosa, “*Nshakaleke uwa mushilo Wandi ukumona ububole, nangula ukusha umweo Wakwe ku mbo*” (*Amalumbo 16:10*). Takwaliko inshita iyalinga; **takwali ifiwa ifyalinga**; takwaliko ifyalinga nangu fimo ukusunga Kristu mulya mu nshishi mpaka umubili wakwe ukutendeka ukubola; **pantu ifunde Iyakwa Lesa Ilyali no kulenga Icebo ukufikilishiwa. Kabili ifunde Iyakwa Lesa, ku Mupashi wa Mushilo, lileta ubulayo ubuli bonse ukufikilishiwa, te mulandu ifyo cili.** [13]

Kwaba ifunde Iya fya cifyalilwa; takwaba inshila ya kucilila Iyena, Iyena lifunde Iya cifyalilwa. **Kabili Iyena kwaba ifunde Iya mupashi; kabili kwaba, nacimbi, takuli inshila iyakucilila cilya** (*Abena Korinti 13:8-10; Yohane 13:34; Mateo 22:34-40*). [14]

Nomba Ilya e nshila fye yeka iyakukwatilamo uluse, caba ukukonka amafunde ayo Lesa atupela ukukonka yena (*Abena Roma 12:9-16; Mateo 5:17-49; Mateo 6+7:1-12*). **Ulya e musango fye weka Ena engalangisha uluse, ni lilya Ilyo twakonka ifyo Ena asosele ukucita.** [15]

Yakobo 1:25, “Lelo uulolesha mu malango ayatuntulu ayabuntungwa, no kwikalililamo, uushaba komfwa wa cilafi, lelo ni kacita wa mulimo, uyo akaba uwapalwa mu kucita kwakwe.”

Umwakumona:

[1] “Incende Iya Pelwa Na Lesa Iyakupepelamo” (65-0425), par. 22-31

[2] “Ukukalipwa kwa Pakupapa” (65-0124), par. 58-59

[3] “Incende Iyasalwa Na Lesa Iyakupepelamo” (65-0220), par. 21-23

[4] “Amashina Yamiponto” (62-1104M), pg.25

[5] “Kristu Aisokolola Mu Cebo Cakwe Umwine” (65-0822M), par. 134

[6] “Ulubatisho Iwa Mupashi wa Mushilo” (58-0928M), par. 35

[7] “Amepusho na Masuko” (64-0830M), COD pg. 1111

[8] “Nalacita Shani Na Yesu Uwitwa Kristu” (63-1124M), par. 78-79

[9] “Kristu e Nkama yakwa Lesa Ukusokololwa” (63-0728), par. 236-170

- [10] “Ifintu Ifili No Kubako” (65-1205), par. 92
- [11] “Pa Cebo Cenu” (50-0714), par. E-3
- [12] “Icebo Caishileba Ubutunse-Ilyashi Iya Bulendo waku India”
(54-1003M), par. 183
- [13] “Ukubweseshapo Kwa Cimuti ca kwa Nabwinga” (62-0422),
par. 52-57, 63-64
- [14] “Abacetekela Imisango Itatu” (63-1124E), par. 37
- [15] “Lesa Uyo Uwacindama mu Luse” (65-0119), par. 63

Ilibwe Ilyakukulilako Ilya Bumupashi No.27

**Icebo caba Mupashi mu Musango Wa
Cebo
-Endeni mu Mupashi-**

Yohane 6:63, “...ifyebo ifyo nalanda kuli imwe, fyaba mupashi, kabili fyaba mweo.”

Nge fyo umwangashi wa cifyalilwa uisokolola uwine mu maka ayakusansamusha, efyo no mwangashi uupya ilyo **usokolola Icebo ca kwa Lesa icili Umupashi** (*Ukusokolola 6:6*). Mwamona? **Icebo Icine caba Mupashi**. Mulecetekela cilya? Leken i tubelenge cena. “*Umupashi e ulengo kuba no mweo; umubili tekuti wafwe nakalya; ifyebho ifyo nalanda kuli imwe, mupashi, kabili mweo.*” (*Yohane 6:63*).

Icebo Icine caba Mupashi; caba Mupashi mu Musango wa Cebo. Kabili lyena, mulemona, ilyo Cena caletwa ku mweo atemwa, **ukuletwa ku Mweo, Umupashi wa Cebo ulaya mu mulimo no kubomba**. Mwamona? Nomba, lolekesheni kuno: itontonkanyo lilingile ukuba itontonkanyo ilyo talilaba icebo. Kabili lyena ilyo itontonkanyo lyapelwa, lilaba Icebo. **Nomba, ili litontonkanyo lya kwa Lesa ilyo Ena abika mu Cebo**, kabili lyena ilyo twapokelela lyena ukufuma kuli Wene, lilesa mukuba Icebo.

Les a asokololwele kuli Mose ifya kucita. Mose alandile cena, kabili calicitike (*Ukufuma 14:13-31*). Mwamona? Cilya eco, ilyo mucine caisa ukufuma kuli Lesa...Nomba, tulesanga ukutila cilasansamusha, kabili cilapela ukusangalala, pantu cena Cebo cakwa Lesa, kabili umwangashi uupya ulasansamusha (*Luke 5:36-38*)—**ilyo casokolola Icebo**; lyena cilaleta ukusangalala ukwapulamo inshita shimo, cilya cilaleta ukusangalala ukwakutila kulesula no kupongoloka. [1]

Ena alandile pali ino nshita, ifyo cili nomba. **Abacetekela aba ino nshita balingile ukucetekela Ici, ifyo Ena alaile ilelo**. Umusango fye umo wine nge fyo baishile mu cibwato, ukupusushiwa; ukuya kunse ukufuma mu Eguptii ku kupusushiwa; **ben a balingile ukwisa muli Kristu, ku**

kupusushiwa nomba, mukati ka Mbila ya Cebo, ukutila Ena aba cimo cine mailo, ilelo, no muyayaya. [2]

Lesu takapusushe isonde ku kabungwe atemwa imibombebele. **Ena akapususha lyena ku Mupashi wa Mushilo. Kabili Mupashi wa Mushilo e Cebo ukulengwo kumonekela.** Cena ma bulayo yakwa Lesu ukulengwo kumonekela. [3]

Icisabo ca Mupashi caba Cebo cakwa Lesu ukulengwo kumonekela icine: ukutemwa, ukusangalala, umutende, ukuteyanya, ubusuma, ukushipikisha, icitetekelo. Icitetekelo muli cinshi? Icebo (*Abena Galatia 5:22-23*). [4]

Mupashi wa mushilo ilelo alateka pa bantu, **kabili Mupashi wa Mushilo e Cebo.** [5]

Nomba, ilyo umulwani alwisha no kwesha ukusosa ukutila mulingile ukucita ici, no kucita cilya, ni cinshi muli no kucita? **Ikaleni ne Cebo.** Cilya cishinka. Cinshi ico mulefwaya ukucita lyena? Sendeni Icebo. Icebo ni cinshi? Baibele itila pano. **Pantu Umupashi wa kwa Lesu e Cebo.** Mwamona? Lolekesheni kuno. “Kabili buleni icakucinga umutwe ce pusukilo, kabili no lupanga, ulupanga lwa Mupashi.” Ni cinshi Umupashi uyo uwisamo ukupitila mu mano yenu, no kwingila muli imwe; **kabili ulupanga ulwa ulyo Mupashi caba Cebo cakwa Lesu** (*Abena Efese 6:17*). Ni cinshi ico ulyo Mupashi ulwilako? Ni cinshi ico Mupashi wa Mushilo alwilako? Ifyakumfwa umfwa? Imyumfwile? **Icebo.** Ubukata. Ni cinshi ico Wene ulwilako? **Icebo ca kundapa.** Icebo. Lekenii tusose cena, Icebo. Icebo. **Icebo Cakwa Lesu e co Umupashi ulwilako. Umupashi wa kwa Lesu** uya fye kuli ciwa no kusosa, “Cali lembwa.” Amenii. “Calilembwa.” Kabili ciwa alalekelako (*Mateo 4:1-11*). [6]

Yesu tatalile posako amano ayali yonse kuli wene. Kabili nga tacitile lilya, nangula abantu bakwe ilelo. Lekenii wene abilikishe ifya mu mutwe wakwe; ifwe tatusakamana. **Ifwe twendela mu Mupashi wa kwa Shikulu.** [7]

Pa mulandu, Yesu atile, “Nga twalundako icebo cimo kuli Ici, atemwa ukufumyako Icebo cimo kuli ici, icakaniko cesu cikafumishiwamo mwi Buku Iya Mweo.” (*Ukusokolola 22:18-19*). Mwamona, te Lembo limo. Ifwe tulingile ukusenda Lyena umusango fye Lyena lyalembelwamo. Kabili

Les a alalolekesha pa Cebo Cakwe, ukubomba Cena (*Yeremia 1:12*), kabili natwishiba ukutila cena cilingile fye ukuba icalungama.

E ico kanshi, te mulandu ifyo lukuta lwingasosa, ifyo uuli onse engasosa, **nga mwalifyalwa ku Mupashi wa kwa Les a** (*Yohane 3:3-8*), **mulesa mukuba iciputulwa ca Baibele**. Les a aebele Esekiele, kasesema, “*Sende umufungilo no kuulya*,” lyena kasesema no mufungilo fyaishileba iciputulwa ca umo ne cibiye (*Ezekiel 3:1-4*). **Kabili ulya e wacetekela ilyo apokelele Mupashi wa Mushilo; Mupashi wa Mushilo alembale Baibele, kabili Mupashi wa kwa Les a e Cebo cakwe Les a**. “Ifyebo Fyandi fyaba Mupashi. Mu kutendeka mwali Cebo, kabili Cebo cali pamo na Les a, **kabili Cebo ali ni Les a**. Kabili Cebo calengelwe ubuntunse no kwikala mukati kesu.” (*Yohane 1:1-2,14*). Aba Hebere 13:8, “*Ena aba cimo cine mailo, ilelo, no muyayaya*.” **Kabili ilyo muli iciputulwa ca cilye Cebo, owe, lyena lekeni icintu cimo ciise ukupusana na cilye Cebo**, kwalibako akanyenjele akanono akalalila bwangu bwangu. Mwamona, **kena kalasoka imwe ukutila imfwa ili munshila**. Tatulingile ukucita cilya. [8]

Nomba, Mupashi wa Mushilo e Cebo. Les a taba batatu. **Ena aba Les a umo wine mu bupyungishi butatu, ama ofeshi yatatu**. Les a, Tata, pa mulu wa malango; Les a, Umwana, ku kusenamina; kabili Les a, **Mupashi wa Mushilo**, nge fyo mulumbula cena, **Les a umo wine mubupyungishi bwa Mupashi wa Mushilo**. Les a, Tata, ali cebo; Les a, Umwana, ali cebo; kabili Les a, Mupashi wa Mushilo, e Cebo. **Mwamona, cena caba fye amaofeshi yatatu** (*1 Timoti 3:16; Abena Efese 4:4-6*). Kabili Mupashi wa Mushilo alakakatika imwe, **e ico mulakakatikwa ne Cebo** (*Abena Efese 1:13-14*). [9]

Mwatila, “Cisuma, abantu bambi balacita ici.” Cisuma, imwe tamwaba nga bantu bambi. Imwe mwalifwa, kabili ubumi bwenu bwalifiswa muli Les a ukupitila muli Kristu kabili mwali kakatikwa na Mupashi wa Mushilo (*Abena Kolose 3:1-2*). Mwamona, imwe tamwaeseshe umuti. Ni pa mulandu wakutila abantu tabafwaya ukwesha wene.

Nomba, imwe mulingile ukufwa. Imwe mulingile ukubola (*Yohane 12:24-25*). Bulya e bwaba ubwa fya na bantu, mucifulo cakuya ku cipailo no kukwata **cimo icapala nga ifyakumfwa umfwa**, ukutoloka, no kuposhanya mu minwe nakashimikila, ukuya no kuyasenda cimo icapala nge sambilisho nangu icisumino, no kubwekeshapo cena, no kusosa, “Naba kuli Aba-na-ba. Naba kuli Aba-na-ba.”

“Bushe uli Mwinakristu? Naba ifi nefi?”

UmwinaKristu, caba ukuba nga Kristu. Ukuba nga Kristu caba ukucetekela Icebo. Nga tamulecetekela Icebo, lyena teti abe nga Kristu. Kuti mwasosa shani ukutla muli Benakristu no kukana iciputulwa ca Cebo? Nga Mupashi wa Mushilo alembele Icebo, **Mupashi wa Mushilo alashininkisha Icebo. Kabili Mupashi wa Mushilo e Cebo.** Kabili Icebo ukwikala muli imwe cilaleta amabulayo yakwa Lesa ku wacetekela onse (*Yohane 15:7*). Amenii, ishiwi lipilibula “Lekeni cibe ifyo fine.” Nalicetekela cena no mutima wandi onse. Cena Cebo cakwa Lesa uwa Mweo. Amenii. [10]

“Mwatila Icebo caba Mupashi?” Ee, mukwai. Lesa atile, “Icebo Candi Mupashi.” Cilya cishinka.

Nabwinga uwa cine alingile ukwampanishiwa pamo ne Cebo. Nomba, ibukisheni, nga ena aba icilundwa cakwa Kristu, ena alingile ukuba Icebo cakwa Kristu. Pakutla engaba Icebo cakwa Kristu, **imwe mulingile ukubatishiwa muli Kristu** (*1Abena Korinti 12:13*). Kabili imwe ilyo mwaba muli Kristu, **imwe mulacetekela Kristu kabili Kristu e Cebo.** [11]

Kabili mulya, kukaba inshita ikesa **ilyo engailangisha Umwine mumwisulo wa mutwe Wakwe wa Bulesa, Bulesa, ukupitila mu Lukuta Lwakwe, ukukwata intanshi muli ulu Lukuta** (*Abena Kolose 1:16-19*). Owe, mwe! Cinshi? **Umuntu uwasubwa; nomba abantu abasubwa; owe, mwe, ukubwesha Nabwinga uwasubwa na Shibwinga.** Ukusubwa pa kusumina ifyo Efa akene, na Adamuu; **ukubwela no kusubwa ukwa Cebo, pantu atile, “Icebo Candi Mupashi.”** Mwamona, ukusubwa ne Cebo. I co Efa akene, **Ena abwela elyo ifwe twasumina.** [12]

Abena Roma 8:1, “Takwaba nomba ukusekwa kuli abo abali muli,” te balya abalecetekela cena, “abo abali muli Kristu Yesu, abo abashendela umwalola umubili, lelo umwalola Umupashi,” [13] **cilya mwiilaposa amano ku fyo isonde lingasosa. “Kabili Icebo Candi Mupashi kabili Mweo.”**

Kabili nangula nga na mulwala, doctor atila, “Muli no kufwa,” tamuposako amano kuli cena, tacimucusha imwe nangula panono.

Nga bena bamweba, “imwe mulingile ukuba Katolika ilyo imwe ta mu lapusushiwa, atemwa Presbyterian, atemwa mulingile ukucita ici,” imwe mwiposako amano kuli cena.

“E ico takwaba ukusekwa kuli abo ababa muli Kristu Yesu, abashendela umwalola umubili, ifintu ifyo bamona.” Ifintu fyonse ifyo mumona na menso yenu fya panonse.

Lelo fyaba ifintu mu mona mu mupashi wenu ukupitila mu Cebo! Icebo caba icilola ca kwa Lesa ico icilangishiwa ifyo Ena aba ne fyo imwe mwaba. Alleluya! Owe, mwe! Cila mweba. Ili e Buku fye lyeka mwisonde ili mweba uko mwafuma, ifyo imwe mwaba, kabili neko muleya. Nangisheni ibula ili lyonse lya citabo, ukuli konse, na Science yonse ne fintu ifyashala, ibuku ili lyonse ilisuma ilyo ilyalembwa, tapali nangu limo ilya yena ilinga mweba cilya. **Ici cilola ca kwa Lesa icakumwenako, ico icilangisha ifyo Ena aba nefyo imwe mwaba.** [14]

Ifwe tulabatishiwa mwi tempile lya kwa Lesa (1 Abena Korinti 6:19-20), mu Mubili wakwa Lesa, mu Mubili wakwa Yesu Kristu. Kabili **ifwe tuli muli Kristu ku lubatisho lwa Mupashi wa Mushilo:** 1 Abena Korinti 12. “Kabili takuli nomba ukusekwa kuli abo abali muli Kristu Yesu abashendela umwalola umubili, **lelo umwalola Umupashi**” (Abena Roma 8:1). **Bakabila ifintu fya bumupashi. Bena tabasakamana palwa fintu fya bumubili.**

Umubili wandi uletila, “Ninaka nganshi.”

Umupashi wandi uletila, “Iwe tauli. Ndi katungulula obe. Nkonka.” Amenii.

Ukumona ubwafya kunse kulya, kabili doctor atila, “Namwishiba bulyo bwafya teti bupole. Bulyo bwafya bwafumapo.” Nalalolekesha pali wene. Ntila, “cilya cishinka.” Lelo Mupashi wa Mushilo ulesa no kupela icimonwa, utila, “cili no kuba fye bwino.” E lyo ntila, “EFYO ASOSA SHIKULU, umwaume ali nokuba no mweo.”

Kabili ifwe tatwenda umwalola ifintu fya mubili nakabili, ifyo mubili usosa [15] (ngo kulwa, ubulwi ne fikansa, ifintu fyonse, ifintu ifyakuitemwa) [16] nangula ifyo Ameniso yabo yamona na matwi yabo yomfwa. [17] **ifwe twenda umwalola ifintu fya Mupashi.** Cilya cishinka. [15]

Nomba, imibili yesu yapangwa ku fintu ikumi limo na mutanda ifye sonde. Twaliishiba cilya. Wapangwilwa kuli potash, na kashamu unono, na petroleum, no lubuuto lwa cosmic, naba atom, na fimbipo. Fyonse ukubikwa pamo, kabili filapanga uyu mubili, fiisa ukufuma mu lukungu lwe sonde. Imwe mulalya ifya kulya. Ilyo mulelya ifyakulya, ifyo ifibwekela ku lukungu, kabili fifuma mu lukungu, kabili citwalilila fye ukulaya pantanshi.

Kabili, mulumendo, ulacindamika umubili; **lelo ulyo mupashi walikwata umweo mulya, munyinane.** Cilya cishinka. Lelo umubili obe waba fye ulukungu lwe sonde, ngo wanama. Umubili wenu tawacila pa nama. Kabili nga mwakumbwa ififwaya umubili ne fintu mu mona,

ukukumbwa abanakashi, ukukumbwa fyonse ifi fintu ifya pusapusana, cena cicili ni nama. Cilya cishinka. Cilya cishinka. Imwe tamulingile ukucita. **Umupashi wa kwa Lesa uli no ku mutungulula no kumubika apa sansamisha ukucila palya** (*Abena Galatia 5:16-21*). Cilya cishinka nganshi. [18]

Bena tabasakamana ifyo isonde ngefyo umuntu uwashala engasosa, nangu ifyo indupwa shabo shisosa. Bena benda mu Mupashi wakwa Lesa mu kutemwa kwa Bulesa ukwa pwililika. Mwacimone ci? [19]

“Pantu bonse abatungululwa na Mupashi wa kwa Lesa bena bana bakwa Lesa.” (*Abena Roma 8:14*). Lyena ilyo iciputulwa ca buntu cafumapo, **kabili Umupashi wa kwa Lesa waisusha ilye ncende, palya epo muifumyamo mwebene (Amenii), lyena tukaba ilyo lukuta lukaba mu maka ya luko ya kubuka kwa kwa Shikulu Yesu, tuli no kwenda mu ntampulo Shakwe, mu maka Yakwe, mu matontonkanyo Yakwe, mu Buntu Bwakwe, mu kwenda Kwakwe...mulemona ico ndepilibula? Lyena amatontonkanyo yenu yakaba Ifyebo, kabili Ifyebo fikaba mu fyakubomfya.** Lilya e lintu Ulukuta lukaba mu maka ya luko...

Ndecetekela luli mu nshila, **lilya e lintu Ulukuta lukaba ulwapombwa nganshi muli Kristu, Mupashi wa Mushilo, abantu ukuifumyako abene ku fyo baba, icakutila tabaimona abene, bena tabakwata amatontonkanyo nangu yamo, kano ukubombela Lesa.** Kabili amatontonkanyo yabo yene yalaya pantanshi. Bena balakana ifintu fye sonde. **Bena benda fye mu Mupashi, ukwikala mu Mupashi, ukwenda mu Mupashi, ukwendela mu Mupashi, e ico bafikilisha amafunde yakwa Kristu** (*Abena Galatia 5:16*). Lyena ukutemwa kwa kwa Kristu mu mutima wa muntu, **ukwenda mu Mupashi wa Mushilo** (*Abena Roma 5:5*), **lulyo Lukuta ulukalamba ulwawama lukenda mu maka na Bulesa; pa mulandu Bulesa bukasokololwa mu bantunse ku Mupashi wa Mushilo** ukuleta mukufikilishiwa amatontonkanyo ya mano yabo. [20]

Lolekesheni. “Ku Mupashi umo ifwe bonse tulabatishiwa mu Mubili umo, kabili tulesa mukuba ifilundwa ifya uyu Mubili.” **Kabili umuntu uuli muli Kristu Yesu enda ukukonka ifintu ifya bumupashi.** Kwi sonde, caba mano ya buntunse; caba ubuwelewele. Lelo kuli abo abacetekela, caba mweo uwa muyayaya. Amenii. Mwacimone co. Owe, ifyo cawamisha. Lyena ni cinshi icinga mucena? Imwe mwaba muli Kristu (*Abena Roma 8:37-39*). Kabili nge fyo mucine Lesa abushishe Yesu ukufuma kubafwa,

tukesa muli Kristu. Amenii. Ee, ifwe tulingile ukucita; Lesa alilaya cena. **Nge fyo mucine ifyo ulyo Umubili uleya mu mulu, ndi muli ulyo Umubili. Ningile ukuya pamo na Wene.** [21]

Kabili nga mwacita icintu icili conse icalubana, cena tekuitemenwa (1 Yohane 3:9). **Imwe tamubembukila itolo.** Umwaume uyo ubembukila itolo, alaya kunse no kubembukila itolo, talati ese muli ulyo Mubili nakalya (Aba Hebere 10:2). Lelo umuntu uyo uwaba limo mulya, alifwa, kabili ubumi bwakwe bwalifiswa muli Lesa ukupitila muli Kristu, ukukakatikwa na Mupashi wa Mushilo (Abena Kolose 3:1-3), kabili ciwa tekuti amusange no kumusanga; ena ali ukukatali nganshi mukati mulya. Ena alingile ukufuma mulya ilyo ciwa talaingilamo, pantu imwe mwaliywa. [22]

“Uyo uwafyalwa kuli Lesa tabembuka; ena teti abembuke.” (1 Yohane 5:18). Abena Roma 8:1, “Takuli nomba ukusekwa kuli abo abali muli Kristu Yesu; abashendela umwalola umubili, lelo umwalola Umupashi.” Mwacimone co. Mwamona, cilya cilalenga umubili wenu ukunakila.

Imwe tamulingile ukusosa, “Owe, nga kuti naleka fye ukunwa! Nga ine kuti fye...” **Ingileni fye muli Kristu, kabili ninshi conse caya, mwamona, mwamona, pa mulandu umubili wenu unakila ku Mupashi.** Tauli nakabili unakila ku fintu ifya mwisonde; fyena fyalifwa. Fyena fyalifwa; imembu shenu shalishikwa mu lubatisho (Abena Roma 6:3-4), **kabili imwe muli cibumbwa cipya muli Kristu (11 Abena Korinti 5:17).** Kabili umubili wenu, ulesa mukunakila ku Mupashi, **ulesha ukwikala ubumi ubwalungama.** [23]

Owe, munyina, **ici Cebo Mweo** nga mwaikatilila kuli Cena. Lolekesheni, Cena te cintu ico tulandapo, cilya kuti cacitika pano na kuntanshi; cena cintu cimo icili kale pano pamo na ifwe kabili cilecitika nomba. **Te cintu cimo ico cikaba; icintu cimo icilipo kale.** Ifwe tatulepela ubunte, “twalishiba ukutila Ena alicita; ifwe natwishiba ico Ena ali nokucita,” lelo nomba tulelanda **ifyo Ena alecita.** Mwamona? Ino ni ora yesu.

Ifwe teti tubepo ukumona ukusendwa. Ine kuti nafwa ilelo; imwe kuti mwafwa ilelo. Nshishibe. Lelo ukusendwa kuleisa. Cilya cili, ilyo cilya caisa, tukaba kulya, mwisakamana; **e ico bonse abashala kunuma ukupita munshita, abo abacetekele kweni no kulolela kweni (1 Abena Tesalonika 4:13-17).** Bena baendele mu Lubuuto lwa bushiku bwabo.

Kabili ulu apa Ulubuuto, Yesu Kristu cimo cine mailo, ilelo, no muyayaya. Leken i ifisumino fyenu no kucetekela ici Cebo. Ici e Cine. **Icebo e Cine (Yohane 17:17). Yesu atile, “Icebo Candi Mupashi, Icebo Candi Mweo.”** Musangonshi muli no kupokelela Umweo ilyo mwakana Umweo? Musangonshi muli no kusenda icisumino, ico icili ni mfwa, kabili ne Cebo ca Mweo? Musangonshi muli no kusumina fibili pa nshita imo ine? Imwe teti mucicite. “Leken i shiwi Iya muntu onse libe ilya bufi, isambilisho ili lyonse ilya bufi.” Icebo cakwa Lesa e Cine. [24]

Nge mitima yesu taituseka (1 Yohane 3:20-22). Mwacimone co. mwacimone co. Lelo ikaleni na cilya Cebo apo apashili nangu cimo icakwebaula. Takuli ukusekwa kuli abo abali muli Kristu Yesu abo abashendela umwalola umubili lelo umwalola Umupashi. **Umupashi ulatungululwa ne Cebo, pa mulandu Umupashi kuti wafumina fye mu Cebo, pantu Icebo Cakwe e Mupashi. Uwa cine uutuntulu Umupashi wa kwa Lesa kuti walanda fye Icebo cakwa Lesa.** [25]

Paulo atile, “Nga ndeimba, ndi no kwimbila mu Mupashi. Nga nde shimikila, ndi no kushimikila mu Mupashi. Nga ndeenda, ndi no kwendela mu Mupashi. Nga ndelanda, ndi no kulandila mu Mupashi.” Leken i ifintu fyonse ficitilwe ne Cebo kabili no Mupashi. Ee, mukwai. Amenii! Cena conse Cine cakwa Lesa. [26]

Amapange yenu yonse ni Kristu. **Imwe mulelolela Wene ukwisa miniti ili yonse. Muleenda mu Mupashi; imwe mwali Mutemwa. Mulamumona Wene ukubombela muli imwe. Tapali nangu cimo ico mukabila ukucita, lelo Ena alacicita Umwine. Owe, ifyo ili inshita!** [27]

Icintu icikalamba nganshi ico natala mona mu bumi bwandi **caba fye ukuipela we mwine kuli Lesa no kwendela mu Mupashi, akasuba na kasuba, ifyo Ena ali no ku mutungulula no kucita ifintu.**

E ico takuli nomba ukusekwa kuli abo abali muli Kristu, pantu bena tabenda umwalola ulunkumbwa lwa mubili; bena benda umwalola Umupashi. **Kabili nga mwalitemwa Shikulu, imwe mulefwaya ukucita ifili fyonse mwingacita ukutemuna Wene.** [28]

Nga filya Israele, ukuba mu calo cakwe ica bulayo, wene taishibe umusango ubwelelemo kulya. Wene ali bikilwe mulya ukuicitikila fye. Mulandunshi? Amaka yanko ya mubikile mu cifulo cakwe.

Nomba nalasosa icintu cimo. **Amaka yanko yabikile Israele mu mushi wa ku mwabo; amaka yanko yakabika ulukuta mu Kabungwe ka ma Chalichi ke Sonde; lelo amaka yakwa Lesa yali no kubika abantu muli Nabwinga.** Isonde lipatikisha ulu lubali, kabili isonde lipatikisha lulya lubali, lelo Lesa apatikisha mu mulu. **Umupashi wa kwa Lesa, ico icaba Icebo cakwa Lesa, “Icebo Candi Mupashi kabili Mweo,” cikabika Nabwinga mu Ncende Yakwe. pa mulandu, Wene akeshiba icifulo Cakwe mu Cebo, Wene akaba muli Kristu, cikabika Wene mu Ncende yakwe. Takuli amaka ya nko ayakacita.** Lelo amaka yanko yaensenshe Israele ku mushi wabo; amaka yanko ya Kabungwe ka Macalici ake Sonde kakensha akabungwe akali konse muli kena; **lelo amaka yakwa Lesa yakemya Nabwinga mu Bukata, ukufuma muli kena.**

Owe, abantu, ishibeni ubushiku bwenu, nge fyo Yesu amusokele; icishibilo ca Sodomu, kabili ne mibele ya nkuta sha shino nshiku. [29]

Lekeni twingile muli Kristu Icebo, pantu twalombela cena mwi Shina Lyakwe kabili ku bukata Bwakwe. Amenii. [30]

Umwakumona:

- [1] “Icikatikilo ca Cine” (63-0321), pg. 288, par. 65-70
- [2] “Incende Iyasalwa Na Lesa Iyakupepelamo” (65-0220), par. 91
- [3] “Isonde Lile Patukana” (63-0412M), par. 88
- [4] “Ukutunganya” (62-0610M), par. E-102
- [5] “Mulandunshi Betelehemu Munono” (63-1214), par. 161
- [6] “Ubulwi Ubwacilishapo Ubwatala Ukulwikwapo” (62-0311), par. 418-421
- [7] “Batimeyu Impofu” (59-1127), par. E-27
- [8] “Icilaka” (65-0919), par. 63-64
- [9] “Finshi Nalacita na Yesu Uwitwa Kristu” (63-1124M), par. 104
- [10] “Mulandunshi” (62-0622E), par. E-41
- [11] “Ukukansana Pakati ka kwa Lesa na Satana” (62-0531), par. E-73
- [12] “Kristu E nkama Yakwa Lesa Ukusokololwa” (63-0728), par. 380
- [13] “Icishibilo” (63-0901M), par. 330
- [14] “Abahebere Icipandwa ca 5na 6” (57-0908M), par. 109-112
- [15] “Imilimo ya Mupashi wa Mushilo” (54-1219E), par. 78
- [16] “Icifulo ca Wacetekela muli Kristu” (55-0227A), par. E-48
- [17] “Namfumu wa ku Kapinda ka Kukuso” (58-0208), par. E-54
- [18] “Abahebere Icipandwa ca 1” (57-0821), par. 162-163

- [19] “Ibuku Iya Mwana wa Mpanga Ilya Mweo” (56-0603), par. E-50
- [20] “Icebo Caishileba mu Buntunse-ilyashi Iya Bulendo bwaku India” (54-1003M), par. 183
- [21] “Israele no Lukuta Icipandwa ca 2” (53-0326), par. 30
- [22] “Ubwana Icipandwa ca 4” (60-0522E), pa. 54
- [23] “Nani Uyu Melkisedeke” (65-0221E), par. 71
- [24] “Ukupelo Mulandu” (63-0707M), par. 260-262
- [25] “Kabili Ababufyashi Bobe Bakakwata Impongolo ya Mulwani Wabo” (62-0121M), par. E-78
- [26] “Ukufiimbulwa kwa kwa Lesa” (64-0614M), par. 378
- [27] “Ukumfwa, Ukwishiba, Ukubombela pa Cebo ca kwa Lesa” (60-0221), par. 230
- [28] “Ukufuma Ilya Nshita” (60-0716), par. E-26
- [29] “Ukwishiba Ubushiku Bobe Ne Mbila Ya Buko” (64-0726M), par. 192-193
- [30] “Mulandunshi Cabelele Bakacema” (64-1221), par. 14

Ilibwe Ilyakukulilako Ilya Bumupashi No.28

Ififulo Cinelubali

-Icifulo Icalenga Cine-

Abena Kolose 1:9-23, maka maka verse 15-17:

“(Yesu Kristu) ena e cipasho cakwa Lesa uushimoneka, libeli lya ku cibumbwa conse; pantu muli wene e mo fyalengelwe, ifintu fyonse mu mulu, na pano isonde, ifimoneka ne fishimoneka, nangu fipuna fya bufumu, nangu bucibinda, nangu bumulopwe, nangu ba lupaka: ifintu fyonse fyalengelwe muli wene, kabili fyalengelwe wene: wene nao atangilile fyonse, kabili muli wene e mo fyonse fyakobenkana.”

Muleibukisha mu cimonwa, nangu, ukwilulwa ukunono nge fyo ninga kwita, ica ililine, uko nasendelwe no kumona balya abantu kabili nalilolekeshe kunuma pali ne mwine na balya bonse ba million kulya. Kabili natile, “ndefwaya ukumona Yesu.”

Kabili Ena atile, “Ena ali pa mulu nganshi.”

Cisuma, mwamona, ilyo abantu bafwa, bena tabaya lilya line na Lesa. Ndi uwa shininkisha muleumfwa cilya. Nalimo ningile ukulondolola cena mu busuma uo ningacita.

Nomba, ilyo twaisa, tulebukisha ukutla **twaikala pano mu fifulo fitatu**. Cimo ca fyena **lubuuto**, kabili icibiye caba **ifyalengwa**. Muleibukisha ifyo ica citatu caba? **Utuntu utwacepesha–inshita**. Cisuma. **Nomba, ulubuuto, ifyalengwa, ne nshita. Kabili amano yesu yasano yalekata ifi fifulo**. Ukumona kwesu kulamona ulubuuto, imyufwile yesu ilekata ifyalengwa, kabili na fimbipo.

Nomba, **lelo ifwe twalikhwata ukwishiba ukupitila muli science, icifulo icalenga cine**, nge fyo cali. Pa mulandu muno mwine fye muli ci cikulwa nomba mu leisa ama shiwi ya pa mulabasa, ifikope pali television, ukutla amano yesu tayekata kuli cilya, lelo nomba bali kwata umupila nangu crystal ico icisenda amatamba ya ether no kulangisha fyena. E ico, mulemona, muno mwine muli ici cikulwa nomba muli imicitile iituntulu iya bantu mu mwela, amashiwi aya tuntulu. Fyena fili muno. Twalishiba cena. Fyena fyaba mucine icishinka. Kabili icintu fye ceka mulingile ukucita, balafikata...nshiiluka imibombebe ya filya fintu ifyo science ya panga, lelo twalishiba ukutla cilashininkisha kuli ifwe kwaba icifulo calenga cine.

Nomba, **icifulo icalenga cisano eko umubembu, ushatetekela nga afwa aya.** Icifulo calenga cine caba **icifulo icakutinya.**

Kabili ilyo Umwinakristu afwa, alaya mu cifulo icalenga mutanda.

Kabili Lesa aba mu cifulo icalenga cinelubali.

Nomba lyena, mulemona, **Umwinakristu ilyo afwa,** alaya pe samba lya cipailo cakwa Lesa, mulya mwine mu Mulola wakwa Lesa, pe samba lya cipailo. Kabili ali mu kutusha (*Ukusokolola 14:13*).

Ukulondolola cena. Ilyo umuntu **akwete iciloto cakutinya,** ena talele nganshi mutulo, nangula ena nashibuka. Ena alaba pakati ka kuba mutulo no kushibuka, kabili cilya e cimulenga wene ukukwata ukututuma ukwakutinya no kupunda, pa mulandu ena tali mutulo, kabili ta shibwike. **Kabili ukusenda cilya, cilangisha uko muntu aya nga afwa ukwabula ukupilulwa** (*Amalumbo 9:17; Luke 16:19-31*). Ena napwisha inshita yakwe; **ena nafwa pe sonde; kabili ena teti aye mu Mulola wakwa Lesa, pa mulandu tali uwalinga ukuya ukwabulo Mulopa** (*Abena Roma 3:21-26; 5:8-10*). Kabili ena naikatwa. Ena teti abwekele pe sonde, pantu inshita yakwe naipwa pano pe sonde, kabili ena naikatwa pakati, kabili ali nga mu ciloto ca kutinya. Mwamona? **Ena teti aye mu Mulola wakwa Lesa mu kutusha. Ena teti abwekele, ukwisa pe sonde, pantu inshita yakwe yakumana** (*Lukalamilandu 3:1-2*). Ena ali muciloto ca kutinya, **kabili ena ekala kulya mpaka ubushiku bwa bupingushi: icintu icakutinya ukusangwamo.** Mwamona?

Kabili nomba muli ici cimonwa, ndecetekela **naliiketwe kuli cilye cifulo icalenga mutanda,** ukulolekesha kunuma panshi apa kabili kuti namona kunuma. Mwamona, ukumona takwaba filya fine pamo na menso; cilya ca panonse. Lelo ukumona cili icintu icapulamo ukucila...ukumona uko bakwata kulya, ukwishiba kwabo kwalicilapo pa kwishiba konse uko amano yesu yacifyalilwa yengeshiba. [1]

Mucifulo icalenga cine, abantu kuti bashininkisha ukutila muno mwine fye mu cipinda mulepita imibombebele ya mulabasa. Imbila sha mulabasa. Ukupitila fye muno mwine muli ici cikulwa nomba mulepita ifikope fya television, **lelo fileenda ulubilo nganshi ku menso yesu.**

Nomba, imwe mulaya ba mailoshi million ukucila cilye cifulo, kabili muli no kuya **mu cifulo ico icili fye icituntulu** nge fyo ifikope fya television fili muli cino cipinda. **Kulya kuliko Shikulu Yesu Kristu, Umwana wakwa Lesa uwabuka ukwiminina pano, kabili umulandu teti mu mumone Wene ni pa mulandu imitima yesu taisuntinkene kuli cena.**

Kabili umulandu teti tumone ifikope fya television, imibili yesu tayabikwa nge fibombelo ukusenda ifintu ifyatumba kuli mashini.

Lelo ilyo imibili yesu yasuntinkana na Lesa, ukuba icilundwa ca Wene, lyena umweo wesu kuti wasenda amaka ya Mupashi wa Mushilo ukushininkisha umulola wa kwa Shikulu Yesu Kristu mu maka Yakwe yonse na maka ayashipwa. Ena alibuka ukufuma ku bafwa. Ena ekala mukati kesu ilelo. **Kabili Ena alefwaya isenge nakabili na bantu Bakwe.** Bu mulopwe Bwakwe ubwapulamo, ubukata Bwakwe nomba bulesalangana. Kabili Ena alekabila nakabili ukukwata isenge na bantu Bakwe ngefyo Ena acitile mwibala lya Edeni (*Yohane 17:24; Ukutendeka 3:8*). [2]

Nibanga abamonapo cilya icikope icakopelwe kuno mu Huston? Cili muno. Cili kuno Kuntanshi muno nomba, mwamona. Ici cilelebelala uku kumbali, pakati ka ine no mwanakashi, ino ine nshita. Cilya cili apa, ukulashinguluka fye. Ngo mwanakashi alefwaya ukupelo bunte kuli cena; ena naishiba, mu nshita iinono iyapitapo, kwacibako **icintu cimo nge myumfwile iyawama.** Nga cilya cishinka, imya ukuboko kobe. Mwamona? Ndelolekesha pali Cena.

Mwamona, **cili ngo kwikala mu cifulo cimbi.** Nde mona Cena, ukupitila mu mwanakashi. [3]

Nga nshileambula kuli imwe ipepo lyenu, ilyo mwalepepa, **ilyo nacumfwa mu cifulo cimbi, icalo cimbi,** ukumweba ico mwacila pepelapo, bushe mwalacetekela ukutula Yesu namumfwa imwe? Uku kusubwa Kwakwe? Uyo uumfwa amapepo? **Kristu.** [4]

Ilyo Ena akakatula icintu cimo, ukulangisha icimonwa, lyena cilya cintu fye cimo; **kabili ndi muli cimbi,** ku ba science, **icifulo cimbi.** Cena lyano ilyalenga mutanda, **icifulo icalenga cine,** nangula icili conse mulefwaya ukuciita, **kuli ine, Mupashi wa Mushilo.** Cilya cishinka. [5]

Nomba, tatubika cena mu kulongana kwa kundapa, lyonse kulubali lwa kundapa: **impwalonda, icimumena, icibubi, icifuba ca ntanda bwanga.** Fyonse filye fintu te fintu fya cifyalilwa; **fyena fyakupapusha kabili fiwa:** amalembo palwalala yalashininkisha cilya. **Lelo filya fiwa mu mubili ne fyakumena nge mpwalonda,** fyalikwata ubumi muli fyena, **kabili ubumi bwa filya fiwa.** Icimumena ca cibubi, ukusalangana kwa cifuba ca ntanda bwanga, kabili, amalwele yambi; fyena ningulu. **Cilya caba mu musango wa bumubili.**

Nomba, ifwe twalalanda palwa **fiwa mu musango wa bu mupashi mu mweo. Fiba mu mweo umusango umo wine nge fyo fili mu mubili.** Ifwe tulasumina ukutula tulafimona mu mibili ya bantu, impwalonda isha musango filya na malwele ayapusana pusana ayasangwa mu mubili wa muntu.

Ica ililine, nangula **impwalonda yabilishiwa ukuba ubulwele ubwafuma mu cifulo ca lenga cine, cilya caba mu cifulo cimbi, mucine, cena kusambilila pa fiwa. Ubulwele ubuli bonse bulwele bwa mu cifulo icalenga cine, intendekelo ya bwena.**

Nomba, lelo nomba impwalonda mu mubili nangula impwalonda mu mweo, **ciwa kuti aingila muli imo iya ishi ncende.** Nomba, kwaba abantu abengi abakwata amatontonkanyo ayasuma, abantu abasuma abeesha inshita ishing' ukushintilila pa masambililo aya fyabulesa ayanono balikwata atemwa icintu cimo ico bena basambilishiwapo ukutula ilyo bali umwaice, kabili **tulesanga ukutula mukati ka buntu bwabo, mukati ka mweo wabo, ukutula ba cili balikwata icintu cimo icishili icalungama.** Abengi bali muno, ukwabula ukutwishika, uko konse **mukasanga Abenakristu na balongana capamo muli no kusanga abantu abo abakwata ilye mipashi muli bena iyo bena...icintu icishifwaikwa.** Taba fifwaya. Batila, “Owe, nga naleka fye ukwiba. Nga kuti naleka fye ulunkumbwa (1 Yohane 2:15-17). Nga kuti naleka fye ici nangula cilya.” **Nomba, filya fiwa. Kabili nomba fiishila mu musango wa bukapepa, inshita ishing'.** [6]

Moneni. **Ubuntu bwakwe bwa kubalilapo bwali Mupashi (Yohane 4:24), Lesa, uwakupapusha, cisuma, uwapulamo Uwa muyayaya.** Icacibili, Ena atendeke ukuilenga umwine ukwisa mu mubili, mu **mubili wa bu malaika, bwitwa “Icebo umubili.” (Yohane 1:1-2).** Ubu lyena e musango Ena abelelemo ilyo Ena akumenye Abrahamu, **aleitwa Melkisedeke (Ukutendeka 14:17-20).** Ena ali mu musango wa mubili wa **bumalaika.** Nomba twalaisa kuli cilya no kushininkisha cena, Shikulu nga asuminisha. **Ena ali Cebo.**

Umubili wa bumalaika cintu cimo ico teti mumone. Wene kuti uuli fye pano pene nomba, lelo nomba teti mu umone. Cena caba fye kwati, cisuma, nga television. **Cilya caba mu cifulo cimbi.** Television; abantu baleenda ukupita muli cino cine cipinda nomba, baleimba; kuliko amalangi, nayo. Umubili wenu onse unakila fye ku mano yenu yasano. Kabili imwe munakila fye ifyo Ameniso yapelwa ukumona. **Lelo kuliko icifulo cimbi icinga moneka mu kupilibulwa, kuli television.**

Nomba, television taipanga ifikope. Television ipisha fye umwa kupitila, kabili elyo icilola ca television cilacikata. Lelo icikope cili palya,

icakubalilapo. **Television yali pano ilyo Adamuu ali pano.** Television yali pano ilyo Eliya aikele pa Lupili lwa Karmel. Television yali pano ilyo Yesu wa ku Nazareti aendele mu lulamba lwa ku Galili. Lelo imwe mwaisanga fye ili line. Nga tabacetekele cena kunuma kulya. Imwe nga mwali abafulungana ukusosa icintu icapala cena. Lelo nomba caba icituntulu. Kabili eflyo cili, **ukutula Kristu ali pano, ba Malaika bakwa Lesa bali pano** (*Amalumbo 34:7: Amalumbo 91:11*). **Kabili ubushiku bumo, muli Millenium mukalamba uuleisa, cikaba fye icituntulu nganshi ukucila television atemwa icintu icili conse icashala, pa mulandu bali pano.**

Ubushiku bumbi mwipepala lye lyashi lya mu Tucson, nalebelenga ilyashi ukutula kwali umwanakashi uwaleensha mu musebo, ndecetekela nalimo amakumi yane, ba mailoshi amakumi yasano pali ora, kabili apunkile umwaume umukote uwafwele ikoti. Ena ali pundile no kwimininika motoka yakwe. Yali muposele mu mulu mu lwelele. Mulya mwine mu ciswebebe umu shali nangu cimo! Kabili Ena alibutwike ukumufwaya, kabili umwaume talipo. E ico finshi ifyo acitile? Abantu bamo ku numa yakwe bali cimwene ukucitika, balimwene umwaume umukote ukupupuka. E ico balibutwike ukuyasanga. Bena balifililwe ukusanga umwaume apali ponse. Bakapokola baliishile mu kufwailisha pa ncende; tapali nangu umu palya.

Cisuma, cila umu uwa bena apele ubunte, “motoka yalikonkele, yalipunkile umwaume, ali pupukile mulwelele, kabili uuli onse alimwene cena.” Bakambone, kabili yabili atemwa amamotoka yatatu ya bena, bali cimwene ukucitika. Ukwisa sanga, imyaka isano iyapitapo, kwaliko umwaume umukote uwafwele ijaacketi, alipunkilwe no kufwa pa cifulo cimo cine. **Nga mwafuma pano, imwe tamufwa. Imwe mulingile ukubwela, nangula nga cakutula muli mubembu, no kupingulwa ukulingana ne milimo iyacitilwe mu mubili.** “nge li hema lya panonse lyaonaika, natukwata limo iletulolela.” (*11 Abena Korinti 5:1*). En morphe, cilya Cebo. [7]

Ifwe, cila umu, tukesha ku mpela ya musebo, **uko ifwe tukesha asukilapo pe shiwi ilili lyonse** (*Mateo 12:36-37*). Ino ine nshita, twalishiba ukutula amashiwi yesu...ilyo twafyalwa, ukulila kwesu ukwakubalilapo ukunono kulaya konse pali tepu. **Ikesalishiwa nakabili pa bushiku bwa bupingushi.** (*Abahebere 9:27-28*). **Nangula ifyakufwala mu fwala fikalangishiwa mu cinso cenu, pali bulya bushiku bwa bupingushi** (*Ukusokolola 20:11-15*). Nangula science yalisanga cilya, kuli television. Mwamona, television taipanga icikope, yena ipisha fye cena. **Ilangi lya fyakufwala, cila nshita musela, amatontonkanyo yonse mu mano yenu,**

fyena mu cine filasungwa mu fwakwabwilako fya kwa Lesa. Kabili cilye cintu cikalamba cikabikwa fye kuntanshi fye yenu, cila limo ilya yalya amandeleshi ayakowela mwafwele; inshita ili yonse mwaile mu kubeya umushishi, ukuputula ulya umushishi ubo Lesa amupela. Cikesaba. **Mukesa asukilapo pali cena.** Teti mukwate ukusela apo pene, **na matontonkanyo fye ya mu mutima wenu ilyo mulecita cena, yakesalishiwa kuntanshi fye yenu** (*Amapinda 23:7*). Musangonshi mu kapusuka? *“Tukapusuka shani nga tatusakAmenie ipusukilo ilyakule fi?”* (*Abahebere 2:3-4*). Mwamona? **Tatwa kapusuke. Ukusela ukuli konse, na matontonkanyo ya mutima, yalaambula mulya mwine mu cifulo cimbi,** nangula ilangi lya fyakufwala mu fwala. Television, television ya malangi ilashininkisha bwino bwino, ilacileta no ku cilangisha, mulemona, **kabili cilya caba fye mu cifulo cimo ukufuma muli fitatu ifyo twikalamo.** Mwamona? [8]

Nshatala cetekela ukutula ku mulu yali ni ncende ukwabe fikulwa ifingi, uko ukwaba amayanda ayengi ku mulu kulya aya kulwa na cementi, ukukambatikwako na mapepala, penti ku cibumba. **Nshatala cetekela ukutula icibumbwa icakupapusha kuti caikala mu ng’anda ituntulu.** Nalicetekela, ilyo Yesu alandile muli Yohane 14:1-2 atile, “Mu ng’anda yakwa Tata mwaba apakwikala apengi,” **Ena apilibwile, “umubili, incende yakwikalamo.”** Pantu Amalembo yashininkisha icintu cimo cine, yatila, “Nge li hema lya panonse lyaonaika, natukwata kale imo ilelelela.” Mulemona ici?

Abena kufwa beka fye ebekala mu bwikashi bwa bena kufwa. Ifintu ifishifwa fiikala mu bwikashi ubushifwa. Kabili incende iyo tuyako **mpaka tukabwele,** tayaba ni ncende ya njelwa, indaka, ne loba, atemwa amabwe ayayemba, nangula umwala. **Yena ni ncende, imibele, icakutula tulafuma muli ici cifulo ico twikalamo, ukuya mu cifulo cimbi. Kabili yena ni ng’anda, ihema, incende yakwikalamo.**

Yesu atile, “Onauleni ili tempile, kabili nkalikula mu nshiku shitatu.” (*Yohane 2:19-21*). Kabili bena batontonkenye Ena alelanda pe tempile lyakwa Solomone, **lelo Ena alelanda pa mubili Wakwe umwine.**

Kabili Ena aliya mu kupekanya incende ya wacetekela onse, ukutula ilya ine inshita twa tampula ukufuma muli iyi incende ya bena kufwa, ifwe tatuya mu fyakwelenganya nangula mu mupashi wa kupapusha, **lelo tulaya mwi hema, incende yakwikalamo** (*Abena Filipi 3:20-21*). **Kabili cilya kuti caba muno mwine mu cikulwa ilelo mu ncende umo takuli imibombele nangula imo ya mulabasa, nangula icintu cimo cinga fikako.** Yena yaba fye mulya iyapekanishiwa na Lesa eka.

Umfweni. Mose alifwile pa myaka imyanda cine konse konse. Eliya ali alwilwe pa myaka imyanda mutanda nangu imyanda cinelubali. Kabili palya baliimine pa Lupili ulwa Sansama, bonse babili mu mimonekele yabo ya benakufwa, ukulanda kuli Yesu ilyo talaya pa Kalbale (*Mateo 17:1-9*). Mulemona ico ndepilibula? Lyena cinshi ico ndeesha ukusosa, ukutila tulelolesha ku cintu cimo cakwelenganya, kulya lubali, imyanda ba million?

Teti ncetekele ukutila kwaliba ing'anda kulya lubali. **Lelo nalicetekela ukutila ilya ing'anda iyo Lesa alelandapo ili pano pene nomba**, ilya e ncende uko abena kufwa, ilyo ifwe twaleka ukuba abena kufwa pano, ifwe tulatampwila mu kukanafwa kulya, mu ncende.

Kabili ndecetekela ukutila kulya uko Yesu ali ilelo, uwabuka Shikulu Yesu; te kulya lubali ku cifulo cimo, ba mailosh ba million ukutaluka, **lelo panopene pamo na ifwe nomba** (*Mateo 28:20: Abahebere 13:5-6*). [2]

Umwakumona:

- [1] “Iciputulwa Apo Bukapyunga Bwandi Bubelele” (62-0908), par. 19-26
- [2] “Isenge Mu Kulubulwa” (55-0403), par. 120-123,109-115,118-119
- [3] “Umukosha” (64-0305), par. 244
- [4] “Yehoba Yire” (56-0429), par. E-85
- [5] “Amenshi ya Kupatwilako” (55-0121), par. E-32
- [6] “Imipashi ya Kubeleleka” (55-0724), par. 38-41
- [7] “Nani Uyu Melkisedeke” (65-0221E), par. 57-63
- [8] “Amaka yakwa Lesa Ayasangula” (65-0911), par. 136

Amapalo Yesu Yakulubulwa Ukupitila mu Kucimfya kwa pa Lupanda

Yohane 19:30, “Eico ilyo Yesu apokele umwanganshi uwakantuka atile, Nacipwa: akontamike umutwe wakwe, no kuleko umweo.

Lyonse nda sosa, **nalikumanya amabumba yabili aya bantu: abacetekela amafunde, kabili na ba Pentecostal.** Aba cetekela amafunde, mucifulo, balabelenga Amalembo no kwiluka yena. Bena batila, “Cisuma, ifwe tuli bana bakwa Lesa.” Bena bali cetekela cilya, ee, mukwai, lelo tabakwata icitetekelo na cena. Lelo ba Pentecostal balikwata icitetekelo nganshi, kabili bena tabaishiba ukutla bena bana ba kwa Lesa. Nga filya umuntu uwakwata indalama mu bank, teti alembe cheke; kabili umubiye kuti alembe cheke, takwete indalama mu bank.

Nga kuti mwa bika fye icintu capamo, mpaka abaume na banakashi kuti bailuka! Imwe mwe ba batishiwa mucine mu Mupashi wa Mushilo, kabili mwalikwata Icishibilo ukulangisha (*Ukufuma 12:13*), mwalikwata insambu kuli conse ca mapalo ya kulubula ayo Lesa alaile. Ifintu fyonse ifyo Ena alaile, fyena fyenu. Ikatilileni Icishibilo cenu pa citetekelo cenu icabula ukutenshiwa, ilyo mulepepa, kabili na pa Cebo Cakwe. Icitetekelo mu Cebo Cakwe! ^[1]

Nomba ifwe tulesanga nakabili mu Bahebere 12:24 ukutla Icipingo Cipya, Umulopa ulanda ifintu ifya wamisha. **Umulopa ulelanda. Lyena Umulopa walikwata Ishiwi. Kabili Ishiwi Iya Mulopa e Cebo.** Alleluya. Cilya e cilenga cena nga cakutla cintu calungama napamo icilubo. Icebo cilangishiwa kwi shiwi Iya Mulopa. **Ishiwi Iya Mulopa Mupashi wa Mushilo.** Cilya cilaleta Umweo. Wene e Mweo, kabili Wene ulaleta Umweo ku Cebo no kupela umweo kuli Cena (*Abena Roma 8:11*). Amenii, Amenii, Amenii.

Mucine, Umulopa ulalanda, Wene ulalanda icintu icawamisha. Icipingo Cakale, umulopa walandile pa mulandu. **Mu Cipingo Cipya, Wene ulanda**

pa Kulubula. Mu Cipingo Cakale, walandile pa mfwa no bulanda. **Mu Cipingo Cipy, Wene ulanda pa Kubuka no Mweo.** Wene ulanda pa **Kundapa.** Wene ulanda pa **Kusangalala.** Wene ulanda pa **Maka.** Wene ulanda pa **Mweo.** Wene ulanda palwa ku **Mulu.** Kabili ulya wine Umulopa uyo uwasumine pa mushili, ulya walibilikishe pali munyina uwafwa, atemwa walibilikishe pali munyina uyo uwa mwipeye (*Ukutendeka 4:8-12*). **Umulopa wa kwa Yesu Kristu ulafimba pa membu shesu shonse, kabili ulalanda pa mutende no kubuka, kabili Amaka no Mweo, kabili no Kundapa.** Kabili yonse **amapalo ayakulubula ayo Umulopa wa suminishiwepo,** wene ulatulandilako ifwe. Mucine. **Umulopa ulalanda.** [2]

Nomba, ibukisheni, **amapalo yonse aya kulubulwa yali shitwa kale.** **Umutengo walilipilwa, kwaba fye inshila imo iyo mukatala ukupokelela yena, caba uku cetekela yena no kupokelela yena.** Ena ni Shimapepo Mukalamba wa fya kulumbula fyesu (*Abahebere 4:14-16; Abahebere 7:18-19*). E ico kanshi **ena teti atucitile nangu cimo ifwe mpaka intanshi ifwe twalumbula ukutila** Ena alicicita. Kabili lyena ilyo twalumbula cena, **lyena Ena ni Shimapepo Mukalamba, kapapatila, ukuya mukubomba pali cilya no kucilenga ukuba icalungama.** E ico tulepepa no kusubila muli Lesa ilelo, mu cikuku Cakwe no Luse, ukutila Ena ali no kutupela ifwe ubwingi bwa kusenamina Kwakwe. Kabili nomba, ibukisheni, **imwe mulingile ukusumina cena** (*Yohane 1:12-13*). [3]

Wene Mupashi wa Mushilo, ilelo, ukufwaya imyeo iya cishinka **iyi ili no kucetekela ilye Mbila.** Ifintu fyonse muli Baibele, ifyo ifyalailwe, fya kuli ulya uwa cetekela. **Kabili ilyo mwasumina yena mu mwisulo wa fyena, kabili Lesa aliishiba ukuti muli no kucicita, Ena ala mupela icishibilo kuli cilya.** Kabili lyena ubulayo ubuli bonse ubwapelwa buli mu cikwatwa cenu, **kabili Mupashi wa Mushilo eco abelapo ukuleta ku mweo cilya kuli imwe.**

“Imilimo iyo ncita na imwe mukacita,” (Yohane 14:12). “Ifi fishibilo fikankonka abo abacetekela” (Marko 16:17). Cilya cishininkisho. Ilyo twamona ibumba lya bantu ukwikala pamo, kabili filye fishibilo ukuilangisha ifine, **cilya caba icishininkisho ukutila kalata ya bumwine ili palya ukushininkisha ukutila cilya cipe ca kwa Lesa.** Amenii.

Ifwe twalibushiwa kale, alleluya, ukufuma ku fintu ifya mwisonde, ku fintu fya bulayo bwa kwa Lesa. **Tacili ifwe tuli no kucita; ifwe twaba.** Cena kuti cacitwa.

Kabili ilyo Mupashi wakwa Lesa waisa pali imwe, kabili imwe mucine muli umo uwa mibele yakwa Lesa iyo Ena alandilepo. Nomba, nga tamuli, mu kasunguka no kukalifiwa, no kubutukila uku na kulya, kabili ne fintu fyonse ifyashala, kabili no kubape abafwilwo kwishibe Cine. (11 Timoti 3:7). Nga muli umo uwa balya, ifintu fyakale filapita bwangu bwangu, mwamona, kabili mulaba abapya, kabili ipange lye pusukilo nalipwishiwa. **Imwe muli abaiteyanya ukunakila Icebo conse ico Lesa atala ukulanda pali imwe, mwamona, kuli imwe ukucita.** Imwe mulanakila ku Cebo Cakwe. **Kalata ya bu mwine ku cipangano, kalata ya nsambu ya cipe yena yenu. Imisha yonse nailipilwa.** Yonse naifumishiwapo, kabili nge fyo cali pa Bushiku bwa Pentecost. [4]

Icitetekelo e ku cimfya pa mfwa. Icitetekelo e ku cimfya ulubembu. Icitetekelo e ku cimfya amalwele. Icitetekelo e ku cimfya ifya kusakamana. Icitetekelo e ku cimfya pa fya kukalifya. Icitetekelo e ku cimfya isonde (1 Yohane 5:4). [5]

Nicinshi icacitike kanshi pa lupanda lwa Kalbale?

Muli Yesu Kristu twalikwata ukulubulwa ukupitila mu Mulopa Wakwe, ukulekelewa kwa membu, ukulingana no bucindami bwa kusenamina Kwakwe (Abena Efese 1:7; Abena Kolose 1:14; Abahebere 9:11-12). Ena alitusamba ku membu shesu mu Mulopa Wakwe Umwine (Ukusokolola 1:5; Yereimiya 31:34; Isaiah 43:25). **Kabili natulekelelwa ku mampulu yesu yonse (Amalumbo 103:1-3).** Icintu cimo icikankala ico Kalabale ipilibula kuli ifwe ne sonde nici: **yapwishishe ilipusho lya lubembu umuku umo epela (1 Yohane 3:9; 1 Yohane 5:18; 1 Petro 1:18-19; Abena Roma 8:3-4).**

Yesu Kristu natulubula ku citipu ca malango, pakulengwa icitipu pali ifwe: pantu calilembwa, “*Natipwa onse uwakulikwa pa cimuti, ukuti ipalo lya kwa Abrahamu libele kuli ifwe (Abena fyalo) muli Kristu Yesu; ukuti tukapokelele Umupashi uwalaiwe ku citetekelo.*” (Abena Galatia 3:13-14).

Yesu Kristu pa kupase cikatilo ca fipope, icalungatene na ifwe- Ena alitulipilile imisha shesu-ico icapusene na ifwe kabili alicifumishe mu nshila, ukucipampamika pa lupanda Lwakwe (Abena Kolose 2:14).

Yesu Kristu alipile ukukandwa kwa lubembu. Umutengo wa lubembu walipwishiwe, ukukandwa kwa lubembu cali ni mfwa (Abena Roma 6:23). Umuntu asangilwe no mulandu wa lubembu, kabili ulubembu lwali ukukandwa, uko umuntu nangu umo tengalipila (Abena Roma 3:23-27). Ukukandwa kwali ukukalamba nganshi, mpaka takwali nangu umo uwingalipila ukukandwa, “*Pantu bonse balibembwike no kupelebelako ku*

Bukata bwakwa Lesa” (*Abena Roma 3:23-24*). Ifwe bonse twafyalilwe mu lubembu, abapangwa mu mampulu, twaishile pesonde ukubepa ubufi (*Esaya 64:6; Abena Roma 3:4*). E ico kanshi takwali nangu umo uwa muli ifwe uwalinga, **e ico Ena alicitile cena Umwine. Umo fye (umuntu umo) tatalile bembuka**, kabili Ena kuti atulipilila umutengo mucifulo cesu. **Uyu ali ni Lesa Umwine mu Mwana Wakwe**. Pantu Ena ku kusenamina kwa kwa Lesa asondele imfwa mu muntu onse (*Abahebere 2:9*), umulandu naupwa. **Ifwe tuli bantungwa! Imfwa cipilibula ukupatulwa kuli Lesa**. Ena aliculile mu cifulo cesu kulyo kupatulwa ukwabipisha ukufuma kuli Shifwe ilyo Ena abilikishe: “*Lesa wandi, Lesa wandi, cinshi mwandekeseshesha?*” (*Mateo 27:46*). Ena, muntu ushakwete ulubembu alikulikwe palya ngo muntu mubi, ngo mubembu uwabipisha, pakutila twingala mona, Ena teti atufilwe nangula ukutuposa (*Esaya 53-6; Esekiele 18:20; Abena Roma 6:23; Abahebere 13:5-6; Abena Roma 8:38-39*). Baibele itila, “*Akalimunwa kakuti tumwene ubutuntulu kali pali wene!*” (*Esaya 53:5*). Cali ni cinshi ukulimunwa, ukukandwa? **Ukucula Kwakwe ukwabipisha ne mfwa! Yesu asendele ubupingunshi bwesu pali Wene-ubukali bwakwa Lesa bwapongolwelwe pali Wene, mpaka Ena asondele imfwa mu cifulo cesu**. Baibele itila: Imfwa e cilambu ca lubembu. Yesu alitulipilila ifwe umutengo uwapulamamo! **Umutengo wali ni cinshi?-Uwawamisha, Umulopa uwayana uwa Mwana wa mpaanga ushakowela. Cali Mulopa wa kwa Lesa Umwine; Yesu ngo Mwana wa mpaanga wakwa Lesa asumishe Uwakwe uwa mushilo, umulopa wa bulesa-Lesa ngo Mwana wa mpaanga** (*Yohane 1:29*). Lesa Umwine ali muli Kristu kabili aliwikishe isonde ku Mwine! Yesu alengelwe ulubembu pa mulandu wa ifwe (*11 Abena Korinti 5:18-21*). Mu cipingo Cakale umutengo wali umulopa wa nama yakaele, lelo nomba takwali ukulubulwa nangula ukupokololwa kuli cilya, lelo ukufimba fye umulandu uwacitilwe (*Abahebere 9:12-14; 1 Petro 2:22-24; Esekiele 18:20*). Lelo Yesu alisondele imfwa umuntu uli onse (*Abahebere 2:9*). Ku mfwa Yakwe Yesu alyonaula imfwa iine no kuleta umweo kabili ukukana fwa mu lubuuto ku lupwa lwakwe (*11 Timoti 1:10*). Tapali nangu umo uyo uwali uwalinga, tapali nangu umo uyo uwinga lipila umutengo, pantu bonse balibembwiwe no kukwatila imisha imfwa-**Yesu fye eka e wali Umwana wa Mpaanga wa kwa Lesa ushakwete lubembu, kabili Ena asangilwe uwalinga** (*Ukusokolola 5:1-6*).

Yesu Kristu natuleta ku mweo pamo na Ena, pa kutulekelela yonse amampulu (*Abena Kolose 2:13; Amalumbo 32:1-2*).

Na Yesu Kristu, Lesa alituwikisha ku Mwine ukukana linga amampulu yabo pali bena; kabili alipela kuli ifwe Icebo ca kuwikishanya (11 Abena Korinti 5:18-20). **Aba Yuda na Benafyalo bonse baliwikishiwa kuli Lesa mu mubili umo ku capindama** (Abena Efese 2:16; Abena Roma 5:10-11).

Yesu Kristu pakucito mutende ku mulopa wa capindama Cakwe, na muli Wene ukuwikisha ifintu fyonse ku Mwine (Abena Kolose 1:20; Abena Efese 2:14-15).

Ukupitila muli Yesu Kristu-ifwe twalibelelwa uluse mu Watemwikwa (Abena Efese 1:6; 11 Abena Korinti 4:1).

Yesu Kristu alitupokolwele abo abali no mwenso wa mfwa inshiku shabo shonse abakuma ku busha (Abahebere 2:15). Nge fyo Yesu apokolwele aba mushilo aba mu Cipingo Cakale ukufuma mu cifungo ca mfwa, ica Kumbo noku baleta Pamo Nankwe ku Bukata (Abena Efese 4:7-8; Abena Roma 8:1-2; Yohane 5:24). **Abo abenga pokelela Icebo mu mwisulo wacena ba ntungwa, pa mulandu Icebo cali pingulwa kale pa Kalbale**

Yesu Kristu ukupitila mu mfwa Yakwe, alyonawile uyo uwakwete amaka ya mfwa, ulya ni kasebanya (Abahebere 2:14), ukutitila mu kusenamina kwakwa Lesa Ena engasondele imfwa umuntu onse (Abahebere 2:9). **Amaka yakwa Satana nayaputaulwa.**

Yesu Kristu nasangulula kampingu wesu ukufuma ku milimo ya fwa ku Mulopa Wakwe Wine Uyo ukupitila mu Mupashi wa muyayaya aitulile Umwine ukwabula akalema kuli Lesa (**Imilimo yafwa eyo tucita ukwabula Wene**). (Abahebere 9:14; Abahebere 6:1). “Ifwe twalilengwa muli Kristu Yesu ku milimo iisuma” (Abena Efese 2:10; Abena Roma 4:3-5).

Yesu Kristu alitufwilile ilyo tucili aba bembu. Ifwe nomba twalilungamikwa ku mulopa Wakwe kabili ukupitila muli ici tuli no kupusushiwa ku bukali ukupitila muli Wene (Abena Roma 5:8-9).

Yesu Kristu, Ena afwantilwe pa fya bupulumushi fyesu, Ena alashilwe pa mampulu yesu: akalimunwa ka kuti tumwenemo ubutuntulu kali pali Wene, kabili na mufipumo Fyakwe twalyundepwe (Esaya 53:5-6; 1 Petro 2:24). **Yesu alitundepe ku ubulwele bwesu, amalwele, amacushi na malanda** (Amalumbo 103:3).

Yesu Kristu Mucine Ena alitwikwa amacushi yesu no kusenda ubulanda bwesu (Esaya 53:4).

Yesu Kristu ku cakuninika cimo **Ena alengele babe abapwililika ukwape muli abo aba shishiwa** (*Abahebere 10:14; Mateo 5:48*). “*E ico kanshi, natuleya mu kupwililika.*” (*Abahebere 6:1*).

Yesu Kristu alitulubwile, abaleikalila amalango, **pakutila twinga pokelela ubwana**, efyo na ifwe, ilyo twali abana, twali mubusha mu milimo ye sonde (*Abena Galatia 4:1-5*). Nomba twalipokelela Umupashi wa bwana, ilyo tubilikisha, Abba, Tata (*Abena Roma 8:15*). **Nomba twaba ku lupwa lwa kwa Lesa** (*Abena Efese 1:5; Abena Roma 8:23*).

Yesu Kristu mu kupwililika afikilishe amalango ya kwa Lesa pa mulandu wa ifwe, pakutila ubulungami bwa malango bwinga fikilishiwa muli ifwe abo abashendela umwalola umubili, lelo umwalola Umupashi (*Abena Roma 8:1-4*).

Yesu Kristu atushishishe mu kutula Umubili Wakwe limo epela (*Abahebere 10:10; Yohane 17:16-19; 1 Abena Korinti 1:30-31*). **Ena ashishishe abantu no Mulopa Wakwe Wine** (*Abahebere 13:12*).

Na Kristu twalishiba Ubuntu bwesu ubwa kale bwatanikwa pamo Nankwe, pakutila umubili wa lubembu ufubalishiwe, pakutila twiba mu busha kabili ku lubembu (*Abena Roma 6:6-11*). Cebo ca cishinka: nga twafwile pamo Nankwe, tukekala no mweo pamo Nankwe (*11 Timoti 2:11*). **Ukupitila mu lupanda lwa kwa Kristu, Ubuntu bwesu ubwakale**, na cimbi ukwitwa uwesu uwakale (uwakubalilapo) umulume (*Abena Roma 7:1-6*) **alitanikwa pamo Nankwe. Uwakale umulume wesu uwa cilonganino (na cimbi icifyalilwa ce sonde) ca fwile pamo Nankwe** (*Abena Galatia 6:14*). **Kabili twalyundapwa nakabili kuli Shikulwifwe Yesu Kristu.**

Yesu Kristu ukupitila mu Mulopa Wakwe Wine ali tupekanishishe inshila, pakutila twinga mukonka Wene ku kwingila umwashilisha ku Mulopa wa kwa Yesu (*Abahebere 10:19-20*)- inshila ya mushilo (*Esaya 35:8-10*).

Yesu Kristu alitupele ubwakwe ubwawama, Ubumi Ubwa bukata-Umweo wa muyayaya. Akabulungwa aka mulopa aka kwa Lesa kali onawilwe pa Kalbale, kabili ubumi Bwakwe bwa bulesa ukufuma mu mulopa Wakwe, bwalipelwe ku bacetekela aba cine ku Mupashi Wakwe, **ulubatiso lwa Mupashi wa Mushilo** (*Yohane 11 :25- 26; Yohane 3:16; Yohane 5:24*).

Yesu Kristu ukupitila mumfwa Yakwe pa Lupanda atulengele ukube mpyani na Lesa kabili impyani shinankwe pamo na Kristu. Ukupitila mu mfwa ya walaile, icipangano nomba cilebomba mu maka (*Abahebere 9:15-18; Abena Roma 8:17; Abena Galatia 4:1-9*).

Uwapulamo uyo uli muli imwe, ukucila ico icicinga. Uwapulamo uyo uuli muli imwe, ukucila ayo amacila. **Uwapulamo Uyo uli muli imwe, ukucila iyo impwalonda. Uwapulamo Uyo uli muli imwe, ukucila uko kucushiwa. Uwapulamo ni Uyo, ukucila icili conse ico Kasebanya engabika pali imwe.** “*Uwapulamo Uyo uli muli imwe, ukucila uyo uuli mwi sonde.*” (1 Yohane 4:4). **Uwapulamo ni Uyo! Ee!**

Ena ali muli ifwe, ulya, ni Kristu (Abena Roma 8:37). Ena ali kacimfya wa mulwani uuli onse, kuli ifwe. Ilyo Ena ali pano pe sonde, **Ena acimfishe ulubembu, Ena acimfishe amalwele, Ena acimfishe imfwa,** Ena acimfishe kumbo, Ena acimfishe inshishi, **kabili nomba Ena ekala muli ifwe nga ka Cimfya!** Ena acimfishe ubulwele, kumbo, imfwa, inshishi, kabili aishile kuli ifwe no kutukakulula kuli filya fyonse ifintu. Kabili Uwapulamo ni Uyo uuli muli imwe, ukucila uyo uwinga bika ubu bufi pali imwe. Ee! “*Uwapulamo Uyo uli muli imwe, ukucila uyo uuli mwisonde.*” [6]

Ndeebaula Kasebanya. **Satana, iwe tauli nangu cimo kano uwabufi,** kabili iwe wasokololwa pano pene, ku cishininkisho ca Malembo caw a mweo Yesu uwa buka. Ndekweba iwe, kuli Lesa wa mweo, fuma muli aba bantu kabili balekeleko, ku bukata bwakwa Lesa.

Bonse mwe basumine ukundapwa kwenu, kabili iminineni pa nkasa shenu nomba no kusosa, “**Nincetekela.** Te mulandu ifingacitika **inshita ubutali cikasenda, nalyo line ninjishiba ndi no kuba fye bwino. Nasumina cena no mutima wandi onse.**”

Imyeni amaboko yenu nomba! “Namutotela, Shikulu.” Shikulu alumbanishiwe! Cilya cishinka, peleni Wene amalumbo! Nomba imyeni fye amaboko yenu **no kulumbanya Wene pa kundapwa kwenu!** [7]

Nomba, Shikulu, ici ica kushinina twa cikumanya, **ulya Satana, kabepa wabufi mukalamba, ena takwete insambu ukwikatilila umwana wa kwa Lesa. Ena cibumbwa ica cimfiwa** (Abena Kolose 2:13-15). **Yesu Kristu,** incende fye yeka ya kupepelamo, Ishina fye lyeka ilya cine, **ali mucimfishe wene pa Kalbale.** Kabili tulelomba Umulopa Wakwe ino ine nshita, **ukutila Ena alicimfishe amalwele yonse, ubulwele ubuli bonse.** Kabili ndeeba Satana ukufuma muli ili bumba. Mwi Shina lya kwa Yesu Kristu, fuma muli aba bantu, kabili bena babe abantungwa. [8]

Nomba, imwe mwe balwele na balekabila pano, **Lesu alishita kale ukundapwa kwenu. Imwe mwalyundepwe kale, cila umo uwa muli imwe.** Ukundapwa caba icintu cimo ico icaba umulimo uwapwishiwa pa

Kalbale. **Palya e po amapalo yonse ayakulubulwa ayo Kristu afwililepo yapwishiwe pa Kalbale.** Umutengo walilipilwe. **Kasebanya alemubepa fye imwe Yesu wa mweo!** [9]

Satana, iwe teti ubekatilile nakabili. Bena bana bakwa Lesa ino ine nshita. Ndeleta cilya kuli iwe. Iwe ulingile ukufumyapo ukuboko kobe pa bumi bwabo; bena bakwa Lesa nomba. **Ndepela bene kuli Wene. Ndebapela nge fikombe fya kutemwa kwa kwa Kristu pa Kalbale.** Ndekushinina iwe mu kulanshanya; **iwe tawakwata amaka nangu yamo ku nsambu. Iwe taukwete amaka pali bena;** iwe tawakwete yena icakubalilapo, iwe walebabepa fye. **Iwe walebabepa fye.** Kristu alikufulile fyonse ifyo wakwete pa Kalbale; Ena alifulile amaka yonse watala ukukwata; **kabili iwe tawaba nangu cimo kano kabepa wabufi; kabili twakwita uwa bufi.** Aba bana bakwa Lesa nomba. [10]

Satana, ifwe ngo lukuta lwa kwa Lesa tulelenda ukutonta fye kuli iwe. **Iwe uli ciwa, kacusha. Kabili iwe naukaka aba bomfi bakwa Lesa no mupashi obe uwa bufi.** E ico ifwe nga bantunse ta tukwete amaka pali iwe. E ico tatuleisa muku kumanya iwe mwi shina lya lukuta atemwa akabungwe. Lelo fyalicimfiwa.

Lelo twaisa mu ku kumanya iwe mwi Shina lya kwa kacimfya wesu, Yesu Kristu. Ifwe tulesansabika Ishina Lyakwe no Mulola Wakwe ku cinso ca bantu, nga Kacimfya wa bulwele bonse na malwele yonse yalibikwa pesamba lya nkasa Shakwe. Kabili ifwe nga aba bomfi Bakwe twalisenda umulimo Wakwe. Tulekwebela mwi Shina lya kwa Yesu Kristu, lekelako kakulula cila umo uwa aba bantu. Twalakonka ukulashika Kwakwe pa kubika indupi pa balwele. Kabili bali no kuba abatuntulu (*Marko 16:17-18*). Pantu tulelanda cena mwi Shina lyakwa Yesu Kristu. [11]

Tata Lesa, ubumi bwesu bonse bwapombwa muli Cilya, pantu Cena ni Mwe, kabili **Imwe muli mweo wesu.** Nomba kuli bamo muno, Shikulu, abo abakwata ici Cishibilo ico nacilalandapo. **Bena nabakwata cilya Icishibilo, lelo nomba balwele.** Kabili ndefwaya ukulanda, ukubapela ukushipa, **ukubakoselesha ukusenda shilye nsambu isha pelwa na Lesa. Bena nabakwata insambu ukucimfya ulya ciwa.** Ena ali cimfiwa kale, kabili ena alebabepa fye. Ndebapoka, Tata. [12]

Umwakumona:

[1] “Icishibilo” (64-0208), par. 161-162

[2] “Icishibilo” (63-1128E), par. 167-168

- [3] “Ukwita Yesu Pa Cifulo” (64-0319), par. 6
- [4] “Icikakatikilo ce Pasaka” (65-0410), par. 118-120,128
- [5] “Icitetekelo E Kucimfya Kwesu” (58-1004), par. 21
- [6] “Uyo Uli Muli Imwe” (63-1110E), par. 194-195
- [7] “Umulola Wakwa Lesa Uwabulo Kwilukwa” (64-0618),
par, 235-237
- [8] “Incende Iyasalwa na Lesa Iyakupepelamo” (65-0220) par.
130
- [9] “Sosa Kuli Ulu Lupili” (57-1215), par. E-28
- [10] “Ululembo Lwa Ciswango ne Cikakatikilo Cakwa Lesa”
(61-0216), par. E-80
- [11] “Tulangisheni Shinwe” (61-0521), par. E110
- [12] “Ukupelelwa” (63-0901E), par. 40

Ukukonka Imyeo ya Baluba Kabili Abalefwa

Amapinda 11:30, “Icisabo ca mulungami muti wa mweo; kabili uyo unonka imyeo wa mano.”

Pano tepa mushi wesu; ifwe tulelebeli fye pano ukwesha ukuleta abekashi bambi ukufuma mu mfifi. Kabili ukuya mu musumba, nalimo ukukwata umusonkano mu musumba onse, ukulabomba fye umulungu napamo inshiku ikumi limo, **pa mweo umo uwatemwikwa kunse kulya, umo, umo fye uwikele kunse kulya.**

Imwe kuti mwasosa, “Ukulongana kwali lundulwike nganshi; amakana yasano baliishile ku cipailo.” Limbi teti pabe nangu umo uwa bena ukupusushiwa, ukwabula nangula umo uwa bena. Mwamona? Imwe kuti mwatontontanya palya, “Abantu fye babili e baishile ku cipailo”; **lelo umo uwa bena kuti aba umwala.** Ifwe tuleloba fye mu kamulonga. Lesa alasenda isabi; Ena alishiba ilyo ilyabe sabi nelishili (*Mateo 13:47-50*).

Eico mulemona, ifwe tuleshimikila fye. Kabili ibukisheni, imwe mulecita icintu cimo cine muno mu Tabernacle. Lelo muleibukisha lyonse ici, “*impaanga Shandi shilomfwa ishiwi lyandi.*” (*Yohane 10:26-28*). **Kabili Ishiwi Iya kwa Lesa Iyaba Cebo Cakwe.** [1]

Kabili ninjisa ukubikamo iciputulwa candi, bukapyunga bwandi, mukulenga (fyonse ifyo twingacita) uku kulongana ukuti kulunduluke. Te kulunduluka pa mulandu wa kulongana kwesu, **lelo ukulunduluka kwa bantu ukusanga Yesu Kristu. Kulya e kulunduluka.** Ukulongana ukuli konse, te mulandu ifyo twinga lumbanya Lesa, ifintu ifingi ifikalamba ifyo tulemona Wene ukucita, imiku iingi iyo Ena alanda kuli ifwe mu Mupashi, kabili na fimbipo;

kano fye kuli cintu cimo icingabombwa, **imyego imo ukuletwa mu Bufumu!** (*Yohane 3:5*). [2]

Ukundapwa cintu cimo icitemuna amatontonkanyo ya bantu. Uuli onse kuti apela fimo ku kulongana kwa kundapa. Bena ba kapela fimo ku kusefya kwa kwimba. Lelo ilyo caisa **ku mweo umo uupina**, bena tabakwatapo icakucita na cilya. Mwamona, nomba bushe cilya tacili icalungama? Ifwe na tukwata ifintu fyonse...umweo ubusu uwaluba, tamufwaya icakucitapo na cilya. Bena bakaleka wene ukuya mu cintu icili conse. Ukusosa, “Cisuma, cilya cili fye bwino, ena aba ku lukuta. Teti ci cene nangu cimo.” [3]

Lelo nga cakutula nakwata umweo umo uku pusushiwa? Nga cakutula nali kwete, ukuba pano muno bushiku, ba bilyoni umwanda ba madola ukuba pano. Kabili ni finshi ifyo ninga cita naba bilyoni umwanda ba madola, ma minshoni abo ni ngatuma mwi sonde, kabili... nalimo ukunonka imyego ba bilyoni. Nshishibe.

Lelo nga nali kwete ba bilyoni umwanda ba madola ukuba ulu lubali, kabili kabatani akanono uku lubali, kabili kuti natinika kalya kabatani akanono, kabili kuti na lufya ba bilyoni umwanda amadola, napamo takuli ukutinika batani kuti nayasunga. Lelo nga nalitinike batani, ba Tata abakote natemwa abo abatangilako ukuciluka icipembe, kuti baenda umu umwa kupita, kabili kuti naikala pano no kulanda kuli bena ama miniti ikumi limo, kuti napela ba bilyoni umwanda ubupe fye ukwa bula ilipusho ukulanda kuli ba Tata umuku fye na umbi.

Buli kwisa ubusuma lyena? Cena ni cinshi? **Ndetontonkanya nga kuti nakwata umweo umo ukupusushiwa**, umo umunono umulumendo uwa fita, atemwa icili conse ifyo cingaba, **ilyo lyonse kuli umuyayaya, kabili lulyo Lubuuto na lulyo Lutanda lwa kwa Lesa lule balika mu bukata, ishina lyandi likampama no kuleta ulyo mweo mu kupusushiwa** (*Daniele 12:3*). [4]

Lelo lekeni mwebe icintu cimo. Ifwe tatwakwata shilye ndalama. Imwe muli bantu ababusu. Ifwe bonse eflyo twaba. Cilya cishinka. Ifwe twikalila ku fya musangulo fya bantu, pakuba bakapyunga. Lelo, munyina, mu Africa umo umulumendo umunono uwalepa nge fi, nangu cilende uwa mu musebo kulya mu Louisvilee, **umweo umo ukupusushiwa, mu muyayaya ilyo lulyo lutanda lukabalika kulya, ishina lyesu likapombwa muli ena. Bulya palya ubusuma bwenu.** Tacili ubwingi bwa fyo mukwete, ubwingi

bwa fyo mulekabila; **cili ubwingi bwa fyo mwinga cita kuku pususha imyeo kuli Yesu Kristu.**

Indalama shesu shikapwa. Lelo nga nakwata umweo ukupusushiwa kuli Kristu, munyina, ilyo lyonse kwaba umuyayaya, ubukata bwa kwa Lesa bukaba pali ulyo mweo. E ico busumanshi nangu cibe fyo? Busuma nshi cicita ilyo ukulwisha kuli mu mukolomino wenu, kabili doctor alemona imipemene ileya ilecepa. Busumanshi indalama shonse no kulumbukwa konse? Abantu ukuku pampasha panuma, atemwa mwaba umuntu umukalamba, busumanshi cilya ci mucita? Nangula panono. Filya filafumapo no kwikala pano pe sonde.

Lelo umweo umo ukupusushiwa, imwe mukamona ishina lyenu ukupombwa muli lyena ilyo lyonse ulutanda lwa lucelo lukabalikilamo... E ico lekeni tupusushe imyeo, ba munyina (*Amapinda 11:30*).

Cila umo. Imwe mwe bakashi ba pa mayanda, imwe tamulingile ukuba bakashimikila. **Imwe citeni icintu cimo ca bukata bwa kwa Lesa.** Ibukisheni, ifintu fya muyayaya e fitwalilila ukubapo, kabili cilya caba ukupususha imyeo. **Lekeni cilya cileba ca ntashi pa milimo yenu yonse, kabili na mano yenu yonse, na mapange yenu yonse** (*Mateo 6:33*).

Mailo, ukwiminina, ukwikatilila ukuboko kwa kwa nacifyashi, nali mukumbete no kuboko kwandi, kabili akalefu lefu kakwe ukututuma, kabili umulumendo wakwe ali palya alefwa...atile, ‘Billy, nalekabila no kukabila iwe ukubwela ku Tabernacle.”

Natile, “Nkashi Ferguson, kuti natemwa ukucita cilya. Natile.” “cisuma, lolekesha, nkashi. Owe, kuti nakwata nalimo imyeo amakumi mutanda ukupusushiwa muno mu Tabernacle. Cilya kuti caba ukulobolola ukusuma mu mwaka. Ine kuti nakwata bamo amakana umwanda ukupusushiwa mu calo cimbi.” Mwamona? Ilyo nkenda mu bukata, nshilefwaya uku...Les aalimpuswishe. Ena ali mpuswishe. Cilya calicipwishishe. Lelo icintu ca cena cili, ilyo nkafika kulya, ndefwaya ukulolekesha uku no ku ukumona intanda shilebalika (*Daniele 12:2-3*). Amenii. Ndefwaya ukumona icintu cimo icilenga icintu cimo.

Nga nalifwile kabili nali umuntu umukalamba, kateka nga Lincoln napamo umo nga filya, bena kuti bakula icibukisho icikalamba, lelo ubushiku bumo teti cibe. **Lelo umweo umo uupusushiwa mubukata, ishina lyenu likapombwa muli ulya ilyo lyonse kuli umuyayaya ukatwalilila.** [5]

Nomba moneni, Lesa ukuilenga Umwine ukwishibikwa. **Ifwe tatulingile ukulenga abapilibulwa ku Bwinakristu ku buteko; lelo ku busokololo, Kristu muli imwe, nge fyo Lesa ali muli Kristu** (*Abena Kolose 1:26-28*). Nge fyo Lesa ali muli Kristu, Kristu muli imwe! **Ifyo Lesa acitile muli Kristu, Kristu alecita muli imwe!** Filye fishibilo Lesa acitile muli Kristu, Kristu alecita muli imwe! Owe, bushe cilya tacawama? Owe, mwe! Nalitemwa cilya.

Yesu atile, **“Pali bulya bushiku,” bulya ni bumo bushiku. “pali bulya bushiku,”** **ilyo ubu busokololo bukalengwo ukwishibikwa, “Mukeshiba ukuti ndi muli Tata, na Tata muli ine; Ine muli imwe, kabili imwe muli Ine.” Ilyo ubusokololo bwalengwa ukumonekela, “pali bulya bushiku mukeshiba ukutila Ine na Tata twaba umo; ine ndi muli Tata, kabili Tata muli Ine.”** (*Yohane 14:19-20*). **Lyena ilyo ubusokololo bwaisa, lyena cili, “Ine muli imwe, kabili imwe muli Ine.”** Mwacimone co. pa mulandu wanshi? Ukubwesha cena. Ifwe tulingile ukuba. [6]

Lilya e pange lya Mupashi wa Mushilo: ni Tata nakabili, Lesa Tata ukwikala muli imwe, ukubomba amapange Yakwe ukupwisha ipange Lyakwe ilya kulubula, ukubombela ukupitila muli imwe, ukulenga imwe ukuba uwakubombela pamo Nankwe, ukumupela imwe icifulo, ukumupela imwe iciputulwa cakwa munyinenwe uwawa nankashi, ukupela imwe Umupashi Wakwe no kutemwa kwakwe ukuya mukufwaya abaluba nge fyo Ena acitile mwibala lya Edeni. “Adamuu, uli kwisa?” cilya e co Mupashi wa Mushilo acita ku mwaume atemwa umwanakashi. Ilyo waikasha mu mitima yabo no kwikala mulya, **mulabe cilaka ne nsala pa myeo iyaluba** (*Abena Roma 8:26-27*). Bulya e bwaba ubwafya no kulongana ilelo; **tamwaba ukwikatwa nganshi no Mupashi muli kweni ukukonka imyeo iyaluba kabili ilefwa.** Caba nganshi ukupanga ishina, nangula ulukuta, nangu icikulwa, nangu icilonganino, mu cifulo ca **butantiko ubwa kunonke myeo.** Ifyo caba ica bulanda. Ifwe kuti twaikala pali cena nganshi. [7]

Bakashimikila, kapyunga, mulandunshi tatwakwatila ifisendo pa myeo iyaluba? Ndecetekela ukutila kubulisha ukupuputulwa. Ndecetekela ukutila tulingile nalyo line ukupepa kuli Lesa ukutupela **icikuku pa myeo yabaluba mpaka Yesu Akese.** [8]

Nshilesakamana nga cakutila munyina afuma mu nshila, te mulandu ifyo acita, muli no kumukonka (*11 Timoti 2:24-26*).

Nalikonkele munyina tekale sana, ali fumine munshila. Umuntu wa caice alisosele kuli ine, “Lekeni cilye ciwelewele cileya. Mulekeni abe.” Natile, “Nga nkatala ukufika pa cifulo apo mutima wandi tawenda pamo na munyina, lyena ni nshita kuli ine ukuya ku cipailo, pa mulandu naliwa ukufuma mukusenamina.” Natile, “Ndi no kuya ilyo lyonse akwete umupu mu mubili wakwe, kabili ndi no kumwikata pa cifulo cimo mu mushilwa.” Ee, mukwai. **Kabili nali mwikete** (Alleluya.), **nalishile mubweshwa**. Ee, mukwai. Ena alibwela mwicinka mu mutende nomba. Ee, mukwai. Ena alifumine munshila mucine nge fyo isonde (*1 Yohane 5:16*). [9]

Owe we Mwinakristu, ifyo lyaba ishuko twakwata! Twalikwata ishuko ilyo Paulo Washila tatalile lota ukukwata. Twalikwata ishuko ilyo Enock, na Eliya, kabili na bonse fye tabatalile kwata, ishuko ilyo twakwata nomba.

Kabili kuli impaanga imo inono kunse kulya ku cifulo cimo, kabili Ena takekushiwe mpaka ulya umo akengile mwi cinka. Ku bwafwilisho bwakwa Lesa, kabili na ku cimonwa, kabili EFYO ASOSA SHIKULU, ndebwelelamo ukuciluka bembwa. Ilye yakulekelesha impaanga nalimo kuti yaba iya fita inono kulya lubali, ico naishiba, uko bena tabatontonkanya ukutula balikwata umweo. Lelo Lesa aliishiba ukupusana. **Ndi no kufwaya mpaka ubushiku bwakulekelesha ubwa bumi bwandi, ukusanga ulya umo, ukuli konse kuntu ali** (*Luke 15:3-7*). [10]

Abengi muli imwe muno, ababomfi bakwa Lesa, ubwite mu bumi bwenu; imwe kuti mulecita icintu cimo. Mwilaikala fye! **Lekeni tucite icintu cimo! Nga tamulelenga kano umweo umo ukupusushiwa, buleni ulyo umweo umo, cila umo uwa muli ifwe.** [11]

Cilya e co abantu bacita. Mucifulo ca Benakristu **ukuipetamika abene no kuifumyamo abene ukusanga naimbi incende ikulu iyakwa Lesa** (*Yohane 8:37*), baleesha ukuikula abene mu kwishiba ukwapangwa pa mayanda, nangu ukwishiba kumo ukwa masambililo, nangula icintu cimo, ico icibatalusha ukufuma kuli Lesa ukucila ilyo batendeke.

Ulya e mulandu wine ndetontonkanya pali ifi **ubwite bwa ku cipailo ubwakupanga fye**. Mulamuleta ena, kabili **inshita imbi cilaba icakosa imiku ikumi ukumubweshwa nakabili**. **Lekeni wene ekale no kumfwa mpaka Lesa amucitile icintu cimo** (*Yohane 6:44*). Kabili lekeni ese no kuyebelela cena, ukwima, ukwita pe shina lya kwa Shikulu (*Abena Roma 10:12-13*). Cilya cishinka. [12]

Ilyo twinga tontonkanya pa nshiku ishapitapo, mu nshita yaba-Methodist ilyo bapepele inshita yonse ya bushiku no kulila ne filamba ifingi pa baluba, kabili tabakwete umutende. Kabili ilelo cilemoneka kwati kuti twafwala bwino, no kwikala panshi no kukutika, kabili **ukuya ku ng'anda ababulo ukuposako amano**. Mwe Shikulu, sunkanyeni muli ifwe; bikeni ukupimpa mu mitima yesu pa myeo iyabaluba! Leken bakapyunga no lukuta, umuntu onse abe iciputulwa ca Bufumu kabili **no kukabila kwa kubilima** uko twinga kwata amatenti mu misumba no kuli konse no kufumya abaluba mu ncende shabipa kabili no kubasenda ngefyenge fya mulilo fya kwa Shikulu. Peleni cena, Tata. [13]

E ico tuleesha ukusenda umweo onse ukupusushiwa, pakutila Yesu engesa. Kabili Ena tekuti ese mpaka ulya uwakulekelesha uwakwata ishina mwi Buku Iya Mweo, ilya ilyabikilwe kulya ilyo mufula we sonde taulalengwa (*Abena Efese 1:3-4*); **ilyo lilye shina liketwa**, ulya e wa kulekelesha lyena. Ena aishile mu kulubula, ukubwisha. **Ukulubulwa caba “ukubwisha.”** Kabili ilyo Ena akaletamo uwakulekelesha...Ena naikala ku kuboko kwa kulyo ukwa kwa Lesa, ilelo, ukubomba umulimo Wakwe uwakupapatila (*Abena Roma 8:34*). Kabili ilyo **ulyo mweo wakulekelesha wa pusushiwa, uyo uwalubwilwe**, kabili wali mwenwe no kwishibwa kuli Lesa ilyo mufula we sonde taulalengwa (*Ukusokolola 13:8*); **ilyo ulyo umweo wakulekelesha wapusushiwa, cilya cikesala ibuku. Lyena Umwana wa mpaanga akesafuma, akasenda ibuku ku kuboko kwa kulyo ka Uyo uwaikala pa cipuna ca bufumu** (*Ukusokolola 5:1-10*). Ena akesa lyena, Ena akesa pe sonde. [14]

Nomba lolekesheni mwebene. Mucine, bushe muli Abenakristu abacine aba Baibele, **abaisulamo ukutemwa kwa kwa Lesa?** (*Abena Roma 5:5*). Ibukisheni, Baibele itila, mu nshiku sha kulekelesha ilyo iyi nshita ikacitika, Ena atile, “Malaika uwalelemba alipitile mu nkuta, apitile mu misumba, kabili akakatike fye abo abaleteta no kulila pa fya muselu fyalecitika mu musumba.” Bushe cilya cishinka? Esekiele 9, twaliishiba ukutila cilya Cishinka. Malaika uwalelemba aliile no kubika Akashilwa pa mpumi shabo, alibakakatike, “abo abaleteta no kulila.” (*Esekiele 9:1-4*).

Panuma ya ifi kwaishile ba malaika abepaya ukufuma ku fifutu fine fye sonde, ico cili no kwisa ililine, tulecimona ukwisa, amabulwi ukwisamo ayo ayali no kwipaya isonde lyonse. Takwali nangu cimo ico teti bakumye kano abo abakwete Akashilwa (*Ukusokolola 7:1-8*).

Bushe umutima wenu waliposako nganshi amano paba bembu, kabili no musango uo ulukuta na bantu balecitilamo, mpaka kuti mwateta no kulila pali cena akasuba no bushiku? Nga teifyo, ndesunguka. Yalya e Malembo (Amapinda 24;11-12). ^[15]

Ukutemwa, ukutemwa, muletemwa Wene. **Moneni ifyo Ena amucitile imwe. Cena ni mu kutemwa.** Ukutemwa kuleta ukunakila. Ukutemwa kuleta bucibusa. Ukutemwa kuleta icupo. Kabili kulya eko tuleya, **Umulalilo wa bwinga bwa Mwana wa mpaanga.** Ndeumfwa kapususha wandi aleita, ukutila Ena alintemwa, naine. Ine, naine!

No mutima wenu onse, ukumfwa fye icintu Cimo icawama nganshi ukwisa muli imwe. Ulya Mupashi wa Mushilo.

Nde mupepelako imwe nomba, kabili na ine wine. Nga nalicita icintu icili conse icalubana, ukuboko kwandi kuli Imwe, Shikulu, cilepilibula munjelele. Ukuboko kwandi kuli Imwe, Shikulu cilepilibula ukutila **nshalefwaya ukucicita.** Kabili ninjishiba ndefwa, Shikulu. Ningile ukusha ili sonde, mu musango wa ku mubili. Ndefwaya uku kumanya Imwe. Ukuboko kwandi kulepilibula, kusendeni, Shikulu. **Njisusheni no Mupashi! Mpeleni Cishibilo ca Kutemwa kwenu pali Ine (1 Yohane 4:7,11-12,16), Mupashi wa Mushilo,** ico icili no kunenga ine ukwikala umusuma, uwanakilila, ukunenga ukwikala Ubumi ubo ubwali muli Kristu; **ukutila umutima wandi uuli no kubilimina bambi (11 Abena Korinti 5:14-15), icakutila nshakulatusha nangu panono, akasuba no bushiku, mpaka kuti naleta abali bonse abo ningaleta.** Ndi no kuba nge nkombe sha Yeriko; ndino kuya ku muntu uuli onse uo ningayako, no kumona nga kuti nabaleta ukwisa pesamba lya cipangano ca Mulopa (*Yoshua 2:15-19*), pe samba lya Mulopa wa Mwana wa mpaanga, pakutila bengapokelela icishibilo. ^[16]

Peba nangu umo uyo uwa umfwile Imbila, **peba nangu umo uwa bena ukuluba, ukufuma ku mwana uwacepesha mpaka naku mukalamba uwakulisha.** Lekeneni ukukabila kwabo ukwa mushilo kuleba fye **kuli Lesa ne Cebo Cakwe.** Twaishiba ni ora nshi Ena ali no kumoneka, nangu ni ora nshi Ena engatwita ukwasuka kulya lubali pa bupingunshi (*Abena Roma 14:10-12; 11 Abena Korinti 5:10-11*). Ifwe tatwaishiba ni ora nshi Ena engacita, nge fyo cali, ukusenda inkadi lyesu umo iikala, tutile, **“ni nshita iyakwisa ku mushi. Imwe mulingile ukuya.”** Lesa, twafwilisheni ukwikala abasanguluka. Peleni ici, Shikulu.

Lekeni tukekale mpaka ukwisa kwa kwa Shikulu, nga kuti cacitwa. Lekeni tucite fyonse ifyo ifili mu maka yesu, **no kutemwa no kwiluka, ukwiluka ukutila Lesa alefwailisha isonde, ilelo, ukusanga impaanga ili yonse iyaluba.** Kabili lekeni ifwe tulelanda kuli bena **na mapepo ayasuma aya kutemwa ne Cebo cakwa Lesa,** pakutila twingasanga ulya uwakulekelesha, **pakutila twingaya ku Mushi,** no kufuma muli iyi Edeni iyakale iya kwa Satana muno, Shikulu. [17]

Kalemba mukalamba wa ili Buku, “cena ni Mbuto,” ifwe twalisambilishiwa, “ukutila katanda atandile,” eflyo asosa Kalemba. Nomba, ifwe twalishiba ukutila imbuto ili no kumena nga ili mu mushili uwalungama. E ico, Tata, twalasenda imyunga yonse na bacilasa, no kukanacetekela, na matontonkanyo ayakususha ukufuma mu mitima yesu; **pakutila Icebo cakwa Lesa cinga kula bwino bwino, ukutapilisha no Mupashi mu mitima yesu, pakutila twingaba abantu bakwa Lesa.** Peleni ici, Tata. Cilya e mitima yesu. Tacili fye ifwe twaliishiba ici, **lelo lekeni kube bambi mu nko yonse, umutima uwacila umo ukubilima no kutemwa no kunakilila, bali no kuya ukwesha ukunonka munyina uwaluba, nkanshi uwaluba.** Peleni cena ilelo, Lesa. Ifwe tulelolesha na fyonse kuli imwe, **pantu imwe muli katungulula wesu kabili Shikulwifwe.** E ico tulepepa ukutila Imwe mwalatutungulula mu Cebo Cenu ilelo, kabili tupeni amapalo Yenu. Ukupitila mu kusenamina Kwenu kabili na mwi Shina Lyenu twalombela ici. Amenii. [18]

Lekeni ulukuta lukeminine no kuba ulukalamba, **kabili icitetekelo ca kupususha imyeo, inga’anda ya lubuuto mpaka Yesu akese, epepo lyandi.** Lesa amupale. [19]

Umwakumona:

[1] “Ukusokolola Icipandwa ca 4, part 3” (61-0108), par. 26

[2] “Umo Muli Milyoni” (65-0424), par. 43

[3] “Mutila Uyu Nani” (64-1227), par. 154

[4] “Ukubomba kwa Mupashi wa Mushilo” (56-0816), par. E-11

[5] “Ibuku Lya Mwana wa Mpaanga Ilya Mweo” (56-0603), par. E-10-13

[6] “Kristu Enkama ya kwa Lesa Ukusokololwa” (63-0728), par. 448-449

[7] “Ni Cinshi Mupashi wa Mushilo Wapelelwe” (59-1217), par. 31

[8] “Amepusho na Masuko” (64-0830E), COD pg.1162

[9] “Ubwana part 2” (60-0518), par. 140-142

- [10] “Icikakatikilo ce Pasaka” (65-0410), par. 264-265
- [11] “Ukusenda Ulubali Na Yesu” (62-0601), par. 81
- [12] “Amaka Ayapwililika ku Kunaka Ukwa Pwililika” (61-1119),
par. 141
- [13] “Ukukwata imisonkano” (60-0608), par. E-13
- [14] “Kristu Eshibikwa Cimo Cine mu Nkulo Shonse” (64-0415), par.
12
- [15] “Ubutungulushi” (65-1207), par. 320-322
- [16] “Icishibilo” (63-0901M), par. 447-450
- [17] “Edeni wakwa Satana” (65-0829), par. 179-180
- [18] “Incende fye Yeka iyapelwa na Lesa iya Kupepelamo” (65-
1128M), par. 43
- [19] “Ukutungululwa na Mupashi wa Mushilo” (56-0219), par. E-347

Amaka Yandi Yalengwo Ukufikapo mu Kunaka

“Lelo anjebele ati, Ukusenamina kwandi kwa kumana kuli iwe: pantu mukunaka emo amaka yandi yalengwo ukufikapo. E ico ndetakisho ukucisha no kucankwa mu fya kunaka fyandi, ukuti amaka yakwa Kristu yekale pali ine. E ico mbekelwa mu fya kunaka, mu miponto, mu fya bucushi, mu fya kupakasa, mu fya lumanmani pa mulandu wa kwa Kristu: pantu ilyo nanaka, elyo naba na maka.” (11 Abena Korinti 12:9-10).

“Lelo Lesa asalile ifya buwelewele fya pano isonde kukulenga bekatwe insoni aba mano.” (1 Abena Korinti 1:27).

Tuleesha ukupanga ukunaka kwesu apakulesesha. Ifwe tufwaya ukulanda ifyo twaba abakulu, ifyo twaba abakalamba. Ndetontonkanya cilya e cimo pa fintu ifyo Lesa ampelelepo isambililo, cili ukufumya cilya ukufuma mu mano yesu.

Kwaba ifintu ifinono ifyo tucita. Kabili cilya e co twishila ku lukuta, caba **ukusanga apo ifilubo fyesu fyabela, kabili ifintu ifyo tulingile twaikalilako bwino fwebene. Nga twisa ku lukuta na mapange yambi ukucila aya, ndino mwenso tatwakasendemo ifingi pa kwisa ku lukuta. Ifwe tulingile twaisa ukusanga ifya kunaka kwesu, ukusanga ififulo fyesu ifyabipa no kumona ifyo twaba abanono, kabili ukubika isubilo lyesu muli Umo uyo uuli uwamaka.**

Kwaba abengi nganshi muli ifwe abatemwa ukupela ubunte nangu balitemwa ukutontonkanya ukutula tatuli abalinga; kabili e ico kanshi, tulapanga cilya ukuba apakulesesha, “Nshakwata amasambililo; nshakwata amano; nshili uwalinga ukucita ifi.” Kabili nga mwasunga ici no kucita cilya muli ulya musango, ukutwalilila nga filya, **lyena teti mube nangu cimo. Lelo icintu cine ico ifwe tukwata apakulesesha pafya kunaka kwesu, Lesa alabomfya cilya cine icintu ukubombelako umulimo. Mwamona? Ena alatulolela ukwisa kuli ilye imibebe pakutula ena enga tubomfya. Ifwe tulasenda apakulesesha no kusosa, “Cisuma, teti ncite ci, nshili**

uwalinga. Teti ncicite.” **Kabili Lesa alasenda cilye cintu cimo cine ukubombelako umulimo.** Cilya cishinka.

Ulya e mulandu wine uo Ena atusalile ifwe, pantu twaba muli ilye mibele (1 Abena Korinti 1:26-29). Nomba, cilya cileumfwika iceni, lelo muma miniti fye ayanono twalaisa ku mulandu wa cena, nga Lesa asuminisha.

Moneni ukutila **cisenda abanaka kabili balya bakanwa**, kabili mu butuntulu impalume yonse Lesa akwete ku ntanshi ya bulwi bali umuntu uwa musango filya (*Abapingushi 6:11-24*). Umuntu uyo bakene, umuntu uyo uwa tontonkenye ena tali uwalinga, **umuntu ushakwete ukwishiba nakalya**, lyena ulya muntu ali fye mu mibele iisuma pakutila Lesa engatendeta ukubomfya bena. Cilya cishinka. Ilyo bena baleumfwa kwati **teti bacicite, bena tabakwete nangu cimo, Ilya e lintu Lesa enga basenda bena** no kucita icintu cimo na bena. Mwamona? Lelo ilyo tuletontonkanya ukutila tuli abalinga ukucicita cena, **lyena Lesa teti atubomfye pantu tulefwaya ukucicita fwebene.**

Kabili lyena, ulubali lumbi, tulakwata ifi fyakumfwa umfwa kabili ifwe tulatontonkanya lyena ukuti tatuli abalinga, kabili tufwaya ukucicita; **lelo nomba nga kuti twaumfwa fye kubwite bwa kwa Lesa, cilya e cintu cine ico Lesa afwaya ifwe ukwingilamo**, ulya musango uwapangwa pakutila Ena engacita.

Ilyo tuli abashalinga ifwe bene, **lyena tulesa mu kunakila ukuitula ku Mupashi wakwa Lesa** (11 Imilandu 20:1-23). Ilyo lyonse ilyo tutontonkanya ukutila kuti twacicita, lyena teti tucicite. Lelo ilyo twaisa ku cifulo uko ifwe twaishiba ifwe tekuti tucicite, lyena tulaitula fwebene kuli Lesa elyo Ena alacicita. E ico kanshi nga ni fwe bene abaleesha ukucicita tukafilwa. **Lelo nga kuti twaitula fye fwe bene kuli Lesa lyena Lesa teti afilwe.** Kwaba fye icintu cimo ico Lesa teti acite, kabili cilya kufilwa. Ena kuti acita ifyashala kano ukufilwa. **Lelo Ena teti afilwe.**

E ico ilyo lyonse ilyo tuleesha palwesu no kushintilila pa kwishiba kwesu fwebene, cinshi, ifwe teti tucite nangu cimo. Lelo ilyo twisa pa cifulo **uko twishibe tatuli nangu cimo, lyena Lesa kuti atubomfya.**

Icintu icikankala, cimo pa fintu ifi icikankala ico tulingile ukusunga...Nomba, ibukisheni ici, kabili makamaka imwe bakashimikila abalumendo, na bamembala bashilakula na bena. **Kwaba icintu cimo ico tulingile ukusunga nga tuleenekela ukufikilisha ukukabila kwa kwa Lesa mu bumi bwesu; cilya cili, ifwe tulingile ukusunga itontonkanyo lya kwishiba kwa buntu.** Nga tukatala ukufika pa cifulo apo tutontonkanya ukutila kuti twacicita na **mano yesu fwebene no kwishiba kwesu fwe**

bene, ifwe tulingile ukusunga cilya mu musango uwa kutila kuti twa fumyapo icintu no kucibika ku mbali pakutila Lesa enga tubomfya. Cilya cishinka.

Kabili no kukwata ukuipela onse! Teti tubomfye ukwishiba kumo. Tulingile twakwata ukuipela onse. Kabili ukwisa kuli Lesa, **mulingile ukupela kuli Wene fyonse umweo, umubili, no mupashi. Ifintu fyonse ifyo mwaba filingile ukupelwa kuli Lesa pakutila Ena engabomba ubufwayo Bwakwe muli imwe kabili na muli ine** (1 Abena Korinti 6:19-20).

Nomba, **cilya cali kosa**; naliishiba; pantu ifwe lyonse tufwaya ukuibikamo iciputulwa cesu, icintu cimo ico twaishiba, namwishiba, ukutila tulefwaya ukucicita. Tulasosa, “Cisuma, ninjishiba cilingile fye ukucitwa uyu musango.” **Lelo ilyo lyonse mulecicita ulya musango cili nokuba icilubo, kabili Lesa takabomfye ilya imibombebele.**

Bulya e bwabo ubwafya ne sonde ilelo: kwaba ukwishiba ukwingi ukwa ku seminale, ukushintilila ukwingi pa masambililo, ukushintilila ukwingi pe senge atemwa icilonganino; ifwe tulashintilila pali umo no mubiye; **ifwe tulashintilila pa baume abakwata ukwishiba.**

Ilyo tuleenekela, ukusosa, “Uyu mwaume, ena muntu mukalamba. Uyu muntu mukalamba; ndi no kushintilila fye wene,” **cilya tacisekesha Lesa ilyo mwacita cilya. Ifwe tulingile ukushintilila pali Lesa kabili Lesa eka** (Amapinda 3:5-6). Ifwe tatulingile ukusubila ukwishiba ukwesu fwebene atemwa umuntu nangu umo. **Ifwe tulingile umupwilapo ukuitula kuli Lesa.**

Takuli ukwishiba, nshilesakama nga kwa kwa ani, ifwe tatwakatale bomfiwa mu cinso ca kwa Lesa. **Lesa alingile ukusenda ukwishiba kwesu konse ukufuma muli ifwe ilyo Ena talafikilisha ipange lyakwe.** Nga Ena nakwata icintu cimo kuli ifwe ukucita, kabili **ilyo lyonse ilyo tuleeumfwa ukutila tulecita umulimo uusuma ukufuma muli cena, lyena tatwakatale bomfiwa na Lesa.**

Umfweni ku Mutumwa Paulo muli 1 Abena Korinti 2:1-5, “*kabili ine, ba munyinane, ilyo naishile kuli imwe, ukubile ca nkama ca kwa Lesa, nshaishile no kupulama kwa cebo nangu ukwa mano, ... kabili nali na imwe mu kunaka, na mu mwenso, na mu kututuma ukwingi...*”

Bushe kuti mwaelenganya umuntu, umu Fariseo wa ma Fariseo, kasambilisha waba kasambilisha, umwaume uyo uwasambilishiwe ukufuma ku bwaice kuli bu kapyunga ukuba umwaume uwaishiba ukulanda uyo uwali uwacenjela kabili uwa mano nganshi, ukwisa kwi bumba lya bantu Abena Korinti no kusosa, “Nali na imwe mu kunaka, kabili na mu mwenso,

no kututuma ukwingi"... umwaume uyo uwapenwine sonde, **minshoni umukalamba nganshi uyo ushatala ishibikwa, alumbwile ukutula aishile mu kunaka**, tekuba nga kasambilila uwa sambilishiwa, lelo mu kunaka **no mwenso, epali alitampwile ukufuma mu nshila pamo, mu kututuma ukwingi, pa mulandu ena tekuti ashintilile mu kwishiba ukwakwe umwine.**

Umulandu ena aleumfwila umwenso, tepa mulandu wakutula aleumfwo mwenso wa cintu icili conse; **lelo ena aleumfwo umwenso ena kuti afilwa ukutemuna Lesa mu nshila imo; ukutula ali no kusenda ukwishiba kwakwe umwine ukusankanya muli cena; icintu cimo ico asambilile.** Ena alebeeba ukuti, "Nshaishile kuli imwe no kupulama kwa cebo; naishile kuli imwe mu mwenso pakutula ningesa kuli imwe ulya musango; **lelo naishile kuli imwe ukukana ishiba nangu cimo kano Kristu na Wene uwatanikwa.**" (1 Abena Korinti 1:18-25; Abena Galatia 6:14).

"Kabili naishile kuli imwe mu mwenso, no kunaka, kabili no kututuma ukwingi. Kabili icebo candi ne mbila yandi tayali mu fyebo fya kulembeleka ifya mano ya muntu, lelo mu kushininkisha kwa Mupashi kabili mu maka."

Umfweni kuli uyu mwaume uwali uwabulwi aliifulileko umwine. Amenii. **Nga kuli icintu icili conse** ifyo amasukulu yesu yalefwaikwa ilelo, nga kuli icintu icili conse inkuta shesu shifwaikwa ilelo, **Caba ukuifulako fwe bene, amatontonkanyo yenu mwebene no kwishiba kwenu mwebene.** Fuleniko mwebene kuli Lesa kano fye nga kuti mwaesha ukucita icintu cimo muli imwe mwe bene. Ndesubila ukutula cilya nacingila mukati muli ifwe, **ukuti imwe mwalishiba ukutula tamulingile ukuba cimo: tekuba uwaishiba fyonse, te kuba umo muntu mukalamba, lelo ukukanaba nangu cimo. Imwe mulingile ukuba ulukugu. Imwe mulingile ukwisa pacifulo apo mwaishiba ukutula tamuli nangu cimo.** Kabili mwikatala ukuisansabika pa mulu wa cena, pantu lilya line mwaisansabika pa mulu wa cena, **imwe muleisansabika pa mulu wa kwa Lesa.** Mulingile ukuibika mwebene mu lukungu kabili pa musebo wa ku Dameseke (*Imilimo ya Batumwa 9:1-21*). Imwe mulingile ukuifumya mwebene pali ba kabalwe benu abasansama.

"Icebo candi" efyo asosele, "tacali mu fyebo fyakulembeleka ifya bantu na mano ya bantu, lelo mu kushininkisha kwa Mupashi wa maka." Nomba, moneni. "Pa mulandu wanshi, Paulo? Mulandunshi wacitile ici?"

"Ukuti icitetekelo cenu ciba mu mano ya buntunse, kano mu maka ya kwa Lesa."

Owe, ifyo ali kashimikila! Ena afwaile Lesa, kabili atile, “Lesa, ndi uwanaka, kabili nshishibe ifyakucita. Ndelomba fye kuli imwe, Lesa, ukumpela amaka ine, fumyeni ubucushi bwandi pali ine, ne fi fintu, pakutila ningaba uwa maka nganshi.”

Lesa alilandile kuli wene mu kubwekesha, atile, **“Paulo, amaka yandi yalengwo kufikapo mu kunaka kobe.”** (11 Abena Korinti 12:9-10).

Elyo Paulo atile, “Ilyo ndi uwanaka lyena ndi uwa maka.” Ee, Ena atile, **Lyena ndi no kutakisha mu fya bucushi fyandi mu fya kunaka fyandi.** Ndetasha Lesa ukutila ni mfumya fyonse fye ukufuma muli ine. **Kabili ilyo nafumya fyonse ukufuma muli ine, lyena Lesa kuti aisamo. Lelo ilyo lyonse nkwete fimo ifyandi mulya, lyena Lesa teti engilemo.”**

Palya, cilya e ico; tula mu posela Wene kunse. Ifwe tula tamfya Wene...Ukufuma ku babusu nganshi muli ifwe ukufika na kuba Cuma icingi muli ifwe, ukufuma ku bacepesha ukwisa ku bakalamba nganshi, **tulatalusha Lesa ukufuma mu bumi bwesu pa mulandu wa fwebene.**

Lyonse ndasosa, “Umulwani umukalamba nganshi nakwata ni William Branham.” Ena e uyo uwisa munshila ya kwa Lesa. Ena e uyo ukwata ubunang’ani. Ena e uyo uwisa mu cifulo inshita shimo **uko ena atontonkanya ena kuti acita icintu cimo palwa cena, kabili ilyo ena acita, cilya cilasunkila Lesa ukufuma mu cikope.** Lelo ilyo ninga fumyapo ulyo mwaume, **ilyo ningesu ku cifulo ukutila ali kunse yanshila, lyena Lesa kuti aisamo no kucita ifintu ifyo William Branham taishibapo nelyo cimo.**

Lilya e lintu Lesa enga mu bomfya. Lilya e lintu Ena enga bomfya cila umo uwa muli imwe. **Ena kuti abomfya uuli onse ilyo twafuma munshila.** Lelo ilyo lyonse twaibika fwebene mu nshila, lyena teti tucite.

Lesa atile kuli Paulo, “Amaka yandi yalengwo ukufikapo mu kunaka kobe. **Amaka yandi yalengwo ukufikapo ilyo wanaka nganshi. Mubwingi ilyo wingaitula kuli Ine elyo ninga kubomfya bwino.** Mubwingi ilyo wingalabako pa masambililo yobe, mubwingi iwe wingalabako palwa cilonganino cobe, mubwingi ilyo wingalabako pa finfu fyobe no kuitula we mwine kuli Ine, mubwingi Ine kuti na kubomfya iwe. **Pa mulandu iwe ulesa mukuba uwanakuka, Ine ndi no kulenga ipange Lyandi ne mwine ukube lya maka.”** (Abena Roma 8:28-30).

Lesa kuti alenga amaka ukufuma mu kunaka. Ulya e mulandu wine Ena lyonse acicitilamo. Ilyo Ena asalile abasambi Bakwe... Nani uwinga tontonkanya pa kuipetamika kwa Mwana Wakwe Wine ilyo Ena afyalilwe mwitanga, mwi cinka lya ficitindi, mwitanga lya ng’ombe, kabili apombelwe mu nsalu iyalamba? Mwamona, Ena ngaliishile ukupitila

mwisano, Ena ngaliishile ukwika umwakupita mu Mulu, kabili nokuposha konse kwakwa Malaika. Lelo Ena asalile ukulenga Kristu ukuba icilangililo cesu, **kabili Ena aletele wene mu kupetema.** (*Abena Filipi 2:5-11*).

Ena tatalile sambilisha Wene mu sukulu lya ino isonde, lelo Ena asambilishe wene ku maka Yakwe Umwine pakutila Ena umupwilapo **engaitula Umwine**, te ku matontonkanyo ya muntu nangu ku maka ye sonde, **lelo ukuitula Umwine ku maka yakwa Lesa** (*Yohane 5:19*).

Cilya eflyo ifwe twaba ilelo; tulaitula fwebene ku cilonganino, ifyo cilingile ukusosa, ifyo basosa palwa cena. Lelo cilya caba icapusana ku bufwayo bwa kwa Lesa. **Ifwe tulingile ukuitula fwebene ku Mupashi wakwa Lesa no kuya uko Umupashi ulesosa ukutila kabiye.** Cilya cishinka.

Abashilika bakwa Lesa, impalume, bena baishileba abanaka ilyo tabalakwata amaka. Ukufuma mu kunaka kwabo balengelwe aba maka. (*Aba Hebere 11:34*).

Ici apa icintu cimo icakutusansamusha. Ici apa icintu cimo icikoselesha. **Ukufuma mu kunaka no kupetama Lesa alasala abantu ku kukula Ubufumu Bwakwe ukufuma mulya.** Nga tukatala ukuya ku mulu, nga kuti twatala ukwiminina mu Mulola wakwa Lesa no Lukuta Lwakwe, tukesaiminina mwi bumba lya bantu abo abali abanaka no ku bakana no kutamfiwa ne sonde, kabili no kukana ishiba nangu fimo.

Bushe cena te ceni ukutila Lesa alitupashanya ifwe ku mpaanga? (*Yohane 10:1-29*). Impaanga e cintu icishinga fwilisha icabapo. Takwaba ico icaba icishalinga ku kuicingilila nge mpaanga. Kalulu kuti abutuka; akapale kuti kanina mu cimuti; imbwa kuti yasuma; inkalamo kuti yalepula; kabalwe kuti apanta; icuni kuti capupuka; **lelo impaanga ileminina iyabula ukuyafwa.** Ulya e musango Lesa afwaya ifwe. Ukwishiba ukutila tatwaba abalinga umupwilapo, lyena Lesa alasenda ulya muntu no kutendeka ukuipanga umwine muli ulya muntu: **ukulenga amaboko yakwe ukucita ifyo amaboko yakwa Lesa yenga cita, ukulenga imilomo yakwe ukulanda ifyo imilomo yakwa Lesa ingalanda; pantu te yakwe; yena yakwa Lesa.** Ena alatendeka ukupanga imibele, alatendeka ukusenda ukunaka kabili ukuipanga Umwine eka.

Ena alatuleta pano pe sonde. Lelo nomba twalisambilila; ifwe twalicenjela. Bushe mwalitala ukumona imishilwa, ifitoto? Ilyo twasenda, tutile, nga muli Abele, ukufuma Abele kwaishile kuli Sete; icitoto cakwa Sete caishile fye, mpaka ukufika ku nshita ya kwa Noah, bonse muli bena bali fye **abalimi abapetama.** Lelo abana bakwa Kaini baishileba abacenjelesha, abacenjela, abasambilila, abaume abakalamba, bakakula,

abaume abaishibisha. **Lelo ulubali lwakwa Lesa lwali ulwanaka kabili ulwa petama.** Ulya e musango Lesa ababomfesheshe. Lilya lishuko lya kwa Lesa. **Ulya e musango wa kwa Lesa wa kwisa kuli ifwe, ni lilya ilyo tuli aba naka. Tulapokelela icintu cimo lyena.**

Ici cilakoselesha, mucine, pantu Ubufumu bonse bwakwa Lesa bwa kulwa ku bantu ba musango uyu. Lyena ilyo mwaisa ku nshila ya musango ulya lyena mulaba mu Bufumu Bwakwe.

Umulandu uuli, naifwe, **te kutila twalinaka nganshi, umulandu wakutila twalikosa nganshi. Twalikosa fye nganshi.** Epela fye. Icintu cili twalikosa nganshi mu mitwe. Cilya cishinka. Ifwe twaba abakosa nganshi mu mitwe yesu. **Twaliishiba ifingi nganshi.** Lesa alefwaya ukufumya cilya ukufuma muli ifwe. Cilya cishinka. Twaliba abakosa nganshi ukuitula kuli wene. **Ifwe tuitula kuli fwebene.** Tulingile ukutontonkanya, “Cisuma nomba, pano, ninkwata amano ayalinga ukwishiba.”

Ilyo lyonse mwa temwikwa kabili mwaishiba ukuti mwalitemwikwa, kabili elyo mwabwela no kuipetamika mwebene. **Ukuba aba naka, ukusanga ukuti muli bantu.** Kabili tapali nangu yamo amano yenu yenga cita...**ukunaka ukwa buntu takwakatale bomfiwa na Lesa; Lesa ku kunaka kwa muntu alaipongolola Umwine muli imwe** (*Abena Kolose 1:26-27*), lyena Ena alaibomfya Umwine. Imwe mwisa mukuba fye icibombelo (*Abena Galatia 2:19-21*). Mucine. **Imwe mulingile ukufumamo mwebene mu nshila.**

Mose asambilile ukunaka kwa buntu bwino nganshi. Ena asambilile cena bwino nganshi, **mpaka ilyo Lesa amwitile, ena alikwete ukunakuka mutanda uko engatalikisha ku bwite bwa kwa Lesa.** Bushe mwalitala ukubelenga mu ciputulwa icakubalilapo ca Kufuma, ukunakuka mutanda? Ni namba fyena pano; ndefwaya imwe mukutike kuli fyena:

Ukunaka kwa kubalilapo ena akwete ukubulilwa kwa mbila.

Ukunaka kwa cibili akwete kubulisha ulupaka.

Ukunaka kwa citatu akwete taishibe ukulanda bwino.

Ukwa cine takwete ukuitula. Ica cisano cali ukulunduluka. Kabili icalenga mutanda cali ukufilwa.

Nomba, muipalanye mwebene no kwakwe nga kuti mwaisa na cilya, moneni nga kuti mwaba aba naka ngefyo wene ali. “Shikulu, nshili musuma. Teti nande. Nali ipeye umwina Eguptii. Teti mbwelelemo. Owe, ifintu fyonse. Bena tabakampokelele. Nshikwete imbila. Teti nande. Kabili ndabulubusa mu kulanda.” Kabili moneni ifyo ali? Ena tali nangu cimo. Munyina, ena alyundepwe. Ee, Lesa kuti amubomfya lyena panuma ilyo

aundepwe. Ena alikwete ukunakuka mutanda ukwalekana lekana, kabili alisambilile ukunakuka ukwa buntu.

Bushe Lesa alyumfwile ubulanda pali Mose no kunaka kwakwe konse, atile, “Umubusu umunono Mose, icintu cimo mucine nacicitika kuli iwe; walipona degree yobe... iwe waisa ukulumbula ukuti tauli nangu cimo, iwe teti ucite nangu kamo. Iwe uli fye uwanaka nganshi.” Iyo. **Lesatamumfwile uluse ena. Lesa takwete ubulanda pali wene.** Lesa alikwete uku mundapa lilya kuli fyonse filya fintu. *Ukufuma 4:14, “Ubukali bwa kwa Lesa bwaishile pali wene.”* **Lesa tali no bulanda pali wene pamulandu ena ali uwanaka.** Muletila, “Mwe Shikulu, ndeumfwa fye ububi nganshi. Nshilecetekela kuti nacicita.” Lesa tomfwila imwe ubulanda: **alomfwa ngo uwakumupanta panono. Lesa tomfwila imwe ubulanda; Ena alakalipa na imwe.** Imwe mwisa fye mu musango uko Ena enga bomfya imwe. ^[1]

Nge fyo Paulo asosele, ena ali kwete ubucushi, icintu cimo calemucusha. Kasebanya ali mupumine, impumo panuma ya mpumo. Kabili ali pwishe Shikulu, imiku itatu, ukucifumyamo muli wene, atile, “Nshilefwaya ici, Shikulu. Fumyeni cena kuli ine!” Elyo kabili inshita imo iya bushiku Shikulu alandile kuli wene, atile, **“Paulo, ukusenamina kwandi nakulinga.”** (1 Abena Korinti 12:1-10).

Paulo atile, **“Lyena ndi no kutakisha mu fya bucushi bwandi.** Ndi no kutakisha muli kweni. **Naliishiba ni Mwe Kondapa.** Nalimona imwe ukundapa abalwele, ukubusha abafwa, kabili no kutamfya ifiwa, ukwisula Ameniso ya mpofu. Lelo nga namipusha imwe, kabili Imwe mulanjeba ukutula ukusenamina kwenu nakulinga, **kanshi uyu ciwa uncusha fyaba ifya kukalipwa fya kukula fya kusenamina Kwenu.** Lyena ndi no kutakisha mu fya bucushi bwandi.” Mulandunshi? **“Epali naisansabika pa bwingi bwa busokololo.”**

Mwamona, ena alikwete icintu cimo abasambi tabakwete, **ali mumwene Wene panuma yamfwa Yakwe, ukushikwa, ukubuka kabili no kunina. Ena ali mu Mwene wene.** Bamo muli bena batila, “Cisuma, naendele pamo Nankwe.” E ico eflyo bacitile bonse mu musebo. Lelo panuma Ena afwile, ukushikwa, ukubuka, kabili aninine mu mulu, **kabili aishile bwela mu musango wa Ntumba ya Mulilo,** ena alilandile kuli Paulo. Cilya cali cilile pafyo bonse abashala bakwete. Amenii.

Ena atile, “Epali nasansabikwa no kufwaya ukukula ba seminale abakalamba abakulu, epali naisansabika ku bukulu ubwacilamo ubwa ubu ubusokololo, **Lesalekele inkombe yakwa ciwa uku pumaula ine. Lyena ilyo nanaka, ndi uwa maka.**” Amenii. Amenii. **Ifyakukalipwa ifya**

kukula ifya kusenamina! Kuti twaikala pali cilya inshita **iitali; ifwe tulecula ifya kukalipwa Fyakwe ifya kusenamina.**

Owe, Ena kuti asuminisha ifya ku tucilinganya ukutweshwa, ukutulenga ifwe ukuba abapwililika ku mulimo Wakwe. Ena kuti asuminisha cilya nombwa, mwe Lukuta. Ena kuti asuminisha ifya ku cilinganya fya mulimo wesu. [2]

Umwakumona:

[1] “Amaka Aya Fikapo Ku Kunaka Ukwafikapo” (61-1119), par. 42-45, 52-62, 89-100, 111-123, 163-169, 181-183

[2] “Umutende” (64-0112), par. 217-222

Ilibwe Ilyakukulilako Ilya Bumupashi No.32

Mupashi Wa Mushilo E Kutemwa Kwa Bulesa

Abena Roma 5:5, “Awe ukucetekela takutusebanya iyo; apo ukutemwa kwa kwa Lesa kwaitilwa mu mitima yesu ukwishila mu Mupashi wa Mushilo uwapelwa kuli ifwe.”

Kabili ipange line lye pusukilo lya kwa Lesa; **ilyo umuntu aisala umutima wakwe ukususha ipange lyakwa Lesa, ena esa mukuba mu mfimfi.** Bushe mwaliishiba cilya? Lesa alikwata inshila; yena tekuti ilondololwe (*Abena Roma 11:33*). Lelo ilyo muntu akana Ulubuuto, takuli cimbi icashala kano imfimfi.

Umusango umo wine cili nomba, we munandi umubembu, **ilyo wa kana ukutemwa, ulingile ukupingulwa. Takuli inshila ukufuma muli cena. Lesa ala kupela ukutemwa intanshi, alapela kwena kuli iwe** (*1 Yohane 4:19*). **Lelo nga wakana kwena, takuli nangu cimo icashala kano ubupingushi** (*11 Abena Tesalonika 2:9-12*). E ico sumineni kwena ilelo, **ukutemwa kwa kwa Lesa** (*Abena Roma 5:8*). ^[1]

Ulubembu cinshi? Te kunwa, te kupepa fwaka, te makwebo ya bucenjeshi, te ku kana ulukuta. **Ulubembu ku kana cetekela** (*Yohane 16:8-9*). Bushe ico cishinka? Uyo ushacetekela alisekwa kale. Mwamona? Imwe ta monaulwa nangu ukupatulwa ukufuma kuli Lesa pa mulandu muli mubembu. **Imwe muli abapatulwa kuli Lesa pantu mulakana ukwenda Nankwe, ukwenda mu nshila Yakwe iyo apela.**

Imwe mukwete imfwa no mweo kuntanshi yenu. Nga filya Adamuu na Efa, umuntu onse aba uwakwisalila umwine. Kabili Icimuti ca Mweo ne cimuti ca mfwa caba ku ntanshi yesu bonse (*Ukutendeka 2:16-17*). Imwe kuti mwabula cimo ico mulefwaya. Caba umusango wa cimuti mulelyako eflyo imwe mwaba. Cilya cishinka. **Lesa alengele imwe ukuba abakuisalila ukucita conse ico mulefwaya ukucita palwa cena. Ena teti alenge imwe uku Mutemwa, kabili Ena tapatikisha imwe ukutemwa Wene.**

Nga nalipatikishe umukashi wandi ukuntemwa, kuti naba no mwenso ukumuupa. Lelo alinsumine pa fintu ali no kuupwa kuli ine. Cilya cishinka. Kabili wene alintemwa kabili wene ali nsumine ine ulya musango. Kabili ulya e musango ifwe tulingile ukwishilamo kuli Lesa. **Ena afwaya ifwe ukutemwa Wene, no kwisa, no kucetekela Icebo Cakwe.** (*Yohane 14:23*).

[2]

“Cisuma,” mwatila, “busumanshi cingacita ukukwata citetekelo?” Icitetekelo kuti calemba ubwelelo bwandi, mucine; **mwaba ubunonshi mu citetekelo.** Mwinenuka; mwitina; mwiumfwo bubi; kwateni fye icitetekelo no kucetekela. **Kabili inshila fye yeka mwinga kwatilamo icitetekelo, imwe mulingile ukukwata ukutemwa intanshi, pantu ukutemwa kulaleta icitetekelo** (*Abena Galatia 5:6*). Muleumfwa cena. **Ukutemwa ukwapwililika kulafumyapo umwenso onse** (*1 Yohane 4:18*).

Ndekabila nga nalikwete inshita uku mweba ukwishiba no mulilo wa mumpanga, ifyo namona ukucimfiwa ne citetekelo, **no kutemwa.** [3]

Ilyo lyonse mukwete umwenso imwe teti mukwate icitetekelo. **E ico imwe mulingile ukukwata ukutemwa intanshi. Kulafumyapo umwenso onse, kabili lyena icitetekelo cilesamo, cilasenda icifulo ca mwenso.** E ico ilyo mukwete cilya muleisa imwe muleisa fye bwino. [4]

Umwenso waba pamo no kutwishika. Ukutemwa kwaba pamo ne citetekelo. Naitemwa ba Tata. Nshibatina bena, pa mulandu nali Batemwa. Bena tekuti bancene. Bena bali no kuncita icisuma. [5]

Ukutemwa ukwapwililika kulatamfya umwenso, no lubembu, ulubuli lonse; ukutemwa kulacita. [6]

Nacisosa, “Ukutemwa kulaleta icitetekelo, te citetekelo, ukutemwa.” **Imwe mulingile ukutemwa intanshi, ilyo tamulakwata icitetekelo.** E ico nga mulesosa ukutila na mukwata icitetekelo, kabili nga tamule temwa Lesa na Bulesa, icitetekelo cenu cili icafye. Mwamona? **Imwe mulingile ukutemwa Lesa.** E ico kanshi, imwe kuti mwailunda ku macalici yonse mucalo, ukucita icili conse mwalefwaya ukucita, ukukwata ukuyebelela konse mulefwaya ukucita, **lelo nga kuliko uwacine cine, utuntulu Mupashi wa Mushilo, ukutemwa kwa kufyalwa libili mu mutima wenu pali Lesa, icitetekelo cenu cafye** (*11 Petro 1:3-5*). Te mulandu ifyo mulumbula ukutila mwalicetekela Lesa, cilya tacikwetepo nangu cimo icakucita na cena. Cena cilingile ukufyalwa mu mutima wa muntu. Lyena

na mukwata Umweo wa Muyayaya, tekuti mupatulwe kuli Lesa (*Abena Roma 8:38-39*). [7]

Kabili icitetekelo no kutemwa fyaba pamo, pa mulandu teti mukwate icitetekelo kano na mukwata ukutemwa, pa mulandu icitetekelo cenu cili muli Lesa Uyo uuli e mwine wine wa kutemwa. Icitetekelo no kutemwa fibombela pamo.

Pano, kwati fye abaupana imisepela. Mukasende umwaume wacaice no mwanakashi wa caice, ilyo bawila mu kutemwana umo no mubiye. Kabili ilyo baleya pantanshi no kutendeka ukwishibana nganshi, imitima yabo itendeka fye ukutunta nga umo. Mwamona? Bena te mulume no mukashi, **lelo ukutemwana kwabo kulababika pamo, kabili balakwata isubilo muli umo no mubiye.** Nomba, nga mucine cine balitemwana umo no mubiye, ukutemwa ukwine kwine, kabili waliishiba ukutila uyu mukashana ali kutemwa kabili waliishiba wali mutemwa, ulakwata isubilo-icitetekelo muli umo no mubiye-nga tawacitile, cawama iwe uku kana muupa wene.

Moneni, mulingile ukukwata icitetekelo. Kabili mukabapatule bena no kubabika umo ukutali nganshi ukwa kuso no kutali nganshi ukwa kulyo, kucili kulabako kulyo kutemwa ukutuntilana umo no mubiye, te mulandu uko babelele. Bena bali fye aba cishinka kuli umo no mubiye nge fyo bengaba, pa mulandu balitemwana umo no mubiye. **Kabili nga mwalitemwa Shikulu, te kwesha fye ukufyuka kumbo, lelo mwalitemwa Shikulu, lyena muli no kukwata icitetekelo muli Lesa; mwamona, nga mwali Mutemwa.**

Ngo mukashana wacaice...cacitike fye muno mu Louisville, te kale nganshi. Umwanakashi, ali Umwinakristu pa myaka iingi, lelo umulume wakwe acitile fye...aishileba mu citemwiko, aishileba mucitemwiko noyu mwaume. Ena ali Umwinakristu, imyaka imo. Kabili e ico baishile uupana; **baishile temwana no kukwata isubilo muli umo no mubiye, kabili baishile uupana. Kabili e ico umwanakashi atile ku mwaume, atile, “We mulume, cilingile ukuba icakosa kuli iwe, iwe uli fye umwinakristu umunono. Iwe walikwata ifingi nganshi ifya kupitamo.”** Ukunwa efyo cena cali. Atile, “Walikwete ifingi nganshi ifya kupitamo.” Kabili atile, “Naliishiba iwe ukesa eshiwa ububi nganshi.” Kabili atile, “Ndefwaya iwe ukwishiba icintu cimo nomba. Nomba, nga cakutila waisawa, nga waisawa mu bwesho no kucimfiwa, wikatala ikala ukwabulo ukwisa ku ng’anda; iwe ukabwele. Iwe ukese fye kuno kwine, pa mulandu **ndi no kuba fye kuno**

kwine uku kulolela, kabili ndi no ku kwafwilisha ukupepa mpaka ukakwate ukucimfya, ndi nokwikala na iwe, pa mulandu ilyo naupilwe kuli iwe, naupilwe kuli iwe pa mulandu nali kutemwa iwe. Kabili temulandu ifyo iwe uli, nalyo line nalikutemwa.”

Inshiku ishinono panuma ya cilya, alelya icakulya cakwe cakasuba na banankwe mu cipinda bocela ifyela, alebeba palwa cena, atile, “Nomba, musangonshi umwaume engacita icintu cimo icalubana ilyo muntu umo akutemwa nga filya?” Mwacimone co. Kuti waciluka shani lilye subilo?

Kabili ilyo mwali ababembu, abapatulwa, ukwabula Lesa; mwi sonde, muli filye fiko fya matipa, **Les aishile kuli ifwe! Les ali mifwaile, imwe tamwatalile fwaya Lesa** (*Abena Roma 10:20*). “*takuli umuntu uwingesa kuli Ine kano Tata amukula intanshi.*” (*Yohane 6:37, 39, 44*). **Kabili Les aishileika muli filye fiko, mufyo imwe mwali, kabili aishile mufwaya no ku mufumyamo!** (*Abena Efese 2:1-6*). Cilya cilingile ukupanga ukutemwa ukwapwililika. **Lolesheni ifyo mwali, kabili lolesheni ifyo muli.** Ni cinshi icacitile cilya? **Umo muntu uwa temenwe imwe! Bushe teti mukwate icitetekelo muli ifyo Ena amulaya, lyena? Ukutemwa ukwine kwine ukwacine kuli no kupanga isubilo mu Cebo Cakwe.**

Ena alinjikete ine ilyo nshali nangu cimo, na nomb a nshili nangu cimo, lelo ndi mu kuboko Kwakwe. Mwamona, Ena ali njikete. Kabili Ena ali ntemenwe ilyo nshali uwatemwikwa. Ali mutemenwe imwe ilyo mwali abashatemwikwa, **Lelo Ena alipilibula imwe.** Nga filya nkashi umusweshi asosele, ilya nshita mu bunte bwakwe, **ena atile, “nshili ifyo ningile ukuba, kabili nshili ifyo ndefwaya ukuba, lyena nshili ifyo naleba!”** **Alishibe afumine ku cifulo cimo, icintu cimo calicitike** kabili filya efyo cili. Nga Lesa, ilyo nali umweni kuli Wene, e ico alintemenwe nganshi mpaka Ena aishile ika uku nsenda no kunjimya, **cilya cilepela ine ukushipa ukutila Ena alefwaya uku momfya ine.** Ena nakwata ipange mukucita cena (*Abena Roma 8:28*). **Ena alimona icintu cimo muli ine. Ena alimona icintu cimo muli imwe. Ena ali nepange mu kupususha imwe. Lolesheni ku bantu abashapusushiwa ilelo.** Lolesheni kuli ba million Ena ngali sendele kunse ka imwe, lelo asendele imwe. Amenii! **Takuli nangu umo uwingasenda icifulo cenu. Amenii!** Imwe muli mu bunonshi bwa kwa Lesa. Takuli nangu umo uwingacitita. **Kulya kutemwa Kwakwe kuli imwe.**

Lyena, bushe ukutemwa kwenu takwafike ukubwelela fye kuli Wene? Kabili kulya palya ukutemwana. Temulandu ifyo bwafya buli, amafya ya

cena yatungululwa no ku kutemwa uko ukupanga icitetekelo: ukutila Lesa ali mutemwa imwe na imwe mwali temwa Lesa, kabili mwali temwana umo no mubiye, kabili cilya cileta Icitetekelo. Cisuma. Lyena teti cikane ukuleta nga filya fine ifyo Lesa alaile ukuti cikacita.

Nomba, moneni! Icitetekelo icapwililika caba icapwililika, icapwililika fye nge fyo kutemwa kwaba. Mwamona? Nomba, ilyo mwaitemwa umuntu umo, kabili mwalitemwa umulume wenu atemwa mwalitemwa umukashi wenu. Nomba, takuli icifwaikwa nangu umo uku mweba “Imwe tamucita” ciciteni, pa mulandu mulacicita, kabili mwaliishiba mulacicita.

Nomba, nga nali mwipwishe, “Musangonshi mwinga shininkisha ukutila muli no kucita cena?”

“Owe, ndashininkisha cena umusango njikalilamo kuli wene.” Mwamona? “Ndi uwa cine, umukashi uwacishinka. Ndi uwacumfwila, umulume uwacishinka, kabili cilya cila shininkisha kuli ine ukutila nalitemwa umukashi wandi; atemwa nalitemwa umulume wandi.” Mwamona, **Ubumi bwenu bushininkisha ifyo mwaba. Icintu cimo cine Ubwinakristu bucita. Mwamona?** Icitetekelo cenu, na mukwata isubilo muli umo no mubiye, cena cali pwililika. Kabili cena cintu cimo icituntulu, cilya teti mucilangishe ku muntu umbi uwashala, lelo na mukwata cena, kabili imicitile yenu ilashininkisha cena.

Kabili ilyo mukwete icapwililika, icitetekelo icabula akalema, nge fyo icitetekelo cenu caba kuli cibusa wenu, lyena mulashininkisha cena umusango mucitilamo. Imwe tamuleilishanya nakabili, imwe namwishiba tacicitwa, imwe akwendeni fye, te mulandu ifyo icintu cilemoneka, ifyo umuntu uuli onse alesosa, imwe namwishiba ico icacitike. **Namwishiba ukutila nacipwishiwa;** nga filya fine mwaishiba ukutila mwalitemwa umulume wenu. Mwamona, **ukutemwa ne citetekelo filingile fyaendela pamo.** Fyena lupwa, fyena fyalitemwana. **Ukutemwa kulaleta icitetekelo.**

Ilyo Satana atweshwa, ifwe tulingile twakanya wene mu Citetekelo Icapwililika, mu Cebo icapwililika, nga filya Yesu acitile (*Yakobo 4:7*). Icebo cakwa Lesa calipwililika. **Ifwe tulingile ukukwata icitetekelo icapwililika muli ici Cebo icapwililika, no kukanya Satana.**

Moneni nomba cimbi. **Icitetekelo icapwililika ni cibinda wa mafya yonse.** Icitetekelo icapwililika cilabombela pa mafya yonse. Te mulandu ifyo cena cili, cilabombela pali yena.

Nomba, lolekesheni fye! Ilyo mwacetekela icili conse, ukucita icili conse, kabili na mukwata icitetekelo mufyo mulecita; temulandu ifyo ubwafya buli, cilya tacikwetepo icintu nangu cimo icakucita na cena. Mwamona, cilabombela pali bulyo bwafya. Nga ni mucipinda ca malwele, **kabili Shikulu nasokolola ukutula ici cintu cimo cili no kucitika, imwe landeni fye cena no kuya.** [8]

Nomba, ukutemwa kwaba mu fyebo fibili ifyalekana lekana, amabupilibulo yabili aya lekana lekana. Mu ciHela, cimo ca cena ciitwa “fileo,” kulya kutemwa uko mwakwatila umukashi wenu. **“Agapao” e kutemwa, ukutemwa kwa Bulesa. Nomba, ukutemwa uko mwakwatila umukashi wenu, no kutemwa kwa kwa Lesa kwalipusana nganshi.** Kutikeni fye kuli ici. Ukutemwa uko mwakwatila umukashi wenu, ngo mwaume kuti amutuka, kuti mwamwipaya palya pene. Imwe kuti mwamwipaya apopene, no kutemwa kwa musango filya, ukutemwa kwa fileo. **Lelo no kutemwa kwa Agapao, imwe kuti mwapepela pa mweo Wakwe uwaluba.** Cilya kuti caba ubupusano.

Kwaba imisango ibili iyalekana iya kutemwa. Kabili ndi uwashininkisha nganshi ukutula abengi muli ifwe twalibepwa ukukwata ukutemwa kwa fileo no kutontonkanya kutemwa kwa Agapao. **Ukutemwa kwa Fileo kwa buntunse; ukutemwa kwa Agapao kufumina mu mutima (Abena Roma 5:5).** Kulya kutemwa kwa buntunse, ukutemwa kwa cikuku, no kutemwa kwa bulesa. **Ukutemwa kwa Bulesa takwipusha. Ukutemwa kwa buntunse kulelenganya, lelo ukutemwa kwa bulesa takucita. Kwaba ukwapwililika mu kusubila kwa kwena.** Kwaba ukwapwililika...cena cileta fye icitetekelo ilyo mwakwata ukutemwa ukwine kwine. [9]

Nomba moneni. **ICakubalilapo caba ukutemwa ukwapwililika, kulya kutemwa kwa kwa Lesa, ukwapwililika ukwabulamo akalema.** Ukulekonkapo, ciisa mulya **caba ukutemwa kwa fileo,** kulya kutemwa uko mulingile ukukwatila umukashi wenu na bana benu. Ukulekonkapo, kulaya pesamba panuma ya kulya, **caba ukutemwa kwa lunkumbwa.** Ukulekonkapo kuli ukutemwa **ukushalungama. Kabili kulatwalilila ukulaya panshi mpaka kwaba ukwakowela, ukulaya fye ukupondamika, ukupondamika.** [10]

Ukutemwa kulingile ukuteka ing’anda. Ukutemwa e maka ayapulishamo nganshi uko ukwatalile bikwa mu maka ya muntu.

Ing'anda iyo ishatekwa no kutemwa tayaba nganshi ing'anda. Ngo mukashi no mulume tabaitemwana nganshi umo no mubiye, bena teti basubilane umo no mubiye. Ulya e mulandu wine ndetontonkanya mucifulo ca kushintilishisha icitetekelo cesu pa fya kumfwa umfwa fimo (ico icili fye bwino) atemwa icabupe cimo “ico cili fye bwino, nga ukubilikisha, ukulandila mu ndimi, atemwa ifintu fimbi ifyo tusenda –ukusosa ukutula ukuti twalikwata Mupashi wa Mushilo ilyo twacita ici...Filye fintu fili fye bwino. **Lelo nga kuti twabwelela ku mafunde, ukutemwa intanshi, kabili lyena filya fintu, ndetontonkanya ulukuta lwesu kuti lwa lunduluka ulubilo nganshi, nga kuti twasenda Lesa intanshi; kabili Lesa kutemwa.** [9]

Yohane 14:23, Yesu atile, “Ngo muntu ali Ntemwa, akabaka Ifyebo Fyandi.” **Nomba imwe teti musunge Ifyebo Fyakwe ukwabulo ukukwata icitetekelo mufyo Ena asosele.** E ico, mulemona, **nga ena alitemwa Lesa, lyena alasunga Icebo cakwa Lesa.** Nga Ena atile, “*Nine Yehoba kondapa obe.*” (*Ukufuma 15:20*), ena alicetekela cilya. **Ukutemwa kulenga wene ukucetekela cena, pa mulandu ukutemwa kuteka fyonse.** “*Nga nalandila mu ndimi sha bantu ne sha ba Malaika, lelo ukutemwa nshikwete, nshili cintu, mwamona. Nga nalikwete icitetekelo conse ica kuti ningaseseshako impili, lelo ukutemwa nshikwete, nshili cintu.*” (*1Abena Korinti 13*). **Ukutemwa kulateka fyonse, pa mulandu Lesa kutemwa, Lesa wa kutemwa** (*1 Yohane 4:16*). Nomba, ee, mukwai! Nga Yesu alisosele, “Ngo muntu ali Ntemwa, akabaka Ifyebo Fyandi.” [11]

Kutikeni kuli ici. Ukwilula ukwa cine uko mbilisha. Pa busesemo ubwalandilwe pali Munyina Branham, uwapelwe na Danny Henry mu ci French, February 11th, 1961, pa Full Gospel Business Mens breakfast. Nomba, ubu apa efyo kwasosele:

“Pa mulandu nausala inshila iya kamfyemfye, inshila iya kosa, iwe nawenda mukuusalila kobe we mwine. Nomba, ine ndemoni cilya. Moses akwete ukusala kwakwe umwine, nao. Nausenda iya cine kabili inshila iyalungama, ukusala ukwalungama, kabili yena ni Nshila Yandi. **Apashilwa, “Inshila Yandi,”** Mupashi wa Mushilo ukulanda mu mbwekesha.

Pa mulandu wa uku ukusala ukukankala, **iciputulwa icikalamba ca Mulu cilekulolela.** Ifyo kwaba ukusala ukwabukata uko ucitile. Uku ukwine

kweka ni kulya uko ukuli no kupanga, no kwisafikilishiwa, **ukucimfya ukwapulamo mu kutemwa kwa Bulesa,”**

Nomba kelula wa U.N. ailwile cilya. Kabili umulumendo taishibapo ne cebo nangu cimo, tatala umfwapo icintu ca musango filya ngo kulandila mu ndimi. Ali fye ngo wakwisa mulya, kabili aumfwile shilye nyimbo, kabili atile...aishile kulya lubali no kwiminina kulya no kukutika kuli ine ukushimikila.

Nomba, “mu kutemwa kwa Bulesa,” ukutemwa kwa Bulesa. **Musangonshi kulya kwingaba ukutemwa kwa Bulesa nga takuli Mupashi wa Mushilo? Mupashi wa Mushilo kutemwa kwa Bulesa.** (*Abena Roma 15:30*). [12]

Nomba, nshilefwaya imwe ukulufya cena. Imwe tamulingile ukucita cilya. **Nomba, mu busuma fye na mukupetama, na fyonse ifili mu mutima wenu, mukati fye nankati, sumine nifye Cena.** Soseni, “Shikulu Yesu, ino ine nshita fumyeni fye fyonse ifili muli ine, ifishalingana na Imwe, kabili lekeni mfumyepo **amataki yandi yonse,** fyonse ifili muli ine, fifume. Ifisoso fyonse, konse ukukanacetekela ukuli muli ine, na kukana nomba, Shikulu. **Ndekupantila fye panse. Kabili lekeni uwawamisha Mupashi wa Mushilo wa kwa Lesa, nge nkunda, wende mukati muli ine.** Ndefwaya ukwikala Umuyayaya. Shikulu, kabili ndefwaya Imwe ukungafwilisha pali ino nshita. Peleni cena nomba.”

Ilyo mulepepa, kabili twala ngw’ingw’inta ulu lwimbo, atemwa ukulwimba mukutekanya, capamo, Nali Mutemwa. **Kabili, ibukisheni, lwishila no kutemwa, pantu Ena kutemwa.**

Ukutemwa, ukutemwa, ukutemwa Wene. **Mwamona ifyo Ena amucitile imwe. Caba mu kutemwa. Ukutemwa kuleta ukunakila. Ukutemwa ukuleta bucibusa. Ukutemwa kuleta icupo. Kabili kulya eko tuleya, Icupo ca Mwana wa Mpaanga.** Ndeumfwa Kapususha wandi aleita, ukutula Ena alintemwa, naine. Naine, wine!

Umutima fye wenu onse, ukumfwafwe Icintu cimo icawama nganshi ukwisa muli imwe. Ulya Mupashi wa Mushilo.

Nga nincita icintu icili conse icalubana, ukuboko kwandi kuli Imwe, Shikulu, cilepilibula njeleeniko. Ukuboko kwandi kuli Imwe, Shikulu, cilepilibula ukutila nshafwaile ukucicita. Kabili ni njishiba ndefwa, Shikulu. Ningile ukusha cino calo, mu musango wa mubili. Ndefwaya uku kumanya Imwe. Ukuboko kwandi kulepilibula, sendeni cena, Shikulu. **Njisusheni na Mupashi. Mpeni Icishibilo ca kutemwa Kweni pali ine, Mupashi wa Mushilo, uyo uli no kunenga ine ukwikala umusuma, uwatekanya, ukunenga ukwikala Ubumi ubo ubwali muli Kristu; ukutila umutima wandi uuli no kubilimina bambi, ukutila nshakatale kutusha nangu panono, akasuba no bushiku, mpaka kuti nasenda uuli onse uo ningacita.** [13]

Owe, munyina, **Les aapele Mupashi wa Mushilo, ukutemwa kwa kwa Lesa ukutungulula ulukuta, te kucenjela, ukusambilila, lelo ukutemwa.** Ifyabupe fiya mu lukuta, lelo tafitungulula ulukuta. **Ukutemwa kulatungulula ulukuta.** *“Les a temenwe aba pano isonde Apele Umwana Wakwe uwa fyalwa eka.” (Yohane 3:16).* **Ukutemwa Kwakwe kwapatikishe Wene ukucita cena. Ilyo ukutemwa kwa Bulesa kwalangishiwa, ukusenamina kulaleta icipe ca cena.** Kabili Les a temenwe isonde nganshi mpaka ukusenamina kwa kuiteka kwaletele Kapususha kwi sonde. Ee, mucine. **Kabili ilyo mwatemwa Lesa nganshi, ukusenamina kwa kuiteka ku kaleta kuli imwe ulubatiso lwa Mupashi wa Mushilo ukulenga imwe ukuba no mweo, no kutemwa, no kuba Umwinakristu wacine.** [14]

Mwalikwata ama tepu pafyo twacetekelamo. Mwalikwata ama tepu pa kukansha mulukuta, ifyo tuicindika fwebene mu lukuta lwa kwa Lesa, ifyo tulingile ukwisa kuno pamo no kwikala capamo mu ncende sha mu Myulu. **Mwilaikala ku ng’anda. Nga Lesa ali mu mutima wenu, imwe teti mulolele filye fibi ukwisulwa kulya lubali, ukwingila muno no kukwata isenge na ba munyinenwe.** Nga tamuleumfwa ulya musango, lyena ndemweba, ni nshita ilyo mulingile ukutendeka ukupepa.

Pa mulandu tuli munshiku sha kulekelesha, uko Baibele itukonkomesha uku, *“Apo mulemona bulyo bushiku bulepalama,” (Aba Hebere 10:24-25)* ukutemwana umo no mubiye no kutemwa kwa Bwinakristu kabili ukutemwa kwa Bulesa, *“ukulongana fwebene pamo muncende sha mu Myulu muli Kristu Yesu,” (Abena Efese 2:6)* no kutemwana umo no mubiye. *“Muli ici emo bakeshibilo kuti muli basambi Bandi, nga mwaba no kutemwana.” (Yohane 13:35).* [15]

Fulumukeni ubukali ubuli no kwisa. **Kabiyeni ku lupanda no kulila mpaka umutima waisushiwa no Mupashi Wakwe**, ifyo ifili no kupilibulaa inuma yenu ukufuma ku fintu fyonse fye sonde, no kwenda abalungama ku cinso Cakwe **no mutima wenu ulebilimina Wene. Ukutemwa, te mulimo; te mulimo ukubombela Kristu; caba kutemwa ukubombela Kristu.** Cila mupatikisha imwe, ukupatikisha imwe, mpaka ukutunta konse kwa bumi bwenu ku tuntula pamo na Wene (11 Abena Korinti 5:5-14). [16]

Umo uwa bena atile, “Nga bamba onse ali ni ink, kabili no mupeti onse pe sonde icilembelo, kabili imyulu yonse yapangilwe apakulembela, ukulemba ukutemwa kwa kwa Lesa ku mulu, kuti kwa kamya bamba onse, atemwa teti umufungilo ukumanishe fyonse, nangula wingafungululwa ukufuma mu lwelele no lwelele.”

Caba kutemwa, te kutemwana kwa umo no mubiye, te kutemwa kwe sonde, **lelo ukutemwa kwakwa Lesa.** Ukutemwa ukwa mukashi wenu ni “Fileo” ukutemwa. **Ukutemwa Lesa ni “agapao” ukutemwa, ukwasansabalisha ba mailoshi million. Ukutemwa konse, te kutemwa kwa agapao**, kwaba kutemwa kwa pondamikwa uko kwaba ukutemwa ukwapondamikwa uko **ukwa kwata impela.** Kabili icintu conse icakwata intendekele cali kwata impela. Kabili ukutemwa kwa buntunse kwalikwata intendekele kabili kwalikwata impela.

Owe, uwapalwa Lesa uwa muyayaya, ukutemwa kwa kwa Lesa, takwakwete intendekele; kabili takwakatale kwata impela. Ilyo ba bamba bakaiposela abene mu fiswebebe, kabili isonde lyaisulamo nganshi no lubembu, mpaka imyulu yafutatuka inuma pali lyena, kabili liletelententa mulya mulwelele, ngo mwaume uwakolwa uleya ku ng’anda, **ukutemwa kwa kwa Lesa kukatwalilila ukubapo, ulwimbo lwa ba mushilo na ba malaika** (1 Abena Korinti 13:1-13).

Lesa alalangisha ukutemwa Kwakwe. **Kabili ukutemwa Kwakwe kulalenga imwe ukuba ifyo mwaba.** [9]

Kabili nalyumfwile ishiwi lyena, lyatile Munyina Branham, ilyo lyalandile kuli ine ilyo nali mu cipinda, lyatile, **“Ici e co washimikile cali Mupashi wa Mushilo. Uku e kutemwa ukwapwililika. Kabili takuli icingengila kuno ukwabula kwena.”**

Ndi uwapimpa nganshi ukucila lyonse mu bumi bwandi ukutula cisenda ukutemwa ukwapwililika ukwingila mulya. Takwali akalumwa. Takwali ukunaka. Takwali imfwa. Ubulwele tekuti bwingile kulya. Uku kanafwa teti kulenge imwe ukukota, kabili bena teti balile. Cali fye ukusangalala kumo; “Owe, munyinefwe musuma.”^[18]

Umwakumona:

- [1] “Amaka ya Kusala” (55-1007), par. E-24
- [2] “Bukapyunga Ukulondololwa” (50-0711). Par. E-48-49
- [3] “Inshila Yakukwatilamo Isenge” (55-1009), par. E-27
- [4] “Isenge” (56-0212), par. E-5
- [5] “Abahebere Icipandwa ca 6, Part 2” (57-0809E), par.381
- [6] “Ukusenda Imbali Na Yesu” (62-0601), par. 150
- [7] “Ibuku Lya Mweo Lya Mwana Wa Mpaanga” (56-0603), par. E-40
- [8] “Icitetekelo Icapwililika” (63-0825E), par. 126-139, 123
- [9] “Lesa Ukulangisha Ukutemwa Kwakwe” (57-0806), par. E-5-6, E-18
- [10] “Abahebere Icipandwa ca 4” (57-0901E), par. 223
- [11] “Ukupelelwa” (63-0901E), par. 73
- [12] “Ukwiminina Pakati” (63-0623M), par 135-138
- [13] “Icishibilo” (63-0901E), par. 223
- [14] “Mulandunshi Abantu Bamo Teti Basunge Ukucimfya” (57-0324), par. E-70
- [15] “Kristu Ni Nkama Yakwa Lesa Ukusokololwa” (63-0728), par. 84-85
- [16] “Impongolo Iya Fyenenkana” (59-0301M), par. 150
- [17] “Mu Mfweni Wene” (58-0209A), par. E-44
- [18] “Imfumu Iyakanwa” (60-0515M), par. 46

Ubwana

-Ukubikwa Mu Cifulo ca Mwana-

Abena Efese 1:3-6, “Abe uwapalwa Lesa kabili wishi wakwa Shikulwifwe Yesu Kristu, uwa palila ifwe mwipalo lyonse ilya bumupashi mu myulu muli Kristu: nge fyo atusalile muli Wene ilyo pano isonde pali tapalalengwa ukuti tube aba mushilo kabili ababula akalema ku cinso cakwe mukutemwa: atulingile kabela kukuba abana bamwine muli Yesu Kristu, umwabelo ukubekwa kwa kupanga kwakwe, ku kutakishiwo ku bukata bwa kusenamina kwakwe, uko atusenamine mu wa temwikwa.”

Abukisheni, **ukutila Ubwana bwakwata intamfu shitatu:**

- 1) **Pa mulandu tuli bana, ubwa bufyashi bwa bufumu bwa kwa Abrahamu,** Lesa atumine Umupashi wa Mwana Wakwe mu mitima yesu uyo ubilikisha, Abba, Tata! E ico kanshi, ifwe tatuli nakabili abasha (ababomfi) aba lubembu no kukana cetekela, lelo abana (*Abena Roma 6:16-23; Yohane 16:9*); kabili nga tuli bana, nacimbi impyani sha kwa Lesa kabili impyani shinankwe pamo na Kristu (*Abena Galatia 4:6-9; 3:7; Abena Roma 8:16-17*). **Pa mulandu wa ici twalikwata ukwishiba ukufyalwa kwesu ukupya, pa mulandu twali abana (imbuto) sha kwa Lesa; pantu imbuto fye sheka sha kwa Lesa kuti sha fyalwa libili** ^[1] (*Mateo 13:38*). Te kufyalwa libili twaishileba imbuto, **lelo twali amatontonkanyo Yakwe aya muyayaya (imibele yakwa Lesa, Imbuto sha kwa Lesa, Luke 8:11)**, ayo ayaishile monekela nomba mu mubili, ukwitwa abana ba kwa Lesa (*Yohane 3:1-8*).

Mu kufyalwa cipya cipya twalipokelela, ukupitila mu kusenamina, umupashi wa bwana ^[2] (*Abena Roma 8:14-17*); kabili umuntu uuli onse, uwafyalwa ku lubuuto ulushibola ku Cebo ca kwa Lesa **aba icilundwa ca kwa Lesa** (*1 Petro 1:23; Yakobo 1:18*). Lyena tulabikwa nga bana, ukupokelelwa nga abana mu lupwa Lwakwa Lesa ku mulopa wa kwa Lesa ukupitila muli Yesu Kristu (*1 Petro 1:18-19; Ukusokolola 1:5-6*), Uyo uwali Lesa Umwine kabili aishileba mu mubili pakutila

enga fwila ulupwa lwakwe ulwingalubulwa. Nomba twalikakatikwa muli Wene, panuma ilyo twacetekele Icebo ca cine (*Yohane 16:13; Abena Kolose 1:5*), no Mupashi wa Mushilo uwalaiwe, icili cikatilo ca bupyani bwesu tusuke tubukwate, ku kutashiwa kwa bukuta bwakwe (*Abena Efese 1:13-14*).

- 2) **Lelo ubwana bwenu tekufyalwa kwenu; ubwana bwenu caba kubikwa kwenu.** ^[3] Imwe intashi mulafyalwa mu Bufumu bwa kwa Lesa ku Mupashi wa Mushilo, lelo **imwe mwalilingilwa libela ku bwana—ukubikwa. Tulesa mukuba abana mukufyalwa.** Kabili ukufyalwa cipya cipya no kupilibulwa kwine caba Mupashi wa Mushilo. **Imwe ta mupilibulwa, mpaka mwapokelela Mupashi wa Mushilo** (*Luka 22:31-32*). ^[2] Lelo nomba ilyo lyonse impyani acili mwana, takwaba ubupusano pakati ka Ena no mubomfi, nangula ena ni Shikulu wa bonse (*Abena Galatia 4:1; Abena Korinti 3:1-8*).

Nomba, ilyo umwana afyelwe, ena ali mwana lilya line ilyo afyelwe. Ena afyelwe umwana kuli ilye ng'anda. Lelo nomba, ena takwete ica bupyani nangula cimo, mpaka aishile fika pa cifulo apo engaishininkisha umwine ukubo umwana. **Kabili lyena, ilyo ena ashininkishiwe ukuba umwana, lyena alebikwa mulupwa.** Kabili ifunde lya bwana lya mubikile ukukwata insambu shimo shine nga ba wishi. ^[4]

Tulesanga ukuti imisango yakwe ilamubika mu bwana, nga cakutila ali kwete imisango iisuma nangula iyo.

Nomba, Lesa alimusendele imwe mu mubili wakwa Kristu (*1 Abena Korinti 12:13*). Nomba, finshi ifyo Ena acita? **Panuma ilyo mwaishininkisha mwebene, mwaisangulula mwebene ne misango yenu iisuma, ukunakila ku Mupashi wa Mushilo, te mulandu ifyo isonde lingasosa.**

Lyena Lesa ukwita abana Bakwe kumbali ku fya kulangisha. Tabalingile ukusosa ishiwi nangu limo palwa cena, mulemona icintu cimo nacicitwa. Mucifulo ukubika umwana Wakwe, ukumuleta ena mubutantiko filya fine fye ne fintu fimo fine. Ena alakwata fye ulupaka nganshi, ifyebo fyakwe fiba fye fisuma nga Malaika mukalamba, ukucilapo. **Umwana alibikilwe, ukubikwa pa ncende iya sansama, ukubikwa kuno, afwikilwe imingila imbi, acinjishe imimonekele Yakwe.** Wishi alikwete ukusefya, atile: **“Uyu mwana wandi, ukufuma nomba ukuya pantashi ena ni cilolo. Ena ni**

kateka. Ena ali pali fyonse ifyo nakwata. Fyonse ifyo nakwata fyena fyakwe.” cilya cishinka. Lyena kuti twabwelelamo kuli cimo cine, Elah, Elah, Elohim, Elohim, mwamona, uko Ena aba uyo uwabapo umwine. Kabili lyena ukubwekela ukupitila muli Yehoba Uyo uwapangile icintu cimo, Ena apele umuntu ukuteka pe sonde. **Cinshi ico tulelolelapo? Ukusokololwa. Isonde liletetela** (*Abena Roma 8:19-22*). [2]

Les a lifisa cena ku menso ya ba mano naba mucetekanya kabili alilaile ukusokolola cena ku bana bakwa Les a mu nshiku shakulekelesha (*Mateo 11:25*), ilyo abana bakwa Les a bakasokololwa. Ilyo abana bakwa Les a abo basangalele pamo Nankwe ilyo umufula we sonde taulalengwa (*Yobo 38:7*), **ilyo ubusokololo ubukalamba ubwa mutwe wa Bulesa ne fi fintu fikaletwa mu nshiku sha kulekelesha, Ena akalangisha ifi fintu ku bana bakwa Les a.** Namwishiba Amalembo yasambilisha filya. Kabili tuli pano.

Ulya e mulandu wine uo Les a aleiswila ifi fintu kuli ifwe. Les a aleleta abana bakwe mu kusokololwa. Ena aleya ukucila apapela ukwishiba kwa muntu onse, ukuya mulya mu ma busokololo aya bumupashi no kuleta cena. [5]

Bushe ico cishinka? Ukulolela. **Les a ukwesha ukubika ulukuta Lwakwe mu cifulo,** ukuilangisha Umwine, ukusenda umo uo Ena enga bombelamo nge fi, tutile, **“Ulya palya Umupashi wandi uleenda fye bwino. Ulya palya.** Ukutula, ukutula, kuti na bombela umu.” Ukusenda umbi uku lubali no kumubika, **“kuti na Mubika.”** Ubwana, ukubika, ukulandisha, uku musenda ukufuma uku no kubika ukusefya pali wene, **uku mupempula na Malaika, ukumweba icintu cimo** (*Aba Hebere 1:14*). Nomba, nga ena ali landile icine! Nomba nga ena alepanga fye icintu cimo, teti cibombe. Iyo, iyo, cilya teti cibombe, twalikwete ifingi filya. **Lelo ndepilubula ukusokololwa kwa bana bakwa Les a, ilyo Les a aisokolola Umwine kabili Ena alamutuma wene ukuya.** Kabili elyo ena aya, kabili ifyo ena asosa ca Cine. Ifyo ena acita caba icine. **Ifyo ena acita, ena alasokolola Kristu.** Musangonshi mupingwilamo wene? **Mu musango ena ekalilamo ne Cebo, ukuba fye ne Cebo.** Mwamona, ulya e musango mwishibilamo abantu bonse, caba umusango ekalilamo ne Cebo. “Nga bena tabalanda ukulingana ne Cebo, tamwaba umweo muli bena,” efyo Baibele isosa. Mwamona? Balekeni babe. [2]

Umuku naumbi: **ilyo umuntu ashininkisha cena, kabili Les a**

amutemwa, Ena alamusenda wene ku cifulo cimo eka. Kulya ku ntanshi yaba Malaika Ena alamucitila icintu cimo wene! Ena ala mwimya kulya mu Mulola wa kwa Lesa, kabili ala mupela ifya bupe, no kumwisusha, kabili ala mutuma ukuya. Ilya e nshita iyo tuleikalamo. [6]

Elyo bushe mwalimona Mose, ulya kabomba wa fipeshamano ifikalamba uyo uwaletete Israele kulya mu calo, kabili alibaletele kulya ku calo ca bulayo, lelo tapele icabupyani cabo kuli bena? Ena tabapele icabupyani cabo; ena alibatungulwile ku calo, lelo Yoshua akenye icalo ku bantu. Bushe ico cishinka? Kabili Kristu aletele ulukuta ku ncende uko icabupyani cabo ca pelwe kuli bena, capelwe kuli bena, Yordani fye ukwabuka, lelo Mupashi wa Mushilo e Ulya **Uyo utantika ulukuta mubutantiko, Yoshua wa lelo alabika ulukuta mu butantiko wa lukou, ukupela kuli cila umo, ifyabupe, incende, icifulo. Kabili Ena e shiwi Iya kwa Lesa ukulanda ku muntu wa mukati uo Kristu apususha: Mupashi wa Mushilo.**

Nomba, bushe mule umfwa ifingi ifya ici? **Nomba, tuleya mulya mwi Buku Iya Bena Efese.** Nomba, umusango umo wine, Ena mu cifulo alebika ulukuta muntu baba. Nomba, Yoshua alibabikile mu calo ca cifyalilwa. **Nomba, Mupashi wa Mushilo uulebika ulukuta mu cifulo, mu calo - mu cifulo ico bena babamo icabupyani cabo.** [3]

Kalata wa Bena Efese alingana mukupwililika ne buku Iya kwa Yoshua mu Cipingo ca Kale. [7] Mupashi wa Mushilo, uyo uwaba **Icebo cakwa Lesa ica subwa,** alefwaya ifwe ukwikala aba bulesa cila bushiku uwa mu mulungu, Ukwipatula fwebene ku fintu fya mwisonde (*Yohane 6:63; 11 Abena Korinti 6:14-18*). **Ena ni Yoshua wesu uwa ku mulu, katungulula wesu uwa bulesa uwa lelo, kabili Ena fye alatusenda ku ca bupyani cesu, nangula ku cifulo cesu muli Kristu. Kano fye twabikwa mu cifulo muli Kristu Icebo icasubwa-tulengila mu kutusha Kwakwe** (*Abahebere 4:5-6*). [8]

Bulya e bwaba ubwafya na bantu ilelo. Bena teti balolele Umupashi wa Mushilo wacine ukusenda icifulo ca lukuta. Balingile ukupanga icintu cimo, ukubomba icintu cimo-icishininkisho ca kubalilapo, ukulandila mu ndimi- ukusenda ba membala abengi mu lukuta, yonse iyi imisango iya buwelewele **mu cifulo cakulolela pali Shikulu pa kumonekela ukwa cine ukwa kubuka kwa kwa Kristu ukuilenga Umwine ukwishibikwa pakati ka bantu. Lwena teti lulolele** (*Esaya 40:31*). [9]

Kabili, lelo, muleibukisha, cali Mupashi wa Mushilo uyo uwalandile

kuli ine kulya pa musebo, kabili atile, “ndekutuma ukubwekela pakati ka balwele na bacushiwa.” Mwamona? **Cena kunakila ku Mupashi wa Mushilo.** Nshaile mpaka ena anjebele ukucita. Nalelolela pali EFYO ASOSA SHIKULU, mpaka nakwata EFYO ASOSA SHIKULU. Nomba, cilya pali ubupusano. Mwamona? Nomba, cilya cilapanga ubupusano. Ee. **Paulo alolelele pa Cebo cakwa Shikulu.** Ena apatikishiwe mu mupashi, ukucita fye ubufwayo bwakwa Lesa, lyena aishileba umufungwa wakwa Yesu Kristu. Mwe fibusa, nga kuti twaba fye abafungwa!^[10]

Pantu cinshi **Mupashi wa Mushilo** wapelelwe kuli ifwe? **Wene bunonshi wakutemwa kwa kwa Lesa mu mitima ya baume na banakashi ku kunakila** (*Imililimo ya Batumwa 5:32*).^[11] Twakwata fye intungulushi imo: **ulya Mupashi wa Mushilo.** Pantu Ena fye eka akatutwala mu mushi wesu, **umushi wa Mupashi wa Mushilo, mu Mbila ya ino ora, Icebo cakwa Lesa.**^[13] (*Amalumbo 16:6; 11Abena Korinti 5:14*).

Ifwe tatwakakwate ukutusha, mpaka tukakwate ica bupyani cesu. Mulingile ukuba ifyo mwaba. Kabili lyena lyonse twalilileni ukuba ifyo mwaba. Nomba, twaliishiba tuleikala fye nomba **mu nshita ya bwana, inshita ya bena Efese,** kabili Mupashi wa Mushilo alatubika mu cifulo mu Cebo-nga mucifulo, **mu mushi wa Mupashi wa Mushilo, nakabili ukwitwa kenani wa bumupashi.**

E ico tulemona ukutila ukubikwa mucifulo mu cabupyani cesu te kufyalwa kwesu cipya cipya. **Ukubikwa kwa Bwana kuli cila umo mu cifulo cakwa Kristu kulacitwa ukubomba umulimo uwa kwa Tata: ukufikilisha Icebo cakwa Lesa ica bulayo** (*Ukusokolola 22:17; 10:8-11; Mateo 17:1-8*).^[13]

Kabili ilyo cila muntu asenda icifulo cakwe, ifyo Lesa amwitila ukucita, no kwiminina ku mpela ya musebo, uku konka abaluba...^[14]

Ilyo Lesa alanda ku mwaume, ena alakwata icitetekelo, kabili ena alakwata ifyakucita, kabili ena alakwata ipange. **Ilyo Lesa alanda ku mwaume, Ena alamupela ipange.** Ilyo Lesa alanda ku mwaume, Ena alamupela ifya kucita. Ilyo Lesa alanda ku mwaume, Ena ala mupela icitetekelo ukucita, ukufikilisha, nangu ukubomba ifyo ipange lyakwe mubumi lyaba, Lesa amwitile ukucita. Ena alitwitile ukuba mu lukuta lwa kwa Lesa. Amenii.^[13]

Ilyo ilya nshita yaisa, ilyo lukuta lwasanga ukutemwa kwa luko kwa bwananyina, **ilyo ulukuta lwasanga imikalilile ya luko iya mushilo, ilyo lukuta lwasanga icifulo ca luko muli Kristu,** luli no kwita ku filundwa

fimbi ifya mubili, “Iseni musangalale na ifwe.” Lesa alafwaya ulukuta uku mutemwa Wene. [15]

Ukulenga ubu bwana ukucitwa, Lesa alicitile icintu icawamisha. Ukupitila mukwisula kwa fikakatikilo cinelubali (*Ukusokolola 6+10: 1-7*), **Inkama sha mu Baibele shalengelwe ukwishibikwa. Pa mulandu wa cilya tuli bana bakwe, nakabili ukwitwa Nabwinga, tuli nokwishiba ukusokololwa ukwa lekabilwa, no kwisa mu cifulo ca bwana: icifulo cesu muli Kristu. Ifwe natufika pa cifulo icalinga, pa kufyalwa mu cifulo, kabili no kwisushiwa na Mupashi wa Mushilo, ico caba Cebo cakwa Lesa.** [16]

- 3) Leken i tupilibule mu Bena Roma 8:32, ndetontonkanya cintu cawama: *“pantu twaishibo ukuti ifibumbwa filetetela no ku komenwe fumo capamo ukufika nomba. Kabili te ici ceka iyo, lelo na ifwe, fwe baba ne fisabo fyantanshi fya mupashi, na ifwe bene tutetela munda shesu, pakulolelo ubwana, ukulolela, e kulubuka kwa mibili yesu.”*

Owe, bushe mulemona ici? “Ifibumbwa fyonse filetetela”, Paulo alisosele. Ifintu fyonse filetetela. “Kabili ifwe fwe bene”, eflyo Paulo asosele, “tuletetela pamo na fyena, **pantu tulelelela ukulubuka kwa mubili wesu.**” (*Abena Roma 8:9-22*).

Lelo, nomba, nomba, kwaba lyonse ilye myaka mpaka nomba, nomba twalikwata icikatilo ca bupyani bwesu (*Abena Efese 1:13-14*). Owe, mwe. Ni cinshi ico tukwete? Twalikwata icishininkisho ukutula Lesa wa mweo. **Twalikwata icishininkisho ukutula Lesa ali na ifwe.** Twalikwata icishininkisho ukutula Lesa tatulekelesha, ukutula tuli Bakwe na Wene wesu, pantu ifwe, mu mibili yesu ifwe nomba twalikwata Mupashi wa Mushilo wa kwa Lesa uyo ubilikisha, “Abba, Tata.” Kabili tapali nangu cimo icingafumyapo cilya. **Ifwe twaliikashiwa muli Kristu.**

Nomba, ifimuti tafyakwata cena; ifyacifyalilwa ta fyakwata cena; lelo nomba tucili tuletetela pamo na fyena pa mulandu na nomba **tatulapokelela umwisulo wa bwana bwesu.** Lelo twalikwata icikatilo ca cena, ukutula twalisendelwe ukufuma ku fintu fya mwisonde kabili nomba tuli bana baume nabana banakashi bakwa Lesa. Tulingile twaba abantu ba musango shani? Owe, mwe, ilyo twatontonkanya pali cilya...Tontonkanyeni pali cena.

Nomba, **twalikwata Icatilo; umupashi wesu uutetela umwisulo wa bwana** (*Abena Roma 8:23*), **lelo nomba twalikwata icikatilo ca cena. Ilyo tulepokelela Mupashi wa Mushilo, cena caba cikatio ca bwana bwesu**

bonse ne pusukilo ilituntulu. Owe, ifyo cawama! nalitemwa fye cilya. Cisuma.

Ifwe tulelolela umwisulo wa bwana. Ici cikacitika lilali? Pa kubuka kwa ntanshi. Lilya e lintu imibili yesu ikalulwa ukufuma muli ifi fibumbwa ifishalinga ifyo twaba kabili tukakwata umubili ngo mubili wakwe uwa bukata, pantu tukamona wene nge fyo wene aba, kabili tukapalana Nankwe (*Abena Filipi 3:20-21*). **Ilyo Ena akamoneka, tukamoneka ngefyo aba** (*1 Yohane 3:2*). Ifwe tukakwata umubili uwapalana no Wakwe, **umubili uwabukata uwacindamikwa**, kabili yonse amesho no kulwisha kwa bumi fikafumapo muli fube fube uunono no kupoleka ukukana bapo na kabili.

Kabili aya ama hema ya pa nonse ayo ifwe nomba tuletetelamo, ifwe tulelolela kuli cilye cikatilo ce pusukilo lyonse mu mwisulo uleisa. Lelo nomba muli aya ama hema yeloba natukwata Icintu cimo icitweba ukutila natubuka nangu cibe fyo (*Abena Efese 2:6*). Amenii. Ni cinshi icikatilo? (*11Abena Korinti 1:21-22*). Cena caba amalipilo ayanono aya kubalilapo ayekatilila cena. Cena cikatilo. ^[17]

Ilyo lukuta luletetela mu kupakaswa ne sonde lya kunse, ukucetekela pali Shikulu Yesu, ukutila ubulayo bwa Mupashi wa Mushilo bwaba fye ubutuntulu kuli ifwe ngefyo bwali ku Pentecost, **ifyo batetele no kulila muku komwefumo. Lelo ilyo bafyalwa, kabili ukufyalwa mu cifulo mu bufumu bwakwa Lesa**, lyena Mupashi wa Mushilo alibika mu lukuta, bamo abatumwa, bamo bakasesema, bamo bakasambilisha, bamo bakacema, bamo bakabila ba Mbila nsuma (*Abena Efese 4:11*). Lyena Ena alipela mulya, ukulandila mundimi, ukwilule ndimi, ukwishiba, amano, ifyabupe fya kundapa, imisango yonse ya fipesha amano. (*1 Abena Korinti 12:7-11, 28:30*). ^[7]

Umo wine Mupashi wa Mushilo uwapuswishe ba Lutheran, uyo uwasangulwile ba Methodist, uyo uwabatishe ba Pentecostal, **ali nomba ukubika mubutantiko ukwisa kwa kwa Shikulu Yesu.** Ilyo Lukaba ulwa maka nganshi, **ulyo mubili ukesa muli ili bumba lya Lukuta** cilya cikafumya bonse abashala ukufuma munshishi! **Kukaba ukubuka!** (*1 Abena Korinti 15:50-57*). Cilya eco Mupashi wa Mushilo abelapo.

Mupashi wa Mushilo cinshi? Ukwabula ifwe teti balengwe abapwililika (*Abahebere 11:39-40*). Bena baikele ubushiku bumo muli cilya; ifwe tuleikala mu bushiku bumbi. “*Ilyo mulwani aisa nge lyeshi, Mupashi wa kwa Lesa ukemye lamfya pali ena.*” (*Esaya 59:19*).

Lesalelelela pali ine na imwe! Ulukuta lulelelela pali ine na imwe. Inshita ya bwana, ilyo Lesa engapongolwela muli ifwe Umwisulo

Wakwe, Amaka Yakwe, Ukubuka Kwakwe, ukutila ilyo lukuta na Kristu fikaba ifyapalamana nganshi mpaka Kristu akalamonekela mukati kesu, no kubusha abafwa, kabili tukaya mukusendwa.

Nomba twalasosa – ukulangisha imwe panuma yakashita ukutila balya fye beka abo abaisushiwa na Mupashi wa Mushilo e bakaya muli kulya ukusendwa, “Lelo abafwa abashelepo tabali na mweo yasuka yafishiwapo imyaka ikana limo.” (*Ukusokolola 20:5*). Cilya cinshika. **Abantu fye abaisushiwa na Mupashi wa Mushilo abaile fye beka mu kusendwa.** [6]

Les a aliswile filye fikakatikilo cine lubali, te mu cilonganino. Lyonse naba uwa kususha cena. Lelo ukufuma mu cilonganino, ena kuti asenda Nabwinga - te nabwinga wa cilonganino. Ena teti acicite. Caba ukususha Icebo cakwe Umwine. **Ena aiswile shilye Nkama Cinelubali mulya, kabili shilalangisha no kuleta filya ifintu ifyali ifyafiswa ukutula ilyo mufula we sonde taulalengwa-kuti fyasokololwa mu shinku shakulekelesha- ku bana bakwa Les a.** Baletetele nomba filya ku bantu, pakutila benga cimona cena kulya, imwe nomba, kuli uyu Nabwinga uushaba icilonganino. [18]

Imyulu iya makumbi ne fikuka fya bumi tafya ba ifishibilo ifya kukana kwakwa Les a. Nangula imyulu yabuta na menshi ayalengama ifishibilo ifya kutemwa Kwakwe no kusuminisha. Ukushininkisha kwakwe pali cila umo uwa muli ifwe kwabela mukutemwa. Ukutemwa kwakwe kwaba ukwa kusala uko Ena akwete ilyo umufula we sonde taulalengwa. Bushe Ena alitutemwa ifwe? Owe ee. Lelo musangonshi tuli nokwishiba? Tuli no kwishiba pa mulandu Ena efyo asosa, no kulangisha ukuti Ena ali tu temenwe pantu Ena alituletele kumwine no kutupela ifwe Umupashi wakwe, ukutubika ifwe nga bana. **Kabili musangonshi ndi no kushininkisha ukutemwa kwandi kuli Wene? Paku kucetekela ifyo Ena asosele, kabili pakwikala ne mwine no kusangalala mukati ka mesho ayo Ena mu mano yakwe asuminisha ukufikilishiwa.** [1]

Umwakumona:

[1] “Inshita ya Lukuta lwa Surmana” CAB pg. 152-118

[2] “Ubwana Part 3” (60-0522M), par. 151, 66,74,85-86,72,159

[3] “Ubwana Part 2” (60-0518), par. 114, 19

[4] “Mumfweni Wene” (60-0806), par. E-34

[5] “Ubufyashi Bwa Nsonka” (58-0928E), par. 149

[6] “Mulandunshi Mupashi wa Mushilo Apelelwe” (59-1217), par. 54, 49,50- 52

- [7]” Ubwana Part 1” (60- 0515E), par. 28, 50
- [8] “Ukusokolola Chapter 5, part 2” (61-0618), par. 61
- [9] “Icebo Icalandwa Embuto ya Ntendekelo” (62-0318), par. 59
- [10] “Paulo Umufungwa Wakwa Kristu” (63-0717), par. 110-111
- [11] “Ukwesha Ukubombela Lesa Umulimo” (65-1127B), par. 232
- [12] “Ifilangililo fyakwa Gabriele kuli Daniele” (61-0730M), par. 133
- [13] “Ico Icisenda Ukucimfya Ukukana Cetekela konse” (60-0729),
par. E-73

- [14] “Ubwana Part 4” (60-0522E), par. 49
- [15] “Ukwisa Kwa Cibili Ukwakwa Shikulu” (57-0417), par. 71
- [16] “Inshita yakulobolola” (64-1212), par. 188
- [17] “Ukusokolola 5 Part 1, Icisoka icalaswa” (61-0611), par. 103-108
- [18] “Ukwampana Ukwu Mubumfisololo Ukwu kwa Nabwinga wakwa Kristu” (65-1125), par. 303

**Ilyo Mwatendeka kutontonkanya
Amatontonkanyo Yakwe**

Amapinda 23:7 “Pantu nge fyo atontonkanya mu mutima wakwe, efyo aba.”

Nomba, ici apa e cicitika. Ilyo umuntu atendeka ukuya, ena ali no kutampa ukwelenganya. Ena ali no kuya ku masukulu ya masambililo ya fya bulesa. Kabili ali no kuya ku lukuta no lukuta no kusunguka ngo lu na lukwata icine, atemwa nga lulya na lukwata icine. Nangu ali no kusenda bu membala bwakwe ukufuma ku lukuta lumu ku lubiye. Tamulingile ukucita cilya. **Mulingile ukubika bu membala bwenu ku mulu pe Buku Iya Mweo.** (Luka 10:17-20). Kabili mulya likabamo umuyayaya.

Nomba, inkuta shonse, inkuta sha Bwinakristu, shalikwata ama bupilibulo ayasuma, cila lumu muli shena, kabili ndecetekela cila lumu ulwa shena balikwata icine. Kabili nomba, nshilepilibula ukweshwa ukusosa nomba bena tabakwata icine conse. Mucine, nga bena bali cetekela Yesu Kristu ena Mwana wakwa Lesa, cilya cishinka. Amen.

Nomba, lelo ifyo muntu ali no kucita, ena ali no kumfwa icintu cimo icinono no kutendeka ukusesha amapepala yakwe. Cisuma nomba, **imwe tamwakatale sanga Kristu ukusesha amapepala yenu. Imwe mulingile ukusesha amatontonkanyo yenu** (Esaya 55:8-9). Imwe mulingile ukusesha amatontonkanyo yenu, no kutalukako ku kwelenganya **no kusesha amatontonkanyo yenu ukufuma ku mitontonkanishe yenu mwebene ukwisa ku fintu Lesa atontonkanya.** “*Leken* *umutima uwali muli Kristu Yesu ube muli imwe.*” (Abena Filipi 2:5). **Kabili lyena ilyo mwatendeka ukutontonkanya amatontonkanyo Yakwe, imwe muli no kutendeka ukwikala ubumi Bwakwe no kucita ifintu ifyo Ena acitile.** Mulemona ifyo ndepilibula? Nomba, pantu te imwe; **ni Kristu** (Abena Kolose 1:26-28). ^[1]

Lelo nomba abaume na banakashi bekala ubumi busuma, kabili **ba temwa Lesa ku mitontontanishishe ya mano. Lelo incende ya kubelamamo iya cine ni mu mutima: ukufiswa na Kristu** (*Abena Kolose 3:1-4*).

Kabili ilyo Kristu Mupashi wa mushilo aisa mu mutima wenu, Ena alaba muli imwe ne mibele yenu, kabili Ena ekala Ubumi Bwakwe umwine ukupitila mu bufwayo Bwakwe umwine ukupitila muli imwe. Alleluya.

Ninjishiba cileumfwika ububi, lelo cintu calungama. **E ico muli abaitula nganshi, icakutula Kristu alalanda umusango wa fyebo Ena engalanda. Ena atontonkanya umusango wa matontonkanyo Ena enga tontonkanya, ukupitila muli imwe. Ena alabomba umusango wa mulimo Ena enga bomba—ukupitila muli imwe muli abaitula kabili muletusha** (*Aba Hebere 4:1-11*).

Ifyo caba icikope icawama ica Mwinakristu uwasangululwa: **uwaitula. Kristu ukubombela ukupitila muli imwe.** [2]

Tuleumfwa ukutla, ukuti tulingile twakwata icintu cimo muli cena naifwe. **Imwe mulakwata icintu cimo muli cena, cilya caba ukupela ubufwayo bwenu mwebene, amano yenu mwebene, ku bufwayo na kumano ya kwa Lesa impalume, kabili cena ninshi capwa. Cilya fye ceka e cabako. Sendeni fye ubulayo Bwakwe, mwi tontonkanya pa cintu cimbi. Endeni na Cena, kabili Lesa alabomba ifyashala ifya cena.** [3]

Ilyo mwaipela onse, Ena ali no kwingilamo onse. Lelo mpaka imwe mwaipela, Ena teti engilemo onse. Ukuipela! Peleni amatontonkanyo yenu; peleni ukutontonkanya kwenu; peleni ubumi bwenu; peleni fyonse mwaba; peleni amataki yenu. Peleni fyonse kuli Wene nomba, kabili Ena ali no kwingilamo no kumisusha na Mupashi wa Mushilo. Cilya eco Ena abelele pano ukucita. Ena naikasha kale babili atemwa batatu muno mucikulwa. Kuliko abengi ukucila aba abalefwaya Mupashi wa Mushilo. Twalilileni fye ukucetekela! Ubukata kuli Lesa!

[4]

Moneni, lekeni twibukishe, Ena nacimbi alengele imibili yesu. **Kabili bushe imibili yesu teti inakile Wene? Amenii. Mulapela amatontonkanyo yenu kuli Wene, ukupela ubumi bwenu kuli Wene, ukupela icitetekelo cenu kuli Wene, kabili moneni ulya mubili ukunakila ifyo Ena asosele. Nga muli cakolwa kabili teti muleke ukunwa, peleni bulya bumi kuli Wene, kabili moneni, imwe ta mwakanwe nakabili. Nga mula pepa fwaka lyonse kabili mulesha ukuileka kabili teti mucicite, peleni fye cilya kuli Wene no kumona ico icikacitika. Ena akalenga ulya mubili ukubwela mu kunakila ku Cebo. Ee, mukwai. Lelo mulingile ukupela cena kuli Wene. Imwe mulingile ukucetekela Wene. Ena alengele imibili yesu; yena ilanakila**

ubufwayo Bwakwe nayo. Imwe mwalicetekela cilya? Nga muli Benakristu, mulingile ukuba. [5]

Ukubapo kwa kwa Lesa aleshiba ifyo mulecita, kabili nangula amatontonkanyo yenu. Inshita imo ilyo nali mu cimonwa, nalelanda ku cibumbwa icaimine mupepi naine; kabili Ena alilandile mumbwekesha, Ena atile, **“Amatontonkanyo yobe yalomfwika nganshi mu myulu ukucila ishiwi lyobe lili pe sonde.”** Ena aliishiba **ifyo uletontonkanya**. Imwe kuti mwasosa ukutila mulacita ici kabili mulacita cilya, lelo, mulemona, mukati ka mutima wenu, nga muletontonkanya ukupusana, imwe mulecita icintu cimo icalubana. **Imwe mulingile fye ukuba ifyo mwaba, mwamona, umutima. Akanwa kalingile ukulanda icili mu mutima.** Mwamona? Kabili e ico tulesanga ukutila abantu tabeluka Umulola wakwa Lesa. [6]

Yohane 1:1, 14, *“Mu kutendeka mwali Cebo, kabili Cebo ali pamo na Lesa, kabili Cebo ali Lesa. Kabili Cebo caishilebo buntunse no kwikala na ifwe...”* Lesa aikele na ifwe mu mubili. Ena ali Cebo.

Ilyo tacilaba Cebo cena litontonkanyo, kabili itontonkanyo lilingile ukulengwa. Cisuma. **E ico amatontonkanyo yakwa Lesa yaishileba icalengwa ilyo yaishilelandwa ne cebo. Lilya elyo Ena apela cena kuli imwe nge tontontonkanyo, amatontonkanyo Yakwe, kabili yena yasokolwelwa kuli imwe, lyena yalaba nalyo line itontontonkanyo mpaka mwalandi lyena.**

Ulya e mulandu wine Mose aile mu kupepa (ilya Ntumba ya Mulilo iya mushingulwiwe) kabili Ena atile, *“Kabiye, losha inkonto yobe ku kabanga no kusosa, iita ba lunshi.”* Takuli ba lunshi, lelo aile no kusonta inkonto kulya kabili atile, *“Napabe balunshi.”* (Ukufuma 10). Takwali balunshi nakalya. Alibwelelemo, **lelo Icebo, itontontonkanyo lyakwa Lesa nalilandwa kale.** Cena Cebo, nombi cilingile ukucitika.

Nombi, bushe ta mulemona ifyo Yesu asosele: *“Nga mwasosa kuli ulu lupili?”* (Marko 11:23). Tacili nga Ine ukusosa cena, **lelo imwe mwasosa kuli ulu lupili, ‘Sela’...**

Kabili icintu cakubalilapo, ndemona, mu nshita yakwa Mose, lunshi umukulu uwa green uwakale atendeke ukupanga icongo, kabili panuma ya kashita bali amapaundi yasano pa lutampulo. Mwamona? Ni kwisa uko bafumine? **Lesi alibalengele.** Bushe ta mulemona?

Lesi kuti aonaula ili sonde muno bushiku no tusumi nga Ena alefwaya ukucita. Cinshi, Ena kuti atulika utusumi ukufika na ku mweshi. Icintu ceka Ena engacita, kusosa fye, *“Napabe utusumi ukufika ku mweshi.”* Cilya kuti cabafye icingabako

kuli cena. Takuli imiti nangu icintu cimo, twena kuti twatwalilafye ukulakula, ukulakula, ukulakula fye.

Ena kuti acita ifyo Ena alefwaya ukucita. Ena ni Lesa, Kalenga. Icintu fye ceka Ena alingile ukucita caba fye ukulanda cena. Cilya cishinka. Ena ni Kalenga. Nomba, nga twailuka ifyo Ena aba umukalamba...Mwamona? **Ena acita fye ifyo Ena afwaya ukucita** (*Amalumbo 135:6*). Ena ekala kulya no kulolekesha pa bantu, kabili aba abanono bakasambilisha abacanjela ukusosa takwaba Lesa ne fintu fyonse...Cinshi, caba fye kwati ifyo cali ku Baibele nakabili. [7]

Ukufyalwa kwaba kusafya, nshilesakamana uko kwingabela. Munjeleleko kuli iyi nsoselo, lelo ngo kufyalwa kuli mwi cinka lya ba kapoli, kwena kusafya. Nga ni mwicinka lya ng'ombe, kwena kusafya. Nga kuli mu cipinda ca mu cipatala, kwena kusafya. **Kabili nga kwena kuli pa cipailo, kwena kusafya. Kukalenga imwe ukubola, mu matontokanyo yenu mwebene.** Kukalenga imwe ukuposa ifintu fyonse...Ifintu ifyo imwe mwatemenwe limo no mutima wenu onse, mukafilekelako ukusuminisha kulyo kukonkosha ukunono ukwashilili. Nshilesakamana nga nika minshoni pa cifutu.

Ifwe fwe bantu kuno lubali twalicetekela mu fintu ifikalamba. Ifwe fwe bena America, tulefwaya ifisote ifikalamba, kabili tufwaya ba motoka abakulu, ne filonganino ifikalamba, ifingi mu fisumino, kabili abengi mu filonganino. **Fyonse ifyo tufwaya fyaba fintu ifikalamba; kabili Lesa afwaya utunono, amashiwi aya cepesha** (*1 Ishamfumu 19:9-16*). [8]

Yesu atile, “*Kano fye umuntu afyalwa ku menshi no Mupashi, teti engile mu Bufumu*” (*Yohane 3:5*). “*Uyo uka Nkoka, lekeni akaikanye umwine ne fya mangalo fyakwe fye sonde, asende ulupanda lwakwe cila bushiku no kunkonka.*” (*Luka 9:23-24*). **Ulupanda cishibilo ca mfwa, ukucucutika.** “Uyo ukaba Umwinakristu, **lekeni aifuleko umwine ku matontokanyo yakwe umwine. Leken aifuleko umwine imilimo yakwe umwine. Leken aifuleko umwine ku fintu fyonse, ukuikanya umwine, no kusenda ulupanda ulwasangululwa, no kukonka Ine cila bushiku.** Uyo uuli noku Nkonka lekeni acite cilya.” Filya e fyo Yesu asosele. [9]

Abantu mu nshita shonse baliipununa kuli cilya, icaanguka nganshi: **sumineni fye Umulopa.** Teti muifimbe mwebene; **sendeni icakufimbana cakwa Lesa.** Imwe teti musambilile ifya kucicita; takwaba ukusambilila palwa cena. **Lesa alacicita Umwine, cena cakupapusha! Cena cipita mu bumi; Lesa e ufimba. Imwe teti mucicite.** Kabili te mubwingi umo muleesha ukucicita, imwe teti nangu panono muisangulule mwebene ku lubembu pa kuilunda ku nkuta no kusenda ifisumino, nga filya imbwili inga myanga amaton yaiko iine ukufuma kuli yena. Iyo, mukwai. Ilyo ya myangisha yena, elyo yabutisha. **Imwe mulingile ukufwa kuli mwebene,**

amatontonkanyo yenu mwebene. Ukulekelako, kabili lekeni Mupashi wa Mushilo amufimbe no Mulola Wakwe na Maka Yakwe. Kulya kusala kwa kwa Lesa. [10]

Cena cisenda imfwa ukuleta umweo. Mulingile ukufwa ku matontonkanyo yenu mwebene. Mulingile ukufwa ku masambililo yenu mwebene ya fya bulesa. Mulingile ukufwa kuli mwebene, ku nshila shenu mwebene sha buntu. Mulingile ukupilibulwa, icibumbwa cipya, icilengwa cipya (11 Abena Korinti 5:17). Ilyo tamulaba cilya...Imwe teti mube babili pa nshita imo ine; imwe mulingile ukufwa kuli umo pakuti mwinga fyalwa muli umbi. Cilaleta kusafya, kabili cilalenga ukusafya nako. Lelo na mukwata ubumi bupya. Bupusano nshi cipanga? Mulingile ukucicita. [11]

Iseni mufyalwe! Iseni mufwe! Iseni mubole kuli mwebene na kuma tontonkanyo yenu mwebene kabili lekeni Kristu esemo, no kuba icibumbwa cipya. Lilye e lyano (Abena Galatia 6:14-16). [2]

Kabili ilelo, ilyo twacetekela Lesa ne mitima yesu yonse no kusumina Umwana Wakwe, Shikulu Yesu, kabili **Lesa alamona cilya citetekelo ca cine muli Wene, lyena Ena alatuma Umupashi wa Mushilo uwalailwe kabili alatukakatika mpaka ubushiku bwa kulubuka kwesu (Abena Efese 1:13-14; Abena Efese 4:30).** Cilya cisenda umwenso ukufuma muli conse cena. Takuli amatontonkanyo ayakutwishika nakalya mu Bwinakristu. Ifintu fyonse fyalicitika kale. Fyena nafipwishiwa kale.

Ukundapa te cintu ico muntu engacita. Ni cilya ico Lesa acita. Mwamona? Wene mulimo uwapwishiwa. Ipusukilo te cilya ico muntu engacita, ifyo Lukuta lwingacita. Wene mulimo uwapwishiwa, kabili icitetekelo cenu muli ulya umulimo uwapwishiwa uo Kristu apwishishe fyonse ifyo ifya letelwe mu kuwa, Kristu alifilubwile ukufibwekesha mu mfwa Yakwe iyakukonsolwela, ukucula ukwabipisha palupanda lwa Kalbale (Yohane 19:30; Abena kolose 2:13-15). Kabili Ena abikilwe munshishi, kabili Lesa aimishe Wene ubushiku bwa lenga citatu kukulugamikwa kwesu (Abena Efese 1:20-23).

Kabili nomba tulemumona Wene naikala ku kuboko kwa kulyo kwa kwa Lesa, ukucito ukupapatila pa fya kulumbula fyesu (Abena Roma 8:34), atemwa ishiwi limo line liilulwa, “Ukulumbula” kabili te mulandu umusango mwinga pepelamo, umusango mwinga lililamo, umusango mwinga tetekelamo, umusango mucita, tacakatale pokelelwa. Lesa teti amucitile nangu cimo imwe mpaka intanshi kucitetekelo mwa sumina cena, no kucetekela cena, no kulumbula cena (Aba Hebere 4:14-16; Aba Hebere 2:17-18).

Ulya e musango fye weka Lesa enga bombelamo nomba ni lilya ilyo mwabomba intanshi, pantu Ena ni Shimapepo Mukalamba ucito kupapatila pa fya

kulumbula fyenu pa citetekelo cenu mu mulimo Wakwe uwapwishiwa. Nshilecetekela kuliko umo uyo uwingasanga icilubo na cilya. Mwamona? Lilya e shintililo lya kundapwa kwa Bulesa. [13]

Amatontokanyo aya muyayaya aya kwa Lesa! **Lekeni mwipushe, “Bushe amatontokanyo yakwa Lesa ya muyayaya?”** Nga kuti mwamona ici, muli no kumona ifintu ifingi. Lesa ta cinja muli fyonse mu mibele ne misango. **Lesa aba uwa muyayaya mu mibombele Yakwe e ico kanshi Ena nga Lesa alingile ukwishiba fyonse.** Nga Ena aishiba fyonse, lyena Ena nombata talesambilila, nangu Ena alekwata ukuipanda amano Umwine, nangu Ena pa nshita ili yonse alelundako ku kwishiba Kwakwe. Nga Ena kuti alundako ku kwishiba Kwakwe, lyena Ena taishiba fyonse. Icawamisha ico twingasosa cakutula inshita shimo Ena ali nokuba. Lelo cilya tacili mu Malembo.

Ena aishiba fyonse. **Ena tatala kwata itontokanyo lipya pa cintu icili conse pa mulandu yonse amatontokanyo Yakwe Ena ali yakwete kabili lyonse akulaba nayo, kabili aliishiba impela ukufuma ku ntendekelo pa mulandu Ena ni Lesa.** E ico amatontokanyo yakwa Lesa ya muyayaya. Yena yatuntulu. Yena tayaba fye ngo muntu uyo uwakwata icakumwenako ena alengele kabili ico ubushiku bumo cikelulwa mu fyakubomfya no kumoneka, **lelo yena yali kale ayatuntulu kabili aya muyayaya, kabili iciputulwa ca kwa Lesa.**

Moneni ifyo ici cibomba. Lesa lyonse alikwete amatontokanyo Yakwe pali Adamu. Adamu, nga amatontokanyo Yakwe, yali tayala langishiwa.

Amalumbo 139:15-16 ili no kumupela ilyano ilinono ilya ici, *“Amafupa yandi tayafishilwe kuli imwe, ilyo nalecitwa umu fiseme, no kupikulwa panshi ya calo. Ilyo nali munda akashimu akashilakula, Ameniso yenu yali mwene, kabili mwi buku lyenu emo shalembelwe, shonse shine inshiku shandi isha bumbilwe, ilyo tapali nangu bumo.”*

Cilya taclembelwe palwa kwa Adamu lelo cilepela imwe ilyano no kwishiba ukutula itontokanyo lyali mulya mu mano Yakwe, kabili lilye tontokanyo lyali lya muyayaya kabili lyali no kulangishiwa. E Ico ilyo Adamu abumbilwe ukufuma mu lukungu lwa mushili kabili Ubuntu bwakwe ubwa bumupashi bwalengelwe na Lesa, **lyena Adamu aishileba amatontokanyo yakwa Lesa ukulangishiwa, kabili yalya amatontokanyo ya muyayaya yaishile langishiwa nombata.**

Ukuya fye mu nshita kuti twaya. Tulesanga Mose, Yeremiya, Yohane Kabatisha, kabili cila umo uwa aba bali amatontokanyo yakwa Lesa ukulangishiwa mu nshita ya yena. Lyena twaisa kuli Yesu LOGOS. Ena ali itontokanyo ilya fikapo kabili ilituntulu ukulangishiwa kabili Ena aishileishibikwa nge Cebo. Filya efyo Ena aba, kabili lyonse akalaba.

Nomba ilesosa ukuti “Ena alitusala muli Wene (Yesu) ilyo umufula we sonde taulalengwa.” (*Abene Efese 1:3-4*). **Cilya cilepilibula ukuti twali mulya mwine pamo Nankwe mu mano na matontonkanyo yakwa Lesa ilyo umufula we sonde taulalengwa. Cilya cilepela ukuba aba muyayaya ku ba salwa. Imwe teti mutaluke kuli cilya.**

Lelo ukutwalilila. Aba abasalwa tabali fye amatontonkanyo aya muyayaya yakwa Lesa ayo ayali no kulangishiwa mu mubili mu nshita yabo, **lelo aba bene abasalwa balitwa kwishina limbi.**

Abena Roma 4:16, “E ico catekwa pa citetekelo, ukuti cibe ica bupe; ku kulenga icalailwe cibe icapampamikilwo ubufyashi bonse; te kuba mumalango beka iyo, lelo na kuba kumako ku citetekelo cakwa Abrahamu, uyo ni shifwe wa fwe bonse.”

Abena Roma 9:13, “Ngefyo calembwa, Yakobo nali mutemwa, lelo Esau nalimupata.”

Abena Galatia 3:16, “Awe mu filayo ifyapelwe kuli Abrahamu Na ku lubuto lwakwe. Tatila, ku mbuto, nga ku bengi; lelo nga kuli umo, na ku lubuto lobe, ulo e Kristu.”

Abena Galatia 3:29, “Kabili nga muli ba kwa Kristu, lyena muli imbuto shakwa Abrahamu kabili impyani ukulingana no bulayo.”

Ukulingana na Bena Roma 4:16 tulesanga ukutila **Lesa alipela ubulayo Ubwacine ku mbuto shonse sha kwa Abrahamu**, kabili Paulo aleibika umwine na bonse abacetekela muli cilye cifulo pa mulandu aletila “Abrahamu uyo uwaba wishi wa ifwe bonse.” Lyena aletwalilila te kulangisha bwino ukulondolola kwakwe, lelo nomba alepwishisha cena mu Bena Galatia 3 ena alelangisha Ulubuto (lumo) na Yesu, kabili ukupendwa “abana ba lubuto” nga abana ba bulayo, kabili ngo bulayo ukukwata icakucitapo nga “ukusalwa,” nangu “ukusala kwa kwa Lesa.” Kabili cilya ni filya fine ifyo tusosa. **Aba abali Imbuto sha Bufumu e basalwa bakwa Lesa; e balingilwa libela, abaishibilwa libela na Lesa, kabili twali mu mano yakwa Lesa na matontonkanyo Yakwe.**

Mukulanda kwa palwalala Nabwinga Wacine wakwa Kristu ali mumano yakwa Lesa mu muyayaya, nangula ukukanalangishiwa mpaka cila umo aishile isa panshita iyalinga, inshita iyasontwa. Ilyo cila cilundwa caishile isa aishilelangishiwa no kusenda icifulo cakwe mu mubili. **Uyu nabwinga eku monekela ukwa cine ukwa Cebo Icalandwa Imbuto Nabwinga.** Nangula wene mwanakashi mu ku pangwa wene na cimbi etwa “**umubili wakwa Kristu**” (*1 Abena Korinti 12:11-31*). Cena pa lwalala ukutila wene alingile ukwitwa filya pantu wene alilingilwe libela muli wene, aishile ukufuma ku ntulo imo ine, **ali uwa muyayaya pamo nankwe, kabili nomba alelangisha Lesa mu filundwa ifingi ifya mubili ilyo limo Lesa amonekele mu cilundwa cimo, noyu ni Shikulwifwe Yesu Kristu.**

Nomba kanshi, pano tuleisa mu kusondolwela. Ngo wa muyayaya Logos (Lesa) alangishiwe mu Mwana, kabili muli Yesu mwaikela umwisulo onse uwa Bulesa mu mubili (*Abena Kolose 2:9*), kabili ulya umo uwa muyayaya ali ni Tata uku monekela mu mubili, kabili muli ico ukukwata icakulumbwilako ica Mwana, **nangula ifwe, aba umuyayaya mu matontokanyo Yakwe ku lubali lwesu pantu abengi ifilundwa fya Mbuto ya Cebo Calandwa, ukumonekela mu mubili, kabili yalya matontokanyo ya muyayaya nomba ukumonekela mu mubili bena bana bakwa Lesa, ngefyo ifwe twitwa. Ifwe tatwaishileba Imbuto mu kufyalwa, twali Imbuto kabili e ico twaishile fyalwa libili pantu Abasalwa fye beka kuti bafyalwa libili. Pa mulandu twali imbuto e mulandu wine kuti twaletwa ku mweo. Abashili Imbuto tamwaba nangu cimo icakuleta ku mweo.**

Musunge ici bwino nganshi mumano. Nomba sendeni ulutampulo lumbi. Ukulubula cipilibula ukushita ukubwesa. Cilabwesha ku mwine wa ntendekelo. Lesa, ku mfwa Yakwe, **Umulopa uwa sumishiwa waletete Abakwe Umwine. Ena aishile bwesha Imbuto ya Cebo Calandwa Nabwinga. “Impaanga shandi shilomfwa ishiwi lyandi (Icebo) kabili shilankonka.” (Yohane 10:27). Imwe lyonse mwali impaanga.** Imwe tamwatalile ukuba kapoli nangu imbwa ukupilibwilwa mu mpaanga. Cilya tacingacitwa pantu umusango uuli onse wa bumi uleta umusango umo wine kabili takwaba ukupilibulwa mu filimwa. **Nge fyo twali mumatontokanyo yakwa Lesa kabili lyena ukulangishiwa mu mubili, kwaishileisa ubushiku ilyo twali no kumfwa ishiwi Lyakwe (Icebo), kabili ukumfwa lilye Shiwi tulesa mukwishiba Shifwe aletwita,** kabili tuleshiba ukutula tuli bana bakwa Lesa. Ifwe twalyumfwile Ishiwi Lyakwe kabili twalibilikishe ngo mwana walubile, *“Mpususheni, owe, mwe Tata. Ndebwelela kuli imwe.” (Luka 15:18-21).*

Umwana wakwa Lesa kuti asenda inshita iitali ilyo talaishiba ukutula ena mwana. Kabili ilyo umwana wakwa Lesa uwa cine aumfwa **ukubilikisha kwa Mupashi ku Cebo, ena nao, ali no kwishiba ifyo ena aba kabili ali no kubutukila kuli kasesema mukalamba kapumpe,** kabili no kuba Nankwe umuyayaya ukwikala mu ncende sha myulu muli Kristu Yesu (*Abena Efese 2:6*).^[14]

Naliiminine kulya lubali uko cilye cilola icikalamba...Imwe kuti mwamona imyaka umwanda umo naba milioni amakumi yabili kulya ya ncende ya lubuuto. Ilyo na mwene icikope uko bakopele cena, naishileimya fye amaboko yandi mulya muli ilye ncende, kabili natile, “ifyo Mwaba abakulu, ifyo Mwaba abakulu.” **Kabili ilyo cimo ica filye fyalo tafila pilibuka (Alleluya.), Lesa alitusale ifwe muli Yesu Kristu.** Nomba, ifyo Mwaba abakulu. Ee, mukwai.

Ilyo takulaba isonde, ilyo takulaba icalo, ilyo takulaba akasuba, ilyo takulaba umweshi, ilyo takulaba uluubuto, ilyo takulaba nangu kamo, ilyo acili ali ni Lesa, **Lesa na matontokanyo Yakwe, amatontokanyo Yakwa Lesa yali musalile**

imwe mukulingilwa libela, ku kwishibila libela, ukwishiba ukutla mukaba pe sonde, ukwishiba kukaba ulubembu.

Umo muntu atile, “lyena, mulandunshi kwabelele ulubembu?” Nga takwatalile bapo ulubembu, imibele Yakwe nga Ena tali ni Kapususha. Kwalingile ukuba umubembu pakutla Ena abe Kapususha. Kwalingile ukubako umuntu umulwele pakutla Ena engaba Kondapa. Amenii. Mwacimone co. Cena calingile ukuba ulya musango. Cali ni Lesa uwa cimwene cena no kusonta cena. Kasebanya tabamo na mulubilo. Owe, ena aba fye icishiki kumbali ya musebo icakutla Lesa aleleta abana kuli Wene, ukubilikisha, “Abba, Tata.” E mulandu wine bulya bushiku musangonshi ba Malaika bakemba. Ilyo tukalaimba ilyashi ilya kulubula, ba Malaika bakakontamika imitwe yabo; tabakeshibe ifyo tukalalandapo. Mucine. Bena tabatalile lubapo; bena tabaishiba ifyo cena caba. Bena tabaishiba ifyo tumfwa bwino ukwishiba ukutla ifwe fwe bali limo aba bembu kabili abataluka ukufuma kuli Lesa, ukwabule subilo (*Abena Efese 2:11-17*), ukwabulo luse, ukwabula Lesa mu calo ca bipa, ukulafwa, ukulaya ku mbo kwa kwa ciwa; **kabili Lesa aishileika, kabili aishile twimya, no kutulubula; kabili nomba ifwe twalicila ba Malaika ino ine nshita.** [15]

E ico, ine lyonse nalikwete akansoselo kanono ako lyonse mpela ku bantu nga: mulecita ifintu fitatu mu bumi. **icintu ca ntanshi mulecita icalungama; ulya mulimo wenu kuli Lesa. Muletontonkanya ifyalungama; ulya mulimo wenu mwebene mweka; kabili muli abalinga ukufuma fye bwino.** Cilya cishinka nganshi. Mulecita icalungama, elyo kabili muletontonkanya ifyalungama. Kabili Ilyo lyonse ilyo muleenda umwalungama, imwe teti muleenda mu cilubo (*Amapinda 23:7*). [16]

Tubeleleni uluse ukunaka kwesu ukwingi, Shikulu. Ifwe tatulefwaya ukucita icintu icili conse icalubana, Shikulu, **lelo ukupitila mu mubili** ifwe tulapanga ifilubo cila bushiku (*Yakobo 3:1-2*). **E ico ukuti tube aba mweo muli Kristu, tulingile ukufwa ku matontonkanyo yesu fwebene. E ico tusungeni abafwa kuli fwebene no kuba aba mweo muli Wene.** Lekenii imibili yesu ibe ifyo, kabili imyeo yesu ibe iyanakila nganshi kuli Wene pakutla abantu **bakulamona ukumonekela kwa kwa Kristu** ilyo tuleya, nangu ukwisa, atemwa icili conse tucita. [17]

Umwakumona:

[1] “Yesu Kristu Cimo cine Mailo Ilelo No Muyayaya” (55- 0806), par. E-19

[2] “Mulandunshi Abantu Basunkanishiwa” (56-0101), pg. 17

[3] “Icaibela” (65-0117), par. 74-75

[4] “Lesa Ukuifisa Umwine Mukuicefya” (63- 0412E), par. 347

[5] “Ukwita Yesu Pa Cifulo” (63-0804E), par. 43

- [6] “Ukongola” (63-1114), par. 107
- [7] “Icikakatikilo ca Citatu” (63-0320), par. 97-105
- [8] “Umwinsi mu Mwinshi” (63-0223), par 184-185
- [9] “Ukusanswa Kwa United States” (54-0509), par. 116
- [10] “Ukukwata Imisonkano” (60-0608), par. E-33
- [11] “Inshila Yakubwelelamo” (62-1123), par. E-41
- [12] “Iciunda Icaibela” (61-0429E), par. E-38
- [13] “Yehoba Yireh” (56-1209E), par. E-18-19
- [14] “Inshita ya Lukuta lwa Smurna,” CAB par. 149-150
- [15] “Amepusho Na Masuko” (59-1223), par.124-126
- [16] “Umwinsi Mukati Ka Mwinshi” (60- 0711), par. 3
- [17] “Tacali Ifyo Ukufuma Pa Kutendeka” (62-0630B), par. E-72

Ni Nshita Yakweshiwa

1Petro 1:1-9; “E mo mwangila, nelyo mulengwo bulanda inshita inono, nga efyo cifwile ukuba, ku fyakweshwa ifingi; ukuti bucishinka bwa citetekelo cenu, icafinisha ukucila golide uonaika nelyo waeshiwa ku mulilo, cisangwe ukulola ukutasha no lulumbi no mucinshi pa kusokololwa kwa kwa Yesu Kristu.”

Nomba lekeni tulande pali ba kacimfya abanono. Mu nshiku shakwa Noah, uko ukwapashaniwe na Yesu Kristu, ukuba nge lelo. Mu nshiku sha kwa Noah, icipasho ce lelo. Yesu asontelele kuli shena, kabili atile, “**Ngefyo cali mu nshiku shakwa Noah, e fyo cikaba na mukwisa kwa Mwana wa muntu (Luka 17:26-27).**

Moneni, kwaliko lyonse ilya nshita ye lyeshi, nalimo abantu ba million, kwaliko bakacimfya cine konse konse. Abantu cine konse konse balicimfishe, abo abali abacine, bakacimfya abene bene. Bali abana baume bakwa Noah batatu na bakashi babo, kabili Noah no mukashi wakwe (*Ukutendeka 6-8*). **Cine konse konse abacimfishe, abo abaingile mu cibwato pa nshita iyalinga.** Musangonshi ba cicitilemo? Bena bakutike ku Cebo cakwa Lesa. Bena ta baisalilwe kunse ya mwinshi. **Bena baisalilwe mukati ka mwinshi.** Owe, mwe banandi abatemwikwa, **mwileka cilya icibi cisalwe!**

Kabili **kwabako lyonse ubwato mu bwikashi bwakwa Lesa.** Kwaliko ubwato mu nshiku shakwa Noah, pa kupusushiwa kwa bantu Bakwe. Kwaliko icipao mu nshiku sha malango, icipao ca cishimiko. Mu nshiku sha malango, bakonkele icipao.

Kabili kwabako ubupyungishi ubwalenga citatu nomba; nga mu nshita yakwa Noah, inshita yakwa Lot, elyo nomba ino nshita.

Kuliko ubwato nomba kabili bulya bwato te cilonganino, nangula cena ukuba imilimo isuma iyo mucita. “*Ni ku Mupashi umo, ifwe bonse twabatishiwa mu Mubili umo, mu kutekwa kwa bulya Bufumu, **ulubatisho***

lumo lwa bu mupashi.” (1 Abena Korinti 12:13). **Te mulandu ifyo mwaba abasuma, ifyo mwaba ababi, icili conse, mwaba muli bulya Bufumu ku lubatisho lwa Mupashi wa Mushilo** (Abena Efese 4:4-6). Mwamona? **Ulya e musango fye weka mucimfya. Bonse abali pesamba lya Mulopa ni bakacimfya** (Ukusokolola 12:11), pantu teti mucimfye, mwebene. Caba ni Ena uwa mucimfishishe imwe (Abena Roma 8:37). **Imwe muletusha.**

“Musangonshi ndi no kwishiba lyena, Munyina Branham, ukutila ndi mulya?” **Moneni umusango wa bumi mwikala. Lolekesheni monse. Moneni nga cakutila bwaikalwa fye muli imwe, ukuicitikila fye.** Nangu, mulingile ukupatikisha no kutinta, mwamona, lyena imwe mulecicita. Lelo mwilaesha ukucicita.

Bushe mwalitala ukweshwa? Ee? Mwilacita. Kwati fye ukubika akakuboko akakanya akanono mwilaya, mulemona. “Fwalako ikoti lyobe, mutemwikwa.” Ena teti acicite. Akakuboko akanono kali pa mulu, panshi, ukushinguluka. Cisenda ukuboko kwenu ukwa tekanya.

Owe, ifyo ndi uwansansa, kuti napela fye ukuboko kwandi kuli Tata, ukusosa, “Shikulu Yesu, teti nyingishe Mulya. Imwe mungafwe. Mfwikeni ikoti.” Nalaleka ukweshwa. Leken fye Wene acicite. Mwamona?

Nga akanya akanono kaletwalilila ukweshwa, “Owe, ine kuti nacicita. Ine kuti nacicita.” Kabili kena kali fye ukuli konse. kena teti kacicite.

Nangula nimwe, nangu nine, lelo nga ifwe tuli no kuba fye shilili nokuleka Wene ukucicita (1 Abena Tesalonika 4:11a). **ituleni fye kuli Wene,** “Pano, Shikulu, ine ndi pano. Leken fye niba nangu cimo. Ndeitula. Imwe bikeni ukuboko kwandi mu ncende iyalungama.” **Kulya e kucimfya. Kulya e kucimfya.**

Icintu ico mulingile ukucimfya nimwe bene, amano yenu, ifintu fyenu, no kuipela mwebene kuli Wene. Ena ali mucimfishe imwe. Ena aliishiba inshila; ifwe tatwaishiba.

Lelo munshiku shakwa Noah kwali bakacimfya cine konse konse, kabili balya ebaingilemo. Bena baisalilwe mukati. Nomba moneni, mwe fibusa. Conse ico mulecita, mwe balekutika nomba, atemwa abo abakoumfwako muntanshi, ora naipwa nganshi, kabili na mukwata amapange ayasuma, **lelo mukesalilwe mukati.** Nomba, mwilalwisha. “*Te uyo ufwaya, nangu uyo ubutuka, kano Lesa.*” (Abena Roma 9:14-18). **Lekeleni fye Lesa. Ituleni fye kuli Wene no kuya pantanshi, ne cafikapo, icitetekelo icaikushiwa,** ukuti, “*Ifyo Lesa alaya Ena ali uwalinga ukubomba.*” (Abena Roma 4:19-21). Te kuilunda ku cilonganino cimo, icilonganino cimbi, uku bomba ici, cilya, nangu icibiye, ukweshwa ici. **Ituleni fye mwebene kuli Lesa, kabili**

endeni Nankwe, umutende, tondolo, te ku fulunganishiwa. Twalilileni fye ukulaenda pamo Nankwe (*Abena Galatia 5:25*). Cilya cishinka.

Nomba, **tule enekela ukweshiwa**. Ili lisambililo ilisuma. “Uyo uwisa kuli Lesa intanshi alingile ukweshiwa.” **Ukweshiwa (na cinshi?) ne Cebo. Kulya e kwesha kwa kwa Lesa**. Bushe mulecetekela cena? “Uyo uwisa kuli Lesa aligile ukweshiwa” (*Aba Hebere 12:4-10*). Cilya cilangisha fye umwana wakwa Lesa uwa cine, lyena, mwamona, ukweshiwa, kabili ilyo ukweshiwa kwaiza. **Imwe teti mucimfye kano kwaba ukweshiwa ukwapelwa kuli imwe. Kabili ilyo ukweshiwa kwapelwa, caba ukumona nga cakutula kuti mwacimfya nangu iyo**. Kabili Yesu atile, “Kuli uyo ukacimfya,” ukweshiwa (*Ukusokolola 3:21*). **Ukweshiwa e cintu icikalamba nganshi ico icatalile citika kuli imwe**. Ndecetekela calilembwa mu Malembo, Petro atile, ukuti,

“ukweshiwa kwesu kwalifinisha ukucila golide uwalopolwa” (*1Petro 1:6-7*). **Yena ni nshita yakweshiwa. Cena cishininkisho cimo icisuma kuli ifwe ukutula Lesa ali naifwe, ilyo twaeshiwa, pantu bonse abana bakwa Lesa baleshiwa no kufundwa**.

Shadreck, Misheck, na Abednego, Daniele ali kasesema (*Daniele 3:8-30*), kabili balya bali impendwa yalukuta muli bulya bushiku, ndepilibula, Nabwanga. Kwabako amachalichi ayengi, nalimo ba million babili muli bena baile kulya lubali. Balya bali impendwa yaba kacimfya. **Kabili balya bakacimfya babikilwe mukweshiwa. Kabili kacimfya uuli onse alingile ukubikwa mu kweshiwa**. Ilyo basosele, “mukane ifyo Icebo cilesosa, napamo mwalaposelwa mwilungu lya mulilo.” Bena balikene ifyashala kano Icebo (*1 Yohane 5:4*).

“Te uyo utendeka; ni uyo upwisha.” Abengi balatendeka ulubilo, lelo kwaba Umo upwisha lwena (*11 Timoti 2:4-5; 1 Abena Korinti 9:24-27*). Kukaba inkuta ishingishikataendeka, amabumba ayengi aya bantu. Kukaba Ibumba limo ilikapwisha. Balya e bakacimfya.

Moneni, mu nshita ya kwa Yohane, kwasangilweko mutanda abo abacimfishe. Mu nshita shonse, balikwete bakacimfya. Mu nshita yakwa Yohane bakwete mutanda, ulya ali ni Yosefe na Maria, Sakariya na Elisabeti, Simoni na Anna. Umwaume no mwanakashi, umwaume no mwanakashi, **umwaume no mwanakashi; mwamona, icipasho cakwa Kristu, Ulukuta; Kristu, Ulukuta; Kristu, Ulukuta; Kristu, Ulukuta**.

Ukucimfya cipilibula “ukwishiba Kasebanya muli bonse ubucenjeshi bwakwe.” Abantu abengi batila, “takwaba Kasebanya. Cena litontonkanyo fye.” Mwila cetekela cilya. **Kwalibako Kasebanya umutuntulu**. Ena aba fye umutuntulu nge fyo mwaba, uuli onse. **Kasebanya umutuntulu, kabili**

mulingile ukumwishiba ngo umutuntulu. Mulingile ukwishiba ukutula ena ni ciwa. Lyena, inshita imo imwe ilyo mwamwishiba, kabili no kwishiba ukutula ena ni ciwa kabili ena aba uwa kukanya imwe, lyena, **ukucimfya, mulingile ukwishiba ukutula Lesa uli muli imwe ali pulishamo kabili wa maka yonse ukucila ifyo ena ali, ukutula Uyo uuli muli imwe alicimfya kale wene. Kabili, mu kusenamina Kwakwe, imwe muli abacilapo abamucimfya wene. Amenii. Kulya palya ukucimfya ukwa cine, ilyo mwaishiba.**

Mulolekesha kunuma, mutila, “ndecita ici kabili ndecita cilya,” lyena, iyo, imwe mwacimfiwa. **Lelo “takuli nomba ukusekwa kuli abo abali muli Kristu Yesu, abo abashenda umwalola umubili, lelo umwalola Umupashi.”** (Abena Roma 8:1). Lyena muleshiba ukutula na mucimfya.

Kabili mwaliishiba ukutula ena ni ciwa. Imwe teti musose, “ninkwata ubulwele, kabili nshilecetekela bwena bulwele.” Owe, ee, bwena bulwele. Na mukwata impwalonda, imwe “tamulecetekela yena ni mpwalonda.” Yena ni mpwalonda.

Lelo, ibukisheni, “Uwapulishamo ni Uyo uuli muli imwe ukucila uyo uuli mwi sonde.” (1 Yohane 4:4). **Mulingile ukwishiba ukuti Mupashi wa Mushilo uuli muli imwe alicimfya kale ici cintu. Kabili Ena ali muli imwe, kabili kuti mwacimfya muli Wene.** Cilya ca mano nganshi, filya fine umusango Amalembo yalembelwamo. Ukucimfya!

Shikulu Yesu, imwe **mwalitweba ifyo cicitwa.** Imwe tamwatwebele fye **lelo imwe mwalilangishe ifyo cacitilwe.** Imwe mwali tutungulwile. Imwe mwalitulangishe ifya kucicita; **pokeleleni Icebo mukati kesu, kabili beni abashininkisha ukwikatilila kuli cilye Cebo, calilembwa,”** (Mateo 4:1-11), **mubwesho ubuli bonse; lelo beni abaicefya, endeni abapetama** (Yakobo 4:6). **Lyena natucimfya, ukupitila muli Imwe, ukupitila mu maka Yenu ayo aya cimfya kale umulwani wesu. Kabili icintu fye ceka tulingile ukucita caba ukwenda abapetama ne citetekelo, ukucetekela Cilya, kabili icishibilo cesu icakwishibilwako ca Mupashi wa Mushilo, kabili Satana alingile ukusela.** [1]

Lesaleesha icikolwe Abrahamu **pa mulandu Ena apele wene ubulayo. Kabili ilyo Lesa apela ubulayo, Ena afwaya ukushininkisha ukutula uyu muntu ali uwalinga ku bulayo ilyo Ena talafikilisha ifyo Ena asosele nangu ifyo Ena alaile.** E ico Abrahamu alailwe cilya **ukupitila mu mbuto yakwe** isonde lyonse nga lyalipalilwe (Ukutendeka 22:14-19), ukuti ena akakwata umwana, kabili uyu umwana, ukufuma muli ena mukafuma Ulubuto ulo lukapala isonde lyonse (Abena Roma 4:13-21). Kabili

Abrahamu, ilyo ubulayo bwapelwe kuli wene, ali ne myaka yakufyalwa amakumi cinelubali na fisano, na Sarah, umukashi wakwe, ali ne myaka yakufyalwa amakumi mutanda na fisano. Lelo Baibele ilatweba ukutula Abrahamu tanenwiike ku bulayo bwakwa Lesa mu kukana cetekela, **lelo ali na maka, ukupela amalumbo kuli Lesa. Kabili Lesa inshita ne nshita alemweshwa, lelo ena kuti aisa kuli kulyo kweshiwa ukwa kulekelesha ilyo amapalo tayalacitika.**

Kabili ulya e musango cabelamo na lonse Ulubuto lwa kwa Abrahamu. Lesa alatupela kulyo kwesha ukwa kulekelesha ilyo Ena talatupela ubulayo. Kulyo kwesha ukwa kulekelesha ukumona ifyo muli no kucita pali kwenaa...Kabili ilyo Ena apele Abrahamu uku kwesha, Ena asangile Abrahamu ukuba fye uwa cishinka ngefyo atendeke. Ifyo cena cingaba amapalo **nga ifwe kuti twasenda ubulayo Bwakwe** pa kundapa kuti twaiminina fye abacine ngefyo twacitile ilyo twaiminine pano no kusumina wena, te mulandu ifyo doctor asosele, ukwiminina fye aba cine.

Kabili ilyo acitile ici kabili takenye umwana fye wakwe eka, lelo ali mupepi no kulasa umwele pa cifuba ca kwa Isaki no konaula ubunte bwakwe umwine...Ena alipele ubunte kwi sonde lyonse ilya ishibikwe paco ena aishibe, ukutula ena ali no kukwata uyu umwana. Kabili lyena ilyo umwana aishile, aliipushiwe ukuselela kunuma no konaula isubilo fye lyeka ilyo akwete ku bunte bwakwe ukufikilishiwa. **Kabili ilyo Lesa amwene ukutula ali uwa cumfwila kuli cilye citetekelo akwete muli Lesa, Lesa alolekeshe ukufuma mu myulu kabili Ena atile, “Nailapa ne Mwine ukuti ndi no kukupala no ku kufusha, kabili ababufyashi bobo bakakwata impongolo ya mulwani wabo.”** Ifyo bwaba ubulayo! [2]

Umwakumona:

[1] “Kuti Na Cimfya Shani” (63-0825M), par. 64-65, 68-76, 86, 89, 105 -106, 181

[2] “Ukukwata Impongolo Ya Mulwani” (59-1108), par. 9-11

Ilibwe Ilyakukulilako Ilya Bumupashi No. 36

**Ili E Libwe Lya pa Mulu Ilya
Busokololo Ubwakwe Umwine**

1Petro 2:7, “E ico kuli imwe mwe batetekela ali wamisha: lelo ku bashitetekela, ilibwe ilyo bakakula basulile, lyene lyaisabe ilibwe ilya pa cifutu.”

Nomba kwaisa Ilibwe lya pa mulu ilya kucimfya kwesu pa lubatisho lwa Mupashi wa Mushilo.

Abena Galatia 4:4-7, “Lelo ilyo yafikile inshita Lesa atumine, Umwana Wakwe, uwafyelwe ku mwanakashi, uwafyelwe umwina malango, ukuti alubule abena malango, ukuti tupokelele ubwana. Awe ico muli bana, e co Lesa atumine Umupashi wa Mwana Wakwe ku kuba mu mitima yenu, ulebilikisha, auti, Abba, Tata. E ico tauli musha kabili iyo, lelo uli umwana; awe nga uli mwana, ninshi kabili uli mpyani ya kwa Lesa muli kristu.”

Ico icili apa. Yesu Kristu aliishile, afwile pa lupanda, kabili apwishishe Ukulubula (ukubweshwa ku mwine wa ntendekelo ukupitila mu kushita, nangu ukulipila umutengo) kabili muli ico ukutubika nga abana. **Ena tatulengele ukuba abana, pantu ifwe twali kale abana Bakwe, lelo Ena atubikile nga abana; pantu ilyo lyonse twali mwisonde, mu mubili (Abena Roma 8:5-9), ifwe teti twishibikwe nga abana Bakwe. Ifwe twaliketwe ubusha kuli ciwa. Lelo twali abana, nangu cibe fyo. Kabili umfweni ici; kabili pantu tuli bana, Lesa alituma Umupashi wa Mwana Wakwe mu mitima yenu eco imwe mubilikisha, Tata, Tata. Ni pali bani epo Mupashi waponene pa Pentecost? Abana. Ku Korinti? Pa bana ilyo baumfwile Icebo (Imilimo ya batumwa 10:44-48).**

Ni cinshi ulubatisho lwa Mupashi wa Mushilo? Cena Mupashi ukubatisha imwe mu mubili wa kwa Kristu (1 Abena Korinti 12:12-13). Kwena kufyalwa cipya cipya (Yohane 3:3-8). Wene Mupashi wa kwa Lesa ukwingilamo no ku misusha panuma ilyo mwalapila, (panuma ya kumfwa

Icebo Cakwe) kabili no kubatishiwa mu menshi ngo bwasuko ubwa kampingu musuma ukulola kuli Lesa. [1]

Bushe muleumfwa ici? Amenii. Pantu Lesa atile, “Nkabweseshapo Cena.” Ena aka bweseshapo Cena umusangonshi? Ku nkombe shine ishaipeye Cena; lyena inkombe shine isha Mweo shi kabweseshapo Cena (*Yoele 1:1-4; 2:23-27*). Ninani uwa kubalilapo? Martin Luther, **ukulungamikwa**. Ni nani uwa cibili? John Wesley, **ukushishiwa**. Nani uwa citatu? **Pentecost no kubwekesha kwa fya bupe, Mupashi wa Mushilo, ulubatisho lwa Mupashi wa Mushilo. Nani uwa lenga cine? Icebo. Cinshi? Icebo.**

Moneni. Ukulungamikwa kwa bweseshapo amenshi. Ukushishiwa kwaishilebwesha icikwa; isambilisho lya mushilo. Ni cinshi icaishilebwesha ibula? Ba Pentecostal. Ni cinshi cena? ba Pentecostal, amabula, balatota indupi shabo, ukusangalala, ukusansamuka: Pentecostal. Cinshi? **Ica lenga cine cali Icebo Icine. Icebo ukulengwo buntunse, ifisabo fya kushishiwa ifya cishibilo ca kubuka ukutila Kristu mukulekelesha**, panuma ilyo ukulungamikwa kwa byalwa, ukushishiwa ukubyalwa, ulubatisho lwa Mupashi wa Mushilo. Utubungwe twalifwile, **kabili Kristu nakabili umwine naibika nga cilya ica kwisalilako pali pyramid.**

Umushilwa wa kubalilapo, ukulungamikwa, ukushishiwa, ulubatisho lwa Mupashi wa Mushilo, **lyena ukwisa Icakwisalilako**. Cena ni cinshi? Ilye bumba lya Mupashi wa Mushilo ukusongolwa, pakutila lingalingana no **musango umo wine wa bukapyunga Ena akwete ilyo Ena aile**; pakutila ilyo Ena akabwela cikasenda icintu conse **mu kusendwa**, uko bena ba lungamikwa, bashishiwa, kabili no lubatisho lwa Mupashi wa Mushilo. Ilya pyramid ikeminina nakabili. Ing’anda yakwa Lesa ikabapo nakabili (*Aba Hebere 3:1-6*). **Umuti wa Mweo ulekula nakabili.** [2]

Moneni Israele nao, icipasho cesu, mu bulendo. Lolekesheni, ukulya manna, ico icali Ulubuuto lwabo, Umweo, ilya iyabapele amaka, Umweo. Bushe ico cishinka? Israele teti alye **manna iyo iyali ya mailo** ya ponene pali bena. **Yali iyakowela. Yalibolele** (*Ukufuma 16*). Tayali iisuma kuli bena. Bena kuti bafwa, pali yena. **Manna iyo iyabasungile aba mweo mailo kuti yabepaya ilelo**. Baibele itila yali kwete utushishi muli yena, iyakowela. Kabili manna, balingile ukusenda manna ipya cila bushiku. Amenii.

Kabili cena ni cinshi? Abantu abo abaikalile pali manna yakwa Luther, Wesley, kabili na balya kunuma kulya, imwe mulelya ifintu ifyakowela ifyo

ifilemwipaya, **ku mupashi. Yena ilemwipaya**, abafwa mu fya ntambi shenu.

Iya mailo, manna ya kwa Luther, teti ibombe kuli ba Methodist. Manna yaba Methodist teti ibombe kuli ba Pentecost. **Manna ya Pentecostal teti ibombe ilelo.** Mwamona ico ndepilibula? Cila bushiku yalishile, akasuba na kasuba, iipya, kabili efyo Yena yacita monse mu nshita sha nkuta.

Manna yakwa Luther yali ni mbila ya **ukulungamikwa**. Imbila yakwa Wesley yali ukulangisha ukwa **ukushishiwa. Pentecostal yali ukubwekesha kwa fya bupe. Lelo uku kwishibisha ilibwe lya pa Mulu, ubushiku bwa kulekelesha, Umuti wakwa Nabwinga, ico icaba icapusana na conse icashala**, kabili nalyo line lyena Lubuuto lumu lwine kubafikapo.

Nga akasuba kamo kene akalebalika mu December, ka kalapisha inseke ku kulobolola mu July. Mwamona ico ndepilibula? Lelo ulubuuto mu December teti lucite icisuma nangu cimo kunuma kulya mu July. Lwali kwatisha amaka. **Ingano nailako pantanshi nganshi; ili iyaiteyanya uku lupokelela.** Amenii. Mucine efyo cili. Bena teti bapokelele lwena mu December; kuti lwacita lyena (mu July). Inshita tayali yalinga, lyena; kuti yacita nomba. [3]

Ici cishiki calimena ukufuma pali Luther, ukwisa kuli Wesley, ukwisa kuli ba Pentecost; kabili nomba **ku lesongola** balya ba Pentecostal, kabili balya abaishile kwata ulubatisho lwa Mupashi wa Mushilo. **Kabili kukesa ubushiku bumo ilibwe lya pa mulu, Kristu Yesu, muli ishi nshiku sha kulekelesha...**Kabili twaisa kwata bukapyunga nga filya fine ngo Mupashi Wakwe onse **ilyo bulepalama, ukupalama, ukupalama, ukupalama. Ici shili icituntulu cilaba icituntulu nganshi** ukuti panuma yakashita icishili icituntulu ne cituntulu filaampama pamo. **Ulukuta na Kristu filapanga cimo: pantu ifwe tuli umunofu wa munofu Wakwe kabili ifupa lye fupa Lyakwe (Abena Efese 5:30-32).** Amenii. Mulecetekela cena? “Kukaba Ulubuuto mu nshita ya cungulo bushiku. (Sekaria 14:6-7). Amenii. Tuli pano ilelo. Imwe cetekeleni cena? [4]

Moneni, pano, **Ubumi ubo ubwali** mu cikapa, mu mupeti, kabili mu mupupunga, **bonse bulalongana mu Mbuto.** Kabili Ubumi ubo ubwali mu mupeti, bwaile, bumo bwaile ukupanga icibiye. **Ukulungamikwa, kwapangile nshila iya kushishiwa; ukushishiwa, kwapangile inshila ku lubatisho lwa Mupashi wa Mushilo; ulubatisho lwa Mupashi wa Mushilo, lwapangile inshila ya Mupashi wa Mushilo Wine ukwisa**

mulya mwine mu kupwililika, ukubwelela ku Cebo nakabili, ukuilangisha Uwine. [5]

Muli ici cimonwa ubushiku bumbi, namwishiba nge fyo nakwete kuno tekale sana ukunjeba ine palwa ico icali no kucitika, ifyo naleshimikila mu kasuba muli ino ncende, lelo nomba Ena atile, “Nomba, ibukisheni, ukufikapo ukwa cibili kucili kuleisa.”

Kabili natontonkenye, “kukaba imbila.” Muleibukisha imbila yandi kuno? **Ukwisula kwa lilwe libwe lya pa mulu, uko yalya amashiwi cinelubali ne Fikakatikilo tafyalembelwe nokulembwa mu Cebo cakwa Lesa. Ibukisheni? Kabili Cena cansendele ine muli ilya Pyramid.** [6]

Nomba, ndemilangisha, ukwishiba ico icali no kucitika, Munyina Jackson alotele iciloto. Ena teti alabeko cena. kabili nalefuma mu lukuta lwakwe, kabili Ena teti ashipikishe cena. February 61 alikwete iciloto. Kabili aishile kuli ine, kabili atile, “Icintu cimo cili pa mutima wandi; ningile uku kweba, Munyina Branham.” Natile, “twalilila, Munyina Jackson.”

Kabili ena atile, “nalilota iciloto,” kabili cilya cali palya. Naikele fye tondolo. Kabili nalyumfwile no kulolekesha. Atile, “nalotele ukuti kwali ulupili ulukalamba ulukulu, nga kulya mwibala ukwali icani citeku, nangu cintu cimo cali.” Kabili atile, “palya pa mulu wa ulu lupili, uko amenshi yasamfishe iloba, paliko ilibwe lya pa mulu palya pa mulu wa lupili; kwati pa mulu wa lupili. Lyali illibwe, tapali icani. Kabili palya apo amenshi yasamfishe, yali putawile ifyapala nge fya kubelenga pali aya mabwe, kabili wali iminine palya ukwilula ifi fyakubelenga pali aya mabwe.” Kabili atile, “yonse fye...” kabili uyu apa umusango alangishe cena, atile, “Ba munyina ukufuma ku Georgia, kabili na bonse ukufuma mu ncende shonse, twaliiminine pamo, **ukukutika kuli iwe ukwilula kulyo kulembwa ukwakupapusha ukwali pali yalya mabwe lulyo lupili.**”

Kabili atile, “Lyena waliimise icintu cimo, kwati ukufuma mu mwela, icintu cimo icapala nge cela ica kutobelako, nangu icela icatwa,” bushe tacili ifyo, munyina? Icintu cimo icapala cilya, icela cakutobelako, icatwa nganshi, kabili atile, “Musangonshi wacitilemo cena, nshishibe.” Kabili atile, “Iwe walipumine pa mulu wa lulyo lupili, ukutobaula cena ukushinguluka, kabili walifumishepo ica pa mulu. Cali umusango wa pyramid. Kabili wa putawile pa mulu wa lyena ukufumyapo.” Nomba, cilya cali imyeshi ne myeshi ne myeshi **ilyo imbila ya pyramid tailashimikilwa.** Kabili atile, “pesamba ya cilya cali **ilibwe ilyabuta, granite, kabili watile,**

‘Akasuba, nangu ulubuuto, takatala balikila pali ici nakalya. moneni muli ici. Lolekesheni ici.’”

Kabili cilya cishinka, pa mulandu mukupangwa kwe sonde, isonde lyalilengelwe ilyo takulaba ulubuuto. Ifwe bonse twaliishiba cilya. Lesa aendele pa mulu wa menshi, kabili lyena mukutendeka Ena alandile ulubuuto. Kabili mucifyalilwa, pesamba palya mu nshita kulyo kupangwa kwali, lulyo ulubuuuto lwali talulaisa pali cilye cilibwe.

Junie, ndefwaya ukusenda iciloto cobe. Mona, Junior, **ilyo pyramid tailati ishimikilwe**, imyeshi ilyo takulaba ici, nalimwene ici iciloto.

Mwatila, “inga palwa ciloto.” Nebuchadnezzar alotele iciloto ico Daniele ailwile, alandile ukutendeka yali ni nshita ya Bena fyalo, kabili nelyo ikapwa. Kabili cacitwa fye filya fine ulya musango. Tapaba nangu panono icafilikwa (*Daniele 2:31-45*).

Moneni, ukulemba uko ukwali pa mabwe; **nalebelwila cena**. bena balisansamwike. **Ilya ninkama ya kwa Lesa iyo ishailukwa pa myaka**. Bushe cilya kuti caba ni cilya? Kabili lyena moneni. Mu musango uwakupapusha, twalisendelwe ukufuma mu mwela icela icatwa ico icaishwile pa mulu, **kabili mulya mwali ilibwe ilya buta ilya granite, lelo tacailwilwe**. Mulya tamwali amalembo. Nshailwile cilya, Junior. Nalolekeshe fye kuli cena, kabili natile kuli ba munyina, **“lolekesheni pali ici,” kabili cilya cafikilishiwa muno bushiku**. Ilyo bacili balepituluka muli cilya, naliile ukulola ku masamba. Pa mulandu wanshi? Nalimo ukwiluka ubwilulo pa fya lembelwe pa mulu wa ici. Bushe kuti caba?

Kabili kulya ukupoleka ulucelo lumbi cilya calintenseshe mpaka nali sendelwe mu lwelele apa sansama nge ci cikulwa, kabili lilwe ibumba lya ba malaika, **ba malaika cinelubali, mu musango wa pyramid...Bushe filya ni filya fibulumo ifyo ifileisa?** Bushe kuti fyaba? Ifi fyonse na filulwa. Ukulingana ne ciloto cakwe, cena conse capwishiwa. Ukulingana ne Cebo ca kwa Lesa malaika uwalenga cinelubali akapwisha imbila iyalenga cine lubali ikapwishiwa (*Ukusokolola 10:1-7*).

Kabili lyena ifibulumo cinelubali, kabili alimwene ilibwe lya pa mulu uku kunkulushiwa, ico abantu abengi tabaishiba kwaba ifikakatikilo cinelubali ifili no kusokololwa. Nali belenga ama buku ya bantu abengi pa Busokololo, nshatala umfwapo cena ukulandwapo. Bena balacilila cilya. Lelo nacilandwa kuli imwe ukuti eko cili kulya. Nshinshibe ifyo cena cili. **Bushe cilya kuti caba ni cilya?** Lesa, beni no luse kuli ifwe. Nga cilya efyo cili, ifwe tuli muli ora iyakalabana.

Nomba, pali miniti fye. Moneni. Nga cilya cili ifyo, kabili inkama nashipwishiwa isho ishali ishalembwa muli aya amabwe, ndi uwansansa

ukwikala mu chalichi na bantu aba shila, abo Lesa engapelako ifiloto. Ndi uwansansa ukwishibisha kuli aba abaume na banakashu abo abaya ku lukuta lwa kwa Junior, kabili na kuli luno lukuta, ku lwa kwa Munyina Neville na balya, ukuti kuli abantu abekele muno mu lukuta, kabili Baibele itila, “bakalota ifiloto mu nshiku sha kulekelesha.” (Yohane 2:28-29). Kabili ici icili apa, kabili lolekesheni pali cena. Cena cilepalana ne Cebo.

“Ukwabula ukwishiba nangu cimo palwa cena, ukupoleka kwali citike **kabili aba balishile ba malaika cine lubali ukufuma mu muyayaya.** Natile, “Shikulu, ni finshi ifyo imwe mulefwaya ine ukucita?” Tacalandilwe. Ningile ukuya intanshi ukuya sanga. Nshishibe. Limbi teti cibe filya; nshishibe. Ndesosa fye, “nga cakutula efyo cili?” Nga cakutula cili mu Malembo, cilya cileumfwika icapalama nganshi kuli cena. Bushe ta muletontonkanya ifyo?

Lolesheni, lyena lolesheni, ilibwe lya pa Mulu talyailwilwe. Mwamona? “**Ukaye ku masamba** kabili ukabwele.” Nangu bushe ici eco? Bushe aba ni balya ba malaika cinelubali muli ili bumba abaishile kuli ine...ilyo nka mikumanya pa bushiku bwa kubuka, **imwe mukesa mona ukuti nshilebepa: Lesa ni kapingula wandi.**

Atemwa bushe uku e kufikapo kwa cibili uko nalandilepo ubushiku bumbi. **Bushe kuliko icintu cimo icileisa ca lukuta? Nshinshibe.** Ine kuti naikala pali cilya pa kashita akanono, lelo nalaya pantanshi.

Bushe kuti caba ni cilya? **Icibulumo icikalamba, nangu malaika uwalenga cinelubali mwibumba ilya cinelubali,** mwibumba iyalenga cinelubali, pyramid uwapangwa mu musango, ba tatu mu mbali elyo umo pa mulu, **kabili ba fumine mu muyayaya.** Bushe kuti caba? **Bushe iyi e nkama iya fibulumo ikabweshu Ilibwe Lyakwisalilako?** [7]

Kwati fye ubumi ubo ubuli mu cimuti. Imwe tamulingile ukuposela imyapele mu cimuti, ukulenga cena citwale imyapele. Cena cabyalwa fye mu mushili, kabili Cena cilanwa no kusunkila kunse.

Cisuma, ulya e musango mucitilamo **Mupashi wa Mushilo. Wene Uuli mukati ka imwe. Imwe munwa fye ukufuma mu kafukauka akashikama aka kwa Yesu Kristu, kabili Kena kalasunkila kunse ifisabo fya Mupashi** (Abena Galatia 5:22-23). Mwamona?

Lelo nombu ga cakutula Ena aisa...Mwamona, shilya shali ni nshiku ishakitapo, kulya mu nshiku sha Pentecostal.

Ifwe tuleikala pantanshi ya cilya nombu. Ifwe twali cila pali Pentecost, cimo cine nge fyo twaba ba Methodist na ba Lutheran. **Ifwe tuli palya pa mulu ku kwisa kwa kwa Shikulu, uko bukapyunga ubo Yesu Kristu**

abombele Umwine, bulingile ukuba filya fine. **Nge libwe lya pa mulu pali Pyramid**, ilingile ukusongolwa nganshi mpaka ilibwe ili lyonse lyalinga bwino bwino. **Kabili Ulukuta lulingile ukuba muli ilye mibele ukupokelela ilibwe lya pa mulu, lyena ukusenda icintu conse mu kubuka, ilyo Umubili uka bushiwa.** [8]

Ilya pyramid yaba iyapwililika nganshi, nga umo uwa muli imwe ali yako kulya. Imwe teti mupishe akanesala, nakalya. Bena tabakwete indaka muli yena, ukulingana ngefyo twaishiba. Kalenga uwa yena ali uwapulamo nganshi! **Nomba, bena balufishe ilibwe lya pa mulu.** Bena tabaishiba uko lyaba. Nomba ilyo ilibwe lya pa mulu likabwela, likaba fye nga fyonse ifyashala, likalingana ne libwe ilyo ilya shilwe ilya isulwa. **Nga kuti mwabika ilibwe lya pa mulu pali lyena, lilingile ukuba ulya musango.**

Kabili ilyo Yesu akabwela, **Ena akasanga Ulukuta ulo ulwasambwa, ukwabula akalitoni nangu akalukanshi** (*Abena Efese 5:27*), **kabili bukaba bukapyunga bumu bwine Ena akwete. Bukaleta ilibwe lya pa mulu.** [9]

Lolekesheni kuli balya ifikolwe bane: Abrahamu, Isaki, Yakobo, na Yosefe. Abrahamu, **ukusalwa**; na Isaki, **ukwitwa**; Yakobo, **ukusenamina**; Yosefe, **ukupwililika**, tapali nangu cimo icakususha wene. Ulya ali ni Lesa, ukubomba inshila Yakwe.

Cinshi? Luther; Wesley; Pentecost; ilibwe lya pa mulu, kabili no Lukuta ne Cebo filaba cimo cine, icintu cimo cine filya fine, ukupwililika. Ifintu fyonse mu nsamushi muli Baibele, mukupwililika filatubika. [10]

Lelo ilyo cileya cilepalama no kupalama, **icishili icituntulu ne cituntulu fileisa pamo**, mpaka fyonse fyaisaba icintu cimo cine.

Kabili filya fine ilyo Ulukuta ne Cebo filingile ukuba cimo, nga filya Yesu na Lesa bali umo, filya fine fye. Lesa ali muli Kristu, ukuwikisha isonde ku Mwine (*11 Abena Korinti 5:18-19*). **Kabili efyo na Kristu akaba mu Lukuta, uwasubwa uwa Cebo, ukulenga ifintu fyonse ukufikilishiwa. Kabili lilye libwe lya pa mulu ilyo lileisa pa nshita ya lukuta lwa ku lekelesha.** Te Laodikea, nomba. Cili ukwitwa kuli cilya, **Nabwanga ukufuma mu lukuta, Ulukuta ukufuma mu lukuta** mu shila imbi, kwati fye ilyo Ena aitile uluko ukufuma mu luko, mu Egypti. Kabili nomba tuleikala muli bulya bushiku, kabili tuletotela pali ifi fintu ifikalamba ifyo ifwe tulemona. [11]

Yesu, ilyo Ena akesa, ilinso lyonse lika mumona Wene, ikufi lyonse likafukama, kabili ululimi lonse lukalumbula ilyo **Umubili wakwa Yesu**

ukabwela (*Abena Filipi 2:9-11*). Nalicetekela ukwisa Kwakwe mu butuntulu, umubili ulemoneka, mukwika ukufuma ku mulu no kubilikisha kukalamba, ne shiwi lya kwa malaika Mukalamba, intandala yakwa Lesa (*1 Abena Tesalonika 4:13-17*). Abafwa muli Kristu bakabuka. **Lelo Umupashi Wakwe uuli pano na ifwe.**

Kabili ilyo lukuta, nga pyramid, lwaisa mu cifulo, efyo no lukuta mu nshiku sha kwa Luther, inshiku shakwa Wesley, inshiku sha Pentecostal. **Kabili nombamba ilyo Ilibwe lya pa mulu lya muli cena, lulyo lukuta lulingile ukusongolwa bwino nganshi**, mpaka **bukapyunga bumo bwine** ifyo Ena acitile pano, **Umupashi Wakwe umo wine**, ukusenda icifulo conse, **akaleta ulyo Mubili umo wine muli lwena**, kabili no kubusha icintu conse (*1Abena Korinti 15:51-58*). Filya ni filya fine. Amenii. Ubukata kuli Lesa. [12]

Kuti kwaba mupepi nganshi ukucila ifyo muletonkanya ukuti efyo cili. Cali mpele umwenso. **Owe, nshila bomba ifingi.** Nipesa apo tubelele?

Takwakabe ukukokola nakabili. Ena alebilisha ukuti inshita naipwa. Ni finshi ifilecitika? Ni finshi ifilecitika? Bushe cilya kuti caba ifyo nombamba, ba munyina? Tontonkanyeni nganshi. **Nga efyo cili, lyena pyramid ileisilwa ne fibulumo cinelubali.**

Muleibukisha imbila ya pyramid? Yena libwe lya pa mulu? Nifinshi yacitile? Mupashi wa Mushilo aisalile cila muntu no ku kakatika lyena ilyo twalundile ku citetekelo cesu, ubulungami, na bulesa, ne citetekelo, na fimbipo. Twalitwalilile ukulunda kuli cena mpaka twalikwete ifintu cinelubali, **kabili icalenga cinelubali cali kutemwa uyo uwaba ni Lesa** (*11 Petro 1:3-11*). Ulya emusango Ena apangilamo cila muntu. **Ena alamwisalila no ku mukakatika na Mupashi wa Mushilo.** Lyena nga cilya cili muli ulyo musango, Ena alikwata inshita sha nkuta cinelubali isho Ena akwete inkama cinelubali isho ishabilishiwa kale kabili shalwisishe ukubweseshamo, **kabili nombamba ilibwe lya pa mulu ilesa mukwisala ulukuta.** Bushe ifibulumo cinelubali filepilibula cilya, ba munyina? **Mukwai, bushe apa epo tubelele?** [7]

Lundeni ku citetekelo cenu, ubulumba; lundeni ku bulumba wenu, ukwishiba; ku kwishiba kwenu, ukutekantima; ku kuteka ntima kwenu, ukushipikisha; ku kushipikisha kwenu, bulesa; kuli bulesa bwenu, ukutemwa kwa bwananyina; ku kutemwa kwa bwananyina kwenu, **Mupashi wa Mushilo, kabili Kristu ali nokwisa. Pantu pesamba fye lya Wene, Mupashi wa Mushilo, e Mupashi wa kwa Yesu Kristu mu Lukuta ukulangisha bulyo bulumba.** [13]

Ulya ali palya. **Kristu e lilye Libwe (1 Petro 2:4-8).** Ena tafyelwe ku mwaume, **Ena afyelwe kuli Lesa.** Ena aleishila ulukuta ulo ulwa **fyalwa cipya cipya ku Mupashi wa kwa Lesa, pantu amaka ya lilye libwe lya pamulu yalapita monse mu lukuta nga magnet.**

Ndeibukisha palwa kuba pa mulu apa ukulolesha cilye cigayo ilya nshita uko bale mona filya fintu na filya fyonse fyela ifyali palya kabili bali fiimishe. Lilye libwe ilikulu lyalishile no kufiimya--lilye libwe ilikalamba ilya magnet lyaimishe fyonse pa mulu pantu **fyali fya magnet kuli cena.**

Ifwe tulingile ukwikatwa kuli lilye Libwe lya pa mulu. Lilye Libwe lya pa mulu Mupashi wa Mushilo: Kristu. Kabili cila umo muli ifwe uyo uwakwata kulyo kwikata kwa Mupashi wa Mushilo, ilyo lilye Libwe likapola icimpanshanya (Daniele 2:31-45), ulukuta lukafulumukila kuli Lyena. Ukubwekela mu bukata Lwena lukasendwa mu mulu pa kusendwa kwa ba mushilo, ilyo Lwena lukaya muli bulya bushiku. [14]

Inshita shimo Ilibwe lya kwisalilako likesabwela, umutwe wa conse fye (*Abena Kolose 1:18-20*), **kabili no kupokelela Nabwinga ku Mwine;** ico caba umwanakashi afumishiwa ku mwaume, icilundwa ca mwaume. Utubulungwa twa mwaume twaba mu mwanakashi, icipanga umwanakashi. **Kabili ulya e musango Icebo cakwa Lesa caba mu Lukuta, ecilenga Ulukuta ukuba Nabwinga.** Te cilonganino, cilya ca kwa Kasebanya, cila cimo ca fyena. Nshilelumbula abantu abali muli cilya, bena babusu abantu ababepwa, ngefyo Yesu asosele, “Impofu ukutungulula impofu.” Kabili Ena teti abete. [15]

Mulecetekela ukutila ino e ora iyo Yesu ali no kwisa; ukutila ulukuta lwalisa ukufuma mu kulungamikwa, ukushishiwa, ulubatishe lwa Mupashi wa Mushilo, nga filya fine pyramid nga filya ukwisa? **Kabili nomba ilibwe lya pa mulu lilingile ukuba ilya pwililika nganshi mpaka, ilyo ilibwe lya pa mulu likesa, lyena lilingile ukulingana na lyena.** Bukapyunga bulingile ukutampa nge fi, kabili ukwisa fye mu kucepelako inshita fye yonse, ukusenda amabumba ayanono, kabili ibumba ilinono, mpaka mukulekelesha Ilibwe lilekumana ne cikulwa. **Ena e libwe lya pa mulu, akasenda icikulwa conse pamo Nankwe, ico icaba Ulukuta.** Bonse fye bakabuka, ukufuma fye uku ukulola ukwakubalilapo, mpaka ukwalenga cinelubali, **kabili bonse bakaya mukusendwa.** Cila umo alikwete ubushiku bwakwe ukupelwa kuli bena kabili balikwete bakalungamika babo naba tendeke, na fimbipo, ukuya monse. Kabili ishi nshiku shakulekelesha,

caishile muli **kapumpe** nakabili, ico icabwekela **mu nshita ya kusesema**, ukuleta ici capamo. [16]

Umwakumona:

- [1] “Inshita ya Lukuta Iwa Smurna, “ Church Age Book pg. 153
- [2] “Ukubweseshapo Umuti wakwa Nabwinga” (62-0422), par. 505, 511-514
- [3] “Pali Umuntu Pano Uwingasha Ulubuuto” (63-1229M), par. 161-162
- [4] “Ifishibilo Fyakwa Kwakwe” (62-0407), par. E-121
- [5] “Icputulwa Icamamisha” (64-0705), par. 136
- [6] “Ukusebana Pa Mulandu wa Cebo” (62-1223), par. 46- 47
- [7] “Bushe Ino Ninshita Ya Mpela, Mukwai?” (62-1230E), par. 125-130, 375-390
- [8] “Ukulolesha Kuli Yesu” (64-0122), par. 186-190
- [9] “Asheni Inyali” (64-0125), par. 101-102
- [10] “Icaibela” (64-0418B), par. 200-201
- [11] “Yesu Alasunga Amabulayo Yakwe Yonse” (64-0418E), par. 21-22
- [12] “Tulefwaya Ukumona Yesu” (62-0712), par. E-84
- [13] “Umushinku wa Muntu Uwapwililika” (62-1014M), par. 451
- [14] “Umulungu Uwalenga Cinelubali Wakwa Daniele” (61-0806), par. 139-140
- [15] “Incende Fye Yeka Iyapelwa Na Lesa Iya Kupepelamo” (65-1128M), par 256
- [16] “Umukosha” (64-0305), par 270

Umwinakristu Aba Mukutusha

Aba Hebere 4:3, “Pantu tuleingila mukutusha fwe batetekela, efyo asosa, Ati, ifyo nalapile mubukali bwandi, ta bakengile mukutusha kwandi: nelyo imilimo yakwe yapwile pa kulengwa kwa pano isonde.”

Nomba, icitetekelo cesu teti citushe apashili nangu cimo. Umwinakristu alingile ukukwata, icitetekelo cakwe cilingile ukukwata **icifulo icakosa ica kutushishapo**. Mwaliishiba cilya, kabili icifulo fye ceka icakutushishapo ico Umwinakristu, **uwacine Umwinakristu uwafyalwa libili Umwinakristu kuti atushisha icitetekelo cakwe**, nangu umwanakashi, caba **pa Cebo ca kwa Lesa icishisela**. Tacakulwa pa misensenga isensenunwa iya masambililo ya fya bulesa aya muntu na ma sambilisho, kabili na pa kuilunda ku lukuta. Lelo uwacetekela uwacine, icitetekelo cakwe citusha icakosa, no kukanasela ilyo alepalama ku Cebo cakwa Lesa.

Nashimikile ku mukashi wandi pa busanshi mpaka twelufu koloko, ukulamweba fye palwa **ifyo Yesu aba uwawamisha**. Isambililo lyalishile mu mutima wandi. Lya lebilima fye muli ine mpaka teti njikale fye tondolo na lyena. Kabili nasoselefye “Mutemwikwa, ndefwaya ukushimikila kuli iwe pakashita akanono.” Kabili aishileposako amano; ku kusenamina ali kutike.

Natile, **“Icitetekelo ca Mwinakristu cashintilila nganshi pa kutusha**. Cilya cishinka. Umwinakristu tasunkanishiwa uku no ku. Umwinakristu tabutuka ukufuma ku cifulo cimo ukuya ku cifulo cimbi. Umwinakristu takwata ifikansa, takwate cipyu, kabili no kusakamana pa fintu. **Umwinakristu alatusha. Cena nacipwa. Fyonse fyapwishiwe ku wacetekela pa Kalbale (Abena Kolose 2:14-15)**. Cilya cishinka. Owe, amalwele kuti yaisa ne fya kupapusha; **lelo Umwinakristu alaba mukutusha** ukwishiba ici, ukutila Lesa ali uwalinga ukusunga cilya ico Ena abomba, ukwishiba ukutila temulandu ifyo icintu cili, nangu ifyo cilemoneka, takuli nangu ubulwele, ubulanda, imfwa; takuli nangu icipowe nangu icintu icili conse ico **icingatupatula ku kutemwa kwa kwa Lesa ukwaba muli Yesu Kristu (Abena Roma 8:38-39)**. Ifwe tulatusha. Leken i fye ubwato bwakale busunkane ukuli conse bulefwaya; inanga ilekata.

Naishile ku habour inshita imo no kumona cilya, kwaliko ubwato ubwakale ubukulu kulya. Ifisalu fyalikakwilwe, namwishiba. Kabili, owe, ifyo icikuka cali pali bamba. Mwe, bwalesunkana. Kabili nalimwene bulya ubwato ubwakale palya ukusunkana uku no ku, kabili amatamba yamo ayangengilamo, kabili amatamba

yamo ayalepita pesamba, ne fintu fyonse. Kabili natile, “Ndesunguka umulandu cilya cili?”

Kabili umuntu uwaikele atile, “Na bukwata inanga ya pali bembu kuli bwena. E ico kanshi,” atile, “ubwato teti bwibile.” Ena atile, “Bwena kuti bwapita mu matamba, lelo teti bwibile, pantu na bwikashiwa.”

Natile, “Owe, amalumbo kuli Lesa; **twalikwata inanga**” (*Aba Hebere 6:19-20*). Amatamba yamo kuti twayapita pa mulu, kabili yamo kuti twaya pe sambu; lelo te mulandu, nge nanga naikata... Tacili ubwato ubo ubwikatilile; **ni nanga e ikatilile**. Tacili ifyo naba, nangu ifyo nkaba, nangu ifyo nali; **ni cilya ico Ena ali nombu, kabili ifyo Ena acitile ine na imwe**. Tacili ifyo nanga cita; **ni cilya ico Ena acita**.

Icitetekelo candi taciikashiwa mufyo ukulongana ukuleisa kukaba. **Icitetekelo candi tacitushisha mu kwishiba ukuli konse uko nanga kwata**, nangu pa musango wa lukuta ningile ukuilunda, nangu umusango wa bantu ningile ukwampana nabo. **Icitetekelo candi cilekashiwa no kutushisha umupwilapo pa mulimo uwa pwishiwa wakwa Shikulu Yesu Kristu, kale uwapokelelwa** (*Yohane 19:30*).

Lesu amulungamike Wene pa ku mubusha Wene ukufuma ku bafwa. “*Uyu e Mwana Wandu uwatemwikwa muli uyo mbekelwamo*,” (*Mateo 17:5*) kabili Lesu aimishe Wene ukufuma ku bafwa ku kulungamikwa kwesu. E mulandu wine uwa mishikakulo asosele:

Ukuba no mweo Ena ali ntemenwe; ukufwa, Ena ali mpuswishe;

Ukushikwa, Ena ali sendele imembu shandi ukutali nganshi;

Ukubuka, Ena ali lungamike, ubupe fye umuyayaya;

Ubushiku bumu Ena aleisa—Owe, ubushiku ubwabukata.

Umwina Kristu alatusha pali lilye subilo pali bembu uwa cikuka. Mucine, ifikuka filema, **imisango yonse ya mafya, lelo twali ikashiwa**. Epela fye. Tawakatale ibila. Teti bwibile.

Ni cinshi ico mulingile ukucita? Cetekeleni, umfweni. **Icitetekelo ciisa ukupitila mukumfwa, ukumfwa ku Cebo** (*Abena Roma 10:17*); **no kucetekela, no kucita, no kutusha. Mulemona ici? Icebo efyo cisosa; umfweni cena. Umutima wenu efyo usosa; cetekeleni Cena. kabili ubuntu bwenu bonse butusha muli cena. Cena capwishiwa**.

Icitetekelo ciisa mukumfwa. Yesu atile Icebo, “Uyo umfwe Cebo Candi, ukucetekela pali Wene Uyo uwa Ntumine, **nakwata Umuyayaya, ukwabule mpela, Umweo uwabapo lyonse**” (*Yohane 5:24*). Bushe tacawama? “Umweo uwabapo lyonse, kabili takatale onaika, lelo nafuma kale mukumfwa ukwisa mu Mweo: naciluka ukufuma ukupatulwa ukwisa mu Mulola uwa muyayaya.” Amenii.

Ilyo mwali abalebeshi ukufuma kuli Lesa (*Abena Efese 2:11-22*), imwe mwalelekele ukuba umulebeshi; nombu muli mwana. Ukufuma mu mfwa ukwisa mu

Mweo, ukufuma mu mfifi ukwisa mu kasuba, ukufuma ku mwinakufwa ukwisa ku ushifwa, ukufuma mu kubola ukwisa mu cishibola, ukufuma mu kusakamana ukwisa mu kusangalala, ukufuma mu mfwu ukwisa mu Mweo, **kabili muletusha umupwilapo pali EFYO ASOSA SHIKULU**. Te pafya ku umfwu umfwu, imyumfwile ya matontonkanyo, ubulondoloshi bumo, pa fintu fimo ifishaishibikwa ifyo umuntu umo asosa kuli imwe ifishakwata umufula, pa fyo umuntu umo asosa, “Cisuma, imwe mukese no kuilunda ku lukuta lwesu, kabili cili no kupwishiwa;” **lelo pa Cebo cakwa Lesa umweo wa muntu ulatusha umupwilapo**. Lesa efyo asosele. Cilya cilepwisha cena, cilalenga cena ukuba icituntulu.

Umutima e mo Lesa ekala. Kabili mu Cipingo Cakale Lesa aikele mu bukata Bwakwe pa cipao; umutima e cipao. **Lesa ekala, te mu mutwe; mu mutima**. Lesa teshibikilwa ku masambililo ya fya bulesa; Lesa teshibikilwa mu mano ya kwelenganya; **Lesa eshibikilwa ku mibele ya kale, ukwishiba ukwa ku fyalwa libili ukwashishiwa uko ukuli mu mutima wa muntu** (Yohane 3:3-8).

Lelo abaume na banakashu bekala ubumi busuma, **lelo incende iyacine iya kufisamamo yaba mu mutima; ukufiswa na Kristu** (Abena Kolose 3:1-4). Kabili **ilyo Kristu Mupashi wa Mushilo aisa mu mutima wenu**, Ena alaba muli imwe ne mibele yenu, **kabili Ena aleikala umweo Wakwe umwine ukupitila mu bufwayo Bwakwe umwine ukupitila muli imwe**. Alleluya! (Abena Kolose 1:26-28).

Imwe mwaliitula nganshi, icakutula Kristu alanda umusango wa mashiwi Ena engalanda. **Ena atontonkanya umusango wa matontonkanyo Ena engatontonkanya, ukupitila muli imwe**. Ena alabomba umusango wa milimo **Ena enga bomba—ukupitila muli imwe**. Imwe muli abaitula no kutusha.

Ifyo cili icikope icawama ku Mwinakristu uwasangululwa: uwaitula. **Kristu ukubombelamo**.

Paulo atile, “*Ine ukuba no mweo ni Kristu, kabili ukufwa bunonshi*” (Abena Filipi 1:21). “*Te ine uuleikala nomba, lelo Kristu e wikala muli ine*” (Abena Galatia 2:19-20). Kristu ukwikala mu mweo wa muntu umo-uwaipela. **Kristu alandila ukupitila mu milomo, kabili atontonkanisha mu mano**, amwena ukupitila mu linso, abombela ukupitila mu mibele. Alleluya.

Lyena ifintu ifye sonde nafiya. **Bushe kuti caba shani icintu cimbi kano icawama kabili icisuma inshita fye yonse? Kristu aletungulula**. Amenii. Mulemona ici? Filya efyo caba. Cena ni Kristu muli imwe: Kristu muli imwe. Mwatila, “Cisuma, nalicetekela cena ukuba icine, Munyina Branham.” Cilya cishinka. Cena cili muno, lelo cilingile ukwisa mu mutima wenu. Nga cili ifyo, lyena impangilwe yenu yonse ni Kristu. Imicitile yenu, ukukabila kwenu, ifyo mulefwaya, ifintu fyenu fyonse ni Kristu: **uwaitula, ukutusha, ifintu fyonse**

ifyapwililika. Te mulandu ifyo finga moneka ifya bulamo amano, ifyo cilemoneka icafita, nalyo line cimo cine. **Kristu ali muli imwe.**

Ena alalanda ku mubembu mwi shiwi ilyo Ena engalandilamo kuli wene. Ena alalanda kuli cilende mwi shiwi ilyo Ena engalandilamo kuli bena. **Ena atontonkanishisha mu mano yenu amatontonkanyo yene ayo Ena alanda ku mutima wenu, umusango umo wine uo Ena engacita nga Ena ali pano pe sonde.** Kabili imwe tamuli mwebene, lelo mwali ipela. [1]

Natile ilyo mwaisa kuli Kristu, umuku ilyo mwacetekela Wene, umuku ilyo mwasumina Wene, **ukwingila mu kutusha**, ifintu fyonse ifye sonde fimoneka nga ifilefwa (11 Abena Korinti 5:17). Imwe na mukwata ukutusha lyena, **ukutusha ku mweo wenu.** Kabili mulengila muli ilye mibele, kabili mulaba mulya. **Muletusha lyena na Kristu.** [2]

Ukwishiba ukwa Mwinakristu kwashintilila nganshi kabili umupwilapo pa kutusha. “*Iseni kuli Ine bonse mwebacucutika kabili abafininwa, naine nalamupelo kutusha*” (Mateo 11:28-30). Ifwe tulasunkanishiwa na fyonse mpaka twaisa kuli Kristu, lyena fyonse fyapwishiwa. **Ukutusha muli Kristu, mukupwililika.** Te mulandu icileisa nangu ukuya, **tapali nangu cimo icingatukumya ukwabula cena ukwisa pali Kacema.** Ena alingile ukusuminisha cena (Yohane 10:1-4). [3]

“Icitetekelo ciisa ukupitila mu kumfwa, kabili ukumfwa ku Cebo cakwa Lesa.” Amenii. Njebeni umuntu umo uyo uwingalanda ukupusana na Cilya, no kusosa ukuti cena Cebo cakwa Lesa. Ilyo, “Imyulu ne sonde fikapita, lelo cilye Cebo tacakapite.” (Mateo 24:35).

Icitetekelo cisanga Icebo ukuba icifulo ca ciko ica kutushishamo. Cilaya pa mulu wa cilye Cilibwe ca Muyayaya, **Kristu Yesu, Icebo, kabili cilekala palya no kutusha.** Lekenii umwela upupe. Lekenii ifikuka fitenkane. Ena ali uwa cingililwa, umuyayaya. Ena **aletusha** palya pene pa li cilya Cebo. **Palya e po icitetekelo, icitetekelo ica cine cine ica Mwinakristu, citusha. Incende ya kutushishamo yaba Cebo,** pantu cileshiba ukutila Lesa ali no kuishininkisha Umwine uwapulamo, pali cila umo uwa balwani Bakwe. Te mulandu ifyo cilemoneka icabipa, kabili ifyo umulwani eshilemo, **kabali ifyo calemoneka kwati na mucimfiwa, icitetekelo nalyo line cileshiba.**

Nomba, kuli imwe mwe bantu abalwele, owe, kuti natemwa ukuleta ici ku mushi! **Ilyo mwakwata cilye citetekelo, ukutila muli no kundapwa;** ubwafya ubuli bonse, ifintu fyonse ifyashala, ifishibilo fyonse, **ifya kumwenako fyonse kuti fyasonta ukutila mulefwa, imwe tamwakatale ukusela! Icifulo cakwe cakutushishamo cili mu ncende ya Cebo cakwa Lesa,** ilyo icitetekelo, icitetekelo ica cine cine caikala icine mulya. Tewaipanga ukucetekela nombaa; icitetekelo. Te subilo; **lelo icitetekelo.** Isubilo ili kunse uku, ukusubila nga emo kwali. **Icitetekelo**

emo cili kale, ukulolesha kunse, kabili no kusosa, “Nacicitwa.” Mwamona? Cilya e citetekelo. Palya epo icitetekelo cisenda incende ya **kutusha kwa ciko**, pantu cileshiba ukutula Lesa takatale, takatale leka umulwani ukwenda pa mulu Wakwe. Ena tatala. Icitetekelo caliishiba cilya, e ico, te mulandu ifyo icintu camoneke.

Noah aliishibe ukutula bulyo bwato bukelela. Mwamona? Mucine alicitile. Daniele aliishibe ukutula Lesa kuti aisala akanwa ka nkalamo.

Abana ba ci Hebere baliishibe ukutula Lesa kuti ashimya umulilo. [4]

Iseni fye kuli Wene no kutusha. Nga Ena ni Yehoba Yireh, **tusheni** pali cena. Nga Ena ni Yehoba rafa, **tusheni** pali cena. nga Ena ni Shikulu uyo utupususha ku kusenamina, **tusheni** pali cena. Nga Ena ni shikulu Uyo utundapa ku kusenamina, **tusheni** pali cena. Nga Ena ni Lesa uyo ukesa ku mulu na ba mushilo Bakwe imyanda mishila, **tusheni** pali cena. Nga abafwa muli Kristu bakabalilapo ukubuka, **tusheni** pali cena. Ifintu fyonse, **tusheni**. Owe, mwe. Ndeumfwa bukapepa nganshi ino ine nshita. **Owe, ukutusha**, te kutoloka toloka ukufuma ku cipilala ukuya ku mulongoti **kabili no kusendwa no mwela we sambilisho ilili lyonse, lelo ukutusha pafyo Lesa asosele.** [5]

Ici pano icipesha mano icikalamba: icipesha mano cali ifyo Lesa akwete umwana wakwe uwacetekela ukumubika **mu bwato bwa kucingililwamo**. Inshita yonse ilyo ukubulukuta kwalecitika, imfula yaleloka, **Noah aletusha mu bwato bwa kwa Lesa, ukulingilwa libela, ukusontelwa libela ukwenda muli bulyo bwato. Ilyo ifinkunka fyalepona, Noah ali mukutusha uwa cingililwa.** Ulya uo baleseka, **lyena lilya aliingile mu kutusha** (*Ukutendeka 6:8-22; 7:1-18*).

Balya abo baseka no kusenteka ilelo pa mulandu **imwe mukabila ukwikala ubumi ubwakuipela umupwilapo kuli Shikulu Yesu**; bena tabeshiba imwe mwilibikwa mwisamba lya maboko Yakwe aya muyayaya. **Tamwiluka ukuti imwe muletusha kabili abacingililwa fye nge fyo mwingaba mu wa maka yonse kabili tapali nangu cimo icinga mucena imwe.** (*Amalumbo 27:5*).

Amenshi yatendeke ukwisa kabili abantu batendeke ukubilikisha, no kulila, no kupunda, no kucita ifyakucita cita. Kabili mucifulo ca bwato ukwikala palya, bwalyelele pa mulu fye, inshita yonse ukusenda Noah no kumusunsuntula mulya mu matamba. Mucine, cali cipampa cakulangililako. Lesa ali pyangile ubusaka isonde ku lubembu. **Ena ali nokutendeka ilipya.** Ifishibilo ne fipapwa ukumoneka ilyo Ena talacitica. [6]

Nomba, cilya eco nsanga pakati ka myeo ya Benakristu abengi. Abantu abengi abo abalumbula Ubwinakristu, bena bamoneka ukukwata inshita iyakosa iyakulwisha ukwikatilila. Ndecetekela ni pa mulandu **wa kubulilwa ukusambilisha ukwalungama kwa Baibele. Takwaba icintu ica musango ngo uyu ukwikatilila. Ena aliikatilile. Ifunde lyonse lya Bwinakristu lyashintilila pa kutusha. “Iseni kuli Ine bonse aba cucutika no kufininwa. Nala mupelo ukutusha.” Tamulingile**

ukusakamana no kulwisha. Imwe muletusha fye; epela fye. Ukupelwa ukutusha, imwe mulengila mu mutende, ukutula icintu conse nacipwishiwa. “Balya abo Ena aita, Ena alilungamika. Balya abo alungamika, Ena ali cindamika kale” (*Abena Roma 8:30*).

Moneni. Tacili nangu cimo ico mucita, atemwa ico mwingacita. Ni cilya ico Lesa acitila imwe muli Kristu.

Umo muntu atile, “Cisuma, nala kweba, nalekele fye ici, kabili naile mukufwaya Lesa.”

Takuli umuntu uyo uwafwaile Lesa. Umuntu tafwaya Lesa (*Abena Roma 3:10-12*); **Lesa afwaya umuntu** (*Abena Roma 10:20*). Mu kutendeka kwine mwibala lya Edeni, cashininkishe cena. Adamuu alingile alebutuka mwibala, ukubilikisha, “Tata, Tata, muli kwisa Imwe?”

Lelo cali ni Lesa ukupita mukati kebala lya Edeni, ukusosa, “Adamuu, Adamuu, uli ukwi?” Na Adamuu ukubelama, cilya e cifyalilwa ca muntu (*Ukutendeka 3:8-10*). [7]

Kabili lyonse kwabako ubwato mu bwikashi bwakwa Lesa. Kwaliko ubwato mu nshiku sha kwa Noah, ku kupusuka kwa bantu bakwe. Kwaliko icipao mu nshiku sha malango, icipao ca cishimiko. Mu nshiku sha malango, bakonkele icipao.

Kabili kuliko ubupyungishi wa citatu nomba; nga munshita yakwa Noah, inshita yakwa Loti, kabili nomba ino nshita. **Kwabako ubwato nomba.** Kabili bulyo bwato te cilonganino, **nangula tacaba imilimo iisuma iyo mucita.** “Caba ku Mupashi umo,” (*1 Abena Korinti 12:13*), “Ifwe bonse tulabatishiwa mu Mubili, mu kuteka kwa Bufumu, ulubatisho lumu lwa bu mupashi.” Te mulandu ifyo mwaba abasuma, ifyo mwaba ababi, conse ifyo cili, **imwe mwaba muli bulyo Bufumu ku lubatisho lwa Mupashi wa Mushilo.** Mwamona? Ulya e musango fye weka mucimfishamo. **Ni balya abo abali pesamba lya Mulopa uwasumishiwa e bacimfya** (*Ukusokolola 12:11*), **pantu teti mucimfye, mwebene. Ni Ena uyo uwa mucimfishe imwe** (*Abena Roma 8:37*). **Imwe muletusha.**

“Musangonshi ndi no kwishibilamo lyena, ukutula ndi Mulya?” **Moneni umusango wa bumi muleikala.** Lolekeshi fye monse. **Moneni nga cakutula bwikalwa fye muli imwe, uku icitikilafye.** Nangu, mulingile ukupatikisha no kutinta, mwamona, lyena mulecicita. Lelo mwilaesha ukucicita. [8]

Umwakumona:

[1] “Mulandunshi Abantu Basunkanishiwa Uku No Ku” (56- 0101), pg.

9-10, 14, 17-18

[2] “Ukuputwamo” (56-0128), par. E-45

[3] “Isenge” (56-0212), par E-31

[4] “UKufuma kwa Citatu” (63-0630M), par. 203-205

- [5] “Icitetekelo” (56-0427), par. E-25
- [6] “Ukupatukana Kwa Nshita” (56-0115), par. E-18
- [7] “Icipembe ca Mukati” (56-0121), par. E- 20- 21
- [8] “Kuti Nacimfya Shani” (63-0825M), par.68-69

Ukwantanshi, Ukwacibili no Kutinta Kwacitatu Ukwa Mwana wa Muntu Yesu Kristu

Yesu Kristu Umwine-nakabili ukwitwa Umwana wa Muntu (*Yohane 6:27; Luka*

17:30; Luka 19:10)-**naisokolola Umwine nakabili muli ishi shinku ukupitila mu kwantanshi, ukwacibili, kabili no kutinta kwacitatu**: kabili cilya cali ukupitila muli kasesema Malaki 4! Ifwe kuti twaishiba ukwantanshi, ukwacibili, kabili no kutinta kwa citatatu muli Baibele, pantu Yesu Kristu aba cimo cine mailo, ilelo, no muyayaya (*Aba Hebere 13:8*).

Ni finshi “ukutinta” kupilibula?

Yohane 6:44, “Takuli umuntu uwingesa kuli ine, kano Tata uwantumine amukuula.”

Yohane 12:32, “Na ine, nga natumpulwa ukufuma pano nse, nkakula bonse bese kuli ine wine.”

Lesu alakuula-alamatint!-ku busokololo ilyo Umwana (Icebo) alesokolwelwa kuli ifwe na Tata (Umupashi wa kwa Lesu). ^[1]

Ukupitila mu kutinta kwa ntanshi no kwa cibili, kuli bonse abacetekela kwali pyungilwe, lelo ukupitila mu kutinta kwa citatu abasalwa beka bakwa Lesu balatintwa (*1 Tesalonika 1:4-6*). ^[2]

Ukutinta kwantanshi:

(utuni utunono)

--- ukupwililika

(3 pa mulu wa mpili) [5] [6]

Ukundapwa kwa balwele

Kasesema aliishibe ubulwele no kuboko kwakwe kwa kuso. [3] Lesa atile kuli wene, “Nomba uli no kusenda abantu ku kuboko kwabo, kabili, wikatontankanya nangu cimo, **ukalande fye icintu icilandilwe kuli iwe.**” [4]

Ukutinta kwacibili:

(inkunda)

--- ukusenamina

(5 pa mulu wa mpili) [5] [6]

Icimonwa (Icabupe ca kulingulula imipashi), ubusesemo, inkama sha mutima (*Aba Hebere 4:12*) kabili amatontankanyo yalisokolwelwe, ilyo Icebo cailangishe Icine. [2] [5] [7]

Luka 9:43-59; Yohane 1:43-51; Yohane 4:1-20; Yohane 6:63-66; Yohane 1:40-42.

Ukutinta kwa citatu kwaba: (7 ba malaika ba kumulu)--- ukupwisha (7 pa mulu wa mpili) [8] [9]

- a) **ukushimikila ku baluba**, kuli abo abashinga pusushiwa nakabili. Nga filya imyaka iyapitapo 2000: Ena aile kulya no kushimikila ku myeo iyo iyali mu cifungo, iyo ishalapile. Ilyo uluse lwapelwe kuli bene, balikene uluse, kabili nomba balelolela ubupingushi. [5] *11 Petro 2:4-6; 1 Petro 3:19-20.*
- b) **ukwisula kwa Cebo**: Inkama nashisokololwa. **Ukutinta kwa Citatu kwali ukwisula kwa filya Fikakatikilo Cinelubali, ukusokolola Icine icafiswa ico ica kakatikilwe mu Cebo.** [1] kabili mukulwisha kwa Cine, filya fimbi ifyalubile, lelo Lesa atile fikabwekeshiwa nakabili mu bushiku bwakulekelesha. [10] [11]
- Ukulingana no Kusokolola 10:7, inkama shonse shikeshibikwa mu Kutinta kwa Citatu;** lelo te mu kutinta kwantanshi nangu ukutinta kwacibili.

- c) **ukulanda kwa Cebo:** Ukulanda Icebo, kabili moneni ifyo kulecita! Nga filya mu nshiku sha kwa Yesu Kristu (*Marko 11:23-24*). ^[12] ^[13] Lelo ilyo imwe **mwaikala abalungama** kabili **ukucita icalungama**, kabili **ukubomba icalungama**, no **kukwata icitetekelo muli Lesa**, **Satana akatutuma nga mwalanda**, pantu Lesa alilapa kwi funde Ena ali posako amano kuli lilye pepo. ^[14]

kabili ilyo lyonse muli mu mushilwa wa mulimo, ukusunga icebo cakwa Lesa, ukucita ifyo Ena amweba ukucita, ukwenda ku fipope fya kwa Lesa, imwe na mukwata insambu ukusosa kuli lulyo lupili, “Sela!” Lesa alasunga Icebo Cakwe. “Nga mwasosa kuli ulu lupili, “Sela,” ta muletwishika mu mutima wenu, lelo mwacetekela ukutula ico mwasosa cikesa fikilishiwa, imwe kuti mwakwata cilya ico mwasosa.” Yesu asosele cilya, muli Marko 11:22. Cilya ca Cine. Naliishiba cilya ca Cine. cena Cebo cakwa Lesa, kabili cilya cileshininkisha ukutula cena Cine. Ifwe twalikwata fye umwenso inshita shimo. Ifwe tulafika pa cifulo, ifwe tulaba no mwenso Ena tasunge cilya Cebo. **Ena ali nokusunga cilya Cebo.** Ena atile ukuti akacicita. Nomba, tulesanga ukuti cilya cishinka. Ena alishininkishe Cena. ^[15]

Amapinda 18:21, “Imfwa no mweo fyaba mu maka ya lulimi.”

Yoshua 1:8-9; Amapinda 10:11; Amapinda 12:18; Yeremiah 18:18b; Amalumbo 140:3; Amalumbo 141:3; Amapinda 6:1-2; Amapinda 10:19; Amapinda 13:3.

Pa kulanda Icebo, ukumonekela ku sano ukwa kusenamina kwa kwa Lesa kwalishile:

ukubuka: 1957- Kasesema aliiminine no kulanda kuli lilye sabi, lyalele pa menshi ilya fwa hafu wa ora; kabili yaishile ku mweo no kuya. ^[16]

Ni finshi ifyo Yesu acitile? *Yohane 11:43-44, Yesu abilikishe ne*

Kristu

shiwi likalamba, “Lasaro, fuma!” Kabili uwafwa aishile fuma...Luka7:11-17,
Kabili Yesu atile: “We mulumendo, ndetila kuli iwe,buka!”
kabili uyo uwafwile alikele...

- **Ukulenga:** 1959 – Utupale twalilandilwe mu kumoneka, moneni na mulya mu Kutendeka 22:10-14, ukulengwa kwa sukusuku na Abrahamu.

Ilyo Munyina Branham atontonkenye pa Cebo ukufuma muli Marko 11:22-26 kabili aliipwishe umwine ifyo cilya cingaba, ‘ukulanda ku lupili,’ kulya Ena ali ishile no kusosa: “Landa cena, kabili witwishika cena; lelo ico walasosa, cili nokuba palya.” [12] lelo teti mwiminine palya no kwelenganya mu mano yenu no kusosa cena, **imwe mulingile ukuputwamo ukusosa cena.** [17] Lelo ilyo ena talalanda Icebo, ena alilile uyu mufungilo we buku intanshi nga kasesema Esekiele, kabili elyo Esekiele alile ku nga’anda yakwa Israele no kushimikila Icebo cakwa Lesa (*Esekiele 3:1-4; Ukusokolola 10:8-11*). E ico kanshi, nacimbi **tulefwaya ukutontonkanya Icebo** nga filya Maria no **kusenda cena mu mitima yesu** (*Luka 2:19; Abena Kolose 3:16; Yohane 5:24*). Mwilalabako: **Ena ni Shimapepo Mukalamba wa Cebo Cakwe Umwine**-kapapatila wa Cebo (*Aba Hebere 4:14-16; Aba Hebere 3:1-6*).

- **Ipusukilo:** 1959- Abana babili bakwa nkashi Hattie Wright balipusushiwe. Ena, umwanakashi umunono uwapetama, **alandile ishiwi ilya lungama, ilyo ilyatemwine Mupashi wa Mushilo.** [13] [18] *Imilimo ya Batumwa 10:44-48, “Ilyo Petro acili alelanda ifi fyebo, Mupashi wa Mushilo wa wile pali bonse abaumfwile Cebo.”*
- **Amaka pa maka ya cifyalilwa:** 1963-pa cikuka, lyena inshiku shitatu sha kubalika kwa kasuba. [6]

Ni finshi ifyo Yesu acitile? Luka 8:22-25, “*Nao ashibuka, Akalipila umwela na mabimbi ya menshi: awe fyali lekele, kwali tondolo.*”

Nge fi, Yoshua alilandile, “*We kasuba, ba shilili pa Gibeone; nobe, we mweshi, mu mupoka poka wa Ayalone!*” (*Yoshua 10:12-13*).

- **Ukundapa:** 1963-icimumena cakwa Nkashi Meda Branham califuminepo, lintu doctor talamwikatamo. [18]

Ni finshi ifyo Yesu acitile? Ukusangululwa kwa wa fibashi: *Marko 1:40-45* ukupokolola ku fiwa no kundapa: *Mateo 8:5-17*

- Ukutinta kwa citatu: **ilyo ukutitikisha kukesa fikapo, lolesheni kulyo kutinta ukwa citatu.** Ilyo ilya nshita ikesa, **ilyo ukutitikisha kukesa,** lyena mukamona, ico mumona pakashita fye, **ukumonekela mu mwisulo wa maka ya ciko-mpaka aka kabungwe kakatendeka ukwikatana.** Lelo nomba Lesa akasunkanya muli ifwe ico twapokelela kale ukufuma kuli wene. **Ena akasangula Icebo muli ifwe mu maka,** mu nshita iyalinga. Amaka yakwa Lesa muli ifwe yali ayaiteyanya kwi pusukilo lyesu ukumonekela pa nshita ya kulekelesha. Cikamonekela (*1 Petro 1:5; Abena Efese 3:20-21; 1 Abena Korinti 4:19-20*). **Kena kalekoselako.** Kabili elyo ilya nshita ikesa, kabili ukutitikisha kwaisa mu cifulo ica **uko imwe mukafumishiwa kunse, lyena moneni ukutinta ukwa citatu** lyena, mwamona, kabili cikaba mucine kuli balya abaluba umupwilapo, **lelo cikaba kuli Nabwinga no Lukuta** (*Amalumbo 138:7*).[18]
- Ukutinta kwa citatu kukaba makamaka kuli balya **abo abashingakwata icitetekelo ukwiminina no kwikatilila Lesa.** Amaka Yakwe yalengwo ukufikapo mu kunaka (*11 Abena Korinti 12:7-10*). [3]
- Ukutinta kwa citatu; **icimonwa ca mwi tenti:** kasesema ali mwene itenti ilikulu ilyo tatala monapo. Yaliiswile kabili yaiswilemo abantu monse kabili aitile ku cipailo, kabili imyanda ne myanda ya bantu balelila no kusangalala panuma bapokelele Shikulu Yesu nga Kapususha wabo. Elyo alimwene lulya Lubuuto ukufuma mwi tenti likalamba no kuya ku cinono icikulwa ca mbao. **Kabili Ishiwi lyatile**

kuli wene, “Nkaku kumanya mulya; cilya cikaba ukutinta ukwa citatu.” Kasesema atile, “Mulandunshi?” Ena atile, “Tacakabe icilangisho ica cintu bwingi nga cilya cimbi. Bushe tacalembwa, lelo iwe ilyo ulepepa, ingila mu muputule obe uwa mukati ka ng’anda, isalako ne cibi cobe, no kupepa kuli Wiso uuli mu bumfinsolo: na Wiso umona mu bumfisololo aka kulambula palwalala.” (Mateo 6:6). [2]

[7] **Ena akatukumanya mu cipinda ca mu bumfisololo, mu muputule wa mapepo.**

➤ Bushe namumona, **konse uku kumonekela ukwa bulesa kwapelwe mu kufwaya kwakwe.** Kasesema atile, Ena tatalile mwipusha wene no kusosa, “Shikulu, lekeni ine ncite ici, nande ifi fintu mukumonekela, kabili no kucite ifi fintu kulya.” Ena tatalile mwipusha Wene cilya. **Ena ku bufwayo Bwakwe ubwa Bulesa aishile kuli wene kabili atile, “kabiye kacite ici.”** Lelo nga kuti twaya no kutunganya fye kabili ukufwaya fye icintu ukutunganya fye ukutula cili no kuba fye bwino, kuti caba ukuya ukwabule nsambu. [19] Nga kuti mwasosa cena mu kutunganya fye, tacacitike. **Lelo nge cintu cimo muli imwe, ukutula na musubwa ku mulimo, kabili muli nokwishiba ukutula cena cili bufwayo bwa kwa Lesa ukucicita, kabili muli nokusosa cena, ciligile ukucitika.** [20]

➤ Ukutinta Kwa citatu mu kwampana ne **cikakatikilo icalenga cine kabili icintu cimo kasesema tekuti elule, pantu cali mululimi ulwabulo ukwishibikwa.** Lelo ena aliiminine palya pene no kulolesha fye ukutonta pali cena, **kabili uku e kutinta kwa citatu ukuleisa.** Ulya e mulandu wine umulu onse wali tondolo pali hafu wa ora pesamba lya cikakatikilo ica cinelubali (*Ukusokolola 8:1*). [21] **Ukwisa kwakwa Shikulu!** (*1 Abena Korinti 15:51-58; 1 Abena Tesalonika 4:13-17*).

➤ Ukutinta Kwa citatu kwaba **ulupanga lwa Mfumu** [20] [21] [22] –*Aba Hebere 4:12-13; Ukusokolola 19:11-16; Abena Efese 6:17; 11 Abena Tesalonika 2:7-8; Ukusokolola 1:16.*

- Ukutinta Kwa citatu kuleleta **icitetekelo ica kusendwa**. Munyina Branham atile: cakutinya nganshi icakutula nshilingile ukusosapo ifingi palwa cena. ENA atile, “**Wikasosapo nangu cimo palwa Cena. cilailandila icine Ceka.**” Ici cili nokuba icintu ico **cikatendeka icitetekelo ica kusendwa** palwa kuya. Kabili ningile ukwikala tondolo pa kashita fye. Ninjishiba ifyo ukutinta kwa citatu kwaba, kabili naliishiba ifya kucita. **Nomba beni nakatina, ikaleni fye tondolo.** Ora ili no kufika ili line, uko Lesa akatucitila ifintu fimo ifikalamba ifwe. [18]
- Ukutinta Kwa citatu kuleisa nomba ku **kupwililika. Uku kuleisa muli kulyo Kutinta Kwa citatu!** Tuleisa nomba mu kupwililika, pantu abantu balingile ukwisa kuli ci **pakutula kwingaba ukusendwa.** Cilya e cilekanya ino ine nshita, **cili ukulolela kuli lulyo Lukuta ukwisa muli cilye Citetekelo ca Kusendwa Icapwililika.** Ukulolela cena. Cilepilibula ukusangululwa nganshi kuli ine, cilepilibula ifingi kuli imwe, lelo capamo tukaya ku kusenamina kwa kwa Lesa. [12]
- **Mu Kutinta Kwa citatu, Nabwinga akaba Icebo cakwa Lesa ku bantu,** inkalata ishalembwa ishilebelengwa na bantu bonse; Icebo ca kwa Lesa icalangishiwa, mu mashiwi yambi (*11 Abena Korinti 3:1-3*). [23]

Umwakumona

- [1] “Abo Abasubwa Mu Nshita Yakulekelesha” (65-0725M), par. 261-262
[2] “Icimonwa Ni Cinshi?” (56-0408A), par.113-121, 133
[3] “Mwitina, Nine” (60-0305), par. 2, 64
[4] “Umushi wa Kuntanshi” (64-0802), par. 526
[5] “Imyeo Ili Mu cifungo Nomba” (63-1110M), par.108, 114, 266-282
[6] “Uyo Uuli Muli Imwe” (63-1110E), par. 104-108, 215
[7] “Mulandunshi Abantu Basunkanishiwa” (56-0101), par. 30-50, pg. 3-6
[8] “Ukwiminina Pakati” (63-0623M), par. 148-154
[9] “Ukongola” (63-0803E), par. 142
[10] “Bushe Ici e Cishibilo Ca Mpela, Mukwai” (62-1230E), par. 292
[11] “Inshita ya Lukuta lwa Laodikea” (60-1211E), par.95
[12] “Icitetekelo Icafikapo”(63-0825E), par. 17, 151- 152, 184
[13] “Amepusho na Masuko pa Mupashi wa Mushilo”(59-1219), par. 20-22

- [14] “Ukucetekela Lesa” (52-0224), par. 150
- [15] “Ukushininkisha Icebo Cakwe” (65-0426), par. 115-116
- [16] “Lesa Ukuifisa Umwine Mukuicefya” (63-0317M), par. 331
- [17] “Nalyumfwa, Lelo Nomba Ndemona” (65-1127E), par. 128
- [18] “Lolekesheni Kuli Yesu” (63-1229E), par.39,43-44,49,93-102,
172-181
- [19] “Amepusho na Masuko” (64-0823M), par. 158-159
- [20] “Cinshi Ulelila? Sosa!” (63-0714M), par 288, 308
- [21] “Icikakatikilo Ica Cinelubali” (63-0324E), par. 299-300
- [22] “Ni Cinshi Iciletemuna pa Lupili” (65-0725E), par. 133
- [23] “Ukufimbulwa kwa Lesa” (64-0614M), par. 280

Umusango-Lilali-Nikwisa Ukutinta Kwa Citatu

Ku Kalabomba?

Marko 11:23, “Ndemwebe ca cine, nati uwaeba ulupili ulu, ati sela, uposwe muli bemba; kabili tatungenye mu mutima wakwe, lelo atetekelo kuti ico asosa cikaba; akakwata conse ico akasosa.”

Lesa ali langishe Icebo Cakwe. Ng’umfweni. Nalicetekela ici. Teti nsose ukutula Ena alinjeba, **lelo icintu cimo cileenda muli ine**, ukusosa ukutula, **“Kuli icintu cimo icapulishamo nganshi**, icateyanishiwa fye ukumonekela muli bukapyunga bwandi.” **Ibukisheni, Ena alinjebele ukuba na katina, ukuba uwanakila, ukuba uwapetama, kabili Lesa akalundako kuli iwe.”** Nomba, ndeesha mu busuma bwandi ukuba. [1]

Moneni, ubushiku bwine ilyo iyi nkombe ikatendeka ukubilisha imbila yakwe. Mwamona? **Ukutinta Kwa Ntanshi. Ukundapa; Ukutinta Kwa Cibili, ukusesema; Ukutinta Kwa Citatu, ukwisula kwa Cebo, inkama ukusokololwa. Takwaba nakabili ubutantiko ubwacilapo ukusokolola Icebo, ukucila ba Kasesema.** Lelo umusango fye weka kasesema engashininkishiwa caba ne Cebo. Kabili, ibukisheni, **Ukutinta Kwa Citatu kwali ukwisula ukwa filya Fikakatikilo Cinelubali, ukusokolola Icine icafiswa ico icakakatikwe mu Cebo.** Bushe mulecimona cena? [2]

Namwishiba, Pyramid tayatalile isalwa. **Ilibwe Iya Pa mulu licili mukwisa.** Lyena bali likana. Bushe kuti caba, ba munyina, ba nkashi? **Nangu, bushe uku e kulya Ukutinta Ukwa Citatu uko Ena anjebele,** imyaka itatu atemwa iine iyapitapo?

Ukutinta Kwa Ntanshi, muleibukisha ico icacitike? Nalyseshe ukulondolola Cena. Ena atile, “Wicita cilya.”

Ukutinta Kwa Cibili, Ena atile, “Wilaesha.” Kabili nalitintile, nangu cibe fyo. Muleibukisha? Bonse imwe muleibukisha. Caba pa matepu na fyonse.

Kabili Ena atile, **“Nomba kuli Ukutinta Kwa Citatu ukuleisa, lelo wikesha ukulondola kwena.”** [3]

E ico ni mbika amano yandi pali iyi Mbila, cilya e kulya Ukutinta Ukwa Citatu, kabili yena eyo ine ningile ukubelako uwa cishinka no kubako nakatina kuli yena. [4]

Kulya kwali ukwa Ntanshi, ukutendeka kwa bukapyunga, ilyo Cena calandile cilya, kabili **ukulingulula kwali ukubika amaboko yabo pa yandi, kabili ico icali no kulandwa eflyo cali no kuba.** Kabili nali myebele, kabili abengi ni bakambone

ilelo, ukutila cali no kufikilishiwa ukutila kuti naishiba inkama shine sha mitima yabo.

Muleibukisha cilya, ilyo tacilati cicitike? Nalimo imyaka isano nangu mutanda panuma, cilya cali citike; kulya ku Canada, pa nshita ya cena iyakubalilapo, kabili cilya cali citike. **Elyo Ena alisosele, “nga uli no kuba uwa bufuma cumi, cili no kulatwalilila fye.” kabili nomba icintu ca citatu na cicitika, mwamona, lyonse fye ukulaya pantanshi.** [5]

Ndefwaya imwe ukwibukisha ici; ndi no kwesha ukupitulukamo muli cena nakabili. **Abena fyalo, Imbila nsuma iyo iyapelwa kuli bena ni Mbila nsuma ya citetekelo, te milimo nakalya.** Ilyo Mupashi wa Mushilo wawile pa Pentecost, ilyo baile ku ba Yuda (*Imilimo ya Batumwa 19:5*), bena babikile indupi pali bena ukuti bena ba pokelele Wene. Kabili ilyo baile kulya kubena Samaria, bena babikile indupi pali bena. Lelo ilyo baishile ku Benafyalo ku ng’anda yakwa Korneli, *“Ilyo Petro acili alelanda ifi fyebo...”* (*Imilimo ya Batumwa 10:44-48*). **Takwali ukubikwa kwa ndupi.**

Ilyo umukashana umunono afwile, umwana mwanakashi wakwa Yairo, shimapepo atile, “Iseni mubike indupi pali wene, kabili ali no kuba no mweo.” Lelo ilyo mushika umwina Roma, Umwinafyalo, atile, *“Nshiwamina ukuti Mwingile mwisamba lya mutenge wandi, soseni fye Icebo.”* (*Mateo 8:5-13*). Cilya eco. Mwamona?

Umwanakashi umwina Sorofenika, umu Hela mucine efyo ena ali, ilyo Yesu asosele kuli wene, atile, *“Tacalinga kuli ine ukusenda icakulya cabana no kucipela ku mbwa.”* Wene atile, *“Cilya cishinka, Shikulu; lelo nembwa pe samba lyetebulo shilalya utubufungau twa bana.”* Ena atile, *“Pali uku ukusosa, ciwa nafuma mu mwana obe.”* (*Marko 7:24-30*). **Landeni ifintu ifisuma lyena. Landeni icintu icisuma pa muntu umo. Landeni palwa kwa Yesu. Landeni icintu cimo ica cishinka, icintu cimo icituntulu. Ulya e musango uwakufumishapo ifiwa.** Ena tatalile pepela umukashana. Ena tatalile landapo icintu cimo pali ena ukundapwa; Ena alandile fye, “Pa mulandu wa kusosa uku, pa kusosa uku...”

Hattie Wright, ubushiku bumbi, ena taipwishe nangu cimo. Ena aikele palya, lelo ena asosele icintu icalungama, ico icatemwine Mupashi wa Mushilo. **Kabili Mupashi wa Mushilo waishilelanda mu mbwekesha** kabili watile, “Hattie, lombha conse ico ulefwaya, conse ico ukwete kabili ulefwaya. Usange nga cakutila ici cituntulu nangu iyo. Lombeni icili conse (ukundapa kwa kwa nkashi yakwe umunono uwalemana naikala palya uwafungaika fye onse; ba dollar amakana ikumi ukumulenga wene ukuleka ukulalima pali shilye mpili kulya lubali; ubwaice ukubwekeshiwa ku mubili wakwe uwakotele); **icili conse ulefwaya ukulomba, lombha cena ino ine nshita.** Nga Cena tacileisa no kupelwa kuli iwe ino ine nshita, lyena ndi kasesema wa bufi.” Cilya cintu cimo, bushe tacili?

Yesu atile, “Soseni kuli ulu lupili...” (Marko 11:23-24). Kabili mwalyumfwa ifyo ifyacitika; **bulya e bukapyunga ubo tuleingilamo.** Ifwe tuli pa mulu wa musebo nomba. Ili line ukwisa kwa kwa Shikulu Yesu. Kabili tulingile ukukwata icitetekelo ica kusendwa mu lukuta ulu ulungapilibulwa mu kashita mu ku kapakapa kwe linso ukuya, nga te ifyo tatwakaye (1 Abena Korinti 15:51-57). **Lelo mwilasakamana, kukabapo. Kukabapo. Kabili ilyo amaka ya ulu lukuta yakema, lukaleta ba munyina ba luko; amaka ya lulyo lukuta yakema yakaleta ba munyina ba luko; amaka ya lulyo lukuta yakaleta ba munyina bambi; lyena kukaba ukubuka kwa cinabwingi.** Ifwe tulelelekesha kuntanshi kuli cena.

Bulya bukapyunga buli fye mupepi no kupwa nangu cibe fyo; kuliko icintu cimo icapulishamo icileisa. Ibukisheni, kulya eko cila nshita calilandwa kuli cino cintamba atemwa kuno pulupiti, kabili tacatala filwa nakalya. **Muleibukisha bukapyunga palwa kuboko?** Mwamona ifyo kwacitile? Amatontonkanyo ya mutima, mwamona ifyo kwacitile? **Nomba, moneni ici: landeni Icebo, kabili moneni ifyo Cena cicita.** Mwamona? Nalimyebile kuno imyaka iyapitapo akale—ulukuta (ndelanda ku tabernacle.)—imyaka iyapitapo, imyaka itatu nangu iine iyapitapo, icintu cimo cali mupepi no kumonekela; cili mupepi no kucitika. Kabili pano cena cili nomba ukwingila fye muli... Cena cileipanga Icine. Nomba, ifwe tuletasha pali cilya. Owe, ifyo ifwe tuletasha, abansansa fye nganshi. [6]

Mulingile ukwishiba ifi fyebo ne fi fintu. Lolekesheni kuli Hattie Wright ilya nshita, **ilyo Ukutinta Kwa Citatu.** Muleibukisha cena. Pali fyonse fintu, **ulyo mwanakashi asosele icintu icalungama. Mulingile ukusosa lilye shiwi ilya lungama, icintu icalungama kuli Lesa** (Mateo 15:21-28).^[7]

Lolekesheni. Nshaishibe filya fintu, imyaka iyapitapo. Kabili ilyo nalandile cena, ukwabulo ukwishiba cena, moneni ifyo Ena acita. Ena atile, **“Nomba ukaleikata abantu ku minwe yabo, kabili, wikatontonkanya nangu cimo, ukalande fye ico cintu icikalanda kuli iwe.** Tutile cena cimumena, fyonse ifyo cili.” Elyo atile, “Cikesa fikilishiwa ukuti iwe tawakafwaikwe ukucita cilya.” Mwamona? **“Cikalingulula icintu cine icili muli bena.”** Ifwe twalikwete imisango yonse iyakupashanya, ifwe twaliishiba cilya, **mupepi no kubepa abasalwa bene nga cingabe cingacitwa** (Mateo 24:23-24). Moneni ifyo conse icashala cileenda pamo ne Cebo, lyena mukeshiba nga cakutila cintu calungama nangu iyo. Lelo, nalyo line, Yesu aba fye cimo cine mailo, ilelo, no muyayaya. [8]

Munyina Branham atile: kabili ine nali mishe amaboko yandi, kabili pa muku fye umo icintu cimo caikeshe mu kuboko kwandi. Nshishibe. Teti nsose. Bushe nalilele? Nshishibe. Bushe naliile mu cimonwa? Nshishibe. Bushe cali cimonwa? Teti myebe. Icintu fye ico ningasosa cili...**Icintu fye cimo cine nga balya ba Malaika.** Kabili calikeshe mu kuboko kwandi, kabili nalilolekeshe, **kabili cali lupanga,** kabili cali kwete ifyakwikatilako fya magari, uwayemba nganshi; kabili lwalikwete

icakucingililako kuli cena na golide, kabili ululimi lwamoneke kwati, icintu cimo icapala chrome, nga silvele, icintu fye ceka lwali ulwabengeshima nganshi. Kabili lwali ulwatwa nganshi mu mbali, owe, mwe. Kabili natontonkenye, “Bushe cilya te cintu icaemba nganshi?” **ukulinga fye mu kuboko kwandi.** Natontonkenye, “Bushe cilya te cintu icaemba nganshi.” Lelo natile, “Mwe, ine lyonse nalikwata umwenso pali ifi fintu” – ulupanga. Kabili natontonkenye, “cinshi ico ndi no kucita na cilya?”

Kabili lilya line fye ishiwi lyatenkenye ukupita mulya ilyo ilya tenkenye amabwe, lyatile, “Lwena Lupanga lwa Mfumu.” Kabili lilya naishilefuma muli cena. “Ulupanga lwa Mfumu...”

Nomba, nga lyalisosele, “Ulupanga lwa Mfumu...” lelo lyatile, **“Ulupanga Lwa Mfumu” kabili kwaba fye umo “Imfumu,” kabili ulya ni Lesa, kabili Ena akwata fye Ulupanga lumo; cilya Cebo Cakwe, ico njikalilako.** Cilya, e ico ngafweni, Lesa; ukwiminina pe tebulo Lyakwe ilya mushilo pano, ne ci Cebo ca mushilo icili pano! **Cena Cebo! Amenii!**

Owe, ifyo waba ubushiku ubo tuleikalamo, ifyo caba icintu icikalamba. Moneni inkama ne cafiswa? Ukwiminina kulya, ilyo ici cafumine pali ine, icintu cimo caishile fye kuli ine no kusosa, “Witina.” Nomba, **nshaumfwile ishiwi nangu limo, kwati mukati ka ine ukulanda.** Ningile fye ukumweba icine, filya fine fye ifyacitike. **icintu cimo calikeshe no kusosa, “Witina. Uku e kulya kutinta kwa citatu.”**

Ukutinta kwa citatu, muleibukisha kwena? Ena ali sosele, “Iwe walikwete bakapashanya abengi kuli ici, ifyo waesha ukulondolola.” Lelo atile, “Wikesha no kwesha ici.” Bushe muleibukisha cena? Nibanga abeleibukisha cilya icimonwa? Cinshi, caba fye monse mu matepu no kuli konse. Cilya cali imyaka iyapitapo cinelubali. Atile, “Wilaesha ukulondolola cilya.” **Atile, “Uku e kutinta kwa citatu, lelo nkakukumanya mulya.”** Cilya cishinka? Ena atile, “Wikesha...”

Naliiminine no lusapato ulunono ulwa mwana ilyo Ena anjebele, kulya, “Ukacite **ukutinta kobe ukwa ntanshi;** kabili ilyo wacita, isabi ikabutukila akakulya.” Atile, “Lyena ukamone **ukutinta kobe kwa cibili**” atile, “pantu likaba fye isabi ilinono.” Ena atile, **“Lyena ukutinta kwa citatu kukekata cena.”**

Kabili lilya line fye Ena alinjimishe. Kabili Ena alintwele pa mulu no ku mbika pa mulu apasansama apo ukulongana kwalecitika, **camoneke kwati li tenti nangu icapala nge cikulwa ca mapepo.** Kabili nalilolekeshe, kabili palya pali akapala nga akabokoshi akanono, incende inono mumbali. Kabili nalimwene lulyo Lubuuto ukulanda ku muntu umo uwali pa mulu wandi, lulyo Lubuuto ulo mumona palya pa cikope. Lwali shingulwike ukufuma kuli ine, nga filya, kabili lwaliile pali ilye tenti, kabili atile, **“Ndi no ku kukumanya mulya.”** Kabili atile, **“Uku kuli nokuba kulya ukutinta kwa citatu, kabili tawakalande kwena ku muntu nangu umo.”**

Kabili mu Sabino Canyon, atile, “Uku e kutinta kwa citatu.” **Kabili kwaba ifintu ifikalamba fitatu ifyendela pamo na kwena, kabili kumo kwasokolwele mailo, kumbi kwa cisokololwa ilelo, kabili kuliko icintu cimo ico teti njilule, pa mulandu cili mu lulimi ulushaishibikwa.** Lelo naliimine kulya kwine no kulolesha ukutonta fye cena, **kabili uku e kutinta ukwa citatu ukuleisa.** Kabili Mupashi wa Mushilo wa kwa Lesa...Owe, mwe. **Ulya e mulandu wine umulu onse wali tondolo.**

Nomba, kuti cawama nalekela pano pene. Mwamona? Ndeumfwa fye ukucecentwa uku kanasosa na fimbi palwa cena. Mwamona? E ico ibukisheni fye, **icikakatikilo icalenga Cinelubali, umulandu uo tacaiswilwe,** umulandu cena tacasokolwele cena, tapali nangu umo uulingile ukwishiba palwa cena. Kabili ndefwaya imwe ukwishiba ilyo nshilati njishibe ishiwi nangu limo pali cilya, **cilye cimonwa caishile imyaka iyapitapo. Muleibukisha cilya? Kabili pano cili fye ngefyo ifyo ici cimbi cacita—cileingila fye mulya mwine mu Cebo filya fine apo cabelele.** Kabili Lesa aliishiba umutima wandi; nshatala pa nshita imo ukutontonkanya pa cintu nga cilya, kabili ici cali apa. Ni mupepi ukucila ifyo mutontonkanya.

Owe, mwe. Cilelangisha fye cena cafuma kuli Lesa, **pantu cilelenga fye filya fine mu mabulayo yakwa Lesa** ukufuma ku mpela ya mbila.

Mulemona. Moneni nomba, pantu imbila ya nshita yakulekelesha, ici cikakatikilo. Nangu cibe fyo, **-Ena alisokolola fyonse ifikakatikilo mutanda, lelo tasosapo nangu cimo pa ca cinelubali.** Kabili icikakatikilo ca nshita ya kulekelesha, ilyo cikatendeka, cikaba umupwilapo inkama iine ine ukulingana na Baibele. Ilyo tatulaishiba cilya...Kabili ibukisheni, Ukusokolola 10:1-7 pa mpela ya mbila yakwa malaika uwalenga cinelubali, **shonse inkama sha kwa Lesa shikalengwo ukwishibikwa. Ifwe tuli pa nshita ya mpela, ukwisula kwa Cikakatikilo ca Cinelubali.**

Nomba, musangonshi naishibe ubushiku bumbi, pa bushiku bwa pa Mulungu uwafumako, umulungu uwafumako ilelo, ilyo naleshimikila pali **“Beni abapetama, beni abapetama; ibukisheni Lesa abombela mu tuntutu utunono.”** Nshaishibe ifyo mucine calelandapo, kabili nomba ndecimona cena. **Cena caba mu musango uwapetama nganshi.** Imwe kuti mwatontonkanya ukuti icintu cimo nga cilya kuti casokololwa ku Vatican, nangu, lelo caishile fye nga Yohane Kabatisha. Caishile ngo kufyalwa kwa kwa Shikulwifwe mu mulimba. Ubukata kuli Lesa. E ico nga fweni, ora ili mupepi. Tuli pano. Owe, mwe.

Ibukisheni, inkombe iyalenga cinelubali yali...Uwaishibikwa kuli ine, Malaika uwa cinelubali, camoneke nganshi kuli ine ukucila bonse. Nomba, mwamona, bena bali minine ngefi, kabili naliminine pano, kabili nalelolekesha balya bambi...Ibumba ilyakubalilapo lya **tuni** utunono, amasako yonse ukuwila munshi. Muleibukisha twena? Kabili tonse twapupukile ku kabanga. Kabili ibumba lya cibili lyali

ilyabutisha, ifyuni fikalamba, fya moneke nge nkunda, amapindo ayasompa; fyena fyapupukile ku kabanga: **Ukutinta Kwa Ntanshi, ukutinta kwa cibili. Elyo aba konkelepo bali niba Malaika.**

Kabili naliminine palya pene, kabili uku kupoleka kwalilekele, kabili nalelolekesha ulu lubali, ukulola ku masamba, **kabili baliishile no kunjimya mulya**, kabili nalifumine ukwabulo ukwishiba. Kabili umo uwa bena uwaleisa ali ni ulya uwa moneke umweni nganshi kuli ine, ali ni ulya uwali ukwandi, **ali ukwa kuso uko naingilile mwibumba**, lelo ukupenda ukufuma ukwa kuso ukwisa ku kwa kulyo, **calingile ukuba Malaika uwa cinelubali, ukulaisa palya.**

Nomba, **ibukisheni inkombe cinelubali.** Bushe muleibukisha Pyramid ye libwe ilyabuta ilya ciloto cakwa Junior Jackson ico nailwile kuli imwe? Moneni, inshita ya bushiku ilyo naile...kabili kwali ifiloto mutanda ifyaishile, kabili cila cimo ica fyena ukutonta fye pa cintu cimo cine. Lyena icimonwa calitendeke no kuntwala ku masamba. Moneni. Lolekesheni ifyo cili icapwililika.

Nomba, ndesubila no kucetekela ukuti imwe mwe bantu na mwishiba ukuti ndeesha ukubika ici **ukusenamina pali Yesu Kristu**, Uyo uwaba Umwine wa fyonse fya cena; kabili umulandu weka tamwatala ng'umfwa ine ukulanda ifi kale mu bumi bwenu...Lelo iyi ora ilepalama. [9]

E ico nomba nalasosa icintu cimo kuli imwe, nomba, ico nshalandapo inshita yonse. Kabili, cilya cili, icintu ico twalelolelapo inshita iitali “nalimo imyaka iingi,” **Ukutinta kwa Citatu, kwena nomba na kushininkishiwa, kabili ndi uwa shininkisha imwe bonse mwaliishiba ifyo kwena kwaba.**

Nomba ibukisheni, takwakatale akuba ukupashanya kuli cilya, pantu teti cibe. Mwamona, teti cibe. Nomba cena cilemonekela. Ndi uwasokwa pali ici, ukutila ili line...Pa nshita ino ine nomba nacicitika fye, **e ico kuti caishibikwa ukubapo kwa cena pakati kenu**, mwamona, **lelo tacaka bomfiwe mu musango ukalamba mpaka aka Akabungwe ka katendeke ukukoselako.** Kabili ilyo kakacita, ilyo cilya cikacita...Ba Pentecostal, kabili nabambipo, kuti mupepi bapashanya icili conse icingacitwa. **Lelo ilyo ilya nshita ikesa, ilyo ukutitikisha kukesaisa, lyena mukesa mona, ifyo mwamona pakashita fye, ukulangishiwa mu mwisulo wa Maka ya kwena.**

Nomba ningile ukutwalilila mu kubila imbila nsuma. Nga filya fine ifyo nalashikwe, icakubalilapo, ningile ukutwalilila. E ico kanshi, **mwalikwete Icebo, kabili mwaliishiba ifyakuloleshako, ifya kwiminina.** Ningile ukutwalilila mu kubila kwa mbila nsuma. **Kabili, mwe fibusa fyandi, beni shilili, kabili twalilileni ukulaenda, pantu ora ilepalama ulubilo, mwamona, ukutila ilyo icintu cimo cili no kucitwa.**

Kabili cila umo aliishiba cilya, pantu, nga filya mucine nge fyo ica Ntanshi caliishibikwe, eflyo ne ca Cibili cishibikwa. Kabili nga mwa tontonkanya bwino nganshi, imwe mwebali aba bumupashi. Nge fyo Baibele yasosa, “*Uyu apa uuli na*

mano.” Ukutinta kwa Citatu na kulangishiwa bwino nganshi. Mwamona? Ifwe twaliishiba pantu kubelele. E ico, Ukutinta kwa Citatu kuli pano.

Kwena kwa bukata nganshi, icakutila, ningile ukukana sosa ifingi palwa cena. Nge fyo Ena ajebele mu kutendeka, atile, “Ici, wikasosapo nangu cimo pali cena.” Muleibukisha cilya, imyaka iyapitapo? **Cena cilailandila icine.** Mwamona? Nalyesha ukulondolola fimbi, **kabili nalipangile icilubo.** Ici cikaba icintu, ico, kwitontonkanyo lyandi...Nshilesosa ukutila Shikulu alinjeba ifi. **Ici cikaba icintu icikatendeka icitetekelo ica kusendwa, ukuya ukufumapo.** Mwamona?

Ningile ukuba tondolo pakashita fye. Nomba ibukisheni, kabili abo abalekutika kuli iyi tepu, imwe kuti mwamona ukupilibuka muli bukapyunga bwandi ili line, ukubwelela kunuma, te kuya pantanshi; ukubwelela kunuma. Ifwe tuli fye pa nshita nomba, kabili teti cibe, teti tuye pantanshi nakabili. Ifwe tulingile twalolela fye pali miniti mpaka ici cikacitike kuno lubali, ukupalama, lyena ilyo nshita ikesa. **Lelo, cena nacishibikwa bwino bwino.**

Kukesa inshita pali, muli ino nko, uko ino nko ikabomfya amaka yonse ayo iciswango cakwete ilyo tailabako, ico cali Roma wacisenshi ilyo aishileba **Papa waci Roma,** mwamona, ukutila ino nko ikacita cilya.

Ukusokolola 13 palwalala ilalondolola cena. “*Umwana wa mpaanga aishile fuma mu mushili. Iciswango cimbi caishile fuma ukufuma mu menshi,*” ukufubana no bwingi bwa bantu. Uyu umwana wa mpaanga aishileisa uko ukushali abantu. **Umwana wa mapaanga e minanako bukapepa.** Kabili, ibukisheni, cena calandile ngo mwana wa mpaanga. Cali mwana wa mpaanga.

Kabili lyena, panuma ya kashita, capokelele Amaka, kabili calandile nge cingw’ena; **kabili cakwete amaka yonse icing’wena cakwete ilyo talabako. Kabili icing’wena ni “Rome,” lyonse.** E ico bushe tamulemona? Icilonganinino ca ci Roma; “ululembo,” **icilonganino caba Protestant; “icimpashanya ku ciswango,” ukupanga amaka ayo ayakapatikisha bonse ba protestant, ngo ukwampana. Imwe mulingile ukuba muli aka Kabungwe kama Chalici, nga teifyo tamwakalekwata isenge.**

Cisuma, cena cilebomba muli ulyo musango nomba. Imwe teti muye ku calichi no kushimikila kano mwakwata ikadi lye senge nangu icakwishibilwako cimo. Kabili nomba, pa bantu nga ifwe bene, tukesa putulwako ukufuma kuli cilya, capamo, cilya ni filya fine, pantu bena taba kacicite.

Kena kalekoselako. Kabili lyena ilyo ilya nshita ikesa, kabili ukutitikisha kwaisa ku cifulo uko imwe mukatamfiwa, lyena moneni ici ico ndi mupepi ukumweba. Moneni Ukutinta ukwa Citatu lyena, mwamona, kabili cikaba mucine kubaluba umupwilapo, lelo cikaba cakwa Nabwinga kabili no Lukuta.

Nomba tuli mupepi ukucila ifyo caba. Nshishibe nililali, lelo cena cituntulu nganshi, cili mupepi nganshi. Limbi kuti ndekulila icifulo ku muntu umbi ukwisamo. Limbi kuti nasendwa ilyo ilya nshita tailafika. Nshishibe. Kabili ilya nshita kuti yaba uyu mulungu uuleisa, ilyo Mupashi wa Mushilo ukesa naco...kabili no kuleta Kristu Yesu. Ena kuti aisa uyu mulungu uuleisa. Ena limbi kuti aisa ilelo mu bushiku. Nshishibe ilyo Ena akesa. Ena taletweba cilya. Lelo nalicetekela, ukutila ifwe tuli mupepi nganshi, ukuti ine nshakafwe ne cimo cabukote. [5]

Kabili ibukisheni ukutinta kwa citatu; lyatile, “Wikeba nangu umo.” Finshi ifyo nasosele cilya cali...Nibanga abaleibukisha cilya? Owe, mucine. Ibukisheni ukwiminina kulya ukwesha ukukaka ilye ntambo kuli ilye nsapato muli cilye cimonwa? **Ena atile, “Iwe teti usambilishe utunya twa Pentecostal ifintu ifya kupapusha.”**

Kabili natile **ici cikaba ukutinta ukwa citatu** kabili ta kwa keshibikwe, e ico ngafweni, ku kusenamina kwa kwa Lesa. Nomba, nomba, tuli fye kulya kwine ku nshita ya mpela nomba. **Tapakakokole nganshi mpaka icipuna ca luse cikaba icipuna ca bupingushi.** [6]

Nga mulefwaya icintu cimo ukucitika...Nomba, mulingile ukusenda ishiwi lyandi pali ici. Nga ndepanga ukucita cimo, ndeshiba bwino ukucila ukweba umuntu umo palwa cena. Te kutila ulya muntu ali no kulanda cena, **lelo Satana ali no kumfwa cena.** Mwamona? Ena teti engile mu mutima wandi palya, **ilyo lyonse Lesa aisalila cena na Mupashi wa Mushilo,** e ico cili pakati ka ine na Lesa. Mwamona? **Ena teshibapo nangu cimo palwa cena mpaka mwalanda cena, lyena alomfwa cena.**

Ndeba abantu ndi nokucita icintu cimo, kabili moneni ciwa ukuputulako umupeto onse ena engacita ukufika kulya, uku ncimfya kuli cena. **Lelo nga kuti nakwata ubusokololo ukufuma kuli Lesa kabili mwisosapo icintu nangu cimo palwa cena, lyena cintu caibela.**

Ibukisheni, Satana ali nokwesha ukupashanya. Ena ali no kwesha ukupashanya ifintu fyonse ifyo Ulukuta luli no kucita. Ena alyeseshe ukucicita. Ifwe twalimona cena ukupitila muli munkanya Kristu; lelo ici e cintu cimo ena teti apashanye. Takwakabe ukupashanya kuli ici, pantu ena tacishiba cena. Takuli inshila kuli wene ukucishiba cena. Cena kutinta kwa citatu. Ena taishibapo nangu cimo palwa cena. Mwamona? Ena teluka cena. [9]

Kabili Malaika wa kwa Shikulu alinsenda ine ukufuma kulya, kabili nalimwene **itenti ilikalamba ilikulu.** Nshatala monapo itenti lya musango filya. Kabili lyaiswile kabili lyaisushiwe monse fye na bantu. Camoneke kwati naliminine pa mulu wa

bantu, ukulolesha panshi, apo naitile fye ubwite bwa ku cipailo; kabili imyanda ne myanda ya bantu balelila no kusangalala panuma ilyo bapokelele Shikulu Yesu nga Kapususha wabo.

Kabili nalilolekeshe, kabili lyena nalyumfwile umuntu ukwiminina no kusosa, “Ita umulongo wakupepelwa.” Kabili abantu batendeke ukutantama ulu lubali, ku kwakuso ukufuma apo nalelolekesha panshi ukullosha ku ntanshi, kabili balitanteme ukufika fye kulya pa mulu no kufika mu musebo ku mulongo wa kupepelwa. Nali mwene ukwa kukuso kwandi, ico icingaba ku kwa kulyo kwandi nga nali kuntanshi, **akayanda akanono akambao**. Kabili nalimwene lulyo Lubuuto, cilya balikwata icikope ca cena, namwishiba, cilya cilaba lyonse mu kulongana; **nalimwene lulyo Lubuuto ukufuma pali ine, kabili no kuya kuli cilye cikulwa, kabili no kuya muli cilye cikulwa**; kabili Ishiwi lyatile kuli ine, “**Ndino ku kumanya mulya; cilya cili no kuba ukutinta kwa citatu.**”

Natile, “Cinshi?”

Ena atile, “Cisuma, **cena tacakabe icilangisho ca cintu bwingi nge cibiye.**” Kabili naishile ukucita. **Ndi uwakutotela nganshi kuli Lesa pali ifi fintu.** [10]

Mwamona, ningile nakwata ilye myumfwile, mwamona, pa mulandu ninjishiba kuli umo kunse kulya ushilaisamo na nomba. Kabili ndi nokuloba mpaka...Ena atile, mpaka ilye sabi lyakulekelesha lyaikatwa. Ndefwaya ukucita cilya.

Nomba, kabili mu kucita ici, **ndeenekela icintu cimo ukucitika mu kulongana kwa mapepo**. Kabili mwebengi imwe muleibukisha **icimonwa ca Kutinta ukwa kulekelesha, kulyo Kutinta kwa Citatu**, ntile. Muleibukisha, kwaliko icintu cimo icacitike ilyo takulaba cilya: nalimwene lulyo Lubuuto ukwisa no kuya muli ilye ncende, kabili atile, “Ndi no kukumanya mulya.” Nomba ndelolela icintu cimo ukucitika. [11]

Shikulu nga suminisha, tuli nokuba kuno, ukupepela umuntu onse. **Pa mulandu, ndeumfwa ukutila kulya ukutinta kwa citatu kuletendeka ukusela**, mulemona, **mukati ka ine. Ndefwaya ukupepela umuntu onse.** [12]

Nomba, ici apa icintu cimo. Lolekesheni mupepi. Kuliko ubupusano pakati ka kwa Malaika wakwa Shikulu na lulyo Lubuuto, pa mulandu nalyumfwile icintu cimo cileenda, nge fyo cicita ilyo ciisa kuno ku cintamba mu bushiku, icapala nga “whew” kabili ngo mulilo ukushinguluka shinguluka—ulubuuto ulwabalikisha. Kabili Lwafumine pali ine, kabili lwaile fye palya pa mulu wa lilye bumba no kuya **kabili lwaliiminine pali kalya ka kulwa akanono, kabili lyena lwalikele pa mulu wa cena**. Kabili lyena ilyo Lwena lwacitile, uyu Umo uwaimininine ku lubali lwandi, kunuma yandi, ishiwi limo line, ishiwi lyakwa Malaika, Ena atile, “Ndi no ku kukumanya mulya, kabili uku e kutinta kwa citatu, lelo takuli nangu umo ukeshiba nangu cimo palwa cena.”

Kabili natile, “Cisuma, nshileiluka mulandunshi mulya. Mulandunshi mulya?”

Ena atile, “Cena tacakabe icilangisho ca cintu bwingi ino nshita.”

Kabili natile, “Nshileiluka ukuya mulya mu muputule, nga filya.”

Kabili Atile, “bushe tacalembwa kuli Shikulwifwe, ‘ilyo mulepepa, mwiba nga ba bumbimunda abo aba fwaya ukumfwika ku cinso ca bantu, lelo ingileni mu muputule wa mu bumfisolo no kupepa kuli Shinwe Uyo umona mubumfisolo, kabili Ena Uyo umona mubumfisolo aka mulambula palwalala?’” (Mateo 6:6-8).

Cena cintu capwililika na Malembo; cila nshita efyo caba.

Kabili natile, “Ndeiluka.”

Elyo Ena alintwele kuli ilye ncende no kumbika muli ici cipinda umo naikele, elyo Ena alinjebile ifyakucita umuku wa citatu.

Nomba, mwe fibusa Abenakristu, ilyo nkafuma pali ili sonde, ukutula cilya cili nokuba nalyo line mu mutima wandi. Lelo lembeni ifyebo fyandi ilyo cilya cikacitika ilyo cilya...

Kabili ukulingana ngefyo naishiba, **ukutula icimonwa icili conse ico Ena atala ukumpela califikilishiwa, kano fye ici cimo ukutula muli ukupilibula muli bukapyunga bwandi, uko ndi nokupepela abantu mu kancende akanono nga akapinda akanono mwi tenti, nangu icikulwa icikalamba atemwa icintu cimo.** Camoneke, kuli ine, nge tenti. Muleibukisha cilya? Mupepi fyonse fya cena fyaishile nailishiwa. Ukucita fye ifyo anjeba ukucita no kufileka. [13]

Nomba, cilye cabupe icikalamba! Bambi balyesha ukulondolola no kusosa ifyo cacitilwe. Ici teti cilondololwe. **Loleleni fye. Cena tacakulabomba mukupwililika nomba. Loleleni mpaka kalya akabungwe ka ma chalici kakalete ukupakaswa, lilya elintu cikacitika.** Ulya e mulandu wine naishilebwela pakati kenu, ukupepela abalwele. Nshatala kwatapo kano icintu cimo ico Ena atala ukunjeba mu bumi bwandi ico naishiba ukutula tacatala ukucitikapo na nomba, ukutula icintu cimo icapala nge cikulwa nangu itenti uko kukaba akakulwa akanono akapangwa kabili nalingile ukuya muli cilya no kupepela abalwele. **Cilya tacilacitika na nomba ukulingana ngefyo naishiba. Cilya e cintu fye ceka ico naishiba.** [14]

Ilyo Kristu Yesu alepangwa muli Maliya, lilya e lintu ukupakaswa kwaishilemo. Cilya cishinka. Cilya cishinka. Lilya e lintu ukupakaswa kwakwe kwatendeke.

Kabili caba icintu cimo cine muli imwe. Abena Galatia 4:19, itila ukuti, “ilyo Kristu (isubilo lya Bukata) alengwa (Abena Kolose 1:24-29), **alengwa muli imwe.**” Kristu alelengwa muli imwe, **ilyo mulefwa kabili Kristu aleisa ku Mweo. Moneni ukupakaswa ukwisamo, moneni ubwafya ukutendeka pa cifulo conse, moneni Kasebanya ukuya ukuya mu konaula, mucine, ilyo Kristu alelengwa muli imwe.**

Kabili ilyo Kristu alelengwa muli Maliya, bwangu bwangu kwaishile ifunde lya mfumu, “Imwe bonse mwe bantu!” **Kristu aleisa mukuba akanya akatuntulu, uwaiteyanya ukupokololwa, lilya line ukupakaswa ukukalamba (Mateo 2:1-18).**

Nomba akanya kalilengelwe inshita iitali, iitali, munda. Lelo ici cileisa mu nshiku shakulekelesha, **ilyo ubutuntulu, ilyo umwisulo wa mutwe wa Bulesa, ilyo umwisulo wakwa Kristu, ali no kulangishiwa pakati ka bantu Bakwe.** Ena efyo asosele, Ena ali laya cena mu Cebo Cakwe. Kabili ilyo ulyo umwisulo, mulemona, kuliko ifintu ifyaibela filetendeka ukucitika, ifyo Ena alaile. Ulya e mulandu wine ubumi bwesu ubukalamba ubwamangalo ne fintu teti beluke filya, Fyena fyabuwelewele kuli bena. **Nomba moneni, bena balepanga Akabungwe ka ma Chalichi, mwamona. Inshita fye ilyo Lukuta lutendeka ukwima pa nkasa sha luko, uko Icakupapusha ciletendeka ukubomba, nomba bonse baile mwi bumba, kabili nomba bali nokwesha ukukanya ifi fintu. Filya fine fye ngefyo cali liya.** [15]

Kabili umwaume uyo uwakwata Umupashi wa kwa Lesa muli wene, nangu umwanakashu, ekala cilye Cebo, ekala fye mulya muli fyena. Kulya e kutunta kwa mutima, abalingilwa libela, pantu Icebo cakwa Shikulu ciisa kuli bena, **kabili bena baba Icebo ku bantu.** “*Inkalata ishalembwa ishibelengwa na bantu bonse.*” (11 Abena Korinti 3:1-6). Bushe cilya cishinka? **Bushe Ukutinta kwa Citatu epo kuli?** [16]

Takwaba ukutwishika nakumbi mu mano yandi. Naliishiba ifyo Kutinta kwa Citatu kwaba, kabili naliishiba ifyo kucita. Nomba peleni umucinshi, beni fye tondolo, ora ili no kwisa ililine ilyo Lesa ali nokutucitila ifintu fimo ifikalamba. [5] Imwe teti mwipaye Bukapyunga. Bulatwalilila. Imwe kuti mwabika inkombe mukulala, lelo teti mubike imbila. Cisuma. Ena alitwalilile ukubapo. Kabili moneni ilyo Ukutinta kwa Citatu kwa bukapyunga Bwakwe kwaisa. **Icantanshi cali ukundapa abalwele. Icacibili cali ukwebaula utubungwe, kabili no kusesema; ifyo bena bacitile, ifyo bena bali, kabili na filya ifyali no kwisa. Ifyo ifyali, ifyo ifili, kabili nefyo ifikesa. Cilya e co Ena acitile. Bushe cilya cishinka?**

Lelo Ukutinta Kwakwe kwa Citatu ni lilya ilyo Ena ashimikile ku baluba abo abashinga pusushiwa nakabili... Ashimikile ku myeo iyali kumbo, ilya ishasumine uluse, lelo balipatwilwe Umuyayaya ukufuma mu Mulola wakwa Lesa. Lelo nomba baishile ishiba cena, ifyo Ena ali, pantu Lesa amulengele Wene kulya.

Ndesunguka nga cakutula bukapyunga Bwakwe bulenina umusango umo wine mu nshiku sha kulekelesha, ngefyo bwali? “*Nge fyo Tata antuma, efyo naine ndemutuma. Imilimo iyo ncita naimwe mukacita.*” (Yohane 14:22). Abaluba, tabakatale pusushiwa. Bena balikene uluse. Cilya cali Ukutinta Kwakwe kwa Citatu.

Nomba bushe kuliko ilipusho ilili lyonse? **Ukutinta Kwakwe kwa ntanshi, Ena alyundepe abalwele. Bushe cilya cishinka? Bukapyunga Bwakwe bwa cibili, Ena alesesema. Bukapyunga Bwakwe bwa citatu cali ukushimikila ku baluba Umuyayaya.**

Bukapyunga Bwakwe bonse, bwacitile cimo cine. Noah alishimikile. Ena aingile mu bwato. Kabili ilyo ena aingile mu bwato, kwaliko inshiku cinelubali isho takwali nangu cimo icacitike. Ubunte Bwakwe bwashimikile kuli balya abaleonaika. Sodoma na Gomora! Yesu asontelele kuli shonse ukuti shikesa. *“Ilyo Umwana wa muntu talaisa, eflyo cikaba na munshiku shakwa Noah, eflyo cikaba nga mu nshiku sha Sodoma.”* Ena asontelele kuli Noah (Luka 17:26-30).

Lelo, ibukisheni, inshita yonse iyi, **Noah ali mu bwato. Nabwinga alikakatikwa mukati na Kristu, icilundwa ca kulekelesha nacilubulwa. Icikakatikilo ca mutanda naciilangisha icine. Icikakatikilo ca cinelubali cile mubwesha Wene pe sonde. Umwana wa mpaanga aliishile no kusenda Ibuku ku kwa kulyo kuli Wene, kabili alikele no kupoka ifyo Ena akwete, ifyo Ena alubwile. Cilya cishinka? Cena lyonse caba ni kulyo Kutinta kwa Citatu.** [16]

Imwe mulecetekela, pa mulandu wa fyebo ifyalandwa ne fintu nga filya ifyo Ena asoselepo. Kabili imwe bonse pano mwalimona utupale kabili ne fi fyonse fintu ifyo ifyacitwa. Lelo bushe mwalimona, cilya capelwe fye mu Kuitemenwa. **Nshatalile ipusha Wene, “Shikulu, lekeni ncite ci, ukulanda ifi fintu nga filya, ukucita ifi fintu kulya” nshatalile ipusha Wene cilya. Ena bufwayo Bwakwe umwine ubwa Bulesa akesa kuli ine no kusosa, “iwe kabiye kacite ici.”** Mwamona? Nshaipwishe icintu cimo palwa cena. Mose tatalile ipusha ukuya kulya ku Egypt, lelo ali ni Lesa uyo uwa mutumine ukuya kulya ku Egypt. Mwamona? Takuli nangu umo, nangula Yesu Umwine atile, *“Umwana teti acite nangu cimo mu Mwine, kano ifyo amona Tata alecita, filya eflyo no Mwana acita.”* (Yohane 5:19). Ifwe twaliishiba cilya? [17]

Kabili ibukisheni nomba, cali ni ulya umo wine Ena. Cali ni Ena uwatile, muli Yohane 14:12, *“Uyo uwacetekela muli Ine, imilimo iyo Ncita nao akacita.”* Bushe cilya cishinka? **Cali ni Ena uyo uwasosele.**

Cali ni Yesu, muli Marko 11:24, uyo uwasosele, “Nga mwasosa kuli ulu lupili,” tacili nga mwapepa kuli ulu lupili. “Nga mwasosa kuli ulu lupili, ‘Sendwa’ kabili tamutungenye mu mutima wenu, lelo mwacetekela ukuti ico mwasosa cikamucitilwa, imwe kuti mwakwata ico mwasosa.” Nomba imwe, nga mwasosa cena mukutunganya fye, Cena teti cicitike. Lelo nga icintu cimo muli imwe, ukuti imwe na musubwa ku mulimo, kabili muli nokwishiba ukuti cena bufwayo bwakwa Lesa ukucicita, kabili muli nokusosa cena, cena cilingile ukucitika.

Cali ni Ena uyo uwasosele ici. “Nga mwaikala muli ine, kabili ne Fyebo Fyandi fyaikala muli imwe, lombeni ico mulefwaya kabili cikamucitilwa.” (Yohane 15:7).

[18] *Yohane Washila 1:1 “Mu kutendeka mwali Cebo, ne Cebo cali na Lesa, kabili Cebo ali Lesa. Kabili Cebo calengelwo buntunse no kwikala mukati kesu...”* Lesa aikele na ifwe mu mubili. Ena ali Cebo.

Ilyo tacilaba Icebo cena litontonkanyo, kabili itontonkanyo lilingile ukulengwa. Cisuma. E ico amatontonkanyo yakwa Lesa yaishileba ifyalengwa ilyo yalandilwe ne cebo. Lilya e lintu Ena apela cena kuli imwe nge tontonkanyo, amatontonkanyo Yakwe, **kabili yena yalasokolwelwa kuli imwe, lyena licili litontonkanyo mpaka mwalanda cena.**

Ulya e mulandu wine Mose aile mu kupepa (ilya Ntumba ya Mulilo ukumushinguluka) kabili Ena atile, “Kabiye, sonta inkonto yobe ku kabanga no kusosa, ita lunshi.” Takuli ba lunshi, lelo aliile no kwikatilila inkonto kulya no kusosa, “Napabe ba lunshi.” Takulati kube balunshi na nomba. Alibwelelemo, lelo Icebo, **itontonkanyo lyakwa Lesa nalilandwa kale. Cena Cebo, nomba cilingile ukucitika.**

Nomba, bushe tamulemona palya Yesu asosele? “Nga mwasosa kuli ulu lupili (tacili nga Ine kuti nasosa cena, lelo) mwasosa kuli ulu lupili, ‘Sela’...” kabili icintu cakubalilapo, ndemoni, mu nshita ya kwa Mose, umukulu lunshi uwa green uwakale atendeka ukulila, kabili panuma yakashita bali amapaundi yasano cila lutamfu. Mwamona? Nikwisa uko afumine? Lesa alibalengele. Bushe tamulemona?

[19] “Cinshi ulelilila kuli Ine? Cinshi ulelila kuli Ine, ilyo nashininkisha ukuba na iwe? Bushe nshundapa abalwele benu,” Ena kuti asosa? “Bushe nsha mweba ifintu ifyo ifya citike filya fine fye? Kacema wenu teti acite cilya. Ine! Ena teti acite; ena muntu. Cena nine, Shikulu,” cilya kuti Ena asosa. “Nine Wine ne wacitile ici. **Nine Wine ne umweba ifi fintu ukusosa. Te ena. Lyena Lishiwi Lyandi.** Nine wine ne ubusha abafwa benu nga bapona. Nine Wine ne undapa abalwele. Nine Wine uyo ulandila libela ifi fintu. Nine Wine ne upususha. Nine Wine newapele ubulayo.”

Lesa, mpeni ukushipa ukusenda lulyo Lupanga lwa Cebo ulu Ena abikile mu kuboko kwandi nalimo imyaka iyapitapo amakumi yatatu na fitatu, kabili njikatilile Lwena **kabili no kuya pantashi ku Kutinta kwa Citatu, e pepo lyandi.** [18]

Cena cili ipalo ilya wamisha no kwishiba Shikulu Yesu nga Kapususha wesu, kabili no kumwishiba Wene nga Kondapa wesu, kabili ukulolela pali Wene ukwisa nge Mfumu yesu ukupampamika Ubufumu pe sonde, ukuti tukesha teka no kwikala Nankwe imyaka ikana limo, umuyayaya ukuba Nankwe.

Kabili nali mwebele inshita iyafumako muno kwaliko bukapyunga bupya ubwaleisa. Nacilanda na bamo ba munyina ilelo, kabili nacilabeba pali ico icacitike. Ibukisheni fye, ilya yali ni nshita yakubalilapo nali kuno, muleibukisha Shikulu alinjeba ukutula icintu cimo cali nokucitika: **ukupilibulwa muli bukapyunga cali citike.** Atile icintu cimbi cili no kucitika, kabili cali citike.

Nomba, kuliko na cimbi icapulamo, icapulishamo nganshi ukucila ifyashala fyonse ukubikwa capamo, icashininkishiwa kale kabili icateyanishiwa. Ndesubila cilecitika muno bushiku. Kuti limbi nasosa fye cilya. Nshikwete inshita ukulondolola cena kuli imwe, lelo ba munyina abo abaishiba palwa cena, cena caliwama. Kuti caba icintu cimo icikalamba ku bantu. **Kabili ndetotela kuli Lesa ukutula ora ili mupepi (ndecetekela cena), ilyo Lesa ali no kwafwilisha abana Bakwe. Maka maka, cikaba kuli balya abashinga kwata icitetekelo ukwiminina no kwikatilila kuli Lesa ngefyo balingile ukucita. Ndecetekela Shikulu aleshininkisha inshila kuli ifwe nomba ukusakamana nabo bene.**

Bamo benda fye mu citetekelo icakutula bena kuti bafikapo fye no kupokelela icili conse. Cinshi, cilya citetekelo cikalamba. Bamo muli bena balikwata icitetekelo ngo luseke lwa lubanga, kabili balingile ukulolela inshita iitali nganshi ukuti bapite. **Ndecetekela Shikulu alepangila inshila balya bantu nomba. Kabili nshishibe ilyo cikaba, lelo cikaba. Mucine fye ngefyo njiminine pano, cikaba.** [20]

Ici cileisa mu Kutinta kwa Citatu! Ndecetekela cena. Nomba ndefwaya ukumwipusha ilipusho lya bufumacumi, imwe mwebapita mu mulongo wakupepelwapo. Bushe imwe mucine kuti mwacetekela, no kumfwa nomba, kwabako icintu cimo icacitika muli imwe ilyo mwakwete indupi ukubikwa pali imwe? Imyeni amaboko yenu! Ico icili apo. Ici ni cilya ico twalolelapo. **Ici ciletendeka fye ukupuka nomba.** Mwamona? Nalicitile ici pe pange. Ndebomba icintu cimo, mwamona, cilesenda uku kubomba kwa citetekelo no kuya ukubwelelamo fye kunuma ukutendeka no kwingilamo; mwamona, ukuba ngo kwimya icitetekelo mu cifulo cimo uko tamwatala monapo cena ulya ulya musango. **Te citetekelo, lelo Icitetekelo Icafikapo, ukukulwa pa mulu apa umu. No kumona Lesa uwapwililika, no mutima uwapwililika, ukusunga ubulayo ubwa pwililika, ku Cebo Cakwe icapwililika, ico icaba icaluma ukucila ulupanga ulwatwila kubili kubili kabili kalingulula wa matontonkanyo ya mutima. Cinshi? Ifwe tuleisa nomba mu kupwililika, pantu abantu balingile ukwisa kuli ci pa mulandu wa Kusendwa. Cilya ecilecikanya ino ine nshita, cili ukulolela lulyo lukuta ukwisa muli cilye citetekelo ca Kusendwa ica Fikapo. Ukulolela Cena. Cilepilibula ukusangululwa nganshi kuli ine, cilepilibula ifingi kuli imwe, lelo pamo tuli nokucicita ku kusenamina kwa kwa Lesa. Amenii.** [21]

Nomba, ifwe tulolekesha kuli iyi nkoloko, ukusanga ninshita nshi. Kano fye akacela akali konse muli ilye nkoloko kaleyampama, kamo na kabiye, ifwe tatwakatale ishiba inshita iyalinga. Bushe cilya cishinka? Kabili cilya cilasenda ifwe bonse, capamo, **nga tulefwaya ukumona Ukutinta kwa Citatu ukucita icintu cimo cakwa Lesa, cena kwampana cila umo uwa muli ifwe capamo, ukuipetamika fwebene kuli Lesa no kuyebelela ifilubo fyesu, no kupepa no kucetekela Lesa pali ifi fintu.**

Ine mucine ndecetekela **ukutila Lesa takatale bika Umupashi Wakwe mu cishashila, ukukana lungama, itempile ishinakila.** Iyo. Cilingile ukwishila mu musango uwakusangulula kwa imitima yesu ukufuma ku bucenjeshi bonse na mampulu, pakutila twingaba abasanguluka kuli Lesa, pakutila Ena engabomba Uwakwe uwasanguluka Mupashi wa Mushilo ukupitila muli ifwe, ukuleta ifi fintu ukufikilishiwa. [11]

Ndepepa ukutila muli no kupususha cila umo, Shikulu. **Lekeni kwise ukupuputulwa ukwaba lungami, kabili na Maka ayakalamba yakese pakati ka Lukuta ilyo lweni Talulaya.** Tacili icakosa ukupepa cilya, pantu Imwe mwalilaya cena. **Kabili tulelelela, Shikulu, pali kulyo Kutinta kwa Citatu uko twaishiba uko ukukacita ifintu fikalamba kuli ifwe mukati kesu.** [22]

Umwakumona:

[1] “Ifyakwishiba” (52-0726), par. E-67

[2] “Abo Abasubwa Mu Nshita Yakulekelesha” (65-0725M), par. 262

[3] “Bushe Ici E Cishibilo Ca Mpela, Mukwai?” (62-1230E), par. 390-394

[4] “Ni Cinshi Iciletemuna Pa Mulu” (65-0725E), par.27

[5] “Lolelekesheni Kuli Yesu” (63-1229E), par. 62, 38-51,181

[6] “Amepusho Na Masuko Pa Mupashi Wa Mushilo” (59-1219), par. 17-23, 77-78

[7] “Ukufimbulwa kwa Kwa Lesa” (64-0614M), par. 67

[8] “Umushi Wakuntanshi” (64-0802), par. 526

[9] “Icikakatikilo ca Cinelubali” (63-0324E), par. 285-291, 299-312, 258-260

[10] “Mulandunshi Abantu Basunkanishiwa Uku No Uku” (56-0101), pg. 6

[11] “Ipetamike We Mwine” (63-0714E), par. 21-22, 74-75

[12] “Musangonshi Ninga Cimfya” (63-0825M), par. 31

[13] “Icimonwa Ni Cinshi” (56-0408A), par. 133-137

[14] “Icebo Cakwe Icishifilwa Icabulayo” (64-0120), par. 138

[15] “Twalimona Ulutanda Lwakwe Kabili Twaisha Mukumupepa” (63-1216), par 110, 113

[16] “Imyeo Ili Mu Cifungo Nomba” (63-1110M), par.343, 277-284, 347

[17] “Amepusho Na Masuko” (64-0823M), par. 158-162

- [18] “Cinshi Uleli? Sosa!” (63-0714M), par. 287-289, 307- 308
- [19] “Icikakatikilo Ca Citatu” (63-0320), par. 97-102
- [21] “Witina, Nine” (60-0305), par. E-2
- [21] “Icitetekelo Icafikapo” (63-0825E), par.184
- [22] “Ukupelo Mulandu” (63-0707M), par. 391-392

Imibele Yakwe Ilingile Ukupangwa

Abena Roma 8:28-29, “ Awe twaishibo kuti abatemwa Lesa, abaitwo umwabela ukupanga Kwakwe. Ifintu fyonse fibombelako capamo ku kuletako ubusuma, pakuti abo aishibile libela, no kulinga abalingile libela ukuti bakabe abapalana ne cipasho ca Mwana Wakwe, ukuti wene akabe ibeli muli ba munyina abengi.”

Nomba, Yesu atupele Icilangilangilo ifyo tulingile ukulolekeshako, ilyo Ena alangishe Ubumi Bwakwe kuli ifwe ukupitila mu Cebo, ifyo tulingile ukumona. Ilyo twalolekesha mu cilola cakwa Lesa, **tulingile twaimona fwebene ukwishibilwa pamo Nankwe. Cilya Cilangililo icafikapo.**

Nomba, lelo tulesanga ukuti, ilyo tuleenda mukati ka bumi, **ukutula imibele yesu ipanga icipasho ico twaba.** Cila muntu aliishiba cilya. **Imibele yenu ila mupanga ifyo mwaba. Nomba, imwe mwalimona abantu abo mwatemwa ukuba nabo,** lelo nomba teti babe filya fine mumikalile yenu yacina bwingi. Kabili, nakabili, limbi kuti baba aba mutundu uwa pusana, abasweshi, nangu abakashikila, nangu aba mutuntula. **Lelo kwaba fye icintu cimo pali ilye mibele, iyo mwatemwa fye ukuba mu mulola wabo.** Pantu cila muntu aba ici bombelo icabo abene, **kabili mulabika imyumfwile.**

Kabili lyena mulamona abantu abo abali abantu abacindama, lelo nomba lyonse mulaba abansansa ukutaluka kuli bena. Caba fye ni bena balalenga ilye myumfwile ukushinguluka pantu muli. Takuli nangu cimo icakubasusha, bena bantu abasuma, lelo imwe tamwatemwa fye ilye myumfwile, bena balimo. **Kabili imibele yabo ilalenga fyonse ifyo baba, ilabalenga ifyo bena baba.**

Nomba, ne Mbila yesu, bushe kuti twaiminina pa cilola cakumwenako ca Cebo cakwa Lesa no kumona Kristu ukuilangisha mu bumi bwesu fwebene lyena? Bushe kuti twashipikisha ifi, kabili no kusebana kwa Mbila iyo twaimininako nayo pano? Umuntu umo kuti asosa icintu cimo palwa Cena. **Lelo nomba imwe tamwisula fye akanwa kenu** no kukana sosapo nangu cimo palwa cena. Ena ali icilangililo, pamulandu Lesa alalangisha imibele

Yakwe muli Wene (1 Petro 2:21-24). Kabili lyena nga tuli bana baume na bana banakashi bakwa Lesa, **Lesa alalangisha imibele Yakwe muli ifwe, lyena tulesa mukuba nga Wene.** Kulya ekukabila kwa mutima wandi. Ndetontonkanya kulya e kukabila kwa wacetekela onse, cili ukuba nganshi nga Wene (1 Yohane 3:1-3).

Owe, takuli icifyalilwa cimbi icingacita ici. Iyo. Pa mulandu, **Ena ali ukupangwa ukwamibele iyafikapo iya kwa Lesa.**

Pantu, cali imibele iyawa iyo ifya cifyalilwa fyonse fyakwete (Abena Roma 3:9-12). **Bonse abantu balikwete imibele iyawa.** Nangula ifintu fyonse ifyali pesamba lya muntu fyaliwile. Ifintu fyonse fyalikwata **imibele iyakufwa.**

Kabili Ena alikwete **imibele ya mweo**, e co Ena alangishe cena muli Kristu, kabili Ena alipile amalipilo. Kabili lyena pa mulandu wakunakila Kwakwe, Ena alibushishe Wene pa bushiku bwalenga fitatu. Mwamona? Cilya cilepela kuli ifwe icishininkisho. Cena cilatupela ifwe ukushininkisha, ukutula, **ilyo lyonse tuli muli Wene**, ifwe twalibuka kale pamo Nankwe (Abena Efese 2:4-7).

Ifwe twalilalikwa ukupanga imibele yesu fwebene ku Yakwe, ku kusenamina Kwakwe. Ifwe natulalikwa, tontonkanyeni pali cena, ukuba aba mibele nge Yakwe. Nga tuli abaiteyanya ukufumyapo imibele yesu (Abahebere 12:1-3), kabili ukupangwa uko twakwete, “Bacintalika, abatumikwa, abatemwo kwangala ukucila ukutemwa Lesa, abalwambo, ababulo kuiteka, aba shatemwa ubusuma, abakwata imimonekele yabuka pepa no kukana amaka ya Cebo.” (11 Timoti 3:1-5).

Ifwe tulingile ukusenda yonse, Imbila nsuma yonse. Tulingile ukucita. Kabili nomba, pakuba ukutula natu ilangisha fwebene nga abantu aba Mbila nsuma yonse, **lekeni tupange imibele yesu.** Ifwe twalilalikwa ukupangwa **mu Cipasho Cakwe, pakutula twingalangisha Umulola Wakwe.** “Kabili imilimo iyo Ncita, na imwe mukacita (Yohane 14:12). Umweo uo njikala, efyo na imwe.” Ifwe twalilalikwa, na Lesa, **ukusenda Wene nge cilangililo, no kuleka imibele yesu ukupangwa nge Yakwe.** Ifyo caba icintu!

Lyena, ilyo twaleka imibele Yakwe ukuba muli ifwe, lyena tulaba abana, pa kukwata **umutima wakwa Kristu, ico caba imibele Yakwe. Umutima wenu ulapanga imibele yenu.** Paulo atile, “**uyu mutima uwali muli Kristu, ube muli imwe.**” (Abena Filipi 2:5-11). Cilapanga imibele ya mwana wakwa Lesa.

Ifwe tulefwaya ukulenga iyi Baibele ukuba icilola cesu icakumwenako (11 Abena Korinti 3:18), **no kuleka ifwe bene tupangwe ne mibele Yakwe;**

ukukwata imibele Yakwe, umutima Wakwe, ukuleka umutima uyo uwali muli Kristu ukuba muli ifwe.

Ni finshi ifyo mutima Wakwe wali nokucita, umutima uyo uwali muli Kristu? **Iyonse ukwikala ne Cebo cakwa Tata**. Te mulandu ifyo ifya moneke bwino, ne fya moneke uyu musango, tacapangile ubupusano ubuli bonse kuli wene. Icebo cakwa Tata eca pendelwe. Ukuli konse, ilyo Ena akumenye Kasebanya, Ena tatalile bomfya amaka Yakwe ukumucimfya. **Ena abomfesho Icebo, pa mulandu ulya ali ni Wene**.

Bushe mwalitala ukutontonkanya? Ena tatalile lemba Ibuku ilyo Ena ali pe sonde. Ukulingana fye ngefyo twaishiba. Ena tatalile lemba kano inshita imo. Cilya cali pa musensenga (*Yohane 8:2-11*). Lyena alifutile ukufumyapo cena, nalimo, panuma. Mulandunshi Ena alembele icebo? Pantu Ena ali Cebo. Mwamona? **Ena aikele Icebo**. Ifwe tatufwaikwa ama buku ayengi nganshi, ilyo twaba inkalata ishalembwa isha kwa Lesa (*11 Abena Korinti 3:1-3*). Cilya eco Lesa afwaya imwe ukuba, ifipasho Fyakwe.

[1]

Kabili efyo no Lukuta lukapita mu kulungamikwa, Ukushishiwa, Ulubatisho lwa Mupashi wa Mushilo (ukubwekesha kwa fya bupe), **ukuya fye mulya mwine mu capangwa icipasho cakwa Kristu. kristu ni Shibwinga, Ulukuta ni Nabwinga, kabili Nabwinga aba icilundwa cakwa Shibwinga**. Cena cilingile ukwisaba **Ulukuta lwa Cebo**, te lukuta lwa cilonganino. Lukaba Ulukuta lwa Cebo, Icebo ico icalengwo ukwishibikwa, kabili na ku Cebo cakwa Lesa ica shininkishiwa. [2]

Lesa apitile muli Wene ngefyo umwela wingapita mu cikulwa, nangu nga amenshi yalepita mu mulonga. Ena ne Cebo pakuba Umo. **Takuli imibele naimbi ikacicita, pantu Ena ewali eka fye uyo uwafyelwe ukwabule imyumfwile**. Bonse abashala muli bena cali ukukabila kwa kukumana, ku myumfwile. Ena afyelwe ukwabula imyufwile ya kukumana. Ena alifyelwe kuli na cisungu (*Luka 1:26-38; Esaya 7:14*).

Lesa ailangishe Umwine ngefyo twaba. Ena asendele imibele Yakwe, ifyo Ena ali, imibele Yakwe nga Lesa, kabili afungulwile icakwikalamo Cakwe ukwisa pano no kwisaba umuntunse. **Ena ali ilengele Umwine ihema, umubili uwa kwikalamo, kabili ulya mubili wishibikwa nga Yesu. Lesa aikele muli Kristu (11 Abena Korinti 5:18-19)**. Mwamona, **Ena aishileba umuntunse, pakutila engatupususha ifwe**. Kabili Ena asendele icipasho cesu pali Wene (*Abena Roma 8:3-4*), **pakutila Ena engapanga muli ifwe imibele Yakwe**.

Kabili Imibele Yakwe yali, ukutula acitile fyonse ifyo ifya temwine Lesa, kabili Ena aikele ne Cebo. Cilya eco Ena atufwaile ifwe, twalikele

ne Cebo cakwa Lesa, ukusanga icifulo cesu, kabili lyena ukwishiba epo twabelele. Ikaleni ne Cebo Cakwe! Kabili, tontonkanyeni pali Cena, ifwe tutelelikwa ukupanga imibele yesu fwebene ku Yakwe. Nomba twalasanga ifyo twacita. Ukupanga imibele yesu ku Yakwe Umwine, ku Mupashi Wakwe Umwine. Lyena ifwe, kuli Wene, nga abana bakwa Lesa, pa kukwata umutima Wakwe muli ifwe, **ukupanga imibele yesu ku Yakwe**, umutima Wakwe. “Lekeni umutima uyo uwali muli Kristu ube muli imwe.” Nga ulyo mutima uli muli imwe, lyena, mulemona...

Ena acitile fye cilya icatemwine Lesa. **Ena aliishibe ifyo Ena ali**. Ena aliishile, Umwana wakwa Lesa. Ena aliishibe Ena ali nokusenda cilya icifulo. Imibele Yakwe yalingile ukuba muli ulya musango. Elyo kabili lyena ilyo Ena, pa kusenda ici cifulo, Ena aliishibe ifyo Messiah alefwaikwa ukuba, kabili Ena lyonse alefwaya Lesa ukucita filya fintu, **kabili tacitile nangu cimo mpaka Tata alangishe Wene**.

Nomba nga mwasanga icifulo cenu, nkashi, wileka ine nkumfwishe ububi, nangu munyina, **lelo muli no kusanga icifulo Cenu mu Cebo, ngo Mwinakristu**. Te filya ifyo icisumino casosa; cilya cili uku lubali muli aya maluti aya mfuti ayali nokonaika. Mwamona, imwe mulasanga icifulo cenu ngo Mwinakristu, **pantu imibele yenu ya pangwa nge yakwa Kristu**. Imwe muli Zoe umusango umo wine ngefyo Ena ali Zoe. Lyena nga Baibele yasosele ku “umwanakashi talingile ukubeya umushishi wakwe,” “Musangonshi mwinga cicitilamo? (1 Abena Korinti 11:1-16). Yena itila “umwaume e mutwe wa ng’anda,” musangonshi imwe mwe banakashi mwingaba? Bwafyanshi naimwe mwe baume abo abaaba abana bakwa Lesa? Mwamona, imwe tamusanga icifulo cenu. Imwe muli abalalikwa ukwisa no kusenda imibele Yakwe. **Pakukwata imibele Yakwe muli imwe, ilamupanga imwe mu mutima umo wine uo Ena ali, kabili umutima Wakwe wali ukucita ifyo Tata amusontele Wene ukucita**.

Ena atile, “Mufwaya mu Malembo. Yena yapela ubunte pali Ine (Yohane 5:39-40). Mu mashiwi yambi, “Nga nshilecita filya fine ifyo Amalembo yasosa ukuti ningile ukucita, lyena Nangisheni nipesa.” [3]

Imwe teti, tapali inshila, ukutala ukuleta Imibele nga ilya; **kano fye, ukupokelela ilye Mibele muli imwe**. Ulukuta teti Lucite cilya. Icisumino teti cicite cilya. Icilonganino teti cicite cilya. Amasambililo teti yacite cilya. **Cena cilingile ukuba Ukufyalwa (1 Petro 1:23)**. Cilingile caba ukufwa, no kuleka Lesa ukwisamo, ku kusenamina kwakwa Kristu, **ukupanga uyu musango wa mibele muli imwe, pakutla mwingaba Wene, kabili ubumi bwenu no Bwakwe buli cimo cine**, lyena mulaba abana baume na bana banakashi bakwa Lesa. [1]

Ulubembu lwali yemba ku menso ye sonde, lelo Lesa tamonekela mu kuyemba kwa musango filya. Bushe mwaliishiba cilya? **Lesamonekela mu mibele, mu mibele iyawama.** [4]

Nalelanda pa mwaume ukuisalila umwine umukashi, “**Cena cilangisha imibele Yakwe na mapange yakwe.**” Ilyo ena asenda umukashana ukuba umukashi wakwe; ena alasenda, namwishiba, umukashana wa nshiku shipya uyo uwaba Cintomfwa uwaseka, cilangisha fye ifyo ena aba...Nga ena aupa namfumu uwaemba nangu namfumu uwabulalelale, fyonse ifyo cili, cilelangisha iyakwe, **ifyo ifyaba mucine mu mwaume.** Lelo Umwinakristu, **ena alolekesha ku mibele mu mwanakashi,** pa mulandu ena akwete amapange ya ng’anda ya kuntanshi na ulyo mwanakashi. Ena alasenda uwakukule ng’anda. Kabili natile, “Lyena, Kristu, ukulingana ne Cebo Cakwe pano, alatweba ifyo **umushi wesu wa kuntanshi ukaba (Yohane 14:1-3).** Mukashi wa musango shani Ena akesa sala lyena, cilende uwa mu cilonganino? Takatale! **Ena akasala umwanakashi uyo uwakwata imibele ya Cebo Cakwe, kabili ulya akaba ni Nabwinga.**” [5]

Lelo, namwishiba, mulingile ukupekanya, lolesheni, pepeni, ilyo mulesala. Pantu, tulemona, kuli ici, Icebo ca bulayo. Wene, nabwinga uyo umwaume engasala, ali nokulangisha **imibele yakwe.** Cena cilangisha ico cili muli wene.

Nomba, bushe kuti mwaelenganya umwaume, uwaisushiwa na Mupashi wa Mushilo, asenda icintu ca musango nga filya ukuba umukashi? Ine nshilemona fye cena, munyina. Ine teti njiluke fye cilya, mwamona, **moneni, nga cili nokulangisha ico icili muli wene.** Wene akamwafwilisha ena ukukula ing’anda yakwe ya kuntanshi.

Nomba, lyena, ilyo twapilibukila kunuma pa kashita, ku lubali lwa Bumupashi. Kabili ilyo mwamona ulukuta ulo ululi mwisonde, lulecita nge sonde, ukwangala mwisonde, ukupenda amafunde yakwa Lesa kwati Ena tatalile yalemba (*Mateo 22:34-40*), lyena kuti mwaelenganya fye Kristu takasende Nabwinga nga ulya. Bushe kuti mwaelenganya ukusenda ulukuta lwa nshita iipya ilelo nga Nabwinga? Te Shikulu wandi. Teti mone cilya nangu panono. Iyo. Ibukisheni, nomba, **umwaume no mukashi wakwe baba umo.** Bushe kuti mwailunda mwebene ku muntu nga ulya? Nga kuti mwacita, cena mucine kuti ca papusha icitetekelo candi muli imwe.

Kabili, lyena, inga palwa kwa Lesa ukuilunda Umwine ku cintu nga cilya, uwaseka cilende uwacilonganino? Muletonkanya Ena akacicita, “Ukukwata imimonekele ya bukapepa lelo ukukana amaka ya buko”? (*11 Timoti 3:1-5*). Ena tekuti acicite. **Wene alingile ukukwata imibele Yakwe muli wene.** Ulutuntulu, ulwacine Ulukuta ulwafyalwa libili lulingile

ukukwata imibele iyo iyali muli Kristu, pa mulandu umulume no mukashi baba umo. Kabili nga Yesu alicitile fye cilya ico icatemwine Lesa, **asungile Icebo Cakwe no kulangisha Icebo Cakwe, Nabwinga Wakwe akakwata umusango umo wine uwa mibele** (*Yohane 5:19-20*).

Nabwinga wa cine alatemuna amano yakwa Lesa, **pakusunga Icebo Cakwe. Nomba moneni. Nomba lekeni tumone Kristu.**

Mwatila, “Cisuma, nomba, loleni pali miniti, inga palwa uku kuyemba uko ulelandapo?” Baibele itila muli Esaya 53:2 ukuti, ilyo Yesu akesa, “Tamwali kuyemba muli Wene, umwakuti tukabile Wene.” Cilya cishinka? Tamwaba kuyemba. Nga Ena aliishile mu kuyemba kwe sonde, ngefyo Satana aba ilelo, abantu nga balibutukile Wene no kusumina Wene umusango bena bacita ulukuta ilelo. Bena nga bali cetekele Wene no kupokelela Wene, ngefyo bacita Satana ilelo. Mucine, bena kuti bacita. Lelo ena taishile mukuyemba kwa ulyo musango, **lelo Ena lyonse esa mu kuyemba kwa mibele.** Kulya, Kristu tali uwayemba, umukalamba, uwamaka, Umwaume uwabulamba. **Lesa tasala ulya musango.**

Ndeibukisha inshita imo kasesema aliile ukusenda imfumu, ukucite mfumu ukufuma ku mwana wa kwa Jessey, ukusenda icifulo ca mfumu imbi, Shauli. Kabili e ico Jessey aishile muleta, uwakwe umukalamba, umukulu, umulumendo umusuma. Ena atile, “Icilingwe cili no kumoneka bwino, pa mutwe wakwe.” (*1 Samuele 16:1-13*). Kasesema aile mukwitila amafuta pali ena. Atile, “Lesa namukana.” Kabili Ena alikene cila umo uwa bena, mpaka aishile ku munono, uwamapeya ayakale ayawa, umuntu uwa lemoneka umusweshi. Kabili aitile amafuta pali wene, kabili atile, “Lesa alimusalile.” Mwamona? **Ifwe tusala na menso. Lesa asala ku mibele. Imibele, takwatala akubako uwa mibele nga Yesu Kristu.**

Nomba, pakashita fye nomba. cilya e co. **Ena alasala Nabwinga ukulangisha imibele Yakwe, kuli abo inkuta shipya isha shino inshiku mucine shalilufya ubutantiko bwakwe pano, ba mailoshi million, pantu balakana ici ukuba Icine. E ico kuti caba shani? Nomba, Ena alelelela ubushiku ilyo ulya Nabwinga akapangwa** (*AbaHebere 13:8; Abena Roma 8:29*), filya fine fye ngefyo Ena ali. **Cena cilingile ukuba umubili Wakwe umo wine, amafupa yamo yene, Umupashi umo wine, cimo cine fyonse, filya fine fye ukupangwa, kabili aba babili lyena baba umo** (*Abena Efese 5:30-32*). **Mpaka ulukuta lukabe filya, bena tabali umo. Imibele ya Wene, Icebo ca ino nshita, cilingile ukupangwa. Wene alingile ukupangwa ngefyo Ena aba. Ena alelelekesha pa mibele yakwe, imibele yakwa Kristu.** [6]

Imibele e kucimfya, te cabupe (11 Timoti 2:11-13). Umuntu ukwabule mibele teti ateke pa mulandu amaka ukwabula imibele yaba ya busatana. Lelo amaka ne mibele fyaba ifyalinga ku kuteka. Imwe mulingile ukucula ukuti muteka (Abena Roma 8:17). Umulandu wa ici ni pa mulandu wakutita imibele taipangwa ukwabula ukucula (Yakobo 1:2-5). Kabili apo Ena afwaya ifwe ukwikala na pa cipuna Cakwe pa mulingo umo wine uo Ena acimfishe kabili aliikele mulya mu cipuna cakwa Wishi (Ukusokolola 3:21), lyena tulingile ukucimfya ukwikala Nankwe. Kabili ukunono ukucula kwapa kashita uko tupitamono nomba takulingene ukupashanya ku bukata uwapulishamo ubo ubukasokolwelwa muli ifwe ilyo Ena akesa (11 Abena Korinti 4:11-18). Owe, umusango wa bunonshi ubo ubwabikilwa abo **abalefwaya ukwingila mu Bufumu Bwakwe ukupitila mu kupakaswa ukwingi (Imilimo ya Batumwa 14:22).**

*“Mwipapa cakoca icakumweshia icaisa muli imwe.” (1Petro 4:12-14), filya eflyo Petro asosele. **Bushe cena ceni ukuti Lesa alefwaya ifwe ukukwata imisango iyapalana ne ya kwa Kristu iyo inshila ukupitila mu kucula? Iyo mukwai. Kabili ifwe bonse tulakwata amesho. Ifwe bonse tuleeshiwa no kufundwa nga abana. Te umo kano abapita muli filya. **Ulukuta ulu ulu shicula, kabili talweshiwa, ta lwacikwata, talwaba ulwa kwa Lesa.*****

Pantu uo Lesa atemwa alamufunda, kabili alafopaula umwana onse uo apokelela. Lelo nga mwaba ababulo kufundwa, uko bonse aba abakumako, lyena bana ba mucani, kabili te bana.” (AbaHebere 12:4-11). [7]

Lelo, kwalibako golide iyakwa Lesa. (1 Petro 1:7, *“Ifyakwesha ifya citetekelo cenu, icafinisha ukucila golide uonaika.”* **Golide yakwa Lesa yaba imibele iyapala iyakwa Kristu iyo ipangwa mwilungu lya mulilo lya bucushi. Ulya emusango uwalungama uwa golide (Esaya 48:10).**

Lelo ni golide ya musangonshi ulukuta lwakwata ilelo? Lwena lwalikwata kano golide ye sonde iyo ikonaika. Lwena lwali nonka. Lwena lwali ikushiwa. Lwena lwa panga ubunonshi ubukalamba ukuba icikankala nganshi pa fya bumupashi. Icishininkisho ca mapalo ya kwa Lesa no kulungamika ukwesambilisho, ne fyashala, cena nomba cashintilila ni banga abantu abacuma ababamo muli lwena.

“Imwe kuti cawama mwaisa ilyo tamulacelwa,” eflyo asosa Shikulu, “kabili shiteni kuli ine golide iyalopolwa mu mulilo kabili lyena mukaba aba Cuma nganshi.” (Ukusokolola 3:15-19). Bushe tuluemfwa cena? Umfweni kuli ine, “Ubwamba (ku mubili) ifwe twaishile mwisonde, **kano ubwamba (muli bumupashi) ifwe tatwakacishe.” Awe iyo, ifwe**

tukasenda icintu cimo naifwe. Ifyo cilya cintu cimo cili, e fyonse twingasenda pamo naifwe, tapali ifinono kabili tapali ifingi. E ico tulingile twaba abacenjela nganshi nomba ukumona ukutla twasenda icintu cimo ico icili nokutulenga abalungama ku cinso cakwa Lesa. E ico, lyena, ni finshi ifyo ifwe tukasenda? **Ifwe tukasenda imibele yesu, munyina, cilya eco tukasenda pamo naifwe. Nomba mibele ya musangoshi mukasenda pamo naimwe? Bushe ikapalana ne Yakwe Uo Imibile Yakwe yapangilwe mu kucula mwilungulya mulilo ilya bucushi** (*Amalumbo 34:19*), nangu bushe cikaba **ukunakuka ukwa aba abashakwata imibele abantu ba mu Laodikea?** Cili kuli cila umo uwa muli ifwe, pantu muli bulya bushiku cila muntu akasenda icisendo cakwe umwine (*Mateo 6:33-34*). [8]

Takwaba mucine inshila imbi umo twingakwata ukushipikisha. **Cilingile ukwishila mu kweshiwa kwa citetekelo cesu.** Abena Roma 5:3, *“Ubucushi bucito kushipikisha.”* Ifyo caba icapulamo Lesa amona pali uku kubomba kwa kushipikisha kwesu kumoneka muli *Yakobo 1:4*, *“Lelo lekeni ukushipikisha kubombe umulimo wa buko uwafikapo, ukuti mube abapwililika kabili abafikapo ababulwe cintu nangu cimo.”* **Ubufwayo bwakwa Lesa kuli ifwe kupwililika. Kabili kulyo kupwililika kushipikisha—ukulolela pali Lesa kabili ukulolela Lesa** (*Amalumbo 62:1-2, 5-6*). **Iyi e mitantikile iya kukwatilako imibele.** [9]

Imwe limbi kuti mwakwata ishina lya lukuta, limbi kuti mwakwata ishina lya Branham Tabernacle, nangu Methodist, nangu ulukuta ululi lonse muyako. Cilya teco, mwe banandi. Mwamona, cena cintu cimo icapusana; **cena caba imibele yenu; cilya eco Lesa alelelekeshako.** Imwe limbi kuti mwaba ba Methodist; imwe limbi kuti mwaba ba Baptist; imwe limbi kuti mwaba ba Presbyterian. Cena te cilya. **Caba imibele iyo Lesa aleleleshapo, te mibele fye ya panonse, lelo imibele ya Mupashi wa Mushilo.** [10]

Kabili ilyo nafyalwa ku Mupashi wa kwa Lesa, **ine ndi cilundwa ca kwa Lesa,** epela fye; ndi uwaishibikilwa pamo Nankwe, mwamona, ukutla Ena ni Tata. **Lyena ubumi bwandi bulingile ukulangisha Wene; ngefyo ubumi bwandi bulangisha ba Tata ba panonse mu cipasho ico balimo.** Batila moneka nganshi nga ba Tata, e ico lyena kanshi caba icipasho Cakwe ico icilemonekela muli ine. Kabili ba shinwe bamonekela muli imwe, kabili abafyashi benu. **Kabili, e ico, Lesa Shifwe alemonekela muli ifwe ilyo twafyalwa kabili no kushininkishiwa pano ku cipasho Cakwe** (*Abena Roma 12:1-2; Yohane 3:3-8*). [11]

Ifwe tuli bana bakwa Lesa, twaliishiba, kabili tuli bana baume na bana banakashi ba Mfumu. **Lekeni imibele yesu ilangishe Umulola Wakwe, te mulandu ifyo cingaba icakalabana.** [12]

Nomba, Mupashi wa Mushilo takabombe ifyalubana mu muntu umo, kabili no kubomba ifisuma muli umbi. Wene akalenga cila muntu ukwisa mu mibele Yakwe, pa mulandu **wene Mupashi uumutungulula imwe (Abena Roma 8:14).** Ulamilenga imwe ukunakila ku cifyalilwa Cakwe. Imwe tamuleta Wene ukunakila ku cifyalilwa cenu; **Wene ulalenga imwe ukunakila icifyalilwa Cakwe.** Kabili Mupashi wa Mushilo alamilenga imwe ukwikala no kutemwa ukucicita. **Owe, ifyo mwatemwa ukulekelako ifintu ifya mwisonde, ilyo Mupashi wa Mushilo waisamo.** Ifyo umusangulula no ku musamba (*1Yohane 3:3*), kabili alabika ukukabila muli imwe ukukonka Wene, kabili necilaka, kabili ne nsala ya fingi ifya cena, ukuisamba fye mwebene. Ena alaleta ifituntulu. [13]

Umwakumona:

[1] “Ukulangishiwa” (63-0123), par. 40-42, 58, 70, 106-118

[2] “Ifintu Ifilecitika Ukuletwa Palwalala Ku Busesemo” (65-1206), par. 118

[3] “Ukulangishiwa” (64-0216), par. 80-85

[4] “Icupo no Kulekana” (65-0221M), par. 131

[5] “Insoni” (65-0711), par.48

[6] “Ukusala Nabwinga” (65-0429E), par. 79-82, 178-185

[7] “Inshita Ya Lukuta Lwa Surmuna”, CAB pg. 117

[8] “Inshita Ya Lukuta Lwa Laodikea”, CAB pg. 351

[9] “Inshita Ya Lukuta Lwa Tuatira”, CAB pg. 224

[10] “Ukwakupumikisha, Ukwa Mu Nkama Ukuya Kwa Lukuta” (58-1012), par. E-43

[11] “Umutende” (64-0112), par. 11

[12] “Isonde Lilepatukana” (63-1115), par. 160

[13] “Ifishifikwa Ifintu Ifituntulu Fya Kwa Lesa Wa Mweo” (60-0626), par.76

Ilibwe Ilyakukulilako Ilya Bumupashi No. 40

Lesalefwaya Imibele

Ukutendeka 24:1, “Nomba Abrahamu ali umukote, uwapelulule myaka: kabili YEHOBA apalile Abrahamu muli fyonse.”

Yesu appenda imibele, te ba membala. Mwaliishiba cilya? Ena appenda aba mibele. **Lesalefwaya lyonse ukusenda umuntu umo mu minwe Yakwe. Epela fye Ena afwaya fye umuntu umo, kabili Ena ali no kubomba umulimo Wakwe.** Ukupita mu myaka tontonkanyeni fye: Ena kuti asanga fye umuntu umo umulungami mu nshita ya kwa Noah. Mu nshita yakwa Mose Ena asangile fye umuntu umo umulungami (*11 Imilandu 16:9*).

Lesalefwaya imibele, te bumembala, imibele. Eliezer, ilyo aile mukusenda Nabwinga wakwa Isaki (*Ukutendeka 24:1-9*), **Ena ali pibilepo mpaka asangile imibele.** Ibukisheni, Abrahamu amupele umulimo nge fyo Lesa atupela umulimo, ifwe bakapyunga. **“Fwayeni Nabwinga Wandii.”**

Lesalefwaya umutima wenu. Nshilefwaya ba membala; **ine ndefwaya uwasanguluka mu mutima, umo muntu uyo uli no kucetekela Icebo** (*Mateo 5:8*).

Eliezer alifwaile, kabili ena atontonkenye, “Owe, ine teti ncite ici palwandi. Pali umulimo ukalamba nganshi. Ninjishiba umulimo uwa kufwaila Isaki...” Icili, caba icipasho ca Lukuta, namwishiba, Kristu; Rebekah, icipasho cakwa Nabwinga...Kabili Eliezer afukeme pa makufi yakwe no kusosa, “Mwe Lesa, imwe mungafwe fye.” Kabili ilyo ena asontelele kuli Lesa, **Lesalefwaya. Ena aishile kwata imibele.**

Bwelela ku Cebo, munyina. Bwelela kuli Lesa. Wiposako amano kuli ulu lukuta wabako. Iwe kuti waba mulya nga ulefwaya ukucita, nga bali noku kuseminisha. Lelo icintu icakucita **intanshi isa kuli Lesa.** Cilya cishinka. Kabili lyena ilyo **Eliezer asangile imibele iyali mu mwanakashi, Rebeka, uwayemba nabwinga wakwa Isaki, Ena alimwebele pali Isaki. Kabili wene tatalile ipusha icintu nangu cimo. Wene alicetekele icebo ca nkombe, kabili wene ali uwaiteyanya ukuya** (*Ukusokolola 19:6-8*). Kabili

baliile, aipwishe wishi, kabili atile, “ipusheni fye ena; umukashana mukalamba. Mwipusheni, lekeni ukusala kwakwe kube.” (*Ukutendeka* 24:57-59).

Wene atile, “Ndi no kuya.” Kuli cinshi? **Umwaume uo tatala monapo, taishibepo nangu cimo** (*1 Petro 1:8-9*). Lelo ali uwaiteyanya, pa mulandu wene ali lingilwe libela no kwishibilwa libela no kusontelwa libela kuli cilya. Filya fine fye icalungama.

Imwe kuti mwaumfwa ine ukushimikila iyi imbila. Imwe kuti mwamona Mupashi wa Mushilo ukulingulula no kucita ifintu ifikalamba no kubombe ifipesha mano. Imwe limbi kuti mwapepa, kabili teti citale cifikilishiwe. **Twalilileni, icilambu cenu cikesa pampela.** Bushe cilya teti cibe icintu icawama lilya line? Ee. Mwamona, bombeleni Yesu umulimo. Ilya e mbila ya nshita yaku mpela. Ena alikwete Nabwinga. Lesa alefwaya imibele.

Kabili lyena **panuma Eliezer asangile uwa mibele, lyena icintu icakonkelepo cali uku muteyanya ukuya. Cilya cimo cine nomba, munyina, cimo cine nomba.** Imbila ya nshita ya kumpela taili kulya kunse mu Babylon. [1]

Lesa lyonse apenda imibele, teba membala. Kabili ilelo tulacita ukupusana. Tulapenda ba membala, abafwala bwino, abalipila ishing, mucifulo ca mibele.

Eliezer alipibile, mpaka asangile uwa mibele. Cilya cishinka. Nani uo ena engasenda? Kabili ena acetekela Lesa. Imibele ya cinshi? Imibele yakwa Isaki, Nabwinga, icaba Ulukuta lwaba icipasho. Namwishiba cilya. **Ulya ali ni mbuto ya cifyalilwa uwakwa Abrahamu; uyu ni Mbuto ya bufumu ya kwa Abrahamu** (*Abena Galatia 3:7,29*). Cisuma, nga Eliezer, inkombe ukufwaya Nabwinga no kwesha uwa mibele, nga ulyo mwaume aliisa, inkombe ya bushiku bwa kulekelesha, ukwesha ukusanga Nabwinga wakwa Kristu, Ena takafwaye bu membela wa cilonganino. **Ena akafwaya imibele uyo ulefwaya.**

Lolesheni! **Imibele iisuma intanshi,** lyena uku muteyanya uku kumanya Isaki. Panuma ilyo asangile uwa mibele, **elyo ukumulenga ukwiminina inshita itali nganshi ukukutika ku mbila yakwe iya kwa Isaki** (*Esaya 30:15; Amalumbo 23:2*).

Ulya e nkombe ya nshiku shakulekelesha, Ulubuuto ulwa cungulo bushiku, cili **intanshi sangeni lulyo Lukuta (nikwisa uko bakacetekela imbila?), ukufwaya yena.** Ukufwaya uko lulyo Lukuta luli ulu ululi no kulenga imwe ukwisamo, ulu ulushakesale icibi mu cinso cenu. Kabili lyena ilyo mwacita

kulya, lyena ninshi mwasanga imibele. **Nomba nga ena ali nokwiminina inshita itali nganshi ukweba wene ifyo ulya Nabwinga alingile ukufwala! Ena alingile ukufwala. Ukwiminina shilili!**

Lolesheni kuli ulya Rebekah umunono **ukukutika kwi shiwi ili lyonse** umutima wakwe unono waletunta. Ena alemweba. Nomba, iwe naupibilapo, “Nikwisa uko nalaya?” Mpaka nasanga imibele. Lelo ilyo nasanga imibele, **lyena ukulenga wene ukwiminina shilili inshita iitali nganshi uku muteyanya ukuya kumanya wene.** Owe, mwe, ifyo cili icintu icakwikasha! **Ukuteyanya wene; ukwiminina shilili ukukutika ku mbila yakwe iya wene.** Eliezer talelanda pa mwine eka, lelo alelanda pali uyo uwa mutumine. Kabili alikwete ifyabupe ukushininkisha ukutula alituminwe na ena. Amen! Ena alefwaya uku mufwika ne fi fintu. Namwishiba ifyo amuteyenye.

Moneni, inkombe ya nshita yakulekelesha, umulimo wakwe ukaba ukusenda aba mushilo ukuiteyanya, **Nabwinga uku muteyanya kuli Shibwinga. Ilya ikaba e Mbila yakwe.** [2]

Ukulanda pali ba membala. Ilelo, fyonse mufwaya caba ba membala, ba membala. Lesa talolekesha pali ba membala. **Ena alefwaya imibele, uo Ena engabikamo Icebo Cakwe mu muntu umo uyo uli no ku mucetekelaWene.** Nge fyo nasosele, inshita imbi iya bushiku, Eliezer alipibilepo mpaka alisangile imibele yakwa nabwinga. **Lyena ena alengele wene ukwiminina shilili, pakutula bengalenga wene ukufwala bwino, uku kumanya ulya ena alelandapo.** [3]

Nacisosa ukutula Eliezer ali pibilepo mpaka aishilesanga imibele muli Rebeka. Elyo aishilelenga ena ukufwikwa, uwateyanishiwa, ukuleka wene ukwiminina shilili no kukutika ku Mbila yakwe. Ubwafya bwa cena buli, ilelo, ilyo mwasanga imibele, **cintu cakosa ukubalenga ukwiminina shilili inshita itali nganshi ukufwala ifyakufwala no kuba abafwikwa.** Cilya cishinka. Bamo abanono ba Rickey bali batintile ukulola kumbi. Cilya cishinka. Lelo kulya, Eliezer alipibilepo. [4]

Baibele itila, “*Umukashi Wakwe naipekanya kale*” (*Ukusokolola 19:7*), pa mpela ya nshita. Musangonshi wene aipekenye umwine, ukwisaba umukashi Wakwe? Kabili ni finshi ifyo Wene? **Mwingila wa musango shani wene afwele? Icebo Cakwe cine. Wene afwele mu Bulungami Bwakwe** (*Ukusokolola 19:8*). Cilya ni cinshi. Cilya nacilungama. Mwamona? [5]

Nomba, lolekesheni kuno. **Ndesubila Ena akafwika icilongwe bukapyunga bwandi ne ci, pa kunenga ine ukusenda ifya kufwala ifya Cebo no kufwika na Bwinga Wakwe mu fyakufwala fya Cebo kabili no bulungami Bwakwe** (*Abena Kolose 3:10-15*). Ndesubila Ena ali nokumfwika icilongwe no kuleka ine ukwiminina kulya pali bulyo bushiku, ukusosa “*Moneni umwana wa mpaanga wakwa Lesa usenda imembu she sonde.*” (*Yohane 1:29*). [6]

Umuntu aolekesha ukuyemba kwa cifyalilwa. Kwena kulabepa. Ulya e mulandu wine umwanakashi apelwe kulyo kuyemba, ku kulembeleka, ukubepa. Umwanakashi uwaemba, nga talekubomfya mu nshila iyalungama, caba icitipu kuli wene; cilya cika mutwala kumbo bwangu nganshi ukucila icintu icili conse ico naishibapo. Nga kuti aba uwaemba, mucine, ilyo lyonse aleikala no mulume wakwe no kucita ifyalungama, kabili cilya cili fye bwino kabili cisuma. Lelo wene kuti asenda icintu cimo cine kabili, mwe, ifyo ena engabepa na cena, pantu capelwe kuli wene ukucita ico.

Moneni, nomba, lelo **Lesa amonekela mu mibele**. “Tamwali kuyemba twinga kabila muli Yesu,” (*Esaya 53:2-3*), lelo **takwatalile akubako imibele nga Wene, pe sonde**.

Nomba tulesanga, ilelo, ukutla imibele ya lukuta, Satana ne bumba lyakwe, bafwaya ishikalamaba, inkuta isha yemba, ifintu ifyayemba. Filya e fyo isonde lilolekeshako ilelo. “Owe, nga kacema, ikalamba inshita ya ifi-ne-fi, uwa ifi-ne-fi, shimapepo nganshi kabili uwa bulesa, alesa ne mingila yakwe iikulu, kabili ne fintu nge fi.” Beta cilya ukuyemba.

Lelo abamushilo abacine aba kwa Lesa balolekesha **ku mibele ya Cebo icashinkishiwa**. [7]

Kabili muka bamona bena, lyena naisa muli uku kusondolwela. Te mulandu ifyo mwaba, Lesa alingile ukupela ibumba. Kabili te mulandu, nga kuti naiminina pano muno lucelo no kuleta abafwa ku mweo, kabili ukuleta abalemana mu musango wabo utuntulu, lelo nomba, Lesa talimo mu butantiko teti ciye nangu kumo. **Lesa alingile ukuba mu butantiko. Imibele Yakwe ishibikilwa ku milimo Yakwe. Te mulandu nga nani, imilimo yakwe ishininkisha imibele yakwe.**

Nga mwasenda umwaume, te mulandu ubusuma esha ukuba, nge milimo yakwe ibi, ubusuma bwakwe bonse tabwakapendelwe nangu cimo. **Kabili icebo ca muntu e mibele yakwe.** Umwaume uo icebo cakwe tacili icisuma,

lyena teti mukwate isubilo muli ulyo mwaume, pa mulandu icebo cakwe te cisuma. E ico kanshi Lesa, Shifwe, **imibele Yakwe ne milimo Yakwe ishininkisha ifyo Ena aba.** [8]

Nga ndi Mwinakristu, ningile ukwishibikilwa pamo no wa mibele onse uwa mu Baibele. Nali iminine na Noah no kushimikila na ena, mu nshiku, kabili no kusoka abantu. Cilya cishinka. Naliiminine pa Lupili lwa Karmel, neka, na Eliya. Naliiminine pa Kalbale, **no kuitanika kuli ne mwine na ku matontonkanyo yandi,** pamo Nankwe (*Abena Roma 6:6*). Lelo nomba nakabili, nalibukile pamo Nankwe pe Pasaka, uwacimfya pa fintu fyonse. [9]

Mwe Lesa kwateni uluse pali ifwe. Nga tuli abana baume na bana banakashi bakwa Lesa, lelo nomba tuli abalebeshi muli ubu bumi...**Lesalefwaya imibele ukufuma ku baume na banakashi abo abenga icindika abene nga abana baume na bana banakashi ba Mfumu.** Lesa kwateni uluse pali ifwe, ukutula ifwe tuli no kucicita.

Cilya eco ndefwaya mwe fibusa; imibele. Filya eflyo Lesa aletinta, Imibele ya ulya Nabwinga uyo uli no kufumishiwapo. Kabili nga abana baume na bana banakashi bakwa Lesa, lekeni tucite nga cena; **beni abana baume na bana banakashi!** Lesa twafweni. [10]

Umwakumona:

- [1] “Ukubila Imbila Nsuma ya Nshita ya Mpela” (62-0603), par. 193,197-201,213
- [2] “Inkombe Ya Nshita Ya Cungulo Bushiku” (63-0116), par. 243-249
- [3] “Ukwishibisha” (63-0123), par. 199-200
- [4] “Umuku fye Uno, Shikulu” (63-0120E), par.125
- [5] “Ukukalipwa Kwa pa kupapa” (65-0124), par. 196
- [6] “Apo Bukapyunga Bwandi Bufikile” (62-0908), par. 121
- [7] “Icupo no Kulekana” (65-0221M), par. 141-144
- [8] “Cetekela Ukufuma Mu Mutima” (57-0623), par. E- 9
- [9] “Inshita Ya Kulobolola” (64-1212), par. 202
- [10] “Ubunte Pali Bemba” (62-0720), par. E-28

Ukufimbulwa Kwakwa Lesa Mu Nshiku Shesu

Ukufuma 14:24, “Kabili caishile fikilishiwa, ku bulinde bwa lucelo YEHOBA alengele mu ntumba ya mulilo kabili ye kumbi ku mulalo wa bena Egypti, no kufulunganyo mulalo wa bena Egypti.”

Kabili ulya ni Lesa. **Ena aliyalwile Umwine ukufuma ku Ntumba ya Mulilo, ukwisaba Umuntu.** Elyo aliyalwile Umwine ukufuma kuli cilya, ukubwelela mu Mupashi nakabili, **pakutila Ena engekala mu muntu. Lesa ukubomba mu muntu ifyo Ena mucine ali** (*Abena Roma 8:3-4*). **Yesu Kristu, ali ni Lesa ukubombela mu Muntu** (*Abena Kolose 1:15*). Mu Muntu, filya e fintu Ena ali. Ena alyalwike ukufuma ku Ntumba ya Mulilo, elyo kabili aishile ingilamo; ico icali icifimbo mu matololo, ico icafishile Lesa kuli Israele (*Ukufuma 14:19*). Mose alimwene imimonekele ya mubili Wakwe, lelo mucine Ena alifishilwe inshita yonse kunuma ya iyi Ntumba ya Mulilo, **ico cali Logos** uyo uwafumine muli Lesa (*Yohane 1:1-3*).

Nomba tulesanga pano, nomba ukutula pa Pentecost, Lesa talebombela mu muntu, **nomba Ena alebombela ukupitila mu muntu.** Mwamona? Ena alebombela mu Muntu lilya, Yesu (*11 Abena Korinti 5:17-19*). **Nomba Ena alebombela ukupitila mu muntu uo Ena asala pali ili pange** (*Imilimo ya Batumwa 2:14-18*). Lesa, mu musango wa muntu, Ena aliyalwile Umwine ukufuma mu cipasho cakwa Lesa, ukwisa ku cipasho ca muntu.

Moneni nomba, Ena aliishile intanshi nga kasesema, kabili baishile tanika Wene. Abakwe Bene bali Mutanike. **Ena aishile ngo Mwana wa muntu** (*Marko 2:10; Luka 9:26*).

Elyo panuma Mupashi wa Mushilo walishile, Ena lyena ali Umwana wakwa Lesa (*Abena Roma 1:4; Imilimo ya Batumwa 9:20; 1 Yohane 3:8*). Lesa Mupashi (*Yohane 4:24*). Ena ali Mupashi wa Mushilo, Umwana wakwa Lesa. **Ena aikele monse mu nshita sha nkuta ngo Mwana wakwa Lesa.**

Nomba, **mu Millenium, Ena akaba Mwana Dabidi**, ukwikala pa Cipuna cakwa Wishi, Dabidi (*Esaya 9:6-7*). Mu nshita ya lukuta lwa Laodikea, bena balimubikile Wene panse (*Ukusokolola 3:20*). Kabili muli Luka 17:26-30,

Ena atile **Ena akasokololwa nakabili ngo Mwana wa muntu, Kasesema, ukufikilisha fyonse fya cena.** Mwamona? Amalembo yalakakana ukufikapo capamo. **Umwana wa muntu-Umwana wakwa Lesa-Umwana wakwa Dabidi.** Cena cali ni cinshi? **Caba ni Lesa umo wine inshita fye yonse, ukwalula fye icipasho Cakwe, enmorphe.** Ena apilibula fye cena. Bwena bwangalo ubukalamba nganshi kuli Wene. Ena alebomba cena.

Ena aishile ngo Mwana wa muntu, Kasesema. Nangula ni ulya umwanakashi umunono mu lubembu lwakwe lonse, palya pa cishima, ena alimwishibe Wene. Ena atile, *“Ninjishiba Messia aleisa, uwitwa Kristu, ifi efyo Akacita.”* (Yohane 4:25). Mwamona, **ena aliishibe pantu ali ni Mbuto iyalingilwa libela.** Ilyo, abashala muli bena tabacishibe Cena. **Bena tabakwete nangu cimo icakwishibilako.** Bena bali mulubembu, icakubalilapo.

Pantu, imilimo Yakwe, Ena alalula icipasho Cakwe. Lyena Ena aishileisa mu cipasho ca Mwana wa muntu. Ku nshita ya bakalungamika, Wesley, Luther, kabili na bonse kunuma, lyena tulesanga ukutila baishile fulunganya conse cena, nga filya fine abena Israele bacitile, **mpaka ilyo Ena alemonekela mu nshiku shakulekelesha, mu nshita ya Pentecostal, nga Mupashi wa Mushilo, bena balikene Wene.** Bena balicitile icintu cimo cine Israele acitile.

Kabili ni finshi Ena alecita nomba? **ukubwela ngo Mwana wa muntu. Elyo kabili, ukufuma kuli cilya, Umwana wakwa Dabidi.** Mwamona ifyo twapalama? Umwana wa muntu-Umwana wakwa Dabidi-Umwana wakwa Lesa. **Ena alesokololwa mu nshiku shakulekelesha ngo Mwana wa muntu, ukulingana na Malaki 4:5-6,** yonse ayashala amabusesemo ayakuma kuli ino ora. Takuli na kabili ukubomba no lukuta panuma ilyo bamubikile Wene panse; kunse, ukukonkosha pa mwinshi. Shimo imbuto ishalingilwa libela mulya, nomba. Ena alingile ukuya kuli bena.

Lyena ishiwi Elohim, lipibula, “uyo uwabapo Umwine eka”, “Uyo uwalipo lyonse.” Lesa kuti apilibula icili conse. Mwamona ubupusano mwi shiwi?

Cilya cili, **Ena aliyalwile Umwine, Ena “ali ipongolwelemo Umwine,”** (Yoele 2:28-32), **mu cifimbo cimbi, mu cipasho cimbi.** Te muntu umbi ukufuma muli Wene, uwitwa Mupashi wa Mushilo, **lelo Cena cali ni Ena Umwine.** Muleumfwa ici? **Ena Umwine aipongolwele Umwine mu bantu. “Kristu muli imwe!”** (Abena Kolose 1:26-28). Ifyo cawama, ifyo cabe cisuma, ukutontonkanya, **Lesa ukuipongolwela Umwine mu mubili, mu wacetekela. “Ukupongolola!”** Cali iciputulwa ca bwangalo Bwakwe, ukucite co.

Lesa, umwisulo onse, Umutwe onse mumubili wali muli uyu muntu, Yesu Kristu (Abena Kolose 2:9-10). **Ena ali Lesa, kabili Lesa eka. Te**

muntu wa citatu nangu umuntu wa cibili, nangu umuntu wa ntanshi; lelo Umuntu, Lesa ukufimbwa mu mubili wa buntunse (1 Timoti 3:16).

Elohim. “Mukutendeka, Elohim. Kabili **Elohim alengelwe ubuntunse, aikele mukati kesu.**” (*Yohane 1:14-18*).

Ici ciputulwa ca nshila Yakwe. Iyi e nshila iyo Ena amonekela Umwine kuli ifwe, **ukulangisha Icebo ca Muyayaya, Lesa, Yehoba ukulengwo ubuntunse** (*Yohane 1:14*). Nga muli Yohane Washila 1:1: “*Mu kutendeka mwali Cebo, kabili Cebo cali na Lesa...* Mu kutendeka mwali Elohim, kabili Elohim aishileba Icebo, kabili Cebo ali ni Elohim. Kabili Cebo alengelwe Elohim.” Mwamona? Cena cintu cimo cine, ukuifungulula fye.

Iyi ninshila Yakwe, ifiputulwa fya bwangalo. Ilya e nshila Ena acitilamo cena, inshila Yakwe iya kuisokolwelamo Umwine kuli ifwe ngo muntu umbi uwaibela. Tuli bena kufwa, kabili Ena aliishiba cilya. **Kabili twiluka fye nga benakufwa. Ifwe twaishiba fye nga benakufwa. Ifwe tuishiba fye ngefyo amano yesu yali no kutulenga ukwishiba, kabili ifyashala fyonse tulingile twacetekela fyena ku citetekelo.** Tulingile ukusosa ukutila kwaliba Lesa; nga cakutila tulemumona Wene, nangu iyo, ifwe tulacetekela cena, nangu cibe fyo (*Abahebere 11:6*).

Ilya e nshila tulingile ukucetekela cilya Cebo ilelo. **Musangonshi cili nokubelamo? Nshishibe. Lesa atile cili nokuba ulya musango, kabili cilya cilepwisha cena.**

Nani uyu ushimoneka Umuntu umukalamba? Nani Uyu uo Abrahamu amwene mu fimonwa? Palya pene pa mpela, nangula, Ena amonekele mubuntunse, ilyo umwana talaisa (*Ukutendeka 18:1-15*). **Lesa Umwine aishile kuli Abrahamu mu musango wa muntu, pa nshita ya mpela. Ukumonekela!** Ena ali Mumwene Wene mu Lubuuto ulunono inshita imo; alimwene Wene mu fimonwa; ena alyumfwile Ishiwi Lyakwe; **ama busokololo ayengi.** Lelo lintu fye umwana uwalailwe, ena Amwene Wene mu musango wa muntu, no kulanda kuli Wene, no kupela Wene icakulya ne cakunwa. Mwamona? Moneni, **Lesa Umwine ukufimbwa mu mubili wa buntunse.**

Nge mibele, mwamona, cena cili muli Lesa. **Imibele yaba litontonkanyo lyenu.** Lesa mu kutendeka, uwa Muyayaya, Ena tali no kuba Lesa. **Ena ali uwa Muyayaya.** Ena tali nakuba Lesa; Lesa aba icipe icakupepa. E ico Ena tali nangula cilya. **Ena ali Elohim, uwa Muyayaya. Lelo muli Wene mwali amatontonkanyo Ena alefwaya ukuba icingekatwa.** Kabili ninshi ico Ena acitile? **Elyo Ena alandile Icebo, ne**

Cebo caishile monekela. Cilya e cikope conse, ukufuma mu Kutendeka ukufika mu Kusokolola. Tapali icalubana. **Ena ni Elohim ukumonekela pakutila Ena engekatwamo, ukukumya. Kabili mu Millenium, ulya palya Elohim naikala pa cipuna ca bufumu, na bonse abantu Bakwe ukumushinguluka Wene, abo Ena alingile libela ilyo mufula we sonde taulalengwa** (*Abena Efese 1:3-5*).

Lesa aifimbile Umwine mu Ntumba ya Mulilo mulya muli ba kasesema, elyo mu Mwana wakwa Lesa, icili, **Ena ali ni Lesa.** Mwamona, ni Lesa umo wine ukuleta filya fine, **ukufuma mukupwililika ukuya mu kupwililika, ukufuma mu bukata ukulola ku bukata. Ilya e nshila Ulukuta luleilamo** (*11 Abena Korinti 3:18*).

Moneni, ukupita mu nshita, umusango umo wine, kuli bakasesema Bakwe (*Abahebere 1:1-3*), Ena aliisokolola Umwine. Balya tabali filya fine bakasesema, bena bali imilungu. Efyo Ena asosele. Pantu, ifyo balandile cali Cebo cakwa Lesa. **Bena bali imibili iyo Lesa aifimbilemo.** Bena bali imilungu. Yesu Umwine, atile, “Kuti mwa njebaula shani ilyo nasosa ukuti ndi Mwana wakwa Lesa, kabili amalango yenu mwebene yatila balya abo Icebo cakwa Shikulu caishileko bali imilungu?” (*Yohane 10:34-36; Amalumbo 82:6*).

E ico cali ni Lesa ukupangwa mu muntu uwaitwa kasesema (*Amos 3:7*). Mwamona? Kabili Icebo cakwa Shikulu caishile kuli uyu mwaume, **e ico tacali kasesema; kasesema ali icifimbo, lelo Icebo cali ni Lesa.** Icebo ca muntu teti cibombe muli ulya musango. Mwamona ifyo ndepilibula? Cena teti cibombe muli ulya musango. Lelo ulubali lumbi cali ni Lesa. Mwamona, **Ena ali Cebo cakwa Lesa mu cipasho ca muntu, ukwitwa “umuntu.”**

Moneni, Ena tatalile pilibula icifyalilwa Cakwe, kano fye icipasho Cakwe. Aba Hebere 13:8, itila, “*Ena aba cimo cine mailo, ilelo, no muyayaya.*” E ico Ena tayalwile icifyalilwa Cakwe ilyo Ena aishile. **Ena aba lyonse ulya Kasesema, ukupita fye monse munshita, icintu cimo cine: Icebo, Icebo, Icebo, Icebo.** Mwamona? **Ena teti alule icifyalilwa Cakwe, lelo Ena ayalwile icipasho Cakwe. Ena ayalwile fye icifimbo Cakwe.**

Ngefyo nayalwike ukufuma ku mulume, ilyo umwana wandi afyalwa, lyena nine Tata. Ilyo umwishikulu wandi afyalwa, nine shikulu. Mwamona? Lelo, nshaluka? Ulya acili nine. Mwamona? Kabili ulya ni Lesa. Mwamona, cena capilibwile fye icipasho cenu.

Lelo caba Umuntu umo wine inshita fye yonse, Umuntu umo wine, Lesa inshita fye yonse. Muli uyu musango Ena alaisokolola Umwine ku bantu Bakwe, mukucita ici. Moneni, ukupita mu nshita ya Ntumba ya Mulilo, Ena aisokolwele Umwine ku bantu Bakwe. Mu nshita ya kwa Yesu, Ena aisokolwele Umwine ku bantu Bakwe. **Mu nshita ya Mupashi wa Mushilo, ngo Mwana wa kwa Lesa.** Ena lyonse alaisokolola Umwine muli ulya musango ku bantu Bakwe, **ukulenga abantu uku mwishiba Wene. Ena aliifimba kunuma ya cintu cimo, moneni, mu musango umo wine, nangu icifyalilwa cimo cine, inshita yonse.**

Lesa ukuifimba muli Yesu, ku kubomba umulimo wa kulubula pa lupanda (Abena Kolose 1:13-20). Lesa tekuti afwe ngo Mupashi. Ena wa Muyayaya. Lelo Ena aishile fwala icifimbo ca pa menso ukubomba iciputulwa ca mfw. Ena alifwile, lelo Ena tekuti acicite mu cipasho ica bu Lesa Bwakwe. **Ena alicitile cena mu cipasho ca Mwana, ngo Mwana wa muntu, pe sonde.** Mwamona? Ena aishileba mu cipasho ca Mwana. Lyena ilyo Ena aishilebwela pa Pentecost, **Ena ali Umwana wakwa Lesa nakabili.** Muleumfwa itontokanyo?

Ena aishile fyalwa muli nasisungu, ukufunyapo icitipu, umuti wa kusungulwila (Esaya 7:14; Abena Galatia 3:13-14). Mwamona ifyo ndepilubula? **E ico, calingile ukuba ukukumana** (mulya Mwibala Iya Edeni). **Ena alishininkishe cena mu kwisa Kwakwe Umwine; Ena taishile mukukabila kwa kukumana, lelo ukupitila mu kufyalwa muli na cisungu.** Kabili Ena ayalwile icifimbo cakwe ukufuma kuli Yehoba ukwisa kuli Yesu, pakutula engasenda umulimo wa kulubula mu bwangalo uo Ena alebomba, muli Lesa pa lupanda.

Aba Hela balefwaya ukumona Wene (*Yohane 12:20-25*). Bena bali ni bakasambilila, bena bali abantu abakalamba. Kabili balikwete ukutemwa ukukalamba pali Lesa, ngefyo Paulo ashimikile kuli bena pa lupili Iwa Mars (*Imilimo ya Batumwa 17:16-31*). Kabili batungulwile isonde muli science na masambililo, bena bali abantu abapulamo. Lelo balepepa no kucetekela mu tushimi, amabuku yafya ntambi ne ntambi ishaibela. **Lelo baishile sunkanishiwa pali uyu Mwaume Uyo uwingondapa abalwele no kulandila libela ifintu ifyo ifyacitike, ukufikapo.** Kabili baishile sunkanishiwa, e ico balishile ukumumona Wene. Nomba, lolekesheni mupepi nomba, mwilufya ici. Mwamona? Kabili baliishile no kutila kuli Filipi, uyo uwali wa ku Bethaida, “*Mukwai, tulefwaya ukumona Yesu.*” Kabili Filipi no musambi umbi abaletele kuli Yesu, ukumona Yesu.

Nomba moneni ifyebo fine ifyo Yesu abweseshwe kuli bena, **pantu baishile mukumona Ifyo Ena Ali, kabili bena teti bamumone Wene. Bena balimwene icipasho, lelo Ena ali mwi tempile Lyakwe (Abahebere 10:3-7). Lesa ali mwi tempile Lyakwe, ukufimbwa mu mubili wa buntunse.** Moneni ifyebo ifyo Ena asosele, “*Kano uluseke lwa ngano lwaponena mu mushili, mwamona, kabili lulafwa, lulekala lweka. Ora naisa, cili nokuba ililine ukuti umwana wa muntu ali no kucindamikwa, mwamona, kabili Ena alingile ukufuma muli ili sonde. Kabili kano fye iyi ora yaiza, imwe tamwakatale mona Cena.*”

Mulandunshi uo bafililwe ukumona Yesu? Lesa alifimbilwe. Aba Hela balefwaya Lesa, kabili Uyu ali apa, lelo bena balifililwe ukumona Wene pa mulandu wa cifimbo. Kabili cilya e cintu cimo cine ilelo, bena teti bamumone Wene pa mulandu wa cifimbo. Cili pa finso fyabo. Yesu alifimbilwe kuli aba abaHela.

Bena balifililwe ukwiluka ifyo cali, cinshi ico bafililwe ukumumona wene. Palya pa iminine umuntu. **Bena baishile mu kumona Lesa,** kabili balimwene umuntu. Mwamona? **Bena tekuti bamone Lesa pantu Lesa alifimbilwe kuli bena. Nomba sungeni cilya mu mano yenu, Lesa alifimbilwe mu muntu.** Bena kuti basosa, “Takuli umuntu uwingabomba iyi milimo kano fye ni Lesa. Takuli umuntu uwingacicita, kabili ifyo pano pe minine umuntu lelo nomba imilimo yakwa Lesa yalemonekela ukupitila muli wene!” **Mwamona, bena te kuti beluke ukutula Lesa alifimbilwe.**

Ena aliifimba mu muntu, **nge fyo Ena lyonse ali uwafimbwa. Lelo, Ena ali uwafimbwa kuli bena, Ena ali mwitempile Lyakwe ilya buntu. Lesa ali mwi tempile lya buntu (Yohane 2:19-22).** Nomba, beni abacenjela nganshi, nomba: Ena aba cimo cine mailo, ilelo, no muyayaya. **Mwamona, Lesa ukufimbwa, ukuifisa Umwine kwi sonde, ukufimbwa mu muntunse.** Mwamona? Uyu apa Lesa! Balya aba Hela ukusosa, “*tulefwaya ukumona Wene.*”

Kabili Yesu atile, “*Uluseke lwa ngano lulingile ukuwa no kufwa.*” **Imwe mulingile ukufwa ku mano yenu yonse. Imwe mulingile ukufumamo mwebene mu matontonkanyo yenu.**

E ico abaHela te kuti bamumone Wene, **pa mulandu Ena aliifishile kuli bena, mu muntunse. Lesa ukuifimba mu musango wa muntu, ukuifisa Umwine ukumoneka kuli bena.** Bena kuti bamona fye umuntu. **Lelo balya Abalingilwa libela bamwene Lesa. Umo amwene umuntu, umbi amwene Lesa.** Mwamona? Kabili cali ni Lesa ukufimbwa mu muntunse, ukulenga bonse babili ukuba abalungama, lelo icitetekelo cenu muli cilya ico

tamumona. Mulacetekela cena, nangu cibe fyo. Lesa ukufimbwa mu muntunse. **Ena ali muli ulyo mubili, kabili ulyo mubili wali icifimbo Cakwe. Icifimbo calilepwilwe, pakutita Lesa engamonekela.** [1]

Icifimbo e mubili. Icifimbo e cilenga ifwe uku kanamona Lesa, icinso ne cinso, muli luno lukuta. Icifimbo e cilenga ifwe ukukana mona ba Malaika pa fifulo fyabo, ukwiminina ku mbali ya fipuna. Icifimbo e cilenga ifwe uku kana mona Wene. Ifwe twalifiswa kunuma ya cifimbo, kabili cilye cifimbo caba mubili. Ifwe tuli bana baume na bana banakashaki bakwa Lesa, ifwe tuli mu Mulola wakwa Lesa, “Ba Malaika bakwa Lesa bacite nkambi pali abo aba Mutina.” (Amalumbo 34:7). Ifwe tuli mu Mulola wakwa Lesa, inshita fye yonse. “Nshakatale musha, nangu ukumulekelesha, Nkalaba na imwe lyonse, mpaka na kumpela.” (Abahebere 13:5-6). Lelo icifimbo caba mubili, cilya e citutalusha ifwe ukufuma mu Mulola Wakwe. Lelo ukupitila mu mweo, Umupashi ku citetekelo cesu twaliishiba ukutita Ena aletumona. Ena naiminina pali ifwe. Ena ali pano nombamba.

Ici cili apa. Mu cikatishe nganshi. **Icifimbo e cilenga ifwe ukukana ikala umusango tulingile ukuba. Icifimbo e cilenga ifwe ukukanacita ifintu ifyo tulingile ukucita mucine. Kabili Lesa aishile ifimba mu mubili, kabili icifimbo calilepwilwe pabili** (Mateo 27:45-53). Kabili Lesa aishileba Lesa nakabili, kabili Ena aishile fimbula icifimbo ico Ena Umwine aifishilemo. **Kulya kubuka kwa kwa Shikulu Yesu. Ukushininkisha kuli ifwe ukutita, muli ici cifimbo ico ifwe nombamba twafisamamo, ku citetekelo tulecetekela Cena no kusumina Cena. Kabili ilyo ici cifimbo calepulwa pakati, nkaya mu Mulola Wakwe ne ci cishininkisho, ukwishiba ukutita, “Nalimwishiba Wene mu maka yakubuka Kwakwe.” (Abena Filipi 3:7-11). Pa Kwise kwa kwa Shikulu Yesu, ici cifimbo cikemishiwa nakabili, mu musango uwapwililika, mpaka nkenda no kulanda Nankwe nga Kapususha wandi kabili Lesa, ilyo Ena akasenda icipuna ca bufumu cakwa Dabidi. Kabili tukekala umuyayaya muli ici cifimbo panuma calengwo kupwililika, lelo ici cifimbo calikwata ulubembu muli cena.** [2]

Yesu ali ulya Lesa, uwafimbwa. Kabili ilyo Ena afwile pa Kalbale, Lesa atumine umulilo ne nkuba, kabili walepwile cilye cifimbo ukufuma pa mulu ukwisa pe samba, icakutita icipuna conse ica luse cali palwalala (Mateo 27:45-53). Lelo bali abapofula nganshi ukumona Cena. Nge fyo Paulo asosele, “Ilyo Mose abelengwa, nombamba, cilye cifimbo cicili pa mitima yabo.” (11 Abena Korinti 3:7-16). Owe, munyina, nkashi, filya eflyo Aba

Yuda bacitile ilyo icifimbo **calepwilwe no kuleta Lesa ukumonekela palwalala, natanikwa pa lupanda** (*Yohane 19:30*). Ena ali **palwalala, lelo bena tekuti bamone Cena**.

Bushe kuti caba icingacitwa ukuti Abenafyalo nabacita icintu cimo cine? Mwe Lesa! Ilyo bakwete inshita sha nkuta, pa Mwana wakwa Lesa; **lelo ilyo nombamba icifimbo ca ifi filonganino ne fintu, ici cifimbo ica ntambi ico twakwata ukutula Pentecost, ilyo intambi sha lukuta shalepulwa**, ifintu ifyo abantu basosele, “Inshiku sha fipesho mano shalipita, ne fi fintu,” kabili Lesa alifumyapo icifimbo ca Cena, kabili alileta Cena ukumonekela palwalala, **kabili bali abaiteyanya ukutanika Cena nakabili**, filya fine ukupalana.

Ulya ali palya Lesa wabo uwatanikwa pa Kalbale, kabili bali abapofula nganshi uku cimona. Baliletele Wene mu kumonekela palwalala, kabili nalyo line taba cimona Cena! Bena balipofula. Lesa, **ukufimbwa mu muntunse!**

Muleibukisha, Ena aishilebwela lilya kuli Paulo panuma ya cilya (*Imilimo ya Batumwa 26:12-15*), na kuli Petro mu cifungo (*Imilimo ya Batumwa 12:5-10*), nge Ntumba ya Mulilo. **E ico mu nshiku shakulekelesha Ena alingile ukubwela nakabili, Ntumba ya Mulilo ilingile ukubwela nakabili ukulangisha Umwana wa muntu, ukulangisha Icebo, Ulubuuto** (*Sekariya 14:6-7*). Intambi, shaba, shikafumishiwapo. Takuli nangu cimo ici kacusha Cena; cena cikacitwa, nangu cibe fyo. **Lesa alepwile fye filye filonganino ne ntambi ukufiwisha.**

Lesa ukulepulako icifimbo, ukulangisha ifyo Ena aba. Mwamona, moneni icifimbo ilyo calepulwa pano nombamba, tulesanga nombamba.

Nombamba, kabili inshita imo, **ngo muntu ali endele** (mwitempile lya kale) **ukupitila muli cilye cifimbo, cali ni mfwa yakupumikisha. Nombamba nimfwa ukukana pita muli Cena!** (*Abahebere 9:5-14*). Amenii. Nga teti monaule cilye cifimbo ca ntambi, ukonaule ukupita muli lilye linga lya cilonganino, ukumona Lesa mu Maka Yakwe, ni mfwa. Limo ilyo cali ni mfwa ukwingilamo, nombamba nimfwa ukuba kunse. Icipuna conse ica Luse nacikala ukumonekela palwalala, uuli onse kuti acimona Cena, **icifimbo nacilepulwa. Ubukata kuli Lesa! Icipuna conse ica luse caisamonekela palwalala.** (*Abena Roma 3:23-26; Abahebere 4:14-16*).

Ifyo Lesa ali nokukwata uluse pa babembu aba bipisha nga ifwe, ilyo Ena aifishile Umwine, cali ni nkama. **Kabili nombamba Cena cilemonekela palwalala, ukusokolwela ne Cebo Cakwe. Cena lyonse caba Icebo, lyonse**

fye, ulya ni Lesa. Cena caba Cebo ico icisula cena. Nga balya bantu baliishibe Icebo cakwa Lesa bulya bushiku ilyo Yesu afwile, **bena nga balimwene Icipuna ca Luse, bena nga bali mwene ifyo Ena ali.**

“Ali nani Ulya lilya? Mulandunshi icifimbo calepwike?” Ibukisheni, cali nimfwa ukwingila muli Cena. Tapali nangu umo uwinga cimona Cena. Mose ali cimwene Cena mucipasho, cali ni numa ya Muntu (*Ukufuma* 33:22-23). **Cisuma, Ici icili apa, inuma ya mulopa, ulyo Muntu umo wine! Cali ni cinshi? Lesa alefwaya ukubalangisha Icipuna ca Luse. Lesa alefwaya ukubalangisha ifyo Ena ali.** E ico icifimbo mwitempile, ukufuma mu kuboko kwa kwa Lesa, pa mulu, calilepawilwe ukufuma pa mulu ukwisa pesamba, no kulangisha **Lesa ukumonekela palwalala. Cena cali ni Yesu Kristu ukutanikwa pa lupanda, Icipuna ca Luse** (*Amalumbo* 22:6-18; *Esaya* 53:1-12; *Mateo* 27:32-54). Kabili cena cali ni cinshi? Abantu bali abapofula nganshi ukumona Cena.

Nomba nacibwekeshapo nakabili, intambi shabo! **Musangonshi, kanshi, pa bushiku bwa Pentecost, Icebo calishile kabili cali mu cipasho ca “Umwana wakwa Lesa.”** Kabili batendeke ukubunganya cena ku Nicea, Rome. Kabili, icintu caku balilapo, bena baile kuli ba Methodist, Baptist, Presbeterian, Pentecostals, na bambipo. Cena lutambi ulwa bunganishiwa mpaka umuntu taishiba epo aiminina.

Lelo, ubukata kuli Lesa, Ena alilaya mu nshiku shakulekelesha ifyo Ena akacita. **Ena akalangisha Icebo Cakwe ukumonekela palwalala, ukwisulwa kuntanshi yesu nakabili, mwamona, ukwisula Cena.**

Moneni, imfwa, ukutalukako ukufuma kuli Cena nomba. **Imwe mulingile ukupita muli Cena ukupitila muli ici cipembe, nga teifyo tamwa kapite** (*Abahebere* 10:19-22). Ifyo Lesa aishile kwata uluse pali bena, lelo ibukisheni ifyo cena cali, ukutila Lesa alelangisha cilya icali kunuma ya cipembe. **Moneni icali kunuma ya cipembe, Icebo! Nifinshi ifyo cena cafimbile? Icebo!** Cali ni cinshi? **Cena cali mu cipao. Cali Cebo ico icipembe cafishile.** Mwamona? **Kabili Yesu ali cilye Cebo, kabili Ena aba cilye Cebo, kabili icifimbo ca mubili Wakwe cali fishile Cena.**

Kabili ilelo icifimbo ca ntambi cilefisa Icebo nakabili, ukusosa, “Cena tefyo cili.” Lelo Cena eflyo cili! Lesa alepela ubunte pali Cena, ukubalika Umwine ukubalikisha nga akasuba, ku ciso ca onse, kabili balafilwa uku cimona Cena. Lesa, kwateni uluse pali ifwe!

Moneni, ukufimbwa kunuma ya mikupo yakale ya tehasi mwi tempile lyakwe lyakale, mwali Cebo, mwali Cebo ukulangishiwa pa fipampa fya mabwe (*Ukufuma 25:10-22*). Kunuma ye tempile lyakale, mu cipembe, ni cinshi icaliko kunuma kulya? Yehoba ali nani? Nani uwafiseme kunuma kulya? Ni cinshi ico icipembe cafishile? Owe, halleluya! Ni cinshi ico icipembe cafishile? **Cena cafishile Icebo.** Icipembe, imikupo yakale ya tehasi, yalifishile, **ukufisa Icebo ku menso yabo, aya cifyalilwa.** Kunuma kulya, nacimbi, mwali umukate ushatutumuka. Kunuma kulya, nacimbi, kwali Ubukata bwa Shekinah. Lelo Fyena fyonse fyalifishilwe kuli bena. **Fyonse fyalifishilwe. Bonse ubukata bwakwa Lesa bwali kunuma ya ilye mikupo ya tehasi iyakale, cilya cishinka, fyonse ifyafiswa ku linso lyacifyalilwa.**

Lyena ilyo Lesa, mu luse, alepwile icipembe ukuti bena bamone, bena bali abapombwa nganshi mu ntambi shabo, cena cali nalilya line icafiswa kuli bena, mpaka na kuli lelo.

Cimo cine na nomba! **Ubukata, Amaka ya Mupashi wa Mushilo, Ubukata bwa Shekinah ubwisa pa wacetekela, nomba ndepilibula uwacetekela uwacine, cilya cilenga imilimo yakwa Lesa ne citetekelo ukwisa muli wene, ukucetekela Icebo cakwa Lesa,** filya fyonse fyalifiswa ku menso yabo. Bena batila, “Filya fintu fyalipita.” Mulemona, bena bacili balikala kunuma ya cifimbo.

Imwe tamuli kunuma ya cilye cifimbo nakabili, mwe banono, **Lesa naisa mukumonekela palwalala kuli imwe. Lesa alemonekela palwalala kuli ifwe, ukufisama. Cimo cine nomba!**

Bonse bulyo Bukata, ukufiswa, bwalifiswa pa mulandu wa ifwe muli Kristu, Icebo, Uyo uuli Itempile lyesu. Moneni, Ubukata bonse ubwaba muli Lesa bwaba mu Cebo (*Abena Kolose 2:9-10*). **Yonse amapalo ayali muli Lesa yaba mu Cebo. Yalifiswa, ku bashacetekela, ku ntambi.** Mwamona ico ndepilibula? **Lelo Fyonse fyaba muli Kristu** (*Yohane 1:16*). Fyonse ifyo Lesa ali, Ena aipongolwele Umwine, “Kenos,” kabili aishile muli Kristu; **kabili ifwe, muli Kristu, tuli kunuma ya cifimbo.**

Iseni mu cifimbo! Ena, Kristu, e Cebo. Ifwe muli Wene! Elyo ifwe, pakuba muli Wene, tucili twalifimbwa kuli bakapepa na bailumbula ukuba aba mwisonde.

E ico nomba twalilalikwa muli Wene, ukukumako kuli fyonse ifyo Ena aba. Tuli abakumako ku Bukata Bwakwe. Ifwe twalilalikwa muli Wene, ico icafiswa ku bashacetekela, **ku cifimbo ca mubili wa buntunse.** Mwamona?

Bena baliishiba bulyo Bukata, bena balabelenga pali Cena, Cena cili mu Cebo umu, “Ubukata bwakwa Lesa”, **cena caba fye Icebo kuli bena. Kuli ifwe, cena kulangishiwa! Cena tacili nakabili Icebo; cena cituntulu! Amen!**

Nomba cena tacaba fye Icebo icalembwa kuli ifwe, cena cituntulu. Ifwe twaba muli Wene (*Abena Kolose 1:26-29*). **Nomba tuleipakisha. Nomba tulemumona Wene. Nomba tulemumona Wene, Icebo, ukuilangisha Umwine.** Cena califiswa, kunse kulya, pa mulandu **Cena califimbwa mu mubili wa buntunse.** Cena cicili califimbwa.

Ifwe tuli mukati ka kwa Kristu (*1Abena Korinti 12:13*). **Nomba, nga lilya, bonse abacetekela abacine balamona Wene, Icebo ca bulayo cabuno bushiku, palwalala ukumonekela.** Lilya lishiwi likalamba nga mulelyumfwa. Mwamona? **Bonse abacetekela abacine, abo abali mu Cebo, balamona Lesa palwalala. Icifimbo na cilepulwa, kabili Lesa naiminina palwalala kuli imwe, ukumonekela. Mwamona? Lesa, ukumonekela, palwalala.**

Pa kuti tucite ci, **ishesu ishakale intambi sha cilonganino shilingile ukulepulwa nakabili.** Pa kuti tucite ci, **ififimbo fya ntambi ifya cilonganino cesu filingile ukutobwa, ku Mupashi wakwa Lesa uwa mulilo no Lupanga, ico icaba Cebo Cakwe** (*Abena Efese 6:17*). **Lyonse Icebo Cakwe e Lupanga Lwakwe.** Mwamona? Kabili Ena alisendele Ulupanga Lwakwe bulya bushiku, ulwaisulamo Umulilo, no kulepula cilye cipembe ukufuma pa mulu ukwisa pesamba. Ena alacita icintu cimo cine **no Lupanga lumu lwine ilelo!** Tacili “icisumino candi, ibuku lyandi lya fisumino, katekism yandi.” Lelo Ulupanga lwa kwa Shikulu lulalepula icifimbo ukwisa pesamba, kabili mulemona Lesa ukwiminina ukumonekela palwalala, **ukulangishiwa mu Cebo Cakwe.** Ifyo kwaba ukumoneka ukwabukata ukulolekeshapo! **Uwakwa Lesa Umupashi wa Mushilo no Mulilo, Ulupanga Lwakwe, lulaputula cena. Icebo cilalepula icifimbo ca cilonganino.**

Palya cilelangisha Lesa mu kumonekela palwalala, Yehoba umukalamba. Cilya Cebo Cakwe ukulengwo ukumonekela, iciputulwa ico icalailwe mubwa lelo. Muleumfwa Ici? Mwamona? Ilyo Lupanga, **ubulayo bwe lelo, muli buno bushiku, ico icilingile ukuba, kabili Lesa alasenda Ulupanga Lwakwe no kuputula icifimbo ca cilonganino kabili no kucitintila kunuma, kabili alailangisha Umwine no kumonekela**

ukutila Ena epo ali, nalyo line Ntumba ya Mulilo imo ine. Moneni, cilya e Cebo ukulengwo kumonekela ku mabulayo ya buno bushiku. ^[1]

Umwakumona:

[1] “Ukufimbulwa Kwakwa Lesa” (64-0614M), par.58-59, 68-104, 111-121, 127-128, 228-250, 253-255

[2] “Abahebere Icipandwa ca 6 part 3” (57-0915M), par. 590

Icilambu Cikalamba

Ukusokolola 22:12, “Mona, ndeisa bwangu; ne cilambu ndi na co, ica kulambula umuntu onse umwabela imilimo yakwe.”

Munyina Branham alandile pa cimonwa icaibela ico akwete: kabili ilyo alele kulya ukutontankanya ukutila, nalyumfwile icintu cimo palwalala nganshi, ngefyo nalemweba, **“Twalilila ukuya pantanshi.”** Cilesa mumusango uwakutila, kwati fye ifi fimonwa pano: iwe ulacilanda, kabili tawaishiba walilandile cena. Iwe ulelanda, ukulanda; iwe tawishiba ulelanda. Ilyo namona icimonwa kuntanshi ya umo, nshishiba ico nasosele. Umusango uo njishibilamo cena, bweleleni ku tepu umu no ku cisanga. Nshishibe ico nalandile, pantu uli ku cifulo cimo mu ncende imbi, nalimo amakumi yane, imyaka amakumi yasano kulya kunuma mu bumi bwa muntu umo atemwa ukutali kulya kuntanshi mu bumi bwa muntu umo. Iwe tawaishiba; iwe tawishiba fye ulelanda cena. Kabili natile, **“Ndetwalilila ukuya pantanshi.”** Atile, **“Twalilila ukuya pantanshi; twalilila ukuya pantanshi.”** Ena atile, **“Icilambu icikalamba cili ku mpela ya musebo.”** (*Abahebere 11:6*). ^[1]

Ukusokolola 2:7, “...uwacimfya nkamupela ukulyako ku muti wa mweo, uuli mu paradise wakwa Lesa.”

Ici cilambu ca kuntanshi kuli bonse bakacimfya aba munshita yonse. Ilyo ubwite bwakulekelesha ku bulwi bwa lishiwa, ilyo icabulwi cesu cikabikwa panshi, **lyena ifwe tukatusha mu paradise yakwa Lesa** kabili iciputulwa cesu cikaba Umuti wa Mweo, umuyayaya. ^[2]

Ulukuta lwa ku balilapo lwali Ulukuka lwa Nshita ya Efese, ukufuma A.D. 55 ukufika 170. Paulo ali ulutanda (Inkombe). “Imilimo ukwabulo kutemwa” cali ukwilishanya kwa kwa Lesa.

Icilambu kuli kacimfya muli iyi nshita cali **“Icimuti ca Mweo,** ico icaba pakati ka paradise yakwa Lesa.” (*Ukusokolola 2:7*).

Inshita ya lukuta lwa cibili yali ni Sumurna 170 ukufika 312, Ireneus pakuba inkombe ya bulya bushiku. Kabili ukuilishanya kwali ubucushi,

kabili ulukuta ulwapakaswa. **Icilambu, “Icilogwe ca Mweo.”** (*Ukusokolola 2:10*).

Inshita ya lukuta lwa citatu yali ni Pergamo, Martin Washila ukuba inkombe iya lulyo lukuta. Inshita ya lukuta yali ukufuma mu 312 ukufika 606. Ukwilishanya kwali “isambilisho ilya bufi, Satana ukubepa, umufula wa kuteka kwa cipapa, kabili icupo cali ulukuta no buteko capamo.”

Icilambu cali “manna uwafiswa, kabili ne libwe lya buta, kabili mwi libwe ishina lipya ilya lembwa, ilyo umuntu nangu umo taishiba kano uyo uwalipokelela.” (*Ukusokolola 2:17*).

Kabili inshita ya lukuta iya lenga cine yali Tuatira; Columba pakuba malaika wa ilye nshita ya lukuta, inkombe; cali mu 606 ukufika 1520. Kabili inshita ya lukuta yali ukubepwa na papa, Inshita sha Mfimfi.

Kabili icilambu, cali “amaka ukuteka pa nko, kabili no Lutanda lwa Lucelo,” kuli malaika. (*Ukusokolola 2:26-28*).

Nomba, inshita ya lukuta iya cisano ni nshita ya lukuta lwa Sarde. Kabili inkombe kuli iyi nshita ya Lukuta ali ni Martin Luther, aishile ishikikwa nganshi, kabili ilya nshita ya lukuta yatendeke mu 1520 kabili yapwile mu 1750; inshita iyo twita “Inshita ya Kulungamika.” Kabili ukuilashanya kwali “Walikwata ishina ukutula uli no mweo, lelo walifwa.”

Kabili icilambu ca balya abanono abashele cali, ukufwikwa amalaya yabuta, kabili na mashina yabo tayakafutwe mwi buku lya mweo. (*Ukusokolola 3:5*). [3]

Inshita ya lukuta ya Filadefia yalipo ukufuma mu 1750 ukufika 1906. Iyi nshita, pa mulandu wa bupilibulo bwa musumba, iitwa inshita ya Kutemwa kwa ba Bwananyina, ngefyo Filadefia cipilibula, “ukutemwa ba munyina.” Inkombe kuli iyi nshita ya lukuta ali ni John Wesley. [4]

Kabili icilambu ca kwa kacimfya cali: *“Ukacimfya nka mucito ulucenshi mwi tempile lya kwa Lesa wandi, nao takafumemo kabili nakalya; kabili nkalemba pali wene ishina lya kwa **Lesa wandi, ne shina lya musumba wakwa Lesa wandi, Yerusalemu mupya, uleika mu mulu ukufuma kuli Lesa wandi; ne shina lyandi lipya**”* (*Ukusokolola 3:12*).

Moneni ifyo kacimfya alaiwa mu Laodikea. Ilya e nshita ya lukuta ulwa kulekelesha ukufuma mu 1906 ukufika...? **Kuli no kubako bamo bakacimfya ukufuma mulya.** Moneni kulya. Ibukisheni, cila nshita ya lukuta, ilya ilekonkapo pali yena, ilapyana ifyo shimbi shapele. Lolekesheni pano. Nomba, pano, cili panuma ilyo bena bapokelela yonse aya amaka, aya mashina yanya, kabili na fyonse ukulembwa, ifyo Ena alaile, kabili no kulya

manna uwafiswa, kabili ukupita fye monse. Moneni iyi nshita yakulekelesha.

Ukusokolola 3:21-22, “Uwacimfya nkamupelo ukwikala na ine pa cipuna candi ca bufumu, eflyo naine nacimfishe, no kwikala pamo na Tata pa cipuna Cakwe ca bufumu. Ukwete ukutwi, omfwe ico Umupashi ulesosa ku nkuta.”

Kuli icilambu kuli ba kacimfya! **Twalilila, cananika. Nga cili muli iwe, fumyapo amatipa ne fintu fimbi ifyashala, kabili ipatikisheni ukuya pa mulu.** Eeh, mukwai. *“Ukwikala na Ine pa cipuna Candi.”*

Nga twacula pa mulandu wa kwa Kristu ne Cebo Cakwe, ifwe tukateka pamo Nakwe, pantu Ena e Cebo. Ibukisheni, nga twaculila Wene ne Cebo Cakwe, tukesha teka pamo Nankwe, **mu Cebo Cakwe** (*Abena Roma 8:17*).

Naleciluka umulando uwakale ubushiku bumbi, kabili ne cipunda, kabili nalitolweke pali uyu mulando. Kunse, walemoneka bwino, walemoneka ngo mulando uwakale uwa kululamba. Lelo ilyo natolweke pali wene, owe, iciputulwa icikalamba ica wene cali mokweke. Cali mucine icabola kabili icabola panono. Natile, “Ulya e musango Abenakristu baleba.” Bena balifwa mu lubembu na ma mpulu (*Abena Efese 2:1-7*), inshita iitali nganshi, mpaka balesa mukuba ababola panono. **Bena teti basende icafina, nakalya. bena tabaishiba ifyo kucimfya cipilibula.** Nalitendeke ukutontonkanya pali ili sambililo, lyena. **Ukucimfya, ukusunga Ubumi muli imwe.** Ilyo Bumi bwafumine, cilya e caletele ulyo mulando kuli ilye mibele. Mwamona? Kabili yali ulengele ukubipilako ukucila lyonse ilyo waikele mu musambo umwali amenshi.

Kabili lyena, kulya, imwe mukasende Umwinakristu, **uyo uulingile ukuba umwina Kristu, lekeni ubumi bwakwa Lesa bufume muli wene, kabili no kwishiba, ukusangalala ku ku bombela Kristu;** kabili, ukwikala mu lukuta umo ifya musango uyu filecitika, ena alabola imiku ibili mukwangufyanya, ukwikala fye mulya.

E ico, **nga tuleesha ukukonka Imbila ya ino ora,** nangu ici ciputulwa ca Mbila, **ifwe tulingile ukwikala lyonse mu bumi bwakwa Kristu.** Mwamona? Pa mulandu, nga tacilecita, muleikala fye, no kwishiba Ukutula, ifi fintu ifyo mulingile ukucita, kabili ta muleficita. Baibile itila, *“Uyo uwaishiba ukucita icisuma, kabili talecicita, kuli ena lubembu.”* (*Yakobo 4:17*). Lyena mulesa mukuba ababola panono, ababola, ilyo mwapatulwa ukufuma ku Bumi bwakwa Lesa. **E ico, lwisheni na conse icili muli imwe,**

ukwikala mu Bumi bwakwa Kristu, pakutila mwingatwala ifisabo (*Abena Roma 7:4-6*). [5]

Kabili ilyo bena balekwata ukupuputulwa mu nkuta shenu, imwe mukaye fye kuli bena, pa mulandu cilya e cintu icakucita pa mulandu tamwaishiba—limbi kuti caba umubembu ukwisa ku cipailo, **kabili limbi kuti mwaongolwa ukutungulula ulya muntu kuli Kristu, ico icikaba icilambu cenu icikalamba kulya kulubali lumbi.** [6]

Imwe kuti mwang’umfwa ine ukushimikila iyi Mbila. Imwe kuti mwamona Mupashi wa Mushilo ukulingulula no kucite fintu fikalamba, no kubombe fipesha mano. **Imwe limbi kuti mwapepa, kabili cena teti cifikilishiwe. Twalilileni, icilambu cenu ciisa pa mpela!** (*Ukusokolola 2:10*). Bushe cilya teti cibe icawama palya pene? Eeh. **Mwamona, bombeleni Yesu umulimo!** Ilya e Mbila ya nshita ya kulekelesha. Ena nakwata Nabwinga. **Lesalefwaya imibele.** [7]

Lolesheni pali Eliya, kasesema. Ena aliile kulya lubali no kwita umulilo ukufuma ku mulu (*1 Ishamfumu 18:25-39*), aitile imfula ukufuma ku mulu pa bushiku bwa kubalilapo; kabili alisele imyulu no kucita fyonse filya (*Yakobo 5:17-18*). **Lyena ilyo ukuputwa kwafumine pali ena,** ena aile kulya mumatololo no kufwaya ukufwa. Kabili Lesa alimusangile, inshiku amakumi yane panuma, naikala mu lucengo (*1Ishamfumu 19:1-13*).

Lolekesheni kuli Yona, kasesema. Panuma yakupela imbila yakwe, ena aile kulya nokwikala panshi pa lupili, aipwishe Lesa ukumuleka afwe. “Lekeni umubomfi wenu aye umutende.” (*Yona 4:1-4*).

Abantu tabeluka cena. Iyo, iyo, imwe tamwakacite. Nangula ine kuti nalondolola cena, napamo umuntu umbi. **Imwe teti mulondolole Lesa.** Lesa teshibikilwa ku kufwailisha kwa science. **Lesa e shibikilwa ku citetekelo.** Ifwe tulamucetekela Wene. Kuti mwalondolola shani? Musangonshi cingaba icitetekelo, nakabili? **Ifwe twishiba Lesa ku citetekelo** (*AbaHebere 11:6*).

Ulukuta talwakatale ishiba umulimo no kunaka, no kubomba elyo no bwesho, **abo abaeseshe ukuleta Cena, Imbila.** Ena alacita. **Icilambu candi taciisa ukufuma ku bantu** (*Abena Kolose 3:23-24*). [8]

Pantu nga mwatemwa fye abamutemwa, ilyo tuleposhanya mu minwe ya umo no mubiye, nga abatemwikwa nganshi muli Shikulu, cilya cisuma, **lelo imwe kuti mwatemwa na ba shatemwikwa?** (*Mateo 5:43-48*). **Ulya Mupashi wa kwa Kristu muli imwe, ukutemwa balya abashamutemwa, lyena mulakwata icilambu ca kwa Lesa.** Lelo, nombamba, nga mulecicita ngo mulimo, muli fye pa mulu wa cishilwa cacibili. Lelo ukufuma mu mutima wenu mwali mutemwa icine cine, lyena mulepemena ukupitila mu

Cakusushilako ca muntu utontonkanya. Kabili Cena cilekusha imisondele ya muntu umulungami, **cilya mwaliishiba, ukufuma mu mutima wenu mulabelelo luse umuntu onse, ifintu fyonse**, te mulandu ifyo ifyacitika (*Marko 11:25-26*). Bushe Ena tawama? [9]

Abengi muli ifwe muno, Shikulu, ukutula ilyo twali abalumendo abanono, natubikako amano yonse ayo twaishiba, **ukubombela Imwe**. Shikulu, mwileka Ameniso yesu yapofule kuli ino ora. Isuleni Ameniso yandi, Shikulu, **pakutila ninga mona ubulayo ubuli bonse**. Lekenii mbe uwakwankula kuli cena na “Amenii,” cilya ni fyo fine, ifintu fyonse ifyo Lesa alaya. Peleni cena, Shikulu.

Paleni aba, ba munyine naba nkashi, muno. Bamo aba aba nakashi abanono abeminine muno, **aba mitwe ya mfwi, abo ababombe mu kusakamana abalume babo, ilyo bena balebomba mulya mwibala**. Kabili, Lesa, **imwe mukabapela icilambu**, balya abaume abo aba lwishishishe ukunonka icilambu no koba pali ba bemba aba mulopa. [10]

Nga kuliko amalumbo ayali yonse ukupelwa ku lupwa lwa kwa Branham, lekeni kupelwe ku mukashi wandi. Ena ewalinga ukucikwata, umukashi wandi, umo uwawamisha umwanakashi Umwinakristu naishiba mwi sonde. Ena aba pakati kabasalwa; ndi uwashininkisha. Lesa alepala lyonse umweo wakwe uwashipa. **Icilambu cakwe cikalamba ku lubali lumbi**. [11]

Ukwisa kwakwa Shikulu kuti kwaba ilelo, limbi kuti caba mailo, limbi kuti caba umwaka uuleisa. Ifwe tatwishibe ilyo cikaba. Lelo kuli icintu cimo icacine, **ifwe twalilaiwa ukutula tukakumana ku Mulalilo mulwelele, kabili Imfumu ikesa no ku kumuna ifilamba fyonse ukufuma ku menso yesu**, kabili atile, “Wisakamana; conse na cipwishiwa nomba. Ingileni mu kusangalala ukwa kwa Shikulu, uko ukwateyanishiwa imwe ilyo mufula we sonde taulalengwa, ilyo twasontelwe ukuba abana bakwa Lesa, ukupitila muli Yesu Kristu, Owe Tata Lesa, peleni ici (*Ukusokolola 21:4-6; Mateo 25:21*). [10]

Yobo alimwene kulya ukulangisha ukwakulekelesha, imyaka imyanda iingi kuntanshi. Lelo, pakuba kasesema, mu cimonwa alimwene ukwisa kwa kulangisha ku kalamba ukwa kwa Lesa.

Ena kuti alolekesha panshi no kulolekesha ukubuka kwa mbuto. Ena kuti amona ukubuka kwa fimuti (*Yobo 14:1-10*). Kabili ukubuka kwa kasuba, panuma ilyo kabombe inshita ya kena, no kutula nakabili; kabombe ubushiku bumo, katulile ku bushiku bumbi. Amaluba ya mulimo wa cililo cimo, ukufwa, kabili yalabuka ku mulimo wa cililo cimbi. **Ifintu fyonse**

ukubomba ipange lya fyena. Elyo alimwene, ku ntanshi, Ukwisa kwa Ulya Umulungami, kabili alibilikishe, “*Naliishiba kuti uwa Kundubula ali no mweo.*” (Yobo 19:25-27).

“*No mubili wandi waikala mutelehwe,*” Dabidi atile, “*pantu Ena takaleke Uwa Mushilo Wakwe ukumona ububole; nangula tamwakashe umweo Wakwe kumbo.*” (Amalumbo 16:9-10).

Alimwene bulyo bushiku, kulyo kulangisha ukwapwililika ukwa kwa Lesa, ifyo Ena ali nokucita; ukulengwo kwishiba, ku muntu, **ukutila imfwa tempela ya musebo.**

Iyi te mpela. **Uku e kutendeka. E mpela yabulanda. E kupwa kwa nshita ya kusala. Lelo e kutendeka kwanshita ya kusangalala ne cilambu.** Te mpela ya fintu fyonse. Yena ni nshita ya mpela ya fintu ififwa, **ukutendeka ifintu ifishifwa** (11 Abena Korinti 4:16-18). [12]

Ifwe tulepepela fyonse ifyakukabila ifya lukuta. Ifwe tulepepela umutemwikwa kacema wesu. Owe, mwe Lesa, umubomfi uwa cishinka, tanaka iyo, **lyonse uwaiteyanya ukuya.** Landeni ku mutima wakwe ilelo kabili **lekeni wene e shibe ukutula kuli icilambu icikalamba ukulolela kulya kuli balya ba kacema aba cishinka** ilyo bakalongana kulya kulubali lumbi **na bonse abalubulwa. Paleni bakacema bambi, na ba minshoni, na ba membala mu mubili wakwa Kristu ukuli konse.** [13]

Kabili ifyo ndetontonkanya ilelo ukwiminina kuno kuntanshi ukulanda Icebo, no kutontonkanya ukuti kuli abaume abekele kulya, te balya fye beka abaume lelo na bambi abali nabena, **abo abaleshimikila Imbila nsuma ilyo nshilafyalwa.** kabili ndi pano ilelo ukwiminina pano. Ba munyina, ndefwaya ukusosa ici ilyo ndetotela kuli imwe. Mwalipangile inshila pafyo ndeleta. Cilya filya fine icalungama. Lesa apale balya abaume epepo lyandi lya bufuma cumi.

Ee, bena baleiminina pa cifutu no kulisha gitale, kabili baleposela amani yabola pali bena, ne fintu nga filya. Uko naishileisa no kwingila mu cikulwa, ukupita fye mu musebo ukalamba uo bakulile fye. cilya cishinka. **Lesa aliishiba ukusela ukuli konse ukunono, ifintu fyonse pantanshi. Ndi uwashininkisha ku kaba icilambu cenu icikalamba ubushiku bumo.**

[14]

Kabili nomba tuli abansansa ukwishiba ukutula kuleisa inshita ilyo ama bufumu ayaili isonde yakesaba ama bufumu yakwa Shikulwifwe kabili na Kristu Wakwe (*Ukusokolola 11:15*), **ukuti ifwe tukateka no kwikala pe sonde pamo Nankwe, imyaka ikana limo** (*Ukusokolola 20:4-6*). Ifwe

tulolekesha ku ntanshi kuli ilye nshita. Kabili ukumfwa abaume ukulanda pa fya kweshiwa kwabo, ifyo kutila Satana asendele Shikulwifwe pa mulu wa lupili, kabili mu kashita fye akanono amulangishe Wene amabuteko yonse na ma bufumu ye sonde (*Mateo 4:8-10*), kabili apele fyena kuli Wene, lelo Ena alikene nganshi, pa mulandu **Ena alishibe ukuti ubushiku bumo Ena akesaba impyani kuli fyena**. Kabili tatulolekesha ku fintu ifyo ificitika pakashita fye nomba, **lelo tulolekesha ku mpela ya musebo, uko ifilambu fikapelwa** (*1 Abena Korinti 3:11-15*). [15]

Kwaba intamfu shitatu shakwa Ruti. **Ruti ukusala**; ena alesala nga cakutila kuti abwelelamo ku mushi ku mwabo nangu iyo. (kwati fye Ulukuta). **Ruti, ukubomba; ilyo aile mukusepa. Ruti, ukutusha; cilya eco Ruti alecita nomba** (Ulukuta). **Nomba Ruti, ukupelwa icilambu; nomba cilya e cintu cimbi icilecitika (e cilambu ca Lukuta).** (*Ruti 4*). [16]

Kabili ilyo Ruti aletusha, cali icipasho ca Lukuta ukutusha mu mabulayo yakwa Lesa! Ifwe twalikwata nomba icikatilo ce pusukilo lyesu (*Abena Efese 1:13-14*). **Ifwe tatulesakamana nga cakutila tukaya kulya nangu iyo, ifwe tuleya!** Cilya cishinka. Lesa efyo asosa! Lesa alilaya cena kabili twalikwata icikatilo, natupokelelwa, **Kristu alipokelela** (*11 Abena Korinti 1:21-22*). Takuli inshila ya kufumako kuli Cena nomba, ifwe natufika! Amenii! **Fyonse ifyo tulingile ukucita cili fye ukulolela mpaka Ena akasende...**Ena ali kulya ukubomba umulimo wa Kalubula wa lupwa. Ifwe twalikwata icikatilo icacena ino ine nshita, **ukulolela inshita ilyo Ena akabwela.**

Kabili lyena ni cinshi icintu cimbi Ruti ali, **Ruti apelwe icilambu.**

Cilya eco Ulukuta lwacitile. Lwaingile mu ku lungamikwa, muli Luther. Elyo lyaile mu kushishiwa, muli Wesley. Lwaile mu lubatisho lwa Mupashi wa Mushilo, muli ishi nshiku shakulekelesha. Kabili nomba ukutusha ne cikatilo ca bupyani bwesu ico twaishiba ukuti icintu cimo calicitike muli ifwe, ifwe twalifuma mu mfwa no kwingila mu mweo. (*Yohane 5:24*), **kabili ukulolela, ukutetela pamo ne fya cifyalilwa, pali ilya nshita ilyo tukapokelela Umweo ushifwa** (*Abena Roma 8:22-23*), **umwisulo ushifwa; imibili yesu ikalubulwa.** Ifintu fyonse ukulubulwa, kabili tulelolela fye kuli Wene ukubwela ukufuma ku mpongolo. Amenii!

Elyo cinshi? **Ruti ali pelwe icilambu. Lilya e lintu tukapelwa icilambu. Ulya e mulandu wine ili Buku ilya kakatikwa ne fikakatikilo cinelubali fikesaisulwa kuli ifwe** (*Ukuskolola 10*). Ni finshi ifi fintu? **Fyena ni nkama** (*Mateo 13:10-17*). **Fyena tafyalembwa mu Cebo, filingile ukusokololwa na Mupashi wa Mushilo;** lelo nga kuti mwamona, mucine, fyena fyalisokololwa monse mu Malembo **lelo fyalifiswa ku bantu** (*Mateo 11:25-27*). ^[17]

Ruti alipelwe cilambu. Nomba, ni finshi ifyo bacitile? **Baishile upana, kabili ukupitila muli cilya kwaishile ici cintu cikalamba. Lyena Ruti alipelwe icilambu pa kusenda Kristu—pa kusenda Boashi ngo mulume wakwe. Icili ulukuta lulepelwa icilambu...**Ilyo ukwisa kwa kwa Shikulu ku kesa, pali lulyo lucelo ulwabalika ulwabula amakumbi...Ifwe tuletusha, ukulolela nomba. Cikesa. Cinshi, cena calubulwa. ^[18]

Ilipusho kuli Munyina Branham: *Napapata londololeni Mateo 10:41. Kuti natemwa ukwishiba ni cinshi icilambu ca kwa kasesema?*

Cisuma nomba, Yesu atile, **“Uyo onse upokelela kasesema mwi shina lya kwa kasesema, akapokelela icilambu cakwa kasesema.”** **Icilambu cakwa kasesema kuba cibusa na kasesema.** Uyo onse upokelela umuntu umulungami mwi shina lya muntu umulungami, apokelela **icilambu ca muntu umulungami.** Bushe ico cishinka? Kabili nga balefwaya ukwishiba ifyo icilambu cakwa kasesema cili, **caba ukuba cibusa na kasesema. Mwamona? Cilya e cilambu. Ena ni cibusa wenu** (*Mateo 10:40-42*).

Nga filya umwanakashi umwina Shunemu, cena kuti caisa mu musango uwa anguka inshita shimo. Mwamona? Calicitile na ena (*11 Shamfumu 4:8-17*). Mwamona, lolesheni ababomfi bakwa Lesa! ^[19]

Ukwilula ukwa cine ukwa mbila, ukwa busesemo uko ukwalandilwe pali Munyina Branham, ukupelwa na Danny Henry mu ci French, February 11, 1961, pa Full Business Mens Breakfast. Nomba pano eflyo Bwena bwalandile:

“Pa mulandu **nausala akashila kakafyefye, inshila iyakosa, iwe nawenda umwakuisalila we mwine.** Nausenda inshila iyacine kabili iyalungama, ukusala ukwalungama, **kabili yena ni nshila Yandi.** (Napashilwa: “Inshila Yandi,” Mupashi wa Mushilo ukulanda mumbwekesha.) Pa mulandu wa uku kusala ukukankala, **iciputulwa icikalamba ca mulu cilekulolela. Ifyo wapanga ukusala ukwa bukata!**

Ici mu cine ceka e cilya ico icili no kupanga, kabili no kufikilishiwa, **ukucimfya ukwapulamo mu citemwiko ca Bulesa.”**

Nomba “mu kutemwa kwa Bulesa”...**Cilya kuti caba shani ukutemwa kwa Bulesa nga cena tacili Mupashi wa Mushilo? Mupashi wa Mushilo kutemwa kwa Bulesa** (*Abena Roma 5:5; Abena Roma 15:30*). [20]

Umwakumona:

- [1] “Ukufuma Ilya Nshita” (60-0716), par. E-88-89
- [2] “Inshita ya Lukuta lwa Efese” CAB pg. 97
- [3] “Inshita ya Lukuta lwa Sarde” (60-1209), par. 24-28
- [4] “Inshita ya Lukuta lwa Filadelfia” CAB pg. 288
- [5] “Kuti Nacimfya Shani” (63-0825M), par. 155-159, 41- 43
- [6] “Imfumu iyo Bakene” (60-0515M), par.26
- [7] “Ukubila Mbila Nsuma Ku Nshita ya Mpela” (62-0603), par. 213
- [8] “Ishiwi Iya Cishibilo” (64-0321E), par.289-292
- [9] “Icakusushilako Umuntu Utontonkanya” (65-0822E), par. 198
- [10] “Icakupapusha” (64-0206B), par. 272-274
- [11] “Inshila Ishiteluka Iyakwa Lesa” (60-0724), par. E-24
- [12] “Ukulangisha” (62-0313), par. 43-46
- [13] “Yosefe Ukukumanya Ba Munyina” (56-1230), par. E-68
- [14] “Yehoba Yire” (57-0326), par. E-8
- [15] “Isonde Lilepatukana” (63-0412M), par. 14
- [16] “Ukusokolola Icipandwa ca 5 part 1, Insoka ya Laswa” (61-0611), par. 155
- [17] “Ukusokolola Icipandwa ca 5 part 2 (61-0618), par. 116-118
- [18] “Kalubula Uwalupwa” (60-1002), par. 193
- [19] “Amepusho Na Masuko” (64-0823E), Q.No.321, COD par. 220
- [20] “Ukwiminina Pakati” (63-0623M), par. 90-91

Ilibwe Ilyakukulilako Ilya Bumupashi No.43

Ubulayo Bwesu: Ukubweseshapo Kwa Bulesa

Muli Yoele 1:4 na 2:23-27 tulebelenga palwa konaulwa kwa lukuta lwa kwa Lesa kabili na pa nshita ya kubweseshapo ifintu fyonse. Kabili iyi nshita yalisa nombamba (*Imilimo ya Batumwa 3:19-21*).

Uwa cetekela onse apashiniwa ku cimuti (*Amalumbo 1*). Lelo ulukuta ulwalingilwa libela lwaimininwako nalo nge cimuti ca cisabo ca kwa Lesa, ico cilingile ukwimininako Lesa ifisabo pabula ifya mupashi (*Abena Galatia 5:22*). Ici cimuti ca fisabo cali byalwa kuli Lesa pa Pentecost, ne fya kumanina ifisabo pabula ifya Mupashi kabili ne fya bupe fya mupashi pabula (*1 Abena Kotinti 12:4:11*).

Tulabelenga mu Milimo ya batumwa 2:42-47, “Awe Shikulu alalundako ubushiku no bushiku abalepusuka.” ukufika lilali ici catwalilile tatwaishiba, lelo ubushiku bumo nge fyo Efa aeshiwe no kulembelekwa na Satana, **e fyo ulukuta lwali koweshiwe pa kwingilwa no mupashi wa mukanya kristu.** “Kabili uyu mupashi e wa bumunkanya kristu untu mwaumfwa ukuti uleisa na nombamba epo uuli pano isonde” (*1 Yohane 4:3*). Kabili Yesu atile pali na bwinga wakwe muli ilye nshita yakubalilapo, “Lelo ndi ne ci cakukushinina, ica kuti waleka ukutemwa kobe ukwa pa kutendeka. E ico ibukisha uko waponene no kulapila” (*Ukusokolola 2:4-5*). ^[1]

E ico kalekale mu nshita ya lukuta lwa ntanshi lwa Efese ukufuma 53 ukufika 170 mushita ya kwa Kristu, umupashi wa mukanya kristu walitendeke, ukwimininako mumimonekele iya lekana lekana iya makanta, ukubomba mu musango uwa konaula mu lukuta ulwa kwa Lesa.

E ico kunuma mu lukuta lwa kubalilapo (**inshita inono nganshi panuma ya Pentecost**) umwanganshi wa bufi watendeke ukuipomba uwine ukushinguluka Umwangashi wa Cine kabili tulesanga iyi milimo ya bena Nikola. **Kabili ulya umupashi uli no kusangwa ullelwisha Umwanganshi wa Cine mpaka ukonaulwe na Lesa.**

Nibani aba abena Nikola? Ishiwi liisa ukufuma ku mashiwi yabili aya Cihela. **Nikao, ico icipilibula Ukucimfya, kabili Laos, ico icipilibula Ulukuta.** Mu cinshika capalwalala, umo umuntu alecita icintu cimo muli

lulyo lukuta lwa kubalilapo ico ica le cimfya ulukuta. Ngo lukuta lwa lecimfiwa, lyena cilingile ukuba lumu “Ulupaka” abalecita cilya.

Ni finshi ifyo Lesa apatile ifyo ifya lecitika muli lulyo lukuta? Ni finshi ifya lecita lilya, **kabili nomba filecitika ilelo, ni filya fine ishiwi Nikola lipilibula**. Abantu balebalenga ukunakila nangu cibe fyo mu musango uyo uwali uwapusana mu cine ku Cebo cakwa Lesa. [2]

Nomba mulandunshi ici caba icintu icabipisha? **Cena calibipa pantu Lesa tatala bika ulukuta lwakwe mumaboko ya butungulushi ubwa salwa ulo ulwenda na mano ya fikansa fya calo. Ena alibika ulukuta lwakwe mukusakamana kwaba sontwa na Lesa, abaisushiwa na Mupashi, abaume abekalila Icebo abo abatungulula abantu ukupitila ukubalisha bena Icebo**. Ena tapatula abantu mu mabumba pakutla abengi baletungululwa na bushimapepo bwa Mushilo. **Cena cinshika ukutula ubutungulushi bulingile ukuba ulwa Mushilo, lelo nomba e fyo no lukuta lonse lulingile ukuba**. Ukuya pantanshi, takwaba icifulo mu Cebo eko bashimapepo atemwa bakapyunga atemwa aba musango ifi bapapatila pakati ka kwa Lesa kabili na bantu, nangula pali ba icifulo apo bena bapatulwa mu kupepa kwabo kuli Shikulu. **Lesa afwaya bonse ukutemwa no kubombela Wene capamo. Ubwina Nikola bulonaula aya mafunde kabili mucifulo bula patula bakapyunga ukufuma ku bantu no ku lenga intungulushi ukuba bakateka mucifulo cakuba aba bomfi**.

E ico, cilya e catendeke ngo mulimo mu nshita ya kubalilapo caishile panga isambilisho ilituntulu kabili efyo caba ne lelo. Ba bishopu na nomba batila balikwata amaka ukutungula abantu no kubomba na bena nge fyo bakabila, ukubabika apobalefwaya muli bukapyunga. **Ici cilakanya ubutungulushi bwa Mupashi wa Mushilo**. [3]

Kabili nga muli no kulolesha mupepi, filye fishishi fine ifya muli Yoele 1:1-4 caba icishishi cimo cine mu cipasho cimbi: icakubalilapo makanta uuputaula kabili lyena makanta uusenya, kabili lyena makanta uumeng’anya, kabili makanta uupwishisha. Balitweba ukutula cilya cishishi cimo cine mu fipasho ifyalekena lekana ukwika panshi. [4]

Intanshi kwaishile

- 1) Makanta uuputaula (ukusontelela ku nshita ya lukuta lwa Efese, 55-170

➤ Ifi “ifishishi fya ci roma” fyalile icisabo –icisabo ca mupashi, ico caba **ukutemwa kwa bulesa, ukusangalala, umutende...** (*Abena Galatia 5:22*) Bushe Baibele tayalandile libela cilya.

- Pantu amampulu yakafula, ukutemwa kwa bengi ku kashibantunkila (*Mateo 24: 12; Ukusokolola 2:4*) kabili **Bena baleonaika, pantu balikana ukutemwa icine** (*11 Abena Tesalonika 2:10*)

2) makanta uusenya (ukusontelela ku nshita ya lukuta lwa Smurna, 170-312)

- Caishile na umo wine umupashi wa mukanya Cebo no kulya amabula –**isenge lya bulesa**. Amabula yabelapo ukutalalika, ku cintelelwe ku cikabilila.
- **Ku kubulisha kwa ubu ubusokololo ulya e mulandu wine twakwatila ukupusana ukwingi pakati kesu, kabili no kusenteka ukwingi nganshi. Mwamona, balibulisha bulyo busokololo, bakasambilisha!** (*Hosea 4:6*). [5]

Ifwe bonse twalikwata ukukulilako ku busokololo- icitetekelo cenu cilekulilako- pantu Icebo cakwa Lesa caba Umubili ulekula wakwa Nabwinga (*Abena Efese 2:20-22; 11 Petro 3:18; Imilimo ya Batumwa 6:7*).

3) Makanta umeng'anya (ukusontelela ku nshita ya lukuta lwa Pergamo, 312-606)

- Caishile no kulya icikwa.
- Icfimbo ca lukuta, **amasambilisho ya baibele, nayalikwa kabili**
- Ifishilano ifishaba mu baibele, ifisumino, ifya kucita ne ntambi fyalisambilishiwa-nangula Yesu alisosele mu Kusokolola 22:18-19

“ngo muntu alundapo pali ifyo, Lesa akalundapo pali wene ifinkunka ifya lembwa mwi buku ili; kabili umuntu nga afumyapo ifyebo fya mwi buku lya kusesema uku, Lesa akafumya icakaniko cakwe ku muti wa mweo..”

Caba nangula ukupilibulako icebo fye cimo pa kufumyako atemwa ukulundako kuli cena. Caba ubucenjeshi bwantendekelo bwakwa Satana mwibala lya Edeni. Ena alundileko fye cimo

icinono pafyo Lesa asosele. Cilya cali cicitile. Caletete imfwa no konaula. Kabili mu Efeso, cali fye icintu cimo cine. Icebo fye cimo ukulundako, icebo fye cimo ukufumyako, kabili munkanya Cebo, umupashi wa munkanyakristu watendeke ukulunduluka. [2]

4) Makanta uupwishishisha (ukusontelela ku nshita ya lukuta lwa Tuatira, 606-1520)

- casendele imishila =ubumi
- Casendele amenshi =amenshi ya bumi
- **Mupashi wa Mushilo walitamfiwa ku maka kabili no mupashi wa muntu waliishilemo.**

Ifilonganino te fya kwa Lesa. Fyena tafya tala ukuba kabili tafyakatale ukuba. **Wene mupashi wa lubana uyo uupatula abantu bakwa Lesa mu mabumba no lukuta;** kabili cena cili, e ico kanshi, **umupashi uwa lubana uyo uupatula abantu ukufuma ku bantu.** Filya efyo akabungwe ne filonganino ficita. Mukubunganya **beni balaipatula abene ukufuma ku Cebo cakwa Lesa, no kuileta abene mu bucende bwa bumupashi.** [3]

Yesu atile ukuti ilyo Ena akafumapo Ena akatuma Umupashi Wakwe uo abe sonde teti baupokelele. Cilya cishinka. **Isonde, atemwa imibombele ye sonde teti ipokelele Wene. Filya efyo akabungwe kaba- kaba imibombele ye sonde.** Nangisheni ulukuta ulwa mibombele ye sonde ulu ulwaisulamo Mupashi wa Mushilo. Ndefwaya uku lumona. Nga kuti mwanangisha ulukuta lwa musango filya mulesanga icilubo mu Cebo. Iyo, mukwai. Takuli nangu shimo sha ishi nkombe ishabungenye. Limbi balitamfiwe atemwa ukuya kunse pantu balishininwe pa lubembu lwa kabungwe. **Musangonshi Mupashi wa Mushilo mucine wingaba mu kabungwe ilyo caba kabungwe ako akasenda icifulo ca Mupashi ne filonganino filasenda icifulo ca Cebo?** Ibukisheni, “Akabungwe” “ni mfwa.” Kena tekuti kabe inshila imbi. **Nge sonde lyasenda intanshi, Umupashi ulaya.** [6]

- Beni baikela ku mano yabo abene na matontankanyo kabili kuli ici babikile ku mbali Icebo cakwa Lesa (*Marko 7:7-9*).

Lelo Lesa alitupela ubulayo ubwakubweseshapo ukwa bulesu:

“Nkamibwesesha ituntulu imyaka intu makanta uusenya alile, ifishishi ifimeng’anya, ne fipwishishisha, ne fiputaula...” (Yoele 2:25-27).

Kabili nga cakutila inkombe shine sha mfwa shaipeye Icimuti, inkombe shine sha Mweo shilebwesesha Icimuti:

- 1) Nani uwali uwa kubalilapo? **Martin Luther, ukulungamikwa** ku citetekekelo.

Abrahamu atetekele Lesa. Mwamona, **te cilya ico twacitile; ni cilya ico Kristu acitile. Te cilya ico ndi no kucita; ni cilya ico Ena acita kale.** Naliishiba nshaba umusuma, nshatala ukuba, **nshakatale ukuba.** Lelo lyena mu Mulola wa kwa Lesa ndi mucine uwapwililika, pantu te ine. **Ena tamona ine; Ena amona Kristu. Ndi muli Kristu.** Kabili ishina lyandi lyali ampene Nankwe pa mufula we sonde. Ndelolela fye pa ntambo ukutintwa pa mulu. Kabili ifwe tukaya, shimo muli ishi nshiku shapalwa uku kumanya Wene mulwelele. [7]

➤ Ukulungamikwa kwaletete Amenshi.

- 2) Ali nani uwa cibili? **John Wesley, ukushishiwa.**

➤ Ukushishiwa kwali bweshelele icikwa, isambilisho lya mushilo. [8]

- 3) Ni cinshi icali ica citatu? **Pentecost, no kubweseshapo kwa fya bupe, Mupashi wa Mushilo, ulubatisho lwa Mupashi wa Mushilo.**

➤ **Ukusela kwa Pentecostal** kwaishile na Mupashi wa Mushilo uwa cine ukupongololwa nakabili (ukutendeka kwali mu 1906 mu Los Angeles),

➤ Ulubatisho na Mupashi wa Mushilo kwacitike **kabili ifya bupe ifya cine ifya bumupashi fyalibweshiwe.**

➤ Ni cinshi icabweshelele ibula? Ba Pentecostal Cena ni cinshi? **Ba Pentecostal, amabula, balatota indupi shabo, ukusangalala, ukusansamuka, Pentecostal.** [8]

Mulemona, cila imo iya shilye nshita yasendele fye **ukwibishiwa mu Mupashi wa Mushilo. Ukulungamikwa kwaba mulimo wa Mupashi wa Mushilo; ukushishiwa kwaba mulimo wa Mupashi wa Mushilo; lelo**

ulubatisho lwa Mupashi wa Mushilo. Ulya e mulandu wine casendele ubusesemo bwa kwa kasesema ukwisa, takuli inkombe kuli ilya nshita, **pa mulandu Mupashi wa Mushilo aishile Umwine mu mwisulo Wakwe wa lubatisho.** Lelo pa mpela yanshita, nge fyo lyonse upwishiwa muli yambi, tulesanga ukutula mulya kanshi, **inkombe ukutumwa: kabili fyonse ifi fimfulunganya ne fintu filingile ukubikwa mu ncende iya fyena, nga filya.** Lyena ukusendwa kuleishila ku Lukuta. [9]

Monse ukupita mu nshita, **beni bapokelele Mupashi wa Mushilo, lelo te mu mulingo uo abana bakwete Wene nombi; pa mulandu caba ukubwesha ukwa ca ntanshi.** Ilyo tulesenda icakutekapo inyali, Alifa na Omega, ifyo bayashishe ikendulo ya kubalilapo: waile apasansama ukuya apasansama, kabili waishile shibantulukila no kushibantulukila, kabili lyena waishilebwela nakabili, uwatanshi no wakulekelesha na fimbipo. **Lelo muli iyi nshita ya lukuta Imbila ilepongolwela mu lukuta.** Lelo ino tabernacle te tabernacle ya Mupashi wa Mushilo. Takwaba icintu ca musango ifi. **Cila muntu abesa muno mu lukuta ema tempile ya Mupashi wa Mushilo.** Beni ma tempile ayakwata Mupashi wa Mushilo (*Abena efese 2:19*), lelo te lukuta mu mubili we bumba. [10]

4) Cali ni cinshi ica cine? Icebo. Cinshi? Icebo.

➤ **Ica cine cali Cebo, Icine. Icebo ukulengwa umubili,** ifisabo fya cishininkisho ifya cishibilo cakubuka ukutula Kristu mukulekelesha, panuma ya kulungamikwa kwa byelwe, ukusangululwa kwali byalwa, ulubatisho lwa Mupashi wa Mushilo. Utubungwe twalifwile. **Kabili Kristu na ibika Umwine nakabili nga cilya icakwisalilako ca pyramid.** Umushilwa uwa ntanshi, ukulungamikwa; ukushishiwa; ulubatisho lwa Mupashi wa Mushilo; **elyo ukwisa ku Cakwisalilako.** [8]

➤ **Cena ni cinshi? Ukubweseshapo ku bushiku bwakubalilapo,** icakubalilapo – “*kabili akabwesesho imitima ya bana kuli bashibo*” (*Malaki 4:5-6*)- **ukuleta ukubwesha nakabili kuli ba Pentecostal abacine, te fyakumfwa umfwa...kabili akalangisha Ulubuuto lwa Cungulo bushiku,** akasuba kamo kene akamoneke mu Lubuuto lwa Lucelo. Kalya e kalaiwa mu kasuba. Amenii, Amenii! Nipesa tubelele, mwe fibusa? Nipesa tubelele? **Ukulolela fye nombi ukufuma munshila** (*11 Abena Tesalonika 2:7-9*), e ico Ukusokolola 11 kuti yalengwo ukwishibikwa ku ba Yuda. Cilya cishinka, **Ukusendwa kuleisa.** [11]

➤ **Lesa alemya Nabwinga Wakwe.** Ena aleisa pano ukufuma ku kabanga na ku Masamba, kabili no kwa ku kulyo no kwa kukuso. **Kuli inshita iya kwampana, kabili kulya epo kuli ino ine nshita. Ni cinshi ico Wene alelolelapo? Ukusendwa. Amenii! Lesa aleteyanya wene.** Eeh mukwai, ukwampana! **Ni finshi ifyo Wene aleyampanya nafyo? Ne Cebo!** Pantu fyonse *“Imyulu ne sonde fikapita, lelo Icebo Candi tacakapite” (Mateo 24:35).* **Wene aleyampanya Umwine na EFYO ASOSA SHIKULU te mulandu ifyo icilonganano icili conse atemwa umuntu uuli onse alesosa. Wene aleyampanya Umwine. Wene aleiteyanya. Mulandunshi? Wene ni Nabwinga. Cilya cishinka. Kabili Wene aleyampanya Umwine na Shibwinga Wakwe, mwamona, kabili Shibwinga e Cebo.** ^[12]

➤ Muli Yoele 2:28; Ena alilaya ukutula muli ishi nshiku shakulekelesha ku kaba imfula ya ntanshi ukupongolwelwa pa bantu. **Ena aiipongolwele Umwine** ^[13] **mu lukuta. Te cilundwa ca Wene,** tacali fye nge fyo casokolwelwe mu nshiku sha kwa Luther, Wesley no kusela kwaba Pentecostal, **lelo Ena Umwine mu mwisulo.**

Ino nshita ya Laodikea yatendeke fye ukwisa fye kwa myaka amakana yabili. Nge fyo cali no kuba inshita ilyo ulukuta lwa cine lwali no kubwelela ukuba Nabwinga wene uwali pa Pentecost, twaliishiba ukutula kulingile kwaba mucine **ukubwela ukwa maka ayapulishamo.** Abacetekela bakwete ukwiluka ici mu mipashi yabo kabili batendeke ukulilila kuli Lesa pa kupongolola ukupya nga filya cali mu mwanda wa kubalilapo.

Ico icamoneke ngo kwasuko caishile nga **abengi batendeke ukulandila mu ndimi no kulangisha ifya bupe fya mupashi.** Caishile cetekelwa lilya ukutula kulya kwali mucine ukubweseshapo uko ukwalolelwe inshita iitali. **Tacali ifyo, pantu imfula ya kulekelesha kuti yaisa fye panuma ya mfula yantanshi iyo iyaba ni mfula ya nshita ya kukusha atemwa imfula yakusambilisha. Imfula yakulekelesha, kanshi, e mfula yakulobolola.** Musangonshi ici cingaba icintu icituntulu ilyo Imfula ya kusambilisha tailati ise? **Kasesema- Inkombe uyo wali no kutumwa ukusambilisha abantu no kubweseshapo imitima ya bana ukubwelela kuli bashibo ba Pentecostal ali talaisa. Cilya e catontonkanishiwe ukuba ukubweseshapo no kuleta ku mweo ukwa kulekelesha ukwa Kusendwa ilyo takulaisa.** Muli cena mwali ukusankanya ukwa bashalungama ukukumako ku mapalo ya Bumupashi no kulangisha mu Mupashi wa Mushilo nge fyo ifwe twatwalilila ukusontelela

kuli imwe. Muli cena na cimbi mwali amaka ya kwa ciwa ilyo abaume baletungululwa ne fiwa, lelo nomba tapali nangu umo uwamoneke ukwishiba cena. Lyena, ukushininkisha ukutila tabali abacine, **aba bantu** (nangula ilyo inkulo ya cibili yamoneke) **ba bungenye**, kabili balembale amasambilisho ayabo abene no kukula amalanga yabo abene nge fyo ibumba ilili lyonse ku ntanshi bacitile.

Cena cili “Efyo asosa Shikulu” pantu cilya eco Yoele 2:23-26 yasosa, *“Angeni, mwe bana baku Sion, no kusamwa muli Yehoba Lesa wenu: pantu Amupele mfula yantanshi iiyene, Alenga ne mfula ya mainsa ukumulokela no ku muloseshe ya numa nga kukale. Ifipulilo fikesule ngano, ne fyakukaminamo fikapakamo umwangashi na mafuta. Nao aka mubweseshaa iituntulu imyaka intu makanta uusenya alile, ne fishishi ifimeng’anya, ne fipwishishisha, ne fiputaula, umulalo Wandu ukulu ou natumine muli imwe. Kabili ukulya mukalalya no kwikuta, mukalatasha ne shina lya kwa Yehoba Lesa wenu, Uwa mucitile ifipesha mano; nabantu bandi tabakekatwe insoni umuyayaya.”*

Nomba ilesosa ukutila Lesa ali noku “bweseshapo.” Inshita ya Lutherana taya bweseshapo ulukuta; yatendeke ukulungamikwa. Inshita ya Wesleyan taya bweseshapo. Inshita ya Pentecostal taya bweseshapo. Lelo Lesa alingile ukubweseshapo pantu Ena teti akane Icebo Cakwe. Uku te kubuka kwa Lukuta; kwena kwaba uku “Bweseshapo.” Lesa akabweseshaa Ulukuta kulya kwine ku Pentecost ya ntendekelo. Nomba moneni mu verse ya 25 iletweba umulandu tulefwaikwa ukubweseshapo. Makanta uusenya, makanta umeng’anya, makanta uupwishishisha na makanta uuputaula fyalilya fyonse kano umushila no unono umupeti. Nomba balitweba ukutila fyonse ifi fishishi fyaba cimo kabili cimo cine mu ntamfu ishalekana lekana. Cilya cishinka. Yena mipashi ya munkanyakristu ukumonekela mu kabungwe, icilonganino ne sambilisho lya bufi ukupita mu nshita. Kabili kalya aka mushila akanono akabusu aka mushila no mupeti fikabwekeshiwapo. Lesa takatendeke ulukuta lupya, lelo ali no kuleta ukubyalala Kwakwe ukwantendekelo ukubwelela ku mbuto ya ntendekelo. Ena alecicita nge fyo calandwa mu versi 23, mu kusambilishiwa, atemwa “iyakubalilapo” imfula. Icilekonkapo kuleisa imfula ya kulobolola atemwa icitetekelo cakusendwa. [1]

Eeh, Lesa nabweseshapo conse Icebo Cakwe, kabili ifwe twalishiba Icebo cakwa Lesa tacabulisha amaka (*Luka 1:37*). Kabili no kubweseshapo kwa Cebo kukesa ukubweseshapo kwa maka. [14]

Kukaba Ulubuuto mu nshita ya cungulo bushiku (*Sakariah 14:7*), Yesu Kristu cimo cine, mailo, ilelo, no muyayaya. **Icimuti ca kwa Nabwinga caishile pa Pentecost.** Cilya palya icimuti ico Dabidi amwene. Calibyalwa ku menshi ya mu mana; **umumana umo** (*Amalumbo 1*). Mupashi wa Mushilo; yonse aya amenshi ukupongolokela muli lwena, ifya bupe, ifyabupe fya bumupashi, ukupongolokela muli lwena. Amabula ya luko teti ya lokote. Luli no kuleta icisabo ca luko. Bushe ico cishinka? Ibukisheni, **cikaleta icisabo ca luko mu nshita ya luko. Cilya e cimuti ica pwililika, Kristu, aishile.** Kabili ilyo Ena aishile, ni cinshi ica citike? Bali Muputawile, bali Mukanike pa cimuti ca ci Roma. Lelo alibukile nakabili. Cilya cinshika. **Ena ali pano ilelo.** [15]

Ena e cimuti cakwa Shibwinga. Kanshi, icimuti cakwa Shibwinga, ukwabulo mwanakashi, tacitwala icisabo, **e ico Ena alingile ukukwata** **Icimuti cakwa Nabwinga.** Wene alingile ukufyalwa ku fya kubomfya fimo fine, **icebo ukulengwo mubili mu Cimuti. Cena Bumi bumo bwine mu cimuti ca canakashi, shibwinga, nge fyo Cena caba muli Nabwinga.** [8]

Nomba ulubuuto lwa nshita ya cungulo bushiku lulebalika **pa mbuto ya Cebo** iyo iyalingilwa libela, **kabili Israele uwa bumupashi ukufuma ku ba Yuda kabili ne nko bakaletwa ku mweo!** (*Esekiele 37:1-10*).

Luther 1483-1546	Wesley 1703-1791	Pentecost Ukufuma 1901	Inshita ya kwa mpana Inshita yaku bweseshapo fyonse
Ayakwa Luther amalyashi 95 (32.10.1517) Philip Melanchthon (1497-1531) Huldreich Zwingli (1484-1531) Johannes Calvin (1509-1564) Kabili na bambi	Whitefield (1714-1770) C.G Finney (1792-1878) Charles Spurgeon (1834-1892) Dwight Moody (1837-1899) Hudson Taylor	R.A. Torrey (1856-1928) Charles Alexander (1902) Efan Roberts mu Wales (1905) Azusa Sreet Mission, Pastor Barrett, William	Malaki 4:5-6 Daniele 12:4,9 Ukusokolola 10:7 Luke 17:30 Abena Efese 1:15-17 Ubwacine (ubutuntulu) ubumi bwa kwa Yesu Kristu

baka lungamika John Smyth (1609): Baptist Ukulungamikwa: icabupe cakwa Lesa kabili te funde lyakwa Lesa. Umulungumi ni ku kutetekela e ko akekalila (Roman 1:17).	(1832-1905) Ukushishiwa no kupwililika kwa Mwinakristu fyali ifintu fibili ifikankala ifyo John Wesley aposeleko amano.	Seymour (1906) Ukusela kwa Pentecostal, ukubwesha kwa fya bupe no kusenamina kwa maka ayakupapusha	bwalishile (bulesa) ukubwela. Ena Umwine, te mulimo wa Mupashi wa Mushilo, lelo onse fye Mupashi umwine alishile. Umuntu wa Mupashi wa Mushilo mu shinku shakulekelesha kabili akulaba na ifwe, kabili muli ifwe. Umwisulo wa Cebo waishile monekela, atemwa ukwisula kwa Fikakatikilo cinelubali, cilya calilaiwa kuli ifwe muli ino nshita. Umwana wa Muntu ukubwelela mu lukuta nakabili, ukusokololwa mu bantunse. ENA Shibwinga, aampana
--	---	--	--

			Umwine na Nabwinga Wakwe!
Cena mulimo wa Mupashi wa Mushilo nangula iciputulwa (Umulingo) uwa Mupashi wa Mushilo, lelo te Mupashi wa Mushilo onse Umwine.			

Shikulu aleleta imiku isano iya kubweseshapo pa mafupa ayafwa: [8]

1)Ndebika imishipeshipe pali imwe,

- Luther –te ku milimo lelo ukulungamikwa ku citetekelo

2)Ndi no kubika umunofu pali imwe,

- Wesley-Ukushishiwa (ukusambwa no kupekanishiwa ku mulimo wakwa Lesa)

3)No kufimba imwe ne nkanda,

- Ulubatisho lwa Mupashi wa Mushilo no kubweseshapo

kwa fyabupe fya bu mupashi

4) Kabili nkalenga umupu ukwingila muli imwe, kabili mukaba no mweo.

- **Ena Umwine, Mupashi wa Mushilo, waishilebwela mu lukuta Lwakwe.**

- **Umwana wa Muntu- Kristu, Icebo Cine (Luka 17:30)- Naisokolola Umwine.** [8]

➤Manna yakwa Luther yali ni mbila no kulangisha kwa Kulungamika.

➤Imbila yakwa Wesley yali ukulangisha kwa kushishiwa.

➤Pentecost yali ukubweseshapo kwa fya bupe.

➤Lelo iyi ileishibisha ilibwe lya pa Mulu, ubushiku bwakulekelesha, icimuti cakwa Nabwinga, ico icapusana kuli fyonse fyena. [16]

Umwakumona:

- [1] “Ibuku Lya Nshita sha Nkuta” Pg. 388, 377-379
- [2] “Inshita ya Lukuta lwa Efese” CAB pg. 92
- [3] “Inshita ya Lukuta lwa Pergamo” CAB pg. 197, 206
- [4] “Ndi no kubweseshapo” (57-0309B), par. E-12
- [5] “Kristu E Nkama Yakwa Lesa Ukusokololwa” (63-0728), par. 304
- [6] “Inshita ya Lukuta lwa Sarde” CAB pg. 251
- [7] “Amalango Ukukwata Icinshingwa” (56-0621), par. E-47
- [8] “Ukubweseshapo kwa Cimuti cakwa Nabwinga” (62-0422), par. 230, 415, 505,510
- [9] “Amepusho na Masuko pa Fikakatikilo” (63-0324M), par. 52-53
- [10] “Amashina ya Miponto” (62-1104M), par. 121-123
- [11] “Umushi wa Kuntanshi” (64-0802), par. 457-458
- [12] “Inshita ya Kwampana ne Cishibilo” (63-0818), par. 91
- [13] “Lesa Impalume Ukufimbulwa ku Ntanshi Yesu” (64-0629), par. 91

- [14] “Inshita ya Lukuta lwa Laodikea” CAB pg. 363
- [15] “Ukufwala Icabulwi Cakwa Lesa” (62-0607), par. E-102
- [16] “Pali Umuntu Pano Uwingasha Ulubuto’ (63-1229M), par.

Ubushiku Bwakwa Shikulu

1 Tesalonika 5:1-3,

“lelo ifya nshita ne myaka, mwe bamunyina fwe, tamwakabilo ukulembelwapo icintu. Pantu mwebene mwaishiba ukuti ubushiku bwakwa Shikulu bukesa ngo mupupu ubushiku. Ilyo balesosa abati, Mutende kabili takuli ica kusakamana; elyo uboni ubwakupumikisha bwa bemina, filya fine ubucushi bwa kupapa bwisa pa mwanakashi uuli ne fumo; kabili takwakabe ukupusuka nakalya.”

Nomba, Yohane alisendelwe ukufuma pa Cishi ca Patmo, mu Mupashi, kulya mu bushiku bwa kwa Shikulu. **Buno bushiku bwa bantu, abantu balelwa, lelo ubushiku bwakwa Shikulu bukesa ilyo aya ama bufumu yakesaba amabufumu yakwa Shikulwifwe kabili na Kristu Wakwe, lyena kukaba Millenium mukalamba. Ubushiku bwakwa Shikulu, ubushiku bwakwisa Kwakwe, ubupingushi Bwakwe (Esaya 13:6-16), bulya bukaba ubushiku bwakwa Shikulu.**

Buno bushiku bwa bantu, ulya e mulandu wine bena ba mucushisha no kucita ifyo balefwaya no kucita na imwe, lelo kukesaba inshita...Bena baleta imwe nomba, “kakunkuluka wa mushilo kabili uwa fulungana,” lelo kukesaisa inshita, mwamona, ilyo bena tabakacite cilya. **Bena bakabilikisha no kulila no kuwila pa nkasa shenu.** Baibele itila, muli Malakai 4:1-3, imwe mukesha nyataula pa mito panuma ilyo bena bakocewa; ukukana bashilako umushila nangulo musambo. Filya ni filya fine fye ifyo Baibele ya sosa “Abalungami bakenda pa mito ya babifi.” Filya ni filya fine. Bena tabakabashileko umushila nangula umusambo, takuli nangu cimo icakubwelelako. Kabili bena bakapwishiwa. **Nomba buno bushiku bwa muntu (imicitile ya muntu, imilimo ya muntu, ulukuta lwa muntu, amano ya muntu), ubushiku bwa kwa Shikulu buleisa.** [1]

Mona, munyina, cena cishika. Ibukisha ilyo Yesu aishile-Daniele 7:9-10, ena aishile ku wa nshiku Shakale uyo umushishi wakwe wali uwabuta nga masako ya mpaanga, **ico icilepilibula Ena ali ni kapingula, nge fyo bonse bakapingula bafwala umushishi uwa masako aya buta.** Imwe moneni Ena ali kakile ilamba mu kusokolola ukushinguluka pa cifuba, tacili nga shimapepo pe samba umu ukushinguluka umusana; palya pa cifuba nge fi nga kapingula, umwingila wakwa kapingula, **iwe kapingula.** Ulya e

mulandu wine Yohane tamumwene Wene pa bushiku ubuli bonse ubwe sabata atemwa pabuli bonse ubwa pa Mulungu; **ena amumwene wene mu bushiku bwa kwa Shikulu** (*Ukusokolola 1:9-19*). **Ukwisa kwa kwa Shikulu ilyo Ena ali Kapingula tacili, iyo, ishi nshiku shimbi.**

Tulemona Wene kuno lubali nomba. Tulemumona Wene ilyo Ena aleisa Daniele ali mumwene Wene. Kabili Ena aleisa na makana ikumi ukufusha amakana ikumi abamushilo Bakwe bushe ico cinshika? **Kabili amabuku ya liswilwe kabili ne buku limbi lya liswilwe, ilyo ilyali ibuku lya Mweo...** mwamona? Kulya kuleisa ulukuta lwenu ulwa cifulefulu, nacingu uwa lala. **Ulu apa ulwa cine pamo na Wene ukwisa ukufuma ku bukata panuma yakuba ku mulalilo wa bwinga.** Kabili kulya kwali umubembu. Ubupingushi bwa tekewe, icipuna ica buta ica bupingushi. (*Ukusokolola 20:11-15*). [2]

“Na kuli malaika wa lukuta lwa Tuatira lemba auti. Efyo asosa umwana wakwa Lesa, uyo uuli...na menso...yakwe ngo lubingu lwa mulilo, nama kasa yakwe... ayapalana no butale ubwa bengeshima.” (*Ukusokolola 2:18*).

Nomba, ilyo namwene Wene muyakubalilapo, inshita iya Efese, atemwa mua kubalilapo iya kutendeka ukwa Kusokolola, twalimumwene Wene **mu Bwakwe Ubuntu ubwa cindamikwa muli cinelubali** (*Ukusokolola 1:12-16*). Tulesanga ukutula Yohane amusangile **Wene mulya mu bushiku bwakwa Shikulu** (*Ukusokolola 1:10*).

Ilyo Ena aishile nomba, Ena ni Shimapepo. Ilyo Ena ali pano pe sonde, Ena ali ni Kasesema, Kasesema wakwa Lesa. Nomba Ena asendele Umulopa Wakwe Umwine kabili aile kuli Tata, ico icimulenga Wene Shimapepo. Ilyo Ena akabwela Ena akaba ni Mfumu. Kasesema, Shimapepo, kabili Imfumu. Ena ali ni Kasesema wakwa Lesa, Ena ali Kampumpe. Ena ali ni Shimapepo wakwa Lesa, Ena ali Umwana wa Mpaanga. Ilyo Ena akabwela, Ena akaba ni Nkalamo, Imfumu (umukowa wakwa Yuda) ku kuteka.

Lelo pakati ka mibombele yakwe iya Bushimapepo, ilyo akafuma umwashila, lyena tulesanga Wene naiminina kulya. Kabili Yahane atile **Ena ali mu Mupashi pa “bushiku bwakwa Shikulu”**; te bushiku ubwa lenga cine lubali, tepa Mulungu, filya fyonse filubo. Ifwe twalisangile cilya, twalifwaile cena mu Malembo yonse, cali **ubushiku bwa kwa Shikulu. Buno bushiku bwa muntu. Ukwisa kwakwa Shikulu kukaba pa bushiku Bwakwe.**

Kabili tulesanga wene mu bushiku bwakwa Shikulu. Kabili, ilyo ena amwene Shikulu, ena akwete “umushishi uwa buta nga menshi makasa.” Kabili twalishiba ukutla **cilya cimininako Kapingula.**

Incintu na cimbi, Ena tali Shimapepo lilya, pa mulandu Shimapepo akakilwe pakati, **icipilibula umulimo.** Lelo Ena alikakilwe ukushinguluka icifuba, pa mulu apa, ico ica pilibwile **ukutla Ena ali ni Kapingula.** Amenii! Kabili nifwe tulemumona Wene ukwenda mukati ka ca kutekapo inyali cineluba ica golide.

Kabili nomba twalibwelelamo ku “wa Nshiku Shakale,” pakuba uwa buta pa Cipuna Icabuta ica Bupingushi ilyo Daniele amumwene Wene, “aishile kuwa nshiku Shakale Uyo umushishi wali uwa buta nge fula ya buta.” (*Daniele 7:9*). Nomba, ukubuta.” Abapingushi abakale abacingelesi kumyaka ya kunuma balecita, ilyo baleya mu cipuna ca bupingunshi bena kuti bafwala umushishi ukulu uwabuta, umushishi, uwabuta nga menshi makasa, pa mulandu bena bali ni bakapingula. **Kabili Yohane amwene Wene mu bushiku bwa kwa Shikulu, ilyo Ena ali ni Kapingula.** Amenii!

[3]

Nomba moneni, nabwelela kuli Malaki icipandwa ca 4, nakabili. Nomba ibukisheni, Ena asosele pano ukutla “*moneni nkatuma kuli imwe Eliya kasesema, kukutangilila ukwisa kwa bushiku bwa kwa Yehoba ubukulu kabili ubwa kutinya.*” (*Malaki 4:5*)

Lelo nkatuma kuli imwe Eliya kasesema **ilyo ukwisa kwabukulu kabili ubushiku ubwa kutinya bwa kwa YEHOBABA tabulaisa.** Ni cinshi tulesanga “**mu bushiku bwakwa Shikulu**”? pa mpela ya nshita! Ilya e lintu isonde likocewa (2 Petro 3:9-13.) imwe muleibukisha ifyo twamusendele Wene nafwala no mushishi uwa buta, namwishiba, kabili icifuba cakwe, kabili uwakakwa pa cifuba. Imwe muleibukisha cilya? Kabili ifwe twalishininkishe na Baibele, tacali ubushiku bwe sabata nangula pa Mulungu, **cali ubushiku bwakwa Shikulu.** Bushe ico cishinka? **Kabili bulya e bushiku Ena aleisa nga Kapingula,** “*kabili nkatipa isonde ne citipu.*” Bushe ico cishinka?

“*Kabili nkatuma kuli imwe Eliya kasesema kukutangilila ukwisa kwa bushiku bwa kwa YEHOBABA ubukulu kabili ubwa kutinya.*” (*Malaki 4:5*). [4]

Nomba, ulya tekuti abe ni Yohane (Kabatisha). Iyo. Mwamona, isonde talyaocewe kabili abalungami banyantile pa babifi. Mwamona? Iyo, iyo.

“*Nao akabwesha imitima ya bashibo ku bana, ne mitima ya bana kuli bashibo, epali naisaume calo ku citipu.*” (*Malaki 4:6*).

Moneni ukukana filwa kwa Mupashi wa Mushilo, ukutila Wene tekuti ufulunganye kulya ukwisa kubili ukwa kwa Eliya Malaki 3:1, itila, “*moneni nkatuma ikombe Yandi ku kungula inshila ku ntanshi yandi.*” Yesu balimwipwishe palwa kwa Yohane; Ena atile “*Nga kuti mwapokelela cena, uyu ni ulya uyo Kasesema asosele, ‘Nde tuma inkombe Yandi ku cinso Candi.’ Uyu e Eliya uwali no kwisa.*” Malaki 3.

Moneni ili lembo pano lilelingana na lilya. “*Kabili ena, Eliya, akabwesesho imitima ya bana kuli ba shibo.*” (Nomba ukulanda pali Malaki 4:5-6, tekucilenga cisankanishiwe, atemwa Malaki 3.) **Yohane, Eliya, uyo uwaishile munshiku lintu ukwisa kwa kubalilapo kwa kwa Kristu takulabapo, abwesesho imitima ya bashifwe ifikolwe fyakale ku mbila ya bana, imbila ipya.**

Nomba moneni. “*Ne mitima ya bana kuli ba shibo.*” **Mu kwisa kwakwe ukwa cibili, munshiku sha kulekelesha ena alebwesesho ukubwekela ku Citetekelo ica butumwa nakabili.** Mwamona ifyo amalembo yatantikwa mu kupwililika?

Cilya cali ku mpela ya Cipingo Cakale, Icipingo Cakale. **Nomba ifwe tulemona kuli Ulubuto mu nshita ya cungulo bushiku (Sakaliya 14:7).** [5]

Moneni. Nomba Malaki 4:1, lekeni mbelenge ili. Ena ali no kubwela nakabili... “*...moneni, ubushiku buleisa, ubulepya nge buku; kabili bonse abamiya, ee...*” **Lilya ni lelo.** Ndenda mu musebo no kumona aba bantu. Imwe kuti mwalanda kuli bena, kabili bena balamiseka, ukumusenteka imwe. Ndetontonkanya, “cena ni cinshi?” ubushiku bumbi naleenda kulya ku mbali ya musebo kuno lubali; nalelanda ku bantu bamo, kabili bena basosele fye, “Awe...”batwalilile fye ukulaenda. Icintu cimo casosele fye kuli ine, “**Bena maluti ye bomba, ili line bakaba imito ukusalanganishiwa pa mushili balekeni. Balekeni babe (11 Petro 3:1-10). Iwe naulanda iciputulwa cobe. Ube uwaiteyanya kabili ufume muno.**” Aleluya. Nshacilinga ukusosa cilya ndemona. “**Ipekanye we mwine. Kake lamba lyobe; nde kwita.**” Ulya e mulandu wine ndelolela.

“*Pantu, moneni, ubushiku buleisa, ubulepya nge buku; ee, bonse aba miya, ...na bonse abacita ububifi, bakaba ifisoso: ... no bushiku...ubuleisa, bukababilimya eflyo YEHOBWA wamilalo asosa, pakuti tabwakabashile umushila nangu umusambo.*” Takwakabe nangu cimo icikashala ica bena. “*Lelo kakatulila imwe mwebatina ishina lyandi Akasuba kabulungami akali no kundapa mu mapindo ya kako; ... na imwe mukafuma, no kupontauka nga bana ba ng’ombe abafuma umwa kukakilwa.*” **Cilya ni Millennium.** “*Kabili mukanyataula aba bifi; pantu bakabe mito mwisamba lya nyatilo*

sha makasa yenu mubushiku umo nkacita ici, efyo YEHOBA wa milalo asosa.” **Ukwisa ukufuma mu Millennium...**Imito ya ba bifi.

“Ibukisheni...amalango ya kwa Mose umubomfi wandi, ayo namwebele...wene mu Horeb aya pali Israele onse, ifipope ne fya bupingushi.

Moneni, nkatuma kuli imwe Eliya kasesema kukutangilila ukwisa kwa bushiku bwa kwa YEHOBA ubukulu kabili ubwa kutinya” (Malaki 4:1-5; Imilimo ya Batumwa 2:19-20).

Nomba, ulya nga tali ni Yohane. Wene tekuti abe, pa mulandu isonde nga lyali onawilwe lilya. Lelo pano Ena atile muli Mateo 3:1-4, Ena aletuma inkombe kuntanshi Yakwe. Kabili Yesu atile, ulya e Eliya uwali no kwisa mukuteyanya inshila ku ntanshi Yandi. **Ilyo takulaba ilibomba ilikalamba ilya atomic ukupola, nkatuma kuli imwe Eliya kasesema.”**

“Nao akabweseshwa imitima ya bashibo ku bana ne mitima ya bana kali ba shibo epali naisa uma icalo ku citipu.” (Malaki 4:6). [6]

Mu mashiwi yambi, abalungami, mu kubwela pamo na Kristu pe sonde, bakanyanta pa mito. Ilyo mulemona aba bantu, aba mataki, abafikansa, abasulwa, abacimpwena, kabili nomba ukulumbula ukuba abenakristu, **beni tababa nangu cimo kano imito.** Epela fye. Filya efyo Amalemba yasosa. Mwamona? Nomba, moneni.

Ilyo takulaba bulya bushiku, ukubwela kwa kwa Shikulu, Eliya akesa intanshi.

Cisuma, ibukisheni, nomba kuntanshi. Nomba, cena ngatacali ukwisa kwa kwa Yohane. **Ena ali ni Eliya, lelo ena aleisa imiku isano,** nomba; Y-e-s-u, i-c-i-t-e-t-e-k-e-l-o, u-k-u-s-e-n-a-m-i-n-a. Mwamona, **fisano nipendwa ya kusenamina.** Eliya alemonekela imiku isano: **inshita imo ni Eliya; nga Elisha; nga Yohane; ku mpela ya Benafyalo; kabili kulya na Mose kuba Yuda.** Impendwa iya pwililika, kasesema uwa pwililika, inkombe iyapwililika, uwa kosa, uwa shipa.

Mwamona, tekwise kwa ntanshi ukwa kwishibisha; ulya ali ni Yohane; pa mulandu isonde talyapile nge fisoso; abalungami tabaendele pa mito yaba bifi. Lelo lintu fye ici tacilacitika, bushe Eliya akesa. Kabili ni cinshi akesa cita? **Ukubweseshwa icitetekelo ca bana ukubwekela kuli ba shibo, icitetekelo ca ntendekelo ica Baibele.**

Uku apa ukwisala kwa Cipingo ca Kale kuno nga filya, kabili ici apa icipingo cipya ukwisala ne cintu cimo cine. Musangonshi mwingatalusha cena? Lyena, lolekesheni, *“nkatuma kuli imwe Eliya kasesema ilyo bulya bushiku tabulaisa: Nao akabweseshwa imitima ya bashibo ku bana, ne*

mitima ya bana kuli bashibo epali naisaume icalo ku citipu. (Malaki 4:5-6). Mwacimone co. cilya e Cebo ca kwa Shikulu. Ena ali laya cena. Cena cilingile ukwisa.

Kabili nomba, nga muli no kumona ifyo ici cilecitikilwamo, cena cintu cawama umusango Lesa alecitilamo cena. **Nabwinga aleya pamo na Shibwinga;** kabili lyena panuma ya cilya aba bifi bakocewa no mulilo uushinga shimishiwa. Kabili panuma isonde lya sangululwa, lilelileta iline... **Ifintu fyonse filingile ukucita cilya, filingile ukupita mu mibele ya kusangululwa. Imililo ikapoleka muli ilye nshita iyi kalamba iyakulekelesha, kabili ne sonde likapoleka (11 Petro 3:9-13),** no kufumya, kabili nafimbipo; kabili ne fishiba fyonse ifya lubembu kabili na fyonse ifili pe sonde fikalenga ukukanaba nangu cimo. Fikapya ne cikabilila ca pulamo icakutula cikaba nga ilya bleach iyi iituma ilangi lya inki ukubwelelamo mukulengwa kwa yena kwa ntendekelo; efyo no mulilo ukufuma kuli Lesa ukaba uwakaba nganshi icakutula ukapilibwila icintu conse ica kowela ukubwelelamo ku mibele ya cena nakabili **ilyo Satana no lubembu lonse fya ocewa ne finfu fyonse (Ukusokolola 6:12-17).** **Kabili lyena wene akabwelelamo uwa emba nganshi ngefyo wene ali mwibala lya Edeni.** Cilya cinshika. Owe, ilya ora iikalamba ili fye kuntanshi yesu. [8]

Nomba, Ena musuma nganshi, camoneke kwati kuti twatasha ubusuma Bwakwe. **Ilyo isonde lili mu cipowe ku mfwa, ifwe natukwata ifingi.** Ni banga abana abanono mu India muno bushiku, kabili ne ncende ishing, takuli nangu cimo icakulya icingapela icintu icili conse? Nibanga abantu abakwete insala mu mitima abalefwaya Lesa, bengapela icintu icili conse ukwikala muli kuno kulongana muno bushiku?

Leken mupele icikope ico icili icalwala. **Nibanga abantu abo abaibila ukuciluka mu ncende sha nkumbu ukuya kumbo kwa kwa ciwa no kucushiwa kwa cakutinya icabushiku. Ifyo bengatemwa ukubwela no kukwata ishuko umuku umo fye.** Ni finshi bengacita ilelo, nga Yesu engesa kumbo no ku konkosha pa mutima wabo?

“Imwe kuti Mwankana muli buno bushiku. Na ine mu bushiku bwa kayofi kenu, nkaseka.” (Amapinda 1:24-33). Buno e bushiku. Mwibufumyapo ku bwa mailo. **Lelo e bushiku bwe pusukilo. (Esaya 49:8).** Lelo mwebengi muli imwe, nalimo, mwalilolela imyaka. Ena alikonkosha, no ku konkosha, no ku konkosha, imwe tamwasuka.

“Ena ni Lesa umusuma,” nge fyo Oral Roberts lyonse asosa. Ena ni Lesa umusuma. **Ena ni Lesa wa luse, kabili na cimbi Ena ni Lesa wa bupingushi.** [9]

Mwe Lesa, lekeni abantu Benu beshibe **ukutilla ili line Malaika ali no kunyanta ulukasa lwakwe pa mulundu na pali bempa kabili no kwimya amaboko Yakwe no kusosa, “Takwakabe ukukokola nakabili.”** (Ukusokolola 10:1-7).

“Lyena Owe, ifyo cabo ukulila no kuwelesha, ilyo abaluba bakabebe impela yabo; bema bakabilikisha ku mabwe kabili ne mpili, **bema bakapepa, lelo ipepo likacelwa.”**

Nomba, e bushiku bwe pusukilo (11 Abena Korinti 6:1-2). “*Lekeni uyo ukwete ukutwi omfwe ifyo Mupashi ulesosa ku nkuta.*” (Ukusokolola 3:13). Peleni cena, Shikulu.

Mwikaleka kukabeko umuntu umo muno ukuluba pali bulya bushiku bwa Kusendwa. Leken tube abaisushiwa no kutemwa kwa kwa Lesa (Abena Roma 5:5), **kabili Umupashi wa kwa Lesa mpaka Mupashi wa Mushilo ukatusende no kulolela**, atemwa nga tukatusha mwibumba lyesu. Nge fyo mwasosele kuli Daniele, “*Lelo iwe kabiye, Daniele, ukalatusha. Lelo muli bulya bushiku ukeminina ku cakupendelwa kobe.*” (Daniele 12:13).

Mwe Lesa, Imwe mwalisosa, “**Na balengwa abengi ukulungama bakabalika nge ntanda umuyayaya umuyayaya.**” (Daniele 12:3). Ifyo bwaba ubushiku! Lelo balya ababifi bakaya ku konaulwa. **Mwe Lesa, lengeni abaume ukwishiba icifulo cabo ino ine nshita mu bumi**, pakutilla benga bwela kuli Uyu mulungami ilyo takulaba ukucelwa umuyayaya. Peleni cena, Tata. [7]

Lesu wa kutemwa, ifwe twali Mutemwa. Icebo Cenu caba icakulya nganshi kulifwe, Shikulu. **Ifwe twali citemwa fye Cena!** Twikalila Cena, Shikulu. Ukukwanisha kwesu takwakafikapo. **Ifwe twalitemwa fye ukwikala pe tebulo Lyenu, ukushinguluka Icebo Cenu, no kwipakisha amapalo, Shikulu**, ilyo twaisa capamo nge fi, ba munyina na ba nkashi abo abashitwa no Mulopa ku Mwana wakwa Lesa, uyo uuli ifyashitwa no Mulopa Wenu. Kabili ukulingana na Malembo, “**Mwalisosa ukuti “ku fipumo twali undepwe.”** (1 Petro 2:21-24). Tacili icikankala ukupepa lyena (ukutumbula fye imembu shesu), pantu ku fipumo Fyenu ifwe twali (icacitwa akale) undepwe. **Owe, ifyo bwaba ubushiku bwe pusukilo!** Ifyo bwaba ubulayo na Emmanuele! Ukutilla Cilya mucine Cishinka.

Mwasosele “*Pakashita akanono, ne sonde talyaka Mone nakabili, pantu Ine*” (ukulumbula ukwa umo ukwa “Ine” “**Nkaba na imwe, kabili muli imwe, mpaka ku mpela ye sonde.**” (Yohane 14:18-20). **Kabili pa mpela ya nshintu, uku kupomonwa ukukalamba**, Imwe mwatile, lintu fye tacilacitika, **cikesaba fye nga filya cali ilyo umulilo waponene mu**

Sodomu no koce sonde Iya Benafyalo, ukutila kukesaba **ubusokololo nakabili ubwa Mwana wa muntu nga filya cali ku Sodomu** (*Luka 17:26-30*). Tata, mwileka abantu balufye cena. ^[10]

Nomba, **ifwe twaliishiba ukutila buno bushiku bwe pusukilo, uko Lesa aleita abaume ukufuma mwi sonde, ukufuma ku bumi bwa lubembu, ukwisa ku bumi bwa mulimo**. Kabili muli bulya bushiku umo Lesa apongolwela Umupashi Wakwe ukufuma ku mulu (*Imilimo ya Batumwa 2:14-21*), ifishibilo ifikalamba ne fipapwa fili no kubapamo na bukapyunga bwa buno bushiku. Ili e lintu **imfula ya ntanshi ne mfula ya kulekelesha ikaloka, capamo**. Kabili natwishiba ukutila kulingile kwabako ifishibilo ifikalamba ne fipapwa. Icili, mu fingi ifilonganino ifikalamba, ici balecikana.

Lelo ndetasha nganshi pali iyi iminshi iyaisuka iyo nakwata, ukuyamo, kabili no kuputwamo ukwapelwa ku baume abalumendo nga kacema wenu kuno. Ilyo ndetendeka ukulakota, **kabili no kwishiba ukutila inshiku shandi shalipendwa, kabili ukwishiba nomba ukutila aba baume abalumendo kuti basenda iyi Mbila no kuibilisha Yena ukutwalilila mpaka Ukwisa kwa kwa Shikulu**, nga Ena taleisa mu nkulo yandi. Icili, ndesubila ukumona Wene. **Ndalolela cila bushiku Wene, ukulola, ukuisunga ne mwine uwaiteyanya kuli ilya ora** (*1Tesalonika 5:1-11; 11 Abena Tesalonika 2:1-12*). ^[11]

Umwakumona:

- [1] “Icimonwa Ca Patmo” (60-1204E), par. 131-132
- [2] “Ululembo lwa Ciswango kabili ne Cikakatikilo ca kwa Lesa” (61-0217), par. E-65
- [3] “Inshita ya Lukuta Lwa Tuatira” (60-1208), par. 36-42
- [4] “Inshita ya Lukuta lwa Laodikea” (60-1211E), par. 66
- [5] “Ni Cinshi Iciletemuna pa Lupili” (65-0725E), par. 104-109
- [6] “Icishibilo Ica Cine Ico icasulwa” (61-1112), par. 241-243
- [7] “Amepusho na Masuko” (62-0527), par. 173-175,244-247
- [8] “Icikatikilo ca Ntashi” (63-0318), par. 229-230
- [9] “Umwinshi ku Mutima” (60-0312), par. E-33
- [10] “Ulubuuto Ulwa Ibela” (65-0118), par. 95-96
- [11] “Ifintu ifili no Kubapo” (65-1205), par. 14-15

Ilibwe Ilyakukulilako Ilya Bumupashi No.45

Isonde Mukukalipwa kwa Pa Kupapa

Abena Roma 8:22-23, “pantu twalishiba ukuti ifibumbwa fyonse filetetela no kukomwenwe fumo capamo ukufika na kuli nomba. Kabili te ici ceka iyo lelo naifwe, fwe baba ne fisabo fyantanshi fya Mupashi, na ifwe bene tuletetela mu nda shesu, pa kulolela ubwana, e, kulubuka kwa mibili yesu.”

Ifyo tuletetela ku Cebo ica busesemo ca ino ora, “kuti cawama nga mwayangwako, cileaka nge nyali umwafita, busuke buce ubushiku, no lutanda lwa lucelo lutule mu mitima yenu.” (11 Petro 1:19). Nomba ukuya pantanshi ifyebo fyakwa Munyina Branham, kasesema wakwa Lesa bwa Bushiku bwelelo ubo tuleikalamo:

Isonde lili mukukalipwa kwa pa kupapa nomba. Icakale cilingile ukufumishiwapo, pakutila icipya cinga fyalwa; kwati fye imbuto ilingile ukubola, **pakutila ingapela ubumi bupya** (Yohane 12:24).

Kabili ifyo ukukalipwa, ukukalipwa kwa pa kupapa kwa puma isonde! **Munkondo ye Sonde iya kubalilapo**, lyena lyalikwete ukukalipwa ukwabipisha, pantu balikwete umwela wa bwanga, kabili nafimbipo, cilya cali mupepi no konaula isonde. **Kabili mu Nkondo Yesonde iya Cibili**, lyena lyakomenwe na kumbi, ukukalipwa ukwabipisha; bena bali kwete ifi ma blockbuster, kabili na cimbi ibomba lya atomic. Lyena te kuti lishipikishe ukukalipwa kwa pa kupapa na kumbi. Ne fi fipolopolo ifikalamba ne fintu ilelo, inkondo na imbi imo likaposela lyena mulya mulwelele, pantu nomba lili no kupokololwa. **Kabili kukaba isonde lipya** (Esaya 65:17-25). Baibele itila kukaba.

Pesamba ya Mbila ya kwa kasesema uuli onse, Israele alikwete ukukalipwa kwa pa kupapa, pa mulandu wa kutila aba bakasesema baleisa mu kumonekela panuma bakasambilila wa fya bulesa na bashimapepo balelenga ulukuta lonse ukuba mu musango wa kabungwe. Kabili ilyo balya bakasesema baishile monekela na EFYO ASOSA SHIKULU, balitenkenye shilye nkuta, kabili lwalikwete **ukukalipwa kwa pa kupapa**. Mu kulekelesha, lwena lwalikwete ukukalipwa kwa pa kupapa

ukuya fika fye mpaka lwena lwaishilepapa Umwana wa Mbila nsuma, **ico cali Icebo icine ukulengwo mubili** (*Yohane 1:1-3, 14*).

E ico ulukuta mucine luli mukukalipwa kwa pa kupapa ilelo, nakabili kukufyala Umwana, Umwana wakwa Lesa ukwisa nakabili. Bonse bakasambilila wesu wa fya bulesa, imibombele yesu yonse, fyonse ifilonganino fyesu, nafibola ukufuma fye pesamba lyesu. **E ico tuli mukukalipwa kwa pa kupapa, kabili Imbila ukufuma kuli Lesa lyonse iposela ulukuta mu kukalipwa ukwa bipisha, lelo panuma yakashita luli no kupapa Nabwinga. Cilya cikesaleta Yesu Kristu kuli Nabwinga Wakwe.** [1]

Moneni, icipandwa ca 13 nomba, ica kwa Esaya. Leken i tutendekele apa pa versi ya 6:

“Welesheni imisowa; nabupalama ubushiku bwa kwa Yehoba; bukesa ngo konaula ukufuma ku wa Maka yonse.”

Moneni ici Icikakatikilo ca Mutanda ukwisuka kuno nombakunuma fye kuno imyaka 713 ilyo Kristu talaisa. Ena aba imyaka 2000; cilya kuti caba nalimo imyaka 2700 iyapitapo Esaya alimwene ici cikakatikilo ukulebela kulya. Cisuma.

“ni pali ici amaboko yonse yakatompokela, umutima wa muntu onse ukasungulukila.”

Ni finshi ifyo Yesu asosele, **“kabili ukutemwa kwa bengi kukashibantukila pa mulandu wa kufula kwa bupulumushi** (*Mateo 24:12*), kabili imitima ya bantu ikafilwa ku mwenso; bemba akabuluma.” (*Luka 21:25-28*). Mwamona, **imitima ya bantu ikaleko mweo.**

“Na bantu bakasamikilwa: ukunyongotoka no butanshi fyabekata; bakashilikitika ngo mwanakashi ulepapa: baloleshanya umuntu no munankwe balasunguka; ifinso fyonse finso fya mingu.”

Moneni pali cena pano. Owe, ifinso fyabo fyali ne nsoni. Twalasunguka ici. *“Moneni, ubushiku bwa kwa YEHOBA bwaisa, ubunkalwe no kubulukuta ne cifukushi cabukali, kukucite calo cibe capomonwa: no kufita ababembu baciko ukubafumyamo. Pantu intanda sha mu mulu naba orione bashiko tafyakalenge ulubuuto lwa fiko ukubalika: akasuba kakafita pa kutula kwa kako, no mweshi tawakabutishe lubuuto lwa uuko. Nkakanda abapanonse pa bubi bwabo, na babifi pa mampulu yabo; nkalengo ukututumuka kwa batusauka ukupwa, no kucendo ukupulama kwaba tutumya.”* (*Esaya 13:6-11*).

Moneni palya, filya fine fye, Esaya amwene icintu cimo cine ico Yesu alandilepo, ico Ifikakatikilo Cinelubali filesokolola, ilyo Ena akasangulula

icalo ne fyabucushi. **Ilya ni nshita ya bucushi, ici Cikakatikilo ca Mutanda.** Eeh, ena ali ni kasesema, kabili Icebo cakwa Lesa calengelwe ukwishibikwa kuli wene. Cilya myaka iyapitapo 2700.

Mucine, ndefwaya fye ukusose ci: isonde lyonse nge fyo Esaya apa... nge fyo umwanakashi ashikitika, ifilengwa fyonse fileshikitika (*Yohane 16:21-22*). Ni finshi fyonse ifi ukutetela no kushikitika, ngo mwanakashi uyo uli nokuba nacifyashi, isonde line- icifyalilwa?

Lolekesheni pali cena. Te kuno fye kweka, lelo isonde lyonse, icintu calikoweshiwa, kabili isonde, icifyalilwa...Lesa, kwateni uluse. **Isonde lyonse muku kalipwa kwa pa kupapa kwa liko, isonde lileshitikika,** e fyo asosele Esaya. **Bwafyanshi? Lyena lilesha ukuleta isonde lipya kuli Millennium uko ulubembu lonse lukasangululwa, ukwasha ukufyala isonde lipya ku bantu bapya abo abashakabembuke no kukowesha lyena.** Cilya cishika. Lyena lileshikitika. **Ulya e mulandu wine tuleshikitika. Kristu, ukuleta nabwinga. Ifintu fyonse fileshikitika no kutetela** (*Abena Roma 8:22-23*). Mwamona, kuli icintu cimo icili mupepi no kucitika. **Kabili ici cinkunka icalenga mutanda cilelenga lyena ukuya.** Munyina, **icikunkuma cikesulwa, kabili intanda shikatenkana;** imilimo ikesa fuma, kabili isonde likaisangulula iiline (*Ukusokolola 6:12-17*). Ilibwe lipya likafumina pakati kesonde...

Kabili ndemweba, ulucelo lumo **ilyo Yesu na Nabwinga Wakwe bakesabwela pe sonde, kukaba paradise wakwa Lesa kulya uyo...**(*Ukusokolola 19:11-16*). Owe, mwe. Filye fita fyakale ifya bulwi fikenda ukupita mulya ne fibusa fyabo na batemwikwa babo; inyimbo shikesula mulwelele, kwi bumba lya ba malaika. “Owe, walibombele bwino, we musha musuma kabili uwa cishinka, ingila mu nsasa sha kwa Shikulu isho ishapekanishiwa iwe nge sho walingile ukukwata kunuma kulya ilyo Efa atendeke umupila ukukunkulukila mulubembu.” (*Mateo 25:21*), Ameni.

Ee, Icikakatikilo ca mutanda cili nokucita icintu cimo. Ee, mukwai. **Mucine isonde lyonse liletetela no kukalipwa ku nshita ya Millenium.**

Ni nshita ku Cikakatikilo ca Mutanda, ica ili line, ukulaisuka, kabili ilyo akacita, owe, mwe-impela! Nabwinga naya. Namfumu naya mu kusenda icifulo cakwe. **Ena aleupwa nombamba ku Mfumu,** ilyo ici calecitika. Kabili abashalako kuli Israele bakakatikwa kabili abaiteyanya ukuya (*Ukusokolola 7:1-8*), kabili lyena ifyacifyalilwa fikaya. Owe, ifyo yaba inshita. [2]

Balitwebwa kuli ba kasesema bakwa Lesa ukutila tulingile ukukwata isonde lipya, imyulu iipya kabili isonde lipya. Nga mulefwaya ilembo pali cilya, cena Kusokolola 21:1. Yohane atile,

“Nalimwene isonde lipya no Mulu uupya: pantu isonde lyantanshi no mulu wa ntanshi na fipita.”

Lyena lyalipitile. Nomba, **nga tuli no kukwata isonde lipya, isonde lyakale ne sonde lipya teti fibepo pa nshita imo ine.** Atemwa, icalo cipya kabili ne calo cakale teti fibe pamo pa nshita imo ine. Teti kube ubutantiko bubili bwa calo pa nshita imo ine. Nomba, **pakutila twingakwata isonde lipya, ilyakale lilingile ukufwa.** Nomba, nge lyakale lilingile ukufwa, **lyena lilepelwa ukukalipwa kwa pa kupapa ku lipya nomba.**

Cimo pa fintu fyakubalilapo ifyo doctor acita, panuma yakumona umulwele, **caba ukukonka ifya kukalipwa, ukukalipwa kwa pa kupapa. Ena alakonka ifya kukalipwa, ifyo kwena kupaleme capamo, kabili ifyo cila kumo kuba ukwa cilapo.** Kumo kulaba ukwakosesha ukukwata ukucila ukubiye. Ukukonkapo, nalyo line ukwakosa, kulapalama capamo. Ulya e musango e shibilako ubwafya, **ku fyakukalipwa fya pa kupapa.**

Cisuma, nge sonde lili nokupela inshila kwi sonde lipya, lekeni tucacente fimo ifyakukalipwa fya pa kupapa ifyo tulekwata pe sonde, kabili lyena tuli no kumona bushiku nshi kabili ukufika pesa lili mu kupapa kwa lyena.

Inkondo ya Kubalilapo ye sonde yalangishe ukukalipwa ukwapulamo. Yalangishe kumo ukukalipwa ukwakubalilapo ukwa lyena ukuya mukupapa. Pa mulandu wa ilya nshita ya lyena, ifwe twali letele ba bomba, kabili twalikwete imfuti shamaka, no mwela wa bwanga. **Isonde lyalipitilemo, lyakwete ukukalipwa kwa lyena ukwa kubalilapo.**

Kabili tulesanga ukutila nomba, **ifwe twalikwete inkondo Yacibili ye Sonde, kabili ukukalipwa kwa lyena kwali ukwacilamo.** Kwena kucililako fye nshita yonse, **ukukalipwa kwa pa kupapa kwe sonde.** Lyena lyali fye mupepi no kufumapo, mu nshita ye bomba ya atomic, pa mulandu kuti lya onaula umusumba onse. Kwali ukwapulamo nganshi ukucila ukukalipwa kwa Nkondo ya kubalilapo ye Sonde, **ilya konaulwa kwe sonde.**

Nomba, lyena nalishiba ukutila inshita yakwe iyakupokololwa ili mupepi. Ulya e mulandu wine lili no mwenso nganshi, ilyakalipwa, ngefyo lyena lili, ni pa mulandu wakutila kwaba ibomba lya Hydrogen, ne fipolopolo fikalamba ifya mulwelele ifyo ifingonaula isonde lyonse. Inko imo iletina iibiye, te mulandu ifyo ubunono ili. Bena balikwata filye fipolopolo

ifikalamba ifyo basosa kuti bafitungulula ku ntanda no kufiposela apali ponse mwisonde uko balefwaya.

Abantu ba science balingila umwakufwailisha umukalamba mwa kwa Lesa, **mpaka bakesa yonaula abene beka.** Lesa alaleka, lyonse alaleka amano ukuyonaula umwine. **Lesatona nangu cimo.**

Umuntu alayonaula umwine ku mano, nge fyo acitile pa kutendeka, ukusenda amano yakwa Satana mu cifulo ca Cebo cakwa Lesa. Nomba, lyena lyalishiba lilingile lya fumapo. Lyena teti lishipikishe cena.

E ico, isonde lyalishiba ukutula ukukalipwa kwa pa kupapa kwa lyena kukalamba nganshi, lyena lilingile ukufumapo. Kuli no kubako ukufyalwa cipya cipya, kulepalama. Ndetotela kuli cilya. Ndi uwanaka neli. **Uuli onse alishiba ukutula ino nincende ya mfwa no bulanda, kabili ne misango yonse ya fyaibela.** Ndi uwa nsansa ukutula lilingile ukufumapo. Ndi uwansansa ukutula inshita ili mupepi. Nge fyo Yohane asosele, uwakale, “Nangula cili fi, iseni, Shikulu Yesu.” (*Ukusokolola 22:16-17,20*).

Nomba, **lyena lilingile ukubola, mucine, nge fyo nsosele, pakutula lileta ukufyalwa cipya cipya.** Lolekesheni ico lyabolelamo. Moneni, ba munyinane! **Lyena nalibola umupwilapo. Ifikansa fya calo fya lyena ne mibombele fili fye ifya bola nge fyo fingaba.** Tamwaba ifupa nangula limo muli lyena, mu mibombele ya lyena iye sonde, ifikansa fya calo fya lyena ne fikansa fya bukapapa, kabili na conse fintu cili. **icintu conse calibola ukufikapo.** Kulingile kwaba icintu cimo ukufumapo. Lyena teti lishipikishe. Nga mwabika George Washington atemwa Abrahamu Lincoln mu calo icili conse muno mu United States, nalyo line teti libwelelemo. **Lyena lya licila pa kulubulwa.**

Kwaba fye icintu cimo icingafwilisha lyena, cilya kwisa kwa kwa Kalenga. Amen.

Lyena lyalishiba lilingile ukufumapo. Lyena lili mukukalipwa no kushikitika. Umo taishiba ifya kucita. Umo alelolesha ulu lubali, kabili umbi lulya lubali. Umo aletina umubiye. Umo ukwesha ukucita icintu cimo ali no konaula uyu umo. Uyu ukwesha ukupililika ulya, ukonaula umubiye. **Mpaka, nomba nabakwata cena mu maboko ya baume aba bembu, abo abenga onaula isonde lyonse mu maminiti fye yasano.** E ico lyena lyalishiba lyena teti lishipikishe cena. Abantu balishiba lyena teti lishipikishe cena. Kabili isonde lyalishiba ukutula bena bali no kucita, **cena cili no kucitika.**

Pantu, Lesa atile cali nokuba. “Imyulu yonse ne sonde fikaba pa mulilo.” Cikaba ukupangwa cipya cipya kwa cipya kwa cintu conse, pakutula isonde lipya linga fyalwa. Lesa alisesema cena (*11 Petro 3:8-10*).

Lyena lyalibola, mu mibombele ya yena yonse, kabili lyena lilingile ukucita cilya, ukubola. Ulya e mulandu wine lyena lili no mwenso nganshi kabili ilyakashika mu cinso, kabili ilyakalifiwa. Kabili ifinkukuma, ukuli konse, kabili ukuya uku no ku kululamba. Kabili amatamba, kabili ukutenkana uku no ku kululamba, ifinkukuma ne fiintu. Kabili abantu ukulemba, “bushe tufumeko? Bushe tufumeko?” Mwamona? Bena tabaishiba ifyakucita. Takwaba ukwa kucingililwa kano kumo, ulya ni Kristu, Umwana wakwa Lesa uwa mweo. Bonse kunse Kulya bakonaika, mucine fye nge fyo Lesa asosele.

Nomba, Yesu alitwebele filya fine ifyo ifikacitika ifyo ifikacitika pali ino nshita. Ena alitweba, muli Mateo 24, ukutula **Ulukuta lwa cifyalilwa no lukuta lwa bumupashi fikaba ifya palama nganshi** (*Abena Galatia 4:21-31*)- bakapashanya-, **mpaka kuti babepa na Basalwa bena, nga cali cingacitwa** (*Mateo 24:24*). Ifyo cali munshiku sha kwa Noah, ifyo balelya, ukunwa, ukuupa, ukupelwa mu cupo, kabili no bubonse ubulalelale ubwe sonde bonse ubo tumona ilelo (*Luka 17:26-30*). Baibele, ibuku lya kwa Doctor Iyasosa kuti cikacitika. **E ico, ilyo twamona ici ukucitika, twalishiba ukutula ukufyalwa kwapalama.** Cilingile ukuba. Eeh, mukwai. Nomba, ifwe tulalolekesha kuli cilya, nge nko; kwati te nko, lelo isonde.

Nomba, Israele, ulukuta, lekeni tutendeke kunuma na wene pama miniti ayanono. **Israele alikwete ukukalipwa kwa pa kupapa pesamba lya kwa kasesema onse uwaishile pe sonde. Ena alikwete ukukalipwa kwa pa kupapa pa Mbila yakwe.** Pantu ni cinshi yena yacitile? **Kasesema alikwete Icebo.** Kabili lyalikwete ukubola ukwingi ne fyatantikwa ifya mibombele ifingi mukati ka lyena, mpaka uyu kasesema atenkenye lyena ukufuma pa mufula wa lyena. Bena balibapatile kuli bonse. **E ico, kanshi, ilyo Lesa atumine kasesema, ulukuta ulwine lwaleya mu kukalipwa kwa pa kupapa.** Pa mulandu, “Icebo cakwa Shikulu ciisa kuli kasesema, kabili ena fye eka.” (*Amose 3:6-7*). Cilya cili, Icebo icalandilwe ca bulya bushiku calengwo ukumonekela **kuli kasesema wa nshita ilya**, lyonse efyo caba. Kabili, inkuta, bena balakula imibombele iingi nganshi ukushinguluka Icebo, mpaka Ena aletenkanya lwena ukufuma umo lwakomenwa nga ena aisa. Lwena lwalikwete ukukalipwa kwa pa kupapa.

Cali ni cinshi? **Ukubwekela ku Cebo! Ukubwekela ku Mweo!** Imibombele tayakwata Umweo. **Icebo fye cakwa Lesa e cakwata Umweo** (*Yohane 6:63*). Imibombele iya kulwa ukushinguluka Cena tayakwata Umweo. **Caba Cebo e cipela Umweo.** Imbila Yakwe yasunkile abashalapo ukubwelelamo ku Cebo. **Ibumba ilinono lili no kufuma no kucetekela.** Munshita yakwa Noah, abantu fye cine konse konse (*Ukutendekaa 7:10-*

16). Lelo, nangula cibe fyo, Lesa asunkile abashelepo. Kabili, no konaula, abashala muli bena baishile fumako. [3]

Nomba, ndefwaya imwe ukumona ukutila **kwaliko amapange yatatu aya Cikakatikilo ca Mutanda**. Kwaliko amapange yatatu aya baninine pali bakabalwe. **Kwabako amapange yatatu muli fyonse ifi fintu**. Cilya ciletubwesha kuli *fitatu kabili na cinelubali* nakabili, ifikakatikilo cinelubali, inweno cinelubali, kabili nafimbipo.

Nomba, **muli fitatu na cine lubali ni mpendwa yakwa Lesa mu nsamushi Shakwe isha kusokolwelako icebo Cakwe**. Nomba, moneni, nga mubaninine, nomba kwaliko bakabalwe batatu abo abaile. Umo uwa bena ali uwabuta, umo ali uwa kashika, umo ali uwa fita. Kabili lyena muli kabalwe uwalenga cine, cinshi, bonse muli bena balisankene capamo, mwamona, amapange yatatu ayatantikwa... (*Ukusokolola* 6),

Nomba, tulesanga ukutila muli ici **ukutila Icikakatikilo ca Mutanda nomba ukwisulwa, cali pa mapange yatatu ayatantikwa**. Nomba, aya ayali amapange: Icintu cakubalilapo cali **ukutila abalala** (abapelwa amano) bana cisungu baishilepita mu bucushi ku kusangululwa (*Mateo* 25:1-13). **Ena aishile sangululwa pa membu shakwe sha kukana cetekela no kukana imbila**. Ici cacitilwe kuli wene mu nshita ya bucushi. Ifwe tulemona filepwishiwa umu mu kusokolola icipandwa ca 7, pakati kaca 6 ne cipandwa ca 7 umu, ukutila wene alisangulwilwe, kabili alipelwe imingila yakwe (*Ukusokolola* 7:13-17).

Nomba, wene te Nabwinga, lelo lwena lukuta, **abantu abasanguluka abo abashakwete ishuko, nalimo, ukupokelela imbila, atemwa mu nshila imbi bali pofushiwe kuli aba bakasesema ba bufi, kabili tabakwete ishuko, lelo nomba baba ababufuma cumi mu mutima, kabili Lesa aliishiba umutima wabo, kabili bena balesangululwa muli iyi inshita**.

Muli no kumona ukutila inshita imbi iyakusangululwa; ilya yakuli Israele ilyo akalongana. **Lilya e lya cibili. Lesa alesangulula Israele mu nshita ya bucushi**. Ukufuma kuli ba million abo abakalongana kulya, kukaba abasalwa amakana umwanda umo na makana amakumi yane na makana yena bakasangululwa (*Ukusokolola* 7:1-8; *Daniele* 12:1-3). Lesa alesangulula Israele.

Moneni, **kulya isonde lyonse likasangululwa** (*Ukusokolola* 6:12-17). Kukaba icintu ica musango ngo yu ukutila umweshi, intanda, kabili ne fyacifyalilwa fyonse fikasangululwa (*Mateo* 24:29-31). Mulemona ifyo cena cili? Isonde lileiwamya iline, pa kusangululwa, **ukuteyanishiwa kuli Millennium. Millennium ili mukwisa. Kabili moneni, ifintu fyonse**

ifyakwata ifiko muli fyena fikasangululwa munshita ya Cikakatikilo ca Mutanda.

Nomba, bushe mulemona **pa kwisula kwa ici Cikakatikilo ca Cinelubali, na cena cili mu nkama shitatu. Ici cena nalalanda, kabili nali landa, ukutula caba ni nkama ya fibulumo cinelubali** (*Ukusokolola 10:1-7*). Ifibulumo cinelubali mu mulu fikalangisha iyi nkama. **Cikaba fye pakwisa kwa kwa Kristu**, pantu Kristu atile takwali nangu umo uyo uwaishibe ilyo ena akabwela (*Mateo 24:36*). [4]

Kabili nomba, twalishiba. Tuli abailuka. Isonde lyapita fye mu kukalipwa ukwa pa kupapa ukukalamba. Kabili ulukuta lulepita mukukalipwa kwa pa kupapa kumo. Cila umo uwa bakasesema, ilyo baishile mwisonde, cali ukukalipwa kwa pa kupapa ku lukuta. **Isonde lyalipita mu Nkondo ya kubalilapo ye Sonde, Inkondo ya Cibili ye Sonde, nomba ili ilyaiteyanya ku Nkondo ya Citatu ye Sonde.** Kabili lili mu kukalipwa kwa pa kupapa nakabili. Lelo kwaba fye icintu cimo icingaleta umutende, kabili ulya ni Kristu. [5]

Nomba, Inkondo ya kubalilapo ye sonde, Inkondo ya Cibili ye sonde, kabili nomba **ifwe tuli abaiteyanya ku Nkondo ya Citatu ye Sonde: ukwima ukuli konse.** Cena ni cinshi? **Israele ali mu mushi wa ku mwabo ukulolela Mesiya wabo.** Ulukuta lwa Benafyalo, Luther, Wesley, kabili nomba inshita ya Pentecostal ili iya cifulefule kabili yafwishile Yesu panse, kabili Ena alebafwishila panse: cisuma, inshita sha Pentecostal (*Ukusokolola 3:15-18*). Lelo ku mpela fye ilyo isonde talilaonaulwa, Yesu atile, “nge fyo cali mu nshita ya Sodoma, efyo cikaba **pakwisa kwa Mwana wa muntu**” (*Luka 17:26-30*), ukutula ulukuta lwa Benafyalo lukapokelela amaka yamo yene, malaika umo wine, inkombe shimo shine... Mucine, imwe kuti mwamona cilya. Cena cili fye palwalala nge fyo palwalala pengaba. Umwana kuti acimona cena. [6]

Ilyo itoni lya menshi talilatona, Noah ali mu cibwato. Ilyo umulilo taula pola Sodoma, Loti aliile. Tata, twalicetekela, ilyo amaka ya atomic tayalapolesha ili sonde mutupimfya, Ulukuta lukaya (*1 Abena Tesalonika 1:9-10; Abena Roma 5:8-9*). Ifwe tuli abansansa nganshi, Shikulu.

Kabili ifwe kuti twalolekesha ku Mulu no kumona **Umwana wa muntu ukwima ukufuma pa Cipuna Cakwe ukutendeka ukwisa pe sonde pa Kusendwa kwa Lukuta Lwakwe**, no kwishiba ukutula inkasa Shakwe ishayemba tasha kakumye pali ili sonde lya lubembu pali ilya nshita; pantu

ngefyo Rebeka aninine pa ngamali no kutoloka ukufuma pa ngamali, pakati fye na pa ng'anda yakwa Abrahamu, kunse mwibala akumenye shi (bwinga) wakwe (*Ukutendeka 24:61-67*). Mwe Lesa, kabili Ulukuta lukakumanya Shi (bwinga) mu lwelele (*1 Abena Tesalonika 4:13-17*).

Owe, twafweni, Shikulu. Tupeni ubusuma wa Mipashi yesu, kabili fumyenipo bonse ubululu no kupusana kuli ifwe, kabili shi twinga sungululwa nganshi na Mupashi wa Mushilo. [7]

Ine lyonse ndasosa ukutila mu nshiku shakwa Noah, Noah ali mu cibwato lintu akalitoni kamo kamfula takala loka. Loti ali kunse ka Sodoma ilyo mulilo taulapona (*Luka 17:26-30*). **Kabili ulukuta lukaba mu bukata ilyo atomic tailapona. Cilya cishinka, ilyo atomic tailawa.** [8]

Nomba, iyi ni mbila ya citatu yakwa malaika kwi sonde. Kabili mwaliishiba ukuti imbila yakwa malaika uwa citatu; ileya nomba muli buno bushiku. Uku kubilisha kwa mbila yakwa Malaika wa citatu, nga mulabelenga Baibele (*Ukusokolola 8:13*).

Kwaliko utulanda tutatu ukukonka yena (*Ukusokolola 9:12*). Ukwakubalilapo kwacitike mu Nkondo ya kubalilapo ye Sonde. Aka cibili kacitike mu Nkondo ya Cibili ye Sonde. Mu lemona ifyo tuleingilamo nomba. Cisuma. **Ifwe tuli ku mpela ya musebo.** Mu cifulo, ifwe tuli mupepi no kufika ku nshita ya mpela. Ukufika lilali? Nshishibe; tapali nangu umo uwaishiba. [9]

Umwakumona:

[1] “Buno Bushiku Ili Lembo Lya Fikilishiwa” (65-0219), par. 27-30

[2] “Icikakatikilo ca Mutanda” (63-0323), par. 326-333,352-359

[3] “Ukukalipwa kwa pa Kupapa” (65-0124), par. 86-106

[4] “Icikakatilo ca Cinelubali” (63-0324E), par. 380-391

[5] “Mutila Uyu Nani?” (64-1227), par. 59

[6] “Ululembo lwa Ciswango ne Cikakatikilo cakwa Lesa” (61-0217), par. E-53

[7] “Inshita ya Lukuta lwa Tuatira” (60-1208), par. 7-9

[8] “Ukusokolola Icipandwa ca 4, part 1” (60-1231). Par. 170

[9] “Ululembo lwa Ciswango” (54-0513). Par. 30-32

Uwacifyalilwa no Muntu wa Bumupashi

1 Abena Korinti 2:6-16, "...Pantu muntu nshi aishibe fya muntunse, kano umupashi wa uyu umuntunse uwaba muli wene? Ifyo fine ne fya kwa Lesa takuli uwafikutuluka, kano Umupashi Wakwa Lesa. Awe. Ifwe te Mupashi wa pano isonde twapokelela, lelo Umupashi uwafuma kuli Lesa; ukuti twishibe ifyo tupelwo bupe kuli Lesa. Kabili tufilandila, te mu fyebo ifisambilishiwa ku mano ya buntunse; lelo mufisambilishiwa ku Mupashi wa Mushilo; twilwila ifya bumupashi ne fya bu mupashi. Lelo umuntu wa cifyalilwa tapokelela ifya Mupashi wa kwa Lesa: pantu kuli wene fya buwelewele: kabili afilwo ukufishiba, ico ukwishibwa fishibwa ku Mupashi. Awe uwa Bumupashi apingula ifintu fyonse, lelo wene tappingulwa ku muntu nangu umo. Pantu nani uwaishibe fya mu mutima wakwa Shikulu, ukuti asambilishe wene? Lelo ifwe umutima wakwa Kristu tuli nao."

Cintu cashininkishiwa nganshi ukufuma kuli aya Amalembo ukutila takuli umuntu palwakwe uwingomfwa kuli Lesa. Kulyo kwishiba kulingile kwapelwa kuli wene na Lesa. *Mateo 16:17, "Na Yesu pakwasuka atile kuli wene, Walishuka we, Simon mwana Yona: pakuti umubili no mulopa tafya kusokolwele, lelo ni Tata Wa mu mulu."* Ukubika aya ama verse pamo tulemona ukutila kwaba fye ibumba limo ilya bantu, **kabili lilya libumba ilyaibela nganshi ilya bantu abo abali no kumfwa ifyo Umupashi usosa muli cila nshita.** Lyaba ni lilye bumba limo ilya ibela ilyo ilipokelela ubusokololo kuli cila nshita. Lilye bumba lya kwa Lesa, pantu ibumba ilyo ilishingomfwa telya kwa Lesa (*Yohane 8:42-44*). Ibumba ilyo ilingacita kabili lilomfwa ifyo Mupashi ulesosa kabili lilapokelela ubusokololo bulya e lilye bumba ilya londololwa muli 1 Abena Korinti 2:6-16. **Bena e balya abo abakwata Umupashi wa kwa Lesa. Bena e bafyalwa kuli Lesa. Bena balibatishiwa mu mubili wakwa Shikulu Yesu Kristu ku Mupashi Wakwe.** (*1 Abena Korinti 12:13*). Bena balabatishiwa na Mupashi wa Mushilo. ^[1]

Umuntu wa cifyalilwa, kukwishiba, alolekesha kunuma ku fyakubomba fyakwe; ilya ni science, imona ifyo Lesa acita ku

fyalengwa ifyakale. Bena balaya kunse no kusenda ibumba, no kusenda ifipimfya fya mabwe na mafupa, ne fintu, no kufikaka pamo. Mwamona, pali filya ifya kubomba, bena balesenda ifyo Lesa acita, no kupondamika fyena ukufuma ku mibele ya fyena yantendekelo, kabili ukupanga amayanda yakwe yakwikalamo, kabili na fimbipo, kabili no bunonshi bwakwe ukuwaminako panono, kuli ifyo ifyalengwa. Filya ni mu fya kubomba fya cifyalilwa, ku muntu.

Lelo Lesa, mu kubomba kwa bumupashi, aleya kuntanshi, tekubwekela kunuma. Ena aleya kuntanshi, ukulolekesha mu Cebo, no kucetekela mu mabulayo ya fintu ifyo ifishatala bapo nakalya, ku busokololo ubwa bumupashi ukulangisha ifintu ifya bumupashi ifyo Lesa alaya. Ena alafimona uukwisa mukufikilishiwa. Nga filya fine uwa Science mu (laboratory) yakwe yakufwailishamo alebombela pa fintu ifya lekana lekana ukwa fwilisha umuntu, ukusenda ifyalengwa; **umuntu wa bumupashi alelolekesha ku ntanshi ku cintu cimo ico Lesa alaile, ico icishilati cilengwe (11 Abena Korinti 3:18). Umuntu wa cifyalilwa alolekesha kunuma. Umuntu uwa bumupashi alolekesha ku ntanshi.**

Ilya e nshila, bena baishile kwata cilya mu lukuta. Uwacifyalilwa membala wa lukuta alolekeshe kunuma uko Finney, Sankey, Knox, Calvin. Cilya cali fye bwino, lelo bulya bwali bushiku bwabo. **Ifwe tulelolekesha ku ntanshi ku cintu cimbi, ubulayo ubo ubwacilamo kabili ubwa sansabalisha, kabili ifyo Lesa alaya.** Science ilabwelela kunuma, ukusenda cena. Ifwe tulaya pantanshi, mu Cebo cakwa Shikulu, **ukusanga ifyo Lesa abombele.**

Moneni, **umuntu wacifyalilwa ena alapenda ukuya kunuma.** Natile ena ali bombele ifintu kunuma. Ena alapenda ukuya kunuma. Moneni ukupenda kwakwe, “Ikumi, pabula, cinekonse konse, cinelubali, mutanda, fisano, fine, fitatu, fibili, cimo, sero!” Mwamona, ena alabwelelamo (pa kupenda kwa kulekelesha), no kutendeka ukupenda. [2]

Imibili yesu itungululwa ku mano yasano. Nibanga abaishiba cilya ukuba icishinka? **Amano yasano: ukumona, ukusonda, ukukumya, ukununsha, no kumfwa, cilya citungulula umuntu wa cifyalilwa.** Nomba, kuliko umuntu umbi mukati, **uyo uwaba umuntu wa citetekelo, umupashi (11 Abena Korinti 4:13).** Ena akwata amano yabili: Limo ilya yena citetekelo; ilibiye kukana cetekela. [3]

Kabili nacilatontonkanya fye ama miniti ayanono ayapitapo pe sambililo lya science. Kabili ine, ukutontonkanya fye ifyo ukutila science, ifyo bena basenda umuntu wa cifyalilwa kabili ifyo ena aya mu fyakufwailisha

ukufuma ku kuwa kwa fyacifyalilwa nefyo ena acita. **Kabili ifyo panono umuntu wa bumupashi alunduluka mu Bufumu bwa kwa Lesa.** Kabili naletontonkanya ukutila umuntu uwacifyalilwa aile ku fintu ifishimoneka ku linso lyakwe no kutinta atom ukufuma mu myulu, no kupandula ulya atom pabili ico conaula ubumi bwa muntunse. **Kabili ngo muntu wacifyalilwa uyo ushaishibapo nangula cimo pali Lesa kabili teti eshibepo nangu cimo pali Lesa kano fye apilibulwa, lyena umweo wakwe ulaletwa ku mweo ne ca kupapusha...**nga kuti acita cilya mu ciputulwa ca cifyalilwa, ni finshi ifyo umuntu wakwa Lesa alingile ukucita? Mwe, mwe, mwe fibusa, ulukuta lwaba kunuma nganshi. Natupepe, ukutila Lesa ali no kusesha ulukuta Lwakwe pa mulu. **Umuntu wa cifyalilwa ne fyakubomfya fya cifyalilwa alekwata ifilecitika ifikalamba ukucila abantu abaiita abene Abenakristu. Natuipatikishe mu fishimoneka!** (Luka 16:16; 2 Ishamfumu 6:14-17). **Amapalo yenu; yena yenu!** [4]

Umuntu wacifyalilwa akwata fye amano yasano. Lelo uwacetekela, ilyo akumanya Lesa, ena alasenda icintu cimbi icaibela; **lyaba lyano iypulamo ilyo ilimwimya pa mulu wa finshingwa.** Lilamulenga ena **ukucetekela ifintu ifyo ifishingacitwa ukwisa fikilishiwa** (Abena Efese 3:20-21). Ena alacetekela nalyo line fikesa fikilishiwa, pantu Lesa efyo asosele. Ilyo umuntu akumanya Lesa, icintu cimo cilacitika (11 Abena Korinti 5:17). [5]

Umuntu uwa bumupashi mukati, nga muli no kumupela inshila, ena kuti atungulula imwe ku mishoni inono ku cifulo cimo, uko ukushili abantu abengi, **lelo kuliko Umupashi wakwa Lesa wa Mweo. Pantu umuntu uwa kunse alya pa fya kwishiba imibele na masambililo. Lelo umuntu wa mukati alya pa Cebo cakwa Lesa** (Mateo 4:4). [6]

Ndeesha ukupela kuli bena, Shikulu, **ukutila umuntu wacifyalilwa alamona ifintu fyacifyalilwa.** Kabili kulya, **ifintu fya bumupashi fyaba ifyapusana nganshi ku basambilila icakutila teti eluke cena.** Kabili cali ni Mwe, Shikulu, abo abaebele Nikodemu, “Kano fye umuntu afyalwa libili, tekuti e luke Ubufumu bwakwa Lesa” (Yohane 3:3-5). [7]

Mulandunshi Aaron akwatile pa tumba wa pa cifuba cakwe na mabwe ya pakufyalwa ya cila umo uwa filya fikolwe? (Ukufuma 28:15-30: Impendwa 27:18-21; 1 Samuele 28:6; Ubwina Lebi 8:1-13). Lolekesheni kuli balya ba nacifyashi ilyo bapele ukulumbula kwabo libela. Ilyo balya ba nacifyashi na balya abanakashi abahebere mu kupapa balandile kuli balya abana

abalefyalwa, kwabikile ishina lyabo; kwalandile pa kufyalwa kwabo; kwali babikile mu mushi wa ku mwabo; kabili kwabikile kulya mu muyayaya. Filya fine. Kabili lyena lolesheni Yakobo, ilyo ena alefwa kulya, ilyo abikile indupi shakwe pa fikolwe no kubapala, ena alebeba filya fine uko bena bakaba. Kabili ni filya fine ukulingana ne shina lyabo, kabili filya fine ukulingana no kufyalwa kwabo. Kabili mucine, calikwatapo icintu cimo icakucita na imwe.

Nomba, **ilya ni nshila yakufyalwa kwenu; filya e fyo mwaba, umwaume wa cifyalilwa nangu umwanakashi wa cifyalilwa. Lelo ilyo mwafyalwa libili**, ulya te kampingu wa kunse. Kunse efyo imwe mwaba **ukumona, ukusonda, ukukumya, ukununsha, no kumfwa, lelo mukati ka cilya e fintu imwe mucine mwaba**. Nomba, uyu kunse uku, Satana alesha fye imwe no ku muwisha ukuli konse uku; **lelo mukati umu teti acicite kano mwa musuminisha wene ukucicita. Pantu umu namukwata icitetekelo**, kabili icitetekelo tacifumina muli kampingu wa kunse, ukwelenganya. Lelo mu citetekelo tamwaba ukwelenganya. **Imwe mwalikwata cena ukufuma kuli Lesa, kabili mwaliishiba cili kulya (Marko 11:22)**. Ine nshilesakama umusango cilemoneka icalubana, nalyo line muli no kwishiba cintu calungama; cena cili EFYO ASOSA SHIKULU. Mwamona? Kabili takuli nangula cimo icili no kucusha cilya. Takuli nangu cimo icingacusha cilya; cena cileya fye pantanshi. Ubwafya tabupilibula nangu cimo kuli cena; cilapita ukuya muli cena, pantu Cena Cebo. Kabili **Icebo caba Lupanga (Abena Efese 6:17), kabili Icebo cilaputula**. Ulupanga lulaiputawila Ulwine ukutaluka ku fintu ifyashala. Mulemona? Cisenda ukuboko kwa citetekelo ukwikatiliila cilye Cebo. [8]

Bushe bonse abana baume na bana banakashi ababa mucine, abafyalwa libili abacetekela bakapusushiwa?

Iyo munyina; iyo, bena mucine tabakabe. Mwamona? Ngefyo nakonkeleshe David duplessis pali iyi nsoselo, “Lesa takwata abeshikulu, abana fye abaume na banakashi.” Mwamona, **beni balingile ukufyalwa nga filya fine fye nga bashibo na banyinabo ba fyelwe ku Mupashi (Yohane 3:5)**. Mwamona? Cilya e cilenga umuntu **umuntu mupya, ni pa mulandu alifyalwa libili, ukufyalwa nakabili**. Ukufyalwa kwakwe ukwantanshi kulamuleta umuntu wa cifyalilwa pe sonde; ukufyalwa kwakwe kwa cibili kulamuleta **umuntu wa bu mupashi wa ku mulu**. Mwamona? Cilamupilibula, umweo wakwe, te kampingu wakwe uwa kunse, Ubuntu bwakwe ubwa kunse, amano yakwe; ena acili alekumya, no kununsha, ukusonda, kabili alomfwa; **lelo ifilundwa fyakwe ifya mukati**,

ukukabila kwakwe, ifimwensha, na fipilibwilwa kuli Lesa (AbaHebere 10:2).

Nomba, ibukisheni, inshila fye yeka uko ici cingacitika kuti caba ni ci: nga filya cali mu nshita ya mu shika wa ci Roma (*Imilimo ya Batumwa 16:16-34*). Paulo aebele umwina Roma, ena na Sila, ilyo alefwaya ukufumya ulupanga no kuipaya umwine, pa mulandu Lesa alitenkenye icifungo ku cinkukuma; atile, “Wiipaya, ukumona bonse emo tuli. Ima.” Kabili alefwaya ukwishiba ifyo ena engacita. Atile, “Ima no kubatishiwa, ukwita pe Shina Iya kwa Shikulu, **kabili iwe na ba ng’anda yobe mukapusuka.**” Mwamona? Mu mashiwi yambi, “Cetekela pali Shikulu Yesu Kristu, iwe na ba ng’anda yobe mukapusuka.” Nomba, musangonshi? **Nga aba ng’anda yobe bacetekela mu musango umo wine wacetekela mu musango umo wine wacetekelamo.** Mwamona? Ulepepa no kupela abana bobe kuli Lesa **kabili ikatilileni kuli Lesa, cetekeleni ukutula bali no kupusushiwa.** [9]

Ifwe twalisambilishiwa **ukutula Lesa alipela umuntu wa cifyalilwa amano yasano ukubombelako ku mushi wakwe wa pe sonde;** kabili yalya amano yaishibikwa nga: **ukumona, ukusonda, ukukumya, ukununsha, ukumfwa, yalya amano ya cifyalilwa ayaishibikwa ku muntu wa cifyalilwa.** Kabili yena yasuma, kabili teti tubombe nangu ukwikala ubumi ubwalondoloka ilyo limo pali aya amano yakafilwa ukubomba. Ukumona kwenu, ukumfwa, ukukumya, ukununsha, atemwa ukusonda, teti tube abatuntulu ukwabula yena. Kuliko icintu cimo icaluba, cimo iciputulwa ca bumi ico teti tu kumyeko, ukwabula lilye lyano ukubomba. **Kabili yena yasuma, kabili yena ya mulimo, kabili yena yapelwa kuli ifwe na Lesa.**

Les aapele yalya amano, lelo yena yapelwa kuli imwe nge cabupe. Kabili **caba pali, ifyo imwe mutulako aya mano, cikaba umusango ifyo bumi bwenu butungululwa:** umusango mutulilamo yalya amano yasano...Ifyo mulemona, ifyo mumfwa, ifyo musonda, ukununsha, atemwa ukukumya, **kucili conse uko aya mano yatulwako, yakamuteka imwe.** [10]

Nomba, icifulo cesu ica muyayaya tacaba pali fyonse icalingwa ku fyo ifwe tumona na ku fintu tumfwa, lelo calingwa pa kulingulula uko ifwe twakwata pafyo tumona kabili ne fyo tumfwa. [11]

Kabili tuletasha kuli Lesa ukutula twalikwata amano yasano, **lelo nangu cibe fyo amano aya yasano yapelwa kuli imwe uku mutungulula. Yena yapelwa kuli imwe ku kubombelako pe sonde.** Lelo kwapelwa kuli imwe

ilyano ilyalenga mutanda, kabili lilye lyano lyalenga mutanda lyaba fye ku Mwinakristu. Kabili **imwe teti mukwate ili lyano lyalenga mutanda mpaka mwaba Umwinakristu**, e nshila fye yeka iyo mwingatala ukukwata ukucila amano yasano ya muntu wa cifyalilwa. Lelo, ilyano lya lenga mutanda lyaishibikwa bwino, ku Mwinakristu, **nge citetekelo (11Abena Korinti 4:13)**. E lilya **ilimiteka no ku mutungulula, kabili lyena lyali pulishamo pali yonse aya yambi amano**. Lyena lyalipulishamo pali yonse aya yambi amano yasano.

Nomba, teti nsonse ukutila pa mulandu twalipokelela ilyano ilyalenga mutanda ukutila amano yasano tayali ayasuma nakabili. Ee, yena yaliba. **Yalya amano yasano yapelwa kuli imwe na Lesa, kabili yalingile ukubomfiwa. Lelo ilyo amano yasano yalebomba ukupusana ne Cebo cakwa Lesa, lyena yena ya lebepa.**

Nomba, ilyano ilya lenga mutanda teti libepe. Lyena lyano ilyapulamo.

Kabili ilyano ilyapulamo Mupashi wa Mushilo, **icitetekelo cakwa Lesa ico icikala muli imwe (Abena Galatia 2:19-20)**. Kabili nga mwaleka amano yasano ukupelwa ku lyano ilyalenga mutanda, lili no kumutungulula no kuleta yonse yambi ayashala amano yasano **ukutekwa nalilye lyano ilyapulamo**. Pantu lyena lyalipulamo nganshi ku mano ya cifyalilwa, **nge fyo muntu wa bumupashi acila uwa cifyalilwa; lyaba apatali kabili ilyasansama nge fyo myulu yaba pa mulu wa muntu wa cifyalilwa na mano yakwe yasano**. Lilalenga imwe ukucetekela ifintu ifyo teti tumone. Lilalenga imwe ukubomba palya epo teti mutontonkanye amano yasano yakatala ukutontonkanya palwa cena. Kasebanya kuti aingila muli aya amano yasano no kubepa kuli imwe, **lelo ena teti akumye lilye lyano ilyapulamo**. Lilya lyaba apatali nganshi kuli ena ukufikapo. Lilya lifuma kuli Lesa. Liitwa icitekelelo. **Icitetekelo e cilya icintu icikalamba.** [10]

Umuntu teti e luke umulandu abantu babilikisha. Umuntu teti e luke umulandu ululimi lwa muntunse kuti lwapilibulwa kabili kuti alandila mu ndimi. **Umuntu wa cifyalilwa teti amone ifyo ubukata bwakwa Lesa kuti bwaisa pa menso ya muntu**, kabili kuti amona icimonwa no kweba umuntu pa fintu fimo, ne fya kucita; ukubeba ifintu ifyo ifili no kucitika, kabili no kulenga ifintu ukwisa fikilishiwa. Amano ya cifyalilwa yesha ukwelenganya. “Cisuma, ni cinshi ico acitile? Atemwa, bucenjeshi bwa musango shani ena alebomfya? Malwele nshi ena akwete?” Ukumona umuntu ukulandila mu ndimi, kabili umo muntu ukwilula no kulanda filya fine kuli cimo cilundwa ca Mubili ifyo bena bacita, nefyo tabalingile

ukucita (1 Abena Korinti 12:4-11; 14:10-16). Bena batontonkanya caba bucenjeshi bumo. “Kuli icintu cimo icabikwa pakati kabo.”

Bena teti beluke cena mpaka ulyo muntu afyalwa libili. Lyena ilyo afyalwa libili, lyena alaba mu mushilwa we senge pantu ena cilengwa cipya. Ilye yakale ya mutunganya, imibele ya kutwishika ali, yalifwa. Nomba, ena cilengwa cipya (11 Abena Korinti 5:17; Abena Galatia 6:14-15).

Moneni, mulingile ukufyalwa libili. **Kabili ilyo mwafyalwa libili, imwe teti mufyalwe libili ukwabulo kukwata icitetekelo.** Cilya cishinka. Icitetekelo caba umufula wa conse ca cena. (11 Petro 1:5-11).

“Kabili ukwabulo ukutetekela tekuti kube ukutemuna Lesa. Pantu upalamina kuli Lesa ali no kutetekela ukutila eko ali, no kuti, aba kulambula wa ba mufwaya fwaya.” (Abahebere 11:6).

Ulubembu ni cinshi? Uku kana cetekela (Yohane 16:8-11). Kwaba fye ifintu fibili ifitungulula umuntunse. Cilya caba limbi ukutwishika nangula icitetekelo, cimo atemwa icibiye. **Imwe mwakwata fye cimo ico iciteka ubumi bweni.** Cabela fye umusango wa citetekelo mukwete, **ifyo mwingaba apasansama.** Lelo, intanshi, cilingile ukuba icitetekelo.

Nomba, icitetekelo ni cilya ico mulingile ukucetekela. *“Icitetekelo e nshitililo lya finfu tulecetekela.”* Imwe namukwata kale cena ilyo mukwete icitetekelo, **pantu cisokolwelwa mu citetekelo.** *“Icitetekelo e shintililo lya fintu tulecetekela,”* Abahebere 11:1, mwamona, “icishininkisho.” Cena ni cinshi? Icishininkisho ca musango shani? **Icishininkisho ca mushilo.** [12]

Nomba, **icitetekelo caba ubusokololo ukufuma kuli Lesa.** Palya epo ndefwaya ukwikala, pakashita fye. **Cena busokololo.** Ena nasokolola cena kuli imwe ku kusenamina Kwakwe. **Cena tacili nangu cimo mwacitile. Imwe tamwa ibombela mwebene mu citetekelo.** Imwe tamwatalile kwata icitetekelo; **capelwa kuli imwe mu kusenamina kwa kwa Lesa (Mateo 16:13-19).** Kabili Lesa asokolwela cena kuli imwe, e ico kanshi icitetekelo caba ubusokololo. **Kabili lonse ulukuta lwakwa Lesa lwakulwa pa busokololo.**

Mwi bumba lya bantu, uko umulongo wakupepelwa uleisa, muli no kusanga bamo... kabili bonse bali abantu abasuma, tuli nokusosa. Kuliko bamo abaleesha namaka ukucetekela cena, ukwesha ukuibombela abene muli Cena. Bamo teti bacicite fye nakalya. **Kabili bambi, caba fye ku kusenamina, cena cipelwa fye kuli bena.** Nomba, bulya palya ubupusano. Cilya cilacita. **Bulya e busokololo ubwa cine, pantu icitetekelo busokololo ukufuma kuli Lesa.** Cena cilingile ukusokololwa intanshi. [13]

Icitetekelo ni cinshi? **Icitetekelo cintu cimo ico icasokolwelwa kuli imwe; lelo tacilaba**, lelo mwacetekela cili no kuba. **Icitetekelo busokololo bwa bufwayo bwa kwa Lesa. E ico, ku busokololo!** ^[14]

Umwakumona:

- [1] “Inshita ya Lukuta lwa Smurna,” CAB pg. 139
- [2] “Ukupenda kwa Kulekelesha” (64-0209), par. 36-38,79-80
- [3] “Amalwele ne Fya Kukalipwa” (50-0100), par. 49
- [4] “Nshali wa Munkanya ku Cimonwa ca ku Mulu” (49-0718),
par. E-7
- [5] “Ukufuma Ilya Nshita” (59-1231), par. E-27
- [6] “Ukulolekesha ku Fishimoneka” (58-1003), par. E-14
- [7] “Inshiku Shonse sha Bumi Bwesu (59-0612), par. E-36
- [8] “Amepusho na Masuko” (64-0830M), COD pg. 1083
- [9] “Amepusho na Masuko” (64-0823M), COD pg. 945
- [10] “Ilyano Ilyapulamo” (59-1227E), par. 52-57
- [11] “Ukulingulula Umubili Uwakwa Shikulu” (59-0812), pg. 4
- [12] “Umushinku wa Muntu Uwapwililika” (62-1014M), par. 100-
104
- [13] “Imilimo e Citetekelo Ukulangishiwa” (65-1126), par. 105,117
- [14] “Abo Abasubwa pa Nshita ya Kulekelesha” (65-0725M), par. 53

Ubufyashi Bwa Nsoka

I Yohane 3:11-12, “Pantu iyi e mbila iyo mwaumfwile ukufuma kukutendeka, iya kuti tutemwane. Tekuti tube nga Kaini, uwali uwa mubifi, kabili aipeye munyina. Nga kanshi cinshi amwipaile? Ico imilimo yakwe yali ya bubifi, ne yakwa munyina iyalungama.”

Amapinda 30:20, “E fyabe mibele ya mwanakashi wa buceude; alya, afuta na pakanwa, ati, nshicitile kabi.”

Nomba, ulya e mulandu wine twacetekela ukuti Baibele itweba ukutula ilyo isonde talilati lilengwe kabili talilamoneka, ukutula Tata aipeye Umwana wa mpaanga (*Ukusokolola 13:8*). Kabili lyena ilyo Ena aipeye Umwana wa mpaanga, Ena abikile cila limo ilye shina lya bana Bakwe bonse abaleisa mwi Buku lya Mweo, kabili tuleikala fye munshita mpaka fyonse fikapwishiwe. Mulemona ico ndepilibula? **Les a uwaishiba libela alishibe cilya, ukutula ilyo isonde talilatendeka Ena ali mwene ubutantiko ico icali no kucitwa, kabili Ena ali cicitile fye.**

Nomba ibukisheni, **nga Kakula Uwaishibisha mukalamba**, Tata, ilyo Ena alengele ili sonde no kubika calcium, potash, kabili na ba petroleum, kabili na fyonse ifi fintu ifyalekana lekana ifyo ifingilamo kuku panga imibili yesu, Ena aliishibe icili conse ca wene kabili aliishibe umusango wa cipasho no mubili uyo uwingakwata ilyo taulati ulengwe. Mucine, **Ena alishibe icifulo icakulekelesha ca wena. Kabili Ena aliishibe umusango wa mupashi ukakwata ifi.**

Ifwe twalasenda cilya mu **bufyashi bwa nsoka** kabili mu **bufyashi bwa mwanakashi**, kabili no kulondolola cena no ku mulangisha ifyo cenaabela ifi. Ukumona ifyo bulyo **bufyashi bwa nsoka bwaishile isa, ifyo bulyo bufyashi bwa mwanakashi bwaishile isa** (*Abena Fillipi 2:5-8*), ifyo bulyo **bufyashi bwa nsoka bwatendeka ukuteka, ukuteka, bukaba ubwacilamo kabili ubwacilamo, ubwacilamo, ubwacilamo, ubwacilamo mpaka nomba takwaba icashala kano fye ayanono ayashalapo amashina ayalembelwe ukutula ilyo mufula we sonde taulalengwa.** (*Abena Efese 1:3-4*).^[1]

Imwe mwe bantu nomba mwali umfwa **ine ukushimikila pa Bufyashi bwa Nsoka. Kabili cilya teti mucikane. Cilya caliswilwe muli cimo ca filye Fikakatikilo Cinelubali. Cali fishilwe** (*Ukusokolola 10:1-7*).

Kwaishile isa, kulingile kwaisa; Lesa acisontele ukuba ifyo, ukutila filingile ukwisa, **fiye Fikakatikilo Cinelubali filingile ukwisulwa** (*Ukusokolola 5:1-7*). Calingile ukucitwa muli ino nshita ya Laodikea (*Ukusokolola 3:14-22*). Kabili ndetontankanya, ukwabula ukutwishika nangu panono... Tacili nge fyo tutakisha; **ifwe tatuitakisha, kano fye pali Yesu Kristu; nangula umo uwaifwe** (*11 Abena Korinti 10:17-18*). Ifwe tuitakisha fye pali Yesu Kristu.

Nomba ibukisheni, **umwana wakwa Satana ali ni Kaini** (*1 Yohane 3:11-12*). **Efa aishile imita kuli Satana**, kabili muli bulya bwine bushiku... (*Ukutendeka 3:1-7, 13*).

E ico Satana, lulyo lucelo nalimo, akumenye uyu umubifi, iyi iyali ni Nsoka; **te cikulika, lelo icinama; icacenjela nganshi, incenjeshi, icacenjela, pa finama fyonse, pe samba fye lya muntu**. Kabili umuntu aba ni nama, umwine, kabili twaba ifinama, inama iyakwata umulopa uwakaba.

Iyi nsoka, yali cintu icakonkelepo ku muntu, ukwiminina pakati ka muntu na kolwe mukalamba. Nomba science ilefwaya cilye ciputulwa icaluba. Kabili califiswa nganshi pa ku ibika panshi, kabili nangula lifupa muli yena taimoneka ngo muntu, mwamona, ukuilenga yena icikulika. [2]

Mwamona, bena teti basange icalengwa pakati kakwa kolwe mukalamba kabili no muntu. Mwamona, cila cimo, ilyo fyaleisa, ukufuma ku fyuni, kabili ukufika na kuli bakolwe, kabili nafimbipo, ukwisa kuli kolwe mukalamba, lyena kulya kwaba ica “luba.” **Cilya cali ni serpent, tayali ni nsoka; icipasho conse cali lufiwa kuli yena, pantu yena yalitipilwe** (*Ukutendeka 3:14*). [3]

Nomba tulesanga nomba, ukutila, uyu muntu asangile Efa mwibala lya Edeni, uyu umwanakashi wa caice ushaishibe ulubembu, taishibe ifyo ukubo bwamba kwakwe kwali. Kabili ena aliishibe. Ena ali uwacenjela, incenjeshi, uwamano. Kabili ena ali mwebele, “Imbuto, icisabo cali cawama kabili icakukabila,” kabili ilyo ena aikele nankwe lulyo lucelo (*Ukutendeka 3:1-7*). Kabili lyena, mwamona, lyena, mu cungulo, apatikishe Adamuu ukucita icintu cimo cine, ukumweba ifyo cena cali.

Kabili lyena Adamu umufulo fye, ukwishiba ena talingile ukucita, aile no mukashi wakwe no kucita uyu mulimo. Icali mukulekelesha ena nga aliishile kuli cena nangu cibe fyo. Lelo, mwamona, calingile ukuba ulya

musango, **amano yakwa Lesa (1 Abena Korinti 2:6-8)**, pantu ici lyena, **cilangisha imibele Yakwe ukuba Kapususha, Tata, Kondapa.**

Ena abalekele fye kulya ukuba abakuisalila abene, ukubalenga ukucita. Ena tekuti abalenge ukucita cena, kabili lyena nalyo line ukuba uwalungama. Lelo Ena kuti ababika ukuba cimo cine na Wene, **kabili ukuba abakuisalila abene**, kabili lyena ukubaleka ukucita abene. Kabili Ena aliishibe bena bakacicita.

Kabili e ico kanshi, mulemona, lyena ilyo Adamu aikele nankwe, **wene alifye ba mpundu.** Kabili umo uwa bena ali wakwa Satana; kabili **umo uwa bena ali uwa kwa Adamu, uyo uwali wakwa Lesa. Kaini na Abele (Ukutendeka 4:1-2).**

Natukwata ilyashi kulya ku Tucksona nomba. Umwanakashi umungeleshi aikele no mulume wakwe ulucelo lumo, kabili ilya nshita ya cungulo aikele no mufishi. Kulya abalumendo babili abanono balifyelwe. Umo uwa bena ali umunono uwaonda umu negro umufishi, kabili umbi ali umwana umusweshi, uwaemba nganshi. Kabili, tontonkanyeni nomba, ena aleesha ukulenga wishi umungeleshi ukusakamana bonse babili abana. Kabili atile, “Nalasunga uwandi, lelo te uyu. Lekeneni umwaumwe umu Negro aisungile umwana wakwe umwine.” E ico, mulemona, cena cishinka.

Kwaba lyonse ba mpundu. Kabili ulya e mulandu wine...**Mwilabako ici, mwe mukuni unono.** Ulukuta munshiku shakulekelesha bakaba niba mpundu, abapalamana nganshi icakutula bakabepa na basalwa... (*Mateo 24:24*). **Kwena kusela kwa Pentecostal. Cili nganshi nge cintu icacine, mpaka kuti cabepa Abasalwa bene nga cingacitwa.** Mwamona, cikababepa pantu caba mupepi nge cintu cimo cine. Mwamona, **ba shibo fye babili, epela fye; nyina umo wine, ulukuta lumu lwine, ukusela kumo kwine, icintu cimo cine.** Umushili wa kubyalamo umo wine, umo Icebo ciponena; lelo umo uwa bena, nga apa, alipondamikwa. Muleiluka? Mwamona, **umo uwa bena aba uwa pondamikwa, pantu ni wishi uwalubana.** Icili, nkashininkisha ubushiku bumbi, nga Lesa aka nsuminisha, **ukutula icilonganino caba lulembo lwa ciswango.** Mwamona, **ni wishi uwalubana, ena aletwala abantu ku kabungwe mu cifulo ca ku Cebo.** Mwamona, **ni wishi uwalubana. Kusela kwa kwa Kaini.**

Nga naya ku ng'anda iyi nshita, nkashimikila pe sambilisho, Akashila Aka Nsoka; **iciswango pa kutendeka, kabili iciswango ku mpela (Ukusokolola 13:1-5).** **Kabili ukucikonka mulya mwine muli Baibele, kabili no kulangisha ifyo cena cileisa.** Kabili nomba lolekesheni fye ifyo ulya muntu aba incenjeshi, ifyo ena aba fye filya fye...Cisuma, bena bali fye **nga Yuda**

na Yesu kulya, bonse ba munyina babili mu mikowa yabo, kwati fye **Esau na Yakobo**. Kabili nga mwankole ne nkunda, ukwikala pa cinsa cimo cine. Kabili ifintu fyonse fyaba niba mpundu, muli ubu bulwi ubukalamba ubo tulimo.

Umulwani abomfya ubucenjeshi, nge fyo ena acitile kuli Efa, “Owe, Lesa atile shani? Mucine, lelo mucine ...” Mwamona?

Mwamona, ukwesha ukwelenganya cena ukucila pafyo Lesa asosele pa ntendekelo, “Mu kafwa!” (*Ukutendeka 3:1-7*).

“Ena atile, Eeh, Lesa asosele Ukutula, lelo mucine...” Moneni kulyo kusansa pali cena? Mwamona? **Lelo ifyo Lesa asosa, Lesa alasunga, Ena takabila ubwafwiilisho ubuli bonse ukufuma kuli Satana**. Ena alasunga Cena. E ico, mwikala bepwa kuli cilya. Nomba tulemona, lyena, **ukutula caletele umusango wa ciko**. Nomba mukutendeka umu, tulesanga ukutula, panuma yakusansa kwa ifi **ubwanga ubwa kwishiba**.

Natusende *Ukutendeka 4:16* nomba, “*Kabili Kaini afuminepo pa cinso cakwa Yehoba...*” Nomba moneni icintu cakubalilapo acitile. Mwamona, “*Kaini afuminepo pa cinso ca kwa Yehoba.*” **Palya apangile icilubo cakwe. Kabili kulya eko mukapanga icilubo cenu, kabili palya epo nkapanga icilubo candi, miniti ine ilyo twafuma mu Cinso cakwa Lesa**.

Nomba moneni, lilya line ilyo baile ukufuma mu cinso cakwa Yehoba, bena batendeke ukukula imisumba, bena batendeke ukupanga ifilimba; bena batendeke muli science, ukupanga ubutale ne cela, no kulishe nyimbo, na fimbipo? (*Ukutendeka 4:17-22*). Mwamona? Nomba nikwisa uko cafumine? Nani uwa fumine? **Kaini, ubufyashi bwa nsoka**. Muleumfwa cena? Kaini alifumine. Kabili, moneni, **ena afuminepo pa Cinso cakwa Yehoba, kabili atendeke ukubomba muli science**.

Nomba **lolekesheni uko ena acili alebombela, mwamona; science, amasambililo, imisumba, intambi. Fyena fyakwa Ciwa**. Nani uwatendeke fyena? **Ciwa**. Cakwa ani iilelo? Ciwa. Amabomba ya atomic ne fintu, ukutonawilako nafyo. Ifwe tuleikala muli fyena. Ifwe tulingile ukwikala pano. Ifwe tuli fibumbwa, ifwe tulingile ukwikala pano. Lelo ubuyantanshi bwa kwa Lesa ubukalamba tabwakakwate nangu fimo ifya cilya muli bwena. Mwamona? **Kabili science ilesenda ifintu fya cifyalilwa no kufipondamika ukucite fintu ifyo ta fyapangilweko ukucita**.

Kaini aliishibe ubufwayo bwa kwa Lesa ubwapwililika. Kaini alishibe bwena. Cinshi? Lelo, ena alikene ukucicita, ena alishininkishe lyena ukuba ubufyashi bwa nsoka. Ilyo ena amwene ubufwayo bwakwa Lesa ubwapwililika, ena alikene cena. Alimwene Lesa ukushininkisha imbila yakwa Abele. Ena aliishibe ukutula cali bufwayo bwakwa Lesa.

Mwamona? Ena alimwene Lesa ukushininkisha Imbila yakwa Abele. Kabili ni finshi ifyo Lesa asosele kuli wene? Kabili ena acitile fye, ena atile, “Cita cimo cine, pepa nga munonko, kabili uli no kucita icisuma.” **Ena alimwene ubufwayo bwakwa Lesa ubwapwililika, lelo ena talebufwaya bwena. Mwamona, ena alefwaya ukulundako icintu cimo kuli cena** (*Ukutendeka 4:1-7*).

Kabili aba bakasambilila bafya bulesa balamona iyi Baibele, balabelenga Yena, **lelo tabafwaya ukucिता Cena**. Mwamona? **Cena cilangisha ubufyashi bwa nsoka**. Bena balimona Cena ukushininkishiwa, kabili mu kuicefya fye ku cinso ca bantu, **lelo cilemoneka cintu cakosa nganshi ku bantu ukuipetamika abene ku Cebo cakwa Lesa** (*Yakobo 4:6*).

Mwamona ifyo Kaini acitile? Ena tekuti aipetamike umwine ku Cebo cakwa Lesa icashininkishiwa. Ena tekuti acicite.

Nomba, “Nga teifyo, ulubembu luli pa mwinshi; ukukanacetekela epo kuli,” lyena aishileba **itolo ukukana nakila**. “Kabili ilyo waishiba ukucite csuma, kabili taulecicita, kuli iwe lubembu,”

Nga nawishiba ukucita icalungama kabili taulecicita (*Yakobo 4:17*). Mwamona? **Lyena aishileba uwa kukana nakila itolo panuma ilyo Icebo caishininkishiwe, lyena aishile ciluka umushilwa wakupatukanya**, lyena aishile tamfiwa ukufuma mu Edeni ilyo acilwike. Kwabako icishilwa apo mwingenda ukufikapo, kabili, nga mwaya patali kulubali lumbi, imwe muli kunse. Namwishiba cilya, bushe tamwaishiba? Kuliko umushilwa. Nga tamulecetekela cena, mukabelenge Aba Hebere 10:26. Yalya e Malembo nacilasontelako kulya, mwamona. [2]

Nomba, **Lesa tatipile Adamu; ena limbi alicitile icintu cimo cine, lelo Ena alitipile umushili, “imyunga na bacilasa.”** (*Ukutendeka 3:17-19*). Ena tatipile Efa, lelo atile Adamu akaba “kateka” wakwe. (*Ukutendeka 3:17*). Ukufuma nomba ukuya pantanshi, ena takeshe ukushimikila ukuli konse atemwa icili conse (*1 Abena Korinti 14:34-35*), Adamu e kateka wakwe. “ kabili inshiku shonse sha mweo obe, kabili mubulanda, ukaleta ubumi bobbe mwisonde.” Lelo Ena atile, “Nkabika ubulwani pakati ka bufyashi bobbe...” (*Ukutendeka 3:16*).

Nomba, ena takwete imbuto nangu imo, ena takwete e ico, ena alipokelele imbuto ukufuma inshila imo. **Lesa ali mupele Imbuto, tekupitila mu kukumana, lelo mu kulengwa.**

Bushe teti imwe mwe bantu abapofula mumone ukutila ilya ni “imbuto” ya nsoka? Owe, mwe! Satana afikile kulya lintu Adamu talacita; cilya cali ni “mbuto.”

Lelo alipokelele imbuto (*Luke 1:26-33; Esaya 7;14*). **Cali ni cinshi? Lesa Umwine.** “Ena ali ukutendeka kwa kulenga kwa kwa Lesa.” [3]

Kabili nali muli Kristu. Imwe mwali muli Kristu ilyo mufula we sonde taulalengwa (*Abena Efese 1:3-4*). Ena aishile **ukulubula Abakwe bene, Abakwe bene abo abali muli wene** (Alleluya.), **abana Bakwe, abo abali muli Wene** (*Yohane 17:6-8*).

Ena tatalile isa mu kupususha abana bakwa ciwa (*Yohane 17:9; Mateo 13:36-39*). **Bena tabakatale ishiba cena.** Kabili bali cenjela mu nshila sha masambililo yabo, **icakutira teti mupashanye na bena nakalya.** Imwe teti mubacile ukulanda. Lelo ku citetekelo mulemona cena. [4]

Umwakumona.

[1] “Ulubatisho lwa Mupashi wa Mushilo” (58-0928M), par. 76-78

[2] “Amaka Yakusangula” (65-1031M), par. 123-139,144-148,246-249,254

[3] “Umushi wa Kuntanshi” (64-0802), par. 325, 326-330

[4] “Nokucishiba Tacishiba” (65-0815), par. 137-138

Ubufwayo Bwenu Bucitwe

Mateo 7:21, “Te onse utila kuli ine, Shikulu, Shikulu, akengila mu bufumu bwa mu mulu iyo; kano ucite cifwaya Tata wa mu mulu.”

Ubukankala ubwakutila ubufwayo bwa kwa Lesa bucitwe mukati kabili mu bumi bwesu bonse teti cibe ukwabulo kukomailwapo. Ndecetekela, umwana onse uwakwa Lesa akabila cilya, nge fyo calembwa: “*Nabekelwa ukucite co mutemenwe, mwe Lesa wandi*” (Amalumbo 40:8).

Lelo nomba, tacaba lyonse icaanguka ukusanga ubufwayo bwakwa Lesa no kusangwa muli bwena. Fimo ifyalembwa ukufuma kuli kasesema fyalatwafwilisha muli cilya. Leken i tumfwe ifyo Lesa alanda ukufuma mu kanwa kakwe:

Fyonse ifyo naba, fyonse ifyo ningasubila ukuba, napokelela ukufuma ku kusenamina kwakwe no luse. Nali uwa nkumbabulili, umulanda, umubusu, impofu; ku kusenamina ena ali ng’undapa, kabili ndyu wakosa kabili umuntutulu, ku kusenamina kwakwa Lesa. Nalikwata ukumona ukusuma. Ndalya, ukunwa, ndakwata conse ico nkabilapo. **Ena tatalile laya ukumpela ifyo mfwaya; lelo ifyo nkabila.**

Kabili nga bakantamfya pali bulya bushiku...Ine teti mone uko ningaba. Lelo nga naliishibe ukutila nalilufyenye, kabili Lesa alinsala ukuba mu cilubo, ine kuti nafwaya ukwikala mu cilubo, **pa mulandu ndefwaya ukucita ubufwayo Bwakwe. Cena cili, nali Mutemwa mpaka mfwaya ubufwayo Bwakwe ukucitwa.** Nomba, ilya ni nsonselo ikalamba, lelo ndesubila muleumfwa ici mu musango, umupashi uo nacilandilamo cena. Mwamona, ndefwaya ukucita ubufwayo Bwakwe. Nga nalomba kuli Wene icintu cimo inshita imo, Ena alasunkanya umutwe Wakwe. “Iyo, iyo,” ndasangalala nganshi pali cilya nga Ena alisosele “eeh.” Pantu, ifwe lyonse tulingile ukulomba, “ubufwayo bwenu bucitwe.” (Mateo 6:10). **Iyo Wakwe, cilya cili fye icawama nganshi nga ba eeh bakwe, nga cakutila bufwayo Bwakwe ukucita.** Lilya e lintu imwe mutemwa nganshi wene. Amenii. [1]

Eeh, ifyo cena caba icikankala, ukusumininshanya no bufwayo Bwakwe ubusuma kabili ubwa sekelelwa kabili ubwapwililika. **Tapali nangu cimo icisuma icikesa pali ifwe, nga tuli no kwikala mu bufwayo bwa kwa**

Lesu ubusha suminishiwa (*Impendwa 22:15-22; Amalumbo 81:7-14; Amalumbo 78:12-31; Amalumbo 105:37-45; Amalumbo 106:8-15*).

Lekeni tubelenge Icebo ca Bena Roma 12:2.

“Kabili mwipalana no bwikashi buno: lelo musangulwe mukulengwa kwa mitima yenu iipya, ukuti mulinge icabo ukufwaya kwa kwa Lesa, icisuma, kabili ica kutemuna, kabili icapwililika.”

Cilya e co ifwe bonse tufwaya ukucita, caba, “mwipalana no bwikashi bwaili sonde, **lelo tusangulwe mukulengwa kwa mitima yesu, ukuti mulinge icebo ukufwaya kwa kwa Lesa.**” Nomba ukutla ifwe twalipusushiwa, nge fyo twaba; kabili no kutla twalisushiwa na Mupashi wa Mushilo, nge fyo twaba; **nomba tulefwaya umutima uwali muli Kristu, ukuba muli ifwe, pakutla twingasangulwa ukufuma ku fintu fya cifyalilwa fya bumi, kabili no kuletwa mukucita ubufwayo bwakwa Lesa ubwa pwililika, pa kusangulwa, ku Mupashi wakwa Lesa, ku Cebo Cakwe** (*Yohane 6:63*). [2]

Ikaleni fye mulya mwine mu Cebo, umu umwakupita umwankama umo twingasanga ifya kwingilamo. Kabili imwe lolesheni fye, **imwe mulekonka uko Lesa aletungulula** (*Abena Roma 8:14*), kwaba fye ulufungulo lumu kuli cila cibi. Cilya cishinka. Kabili takwaba ulufungulo nalumbi, te mulandu ifyo cimoneka nga lwena, Lesa takwata ulufungulo lwa fyonse; akwata fye ulufungulo lumu. Kabili nomba, imwe mulingile ukukwata lulyo lufungulo, nga te ifyo icibi teti cikomonoke. Te mulandu ifyo mwaba aba bufuma cumi, imwe nalyo line teti mukomonone cilya cibi.

Dabidi ali Imfumu iyasubwa (uwasubwa na Lesa), Imfumu iyacilapo Israele atala kwatapo, kunse ka kwa Shikulu Yesu, uyo uwaba ni Lesa, Uyo Uwasubwa. Yesu ali umwana wakwa Dabidi ukulingana ne citoto, umubili. Kabili Ena akekala pa cipuna ca bufumu cakwa Dabidi, cilolo lyonse apyana icipuna ca Mfumu.

Moneni, nomba, ukutla Dabidi pakuba uwasubwa, lelo no kusubwa alicitile, alifumine mu bufwayo bwa kwa Shikulu na kulyo kusubwa; kabili abantu bonse, ukwabulo ukusenda ubutantiko bwa Malembo, atemwa ulufungulo kuli ubu ubusokololo, bonse fye nabena abasubwa, bena bonse, capamo, ukubilikisha no kulumbanya Lesa pa cintu **ico icamoneke fye bwino; ukuleta Icebo cakwa Lesa ukubwasha ku ng’anda yakwa Lesa** (*1 Imilandu 13*). Lelo Dabidi ali ni Mfumu, te kasesema. Mwamona? Kwaliko kasesema mu calo ukubombelako cilya, kabili Lesa tacindike ukusela konse pantu tababomfeshe ulufungulo ulwalinga. Icibi tacakomonweke. **Kabili nomba tulingile ukwibukisha cilya, no kusunga**

cilya mu mitima. Ifintu fyonse fya kwa Lesa, mu musango umo cilingile ukucitwa, kabili cilya cilepwishisha. Nomba, kulya, Lesa alikwete Ulukuta lumu ulo Ena akumanya abantu, kabili Ena aka mupokelela imwe muli lulyo Lukuta kabili te mu lukuta lumbi (1 Abena Korinti 12:13). [3]

E ico kanshi, **Lesa tapilibula amano Yakwe pa cintu icili conse, lelo Ena akasuminisha imwe ukutwalilila.** Lesa akamusuminisha imwe ukucita icintu cimo **kabili no kumupala mu kucita cena, lelo nalyo line te bufwayo Bwakwe ubwapwililika.**

Lesa asuminishe Israele ukusenda ifunde mu Kufuma mu cipandwa ca 19, ilyo ukusenamina kwabapele kale kasesema, Ntumba ya Mulilo, umwana wa mpaanga icakuninika, amaka aya kupokolola, lelo balilile Amafunde. **Tacali bufwayo bwa kwa Lesa, lelo calibikilwemo pantu umuntu alefwaya yena.** Kabili aishiletipwa na mafunde yene ayo alefwaya. Caliwama uku kwata ubufwayo bwakwa Lesa. Cilya e co Ena atusambilishe: “ubufwayo bwenu bucitwe; Ubufumu Bwenu bwise, ubufwayo bwenu bucitwe.”

Ifwe tulingile ukuipela ku bufwayo Bwakwe ne Cebo Cakwe. Mwiipusha Cena, cetekeleni Cena. Mwiesha ukusanga inshila ukushinguluka Cena, sendeni fye Cena umusango Cena cabelamo. Abengi nganshi bafwaya ukupita mu mbali, ukuya inshila imbi. Kabili ilyo mwacita, muleisanga mwebene ukulaya, **muli nokusanga Lesa ukumupala, lelo mulebomba mu bufwayo ubushili ubwapwililika kabili te mubufwayo Bwakwe ubwapwililika ubwa Bulesa.** Kabili alasuminisha cena, nge fyo nacisosa, Ena takaleke cena ukuba ubufwayo Bwakwe ubwapwililika, **lelo Ena akacilenga cena ukubomba ukucindika no kupala ubufwayo Bwakwe ubwa pwililika.** Kabili ukufyala abana mu kukumana ni cimo pali filya. [4]

Nomba cintu icilekonkapo cikalamba, tulesanga ukutila **Ena alipata icintu icili conse ico icili no kubika icintu conse ukuteka pa Lukuta Lwakwe kunse ka Ena.** Ena ni Lesa wa kalumwa. E ico Ena alipatile ilye Iya Benanikola (*Ukusokolola 2:6*)...Nibanga abenge bukisha ilyo kasesema musuma, Samuele, ilyo Israele onse alefwaya ukwikala nga bashala mwi sonde? Bushe muleibukisha cilya? Kabili kasesema alibebele, atile, “Imwe na mulufyanya!” lelo balefwaya ukwikala nga ba Pelishite, kabili nga bashala muli bena (*1 Samuele 8*).

Cisuma, cilya ni filya fine ico icacitike muli iyi ine nshita ya lukuta ya kubalilapo. **Cena ceni ukutila abantu tabafwaya Lesa ukubatungulula (Yohane 16:13).** Bena balafwaya ukukonka...**Bena balafwaya umuntu**

umo. Israele, alipangile icilubo icikalamba nganshi batalile panga. **Ukusenamina kwalipele kale kuli bena** kasesema, intungulushi, kwabapele umwana wa mpaanga nge cikonsolwelo, kabili kwabapele icakulya ukufuma mu myulu, kabili na fyonse ifintu ifisuma ifyo kusenamina kwabapele, kabili nalyo line, mu Kufuma 19, **bena balefwaya amafunde.** Bena balefwaya ukupanga ba doctor bafya bulesa, no kukwata umuntu umo, bena balefwaya icakucitapo muli cena, nabo. [5]

Nomba, muli Yohane 5:1-9, Yesu atile, ilyo Ena apitile pa cishiba ca Bethesda palya, kabili Ena alimwene, Ena aliishibe umwaume alikwete ukunakuka imyaka amakumi yatatu na cine konse konse. Lolekesheni, nalimo abantu amakana yabili ukwiminina kulya, utunya utwakwata amenshi mu mitwe, abalemana, impofu, abalemana amolu, abaondoloka, abanyongoloka. Yesu alipitile pa cishiba, alolekeshe ponse, uwaisulamo ukutemwa, uwaisulamo icikuku. **Mwamona, tatwaishiba ifyo kutemwa kupilibula.** Ifwe tulakusenda kulubali lwa buntunse. Icikuku, mucine, imwe mulesenda icikuku ca buntunse. **ICIKUKU CA CINE KUCITO BUFWAYO BWAKWA LESA.** Mwamona? Palya epo cili. [6]

Kabili Yesu atile kuba Yuda abo abalefwaya ukwipaya Wene, pa mulandu Ena alyundepe umuntu uwalemana pa bushiku bwe Sabata: *“Tata acili alebomba, na ine ndebomba...Mucine, cine, nde mweba nati: Umwana tekuti acite kantu eka, kano ico amona wishi acita; pantu ifyo wene acita, efyo no Mwana acita ifyo fine...”*(Yohane 5:10-20).

Moneni icumfwano cakwa Tata kabili no Mwana: Yesu tatalile cita nangu cimo mpaka intanshi calangishiwe kuli Wene na Tata. **Ici cumfwano nomba cili no kumoneka pakati ka kwa Shibwinga na Nabwinga wakwe. Ena alamulangisha Icebo Cakwe ca Mweo. Wene alapokelela cena.** Wene tatwishika cena iyo. E ico kanshi, tapali nangu cimo icinga mucena, nangula ni mfwa ine. Pantu imbuto nga yabyalwa, amenshi yali no kuibusha nakabili. Iyi apa inkama ya ici. **Icebo cili muli Nabwinga (nge fyo cali muli Maliya).** Nabwinga alikwata umutima wakwa Kristu pantu wene alishiba ifyo Ena afwaya ukucitwa ne Cebo. Wene alabomba ifunde lya Cebo mwi shina Lyakwe pantu **wene alikwata EFYO ASOSA SHIKULU’.** Lyena Icebo cilaletwa ku mweo ku Mupashi kabili cilesa mukufikilishiwa. Nga filya imbuto iyo ibyalwa no kutapilishiwa, ilesa mukulobololwa ukwafikapo, ukubomba ipange lya yena.

Balya muli Nabwinga bacita fye ubufwayo Bwakwe. Takuli nangu umo uwingabalenga ukucita fimbi. Bena balikwata ‘EFYO ASOSA SHIKULU’

nga te ifyo bekala shilili. Bena balishiba ukutila cilingile ukuba Lesa muli bena ukubomba imilimo, ukufikilisha Icebo Cakwe cine. Ena tapwishishe imilimo Yakwe yonse ilyo ali acili muli bukapyunga Bwakwe bwa panonse **e ico nomba Ena alebombela mukati kabili muli Nabwinga.** Wene aliishiba cilya, pantu yali tailaba ninshita kuli Wene ukucita ifintu fimo ifyo Ena nomba alingile ukucita. **Lelo ena nomba akafikilisha muli nabwinga ulyo mulimo uo Ena ashile pali iyi inshita iyalinga.** [7]

Nomba Wene, Nabwinga uwacine, ali uwaitula nganshi kuli Ena icakutila Wene tabomfya amano Yakwe umwine. Amano Yakwe, mu cine, yaba ubufwayo Bwakwe, kabili ubufwayo Bwakwe caba Cebo Cakwe. [8]

Lelo intanshi, mulemona, amapange yenu na mano yenu filingile ukuba ifya lungama. Imwe mulingile ukukwata umulandu wa ici. Lesa tapela imwe filya fintu pa mulandu fye wakutila mulelomba. **Kabili teti mulombe ku citetekelo kano kuli amapange ya cine kuli cilya, ukuba mu bufwayo bwakwa Lesa.** Mwamona, nga mulefwaya ukuba abatuntulu, cinshi ico mulefwaila ukuba abatuntulu? Mwamona, nga mulefwaya ukuposhiwa, mulandunshi mulefwaila ukuposhiwa? Ni finshi muleeba Lesa? Ni finshi mulefwaya ukucita no bumi bwenu ilyo mwaposhiwa? **Mwamona, imwe mulingile ukukwata amapange na mano, kabili yalingile ukuba ayalungama ukulingana no bufwayo bwakwa Lesa. Kabili lyena ilyo icitetekelo casokolwelwa kuli imwe, kabili Lesa mu kusenamina Kwakwe Umwine abika cilye citetekelo mulya, lyena ninshi capwa** (*Mateo 16:13-19*). [9]

Nomba, ndetontonkanya ukutila kano fye twaishiba Icebo cakwa Lesa, ifwe tatwaishiba ifyakucita. **Ifwe teti tukwate icitetekelo mpaka twaishiba ico cili bufwayo bwakwa Lesa. Kabili nga twaishiba ukutila cena bufwayo bwakwa Lesa, Icebo cakwa Lesa casosa icintu cimo, lyena kuti twakonka cilya ne nsansa** (*Abahe bere 11:1-2,6*). [10]

Leken i tusende, tutile, Noah, no bushiku bwakwe (*Abahebere 11:7*). Cali icayana kuli Noah, **panuma ilyo akumenye Lesa kabili aliishibe amapange yakwa Lesa ya bulyo bushiku.**

Nomba, imwe teti mucite nangu cimo kano fye namwishiba ifyo mulecita. Imwe mulingile ukwishiba ukutila cena cili ubufwayo bwakwa Lesa. Imwe mulingile ukwishiba ukutila cena mapange Yakwe no kukabila Kwakwe, kabili cena na cisokolwelwa kuli imwe, lyena takuli nangu cimo icili no kwiminika cena (*Abena Galatia 1:11-24*).

Nomba, **Noah** aliishibe, pa mulandu ena tasendele bukapyunga bwakwe ukufuma kwi sukulu limo lya masambililo, lelo ena ali **landile icinso ne cinso na Lesa**. Kabili aliishibe ukutula kwaleisa ilyeshi. Ena aliishibe ukutula imfula ikapongoloka ukufuma mu myulu, nge mimana ukwisuka, nangula cali icakususha nganshi ku mibombebe ya science muli bulya bushiku. Aba science, ukwabulo ukutwishika, baebawile Noah, kabili batile, ‘Ifwe kuti twashininkisha kuli science kuli iwe ukutula takwaba amenshi ku mulu kulya.’ (*Ukutendeka 6:13-22 + cipandwa ca 7-8*).

Pantu, bena bali ni nkulo iyacilamo lilya, iyacilishapo ukucila ifyo twaba ilelo, aba science nganshi ukucila ifyo twaba ilelo. Namwishiba, Yesu asontele kuli yena, “Ngefyo cali mu nshiku shakwa Noah.” (*Mateo 24:37-39*). Ifyo bakulile ifimpashanya na ba pyramid, kabili ne fintu ifyo teti tukumyeko, ifikulwa ilelo. Kabili bena bali aba science abacilamo. Bena balikwete amalangi ne fintu, kabili imiti yaku kangilako umubili, muli bulya bushiku, icakutula kuti balenga umubili uku kanabola. Ifwe tekuti tucite cena ilelo nga twali no kucita. Bena bali pantanshi nganshi ukucila ifyo twaba. Kabili bena kuti bashininkisha ukutula takwali amenshi kulya.

Lelo, cimo cine fye, cali icayana kuli **Noah, panuma ilyo aishibe amapange yakwa Lesa, icakutula ena ali popele pa cibwato**, ifyo fine fye, pantu ena aliishibe ukutula cilya fye icibwato e cintu fye ceka ico icingelela. Te mulandu, nga cakutula calishininkishiwe kuli science ukutula takwali amenshi kulya; nge Cebo cakwa Lesa casosele ukutula ikaloka, yena ikaloka. ^[11]

Nomba, umukosha, ukwesha ukubomba cimo. Bonse abantu munshita shonse baba muli ulya musango. **Noah ali uwa mukosha nganshi panuma ilyo asangile ubufwayo bwakwa Lesa**.

Imwe mulingile intanshi ukusanga ubufwayo bwakwa Lesa. Nomba, imwe mulingile ukusanga ubufwayo bwakwa Lesa, ilyo muleisa mukupepelwa, imwe mulingile ukusanga ubufwayo bwa kwa Lesa, nga cakutula bufwayo bwakwa Lesa uku muposha atemwa iyo. Kabili icintu cimbi ico mulingile ukucita, nga muleisa mu kukwata ipusukilo, imwe mulingile ukusanga nga cakutula cena cili bufwayo bwakwa Lesa uku mupususha atemwa iyo. **Icintu cakubalilapo mulingile ukusanga, ifyo ubufwayo bwakwa Lesa buli. Kabili lyena, nga imwe mucine na mupokelela imbuto mu mutima wenu, lyena kuti mwaba aba mukosha**. Takuli nangu cimo icili no kumusesha.

Te mulandu umusango wa mano umuntu alesha ukusosa, “Cena tacili ifyo, kabili tacili ici kabili na cilya kabili ne cibiye,” ta cimusesha imwe nangu panono, **pa mulandu mwaliishiba ifyo ubufwayo bwakwa Lesa**

bwaba. Ena nalanda cena mu mutima wenu, icitetekelo cenu cilekala palya kabili cili no kwikatilila filya fine te mulandu nga tacili ukucila uluseke lwalubanga (*Mateo 17:20*). Cili no kumileta kulya kwine ku cifulo. **Ubufwayo bwakwa Lesa.**

Noah, panuma ilyo aumfwile ishiwi lya kwa Lesa ukumweba ukutula kuli no kwisa ilyeshi, ilyo ilyali no konaula isonde, ifya cifyalilwa fyali no konaulwa. Bushe Yesu tasosele, “Ngefyo cali mu nshiku sha kwa Noah, efyo cikaba mukwisa kwa Mwana wa muntu”? (*Luka 17:26-30*). Icifyalilwa cikaba icafulunganishiwa, kabili tulemona cena ilelo. [6]

Icebo cakwa Lesa cilatweba muli Yohane 7:17,
“Ngo umuntu afwaya ukucito kufwaya kwakwe, akeshiba uhwe sambilisho...”

Umo umuntu aliishile ubushiku bumbi no kusosa, “Munyina Branham, uletontonkanya cilubo ukucita icintu cimo?” Natile, “Cinshi ico uleipushishapo cena?” Mwamona, **nga kuliko ilipusho mu mano yenu, ilekeni ibe. Mwicicita nakalya.** Ikaleni fye na cilya. Ilyo mwatendeka ukucita icintu icili conse, kabili nga cena nga lipusho, nga cakutula cili icalungama atemwa icilubo, talukeni kuli cena. Mwiya muli cena nakalya. **Lyena muli no kwishiba muli abalungama.**

Nomba ifintu fyonse filingile uku tontonkanishiwa na mapepo intanshi. “Fwayeni intanshi Ubufumu bwakwa Lesa no bulungami Bwakwe ne fyashala fikalundwako...” (*Mateo 6:33*). [12]

Loti aishileba mu bwafya. Mulandunshi? –**Ena ali kunse ka bufwayo bwa kwa Lesa** (*Ukutendeka 14:1-12*). Kabili nga mwaba mu bwafya ilyo muli mu bufwayo bwa kwa Lesa, Lesa ali no ku mwafwilisha uku mufumyamo. Lelo nga muli mubwafya kunse ka bufwayo bwakwa Lesa, kuli fye icintu cimo icakucita, **bwelelenimo mu bufwayo bwa kwa Lesa nakabili!** [13]

Munyina Branham bali mwipwishe amepusho aya: *Musangonshi wingeshiba inshila iyawamisha ukusanga ubufwayo bwakwa Shikulu mu malyashi ayakankala?*

Ndekweba, we munandi umutemwikwa, inshila iyawama iya kusangilamo ubufwayo bwa kwa Lesa mu malyashi yamo ayakankala **caba mapepo.** Mwamona?

Ici apa icintu cimo icawamisha pano. Nga namukwata ilyashi ilyo ilili ilikankala nganshi...Nomba, iyi apa inshila nctilamo cena. Ndaleta lyena ku cinso cakwa Shikulu. Kabili lyonse caba amaka yandi (*Esaya 40:31*); ndalolela pali Shikulu no kumona ifyo Ena alesosa. **Kabili ndekala fye**

tondolo kuli cena, mwisenda ulubali ululi lonse, kabili soseni, ‘nomba, Tata wa mu mulu, kuti cacitwa...’

Mucine nomba, ifyo ine ncita munshita ishing, nga cili icikankala nganshi, ndalolela pa cimonwa. Lelo abantu abengi, Lesa tabombela nabo mu fimonwa. E ico kanshi, ine kuti na mupanda amano ukucita cilya. Mwamona? Pantu caba abantu fye bamo abakwata ifimonwa kabili bamo bacita icintu cimbi. Uko mwingacita icintu cimbi ico teti ncite, nalimo-mu nshila yenu iya kubombela Shikulu –ndacita icintu cimo ico imwe teti mucite. Mwamona? Lesa alabombela na ifwe umwa lekana lekana.

Kabili e ico nga nali citile mucifulo cenu kabili nsha kwete ifimonwa ukufuma kuli Shikulu, **kuti nalolela fye pali Shikulu no kusosa, “Shikulu, nomba imwe na munangisha ifyo ningile ukusala.”** (*Amalumbo 62:1-8*). **Kabili lyena, uko muleumfwa ukutungululwa ukucita cena,** loleleni fye pa kashita akanono, lyena loleleni akashita akataliko, no kumona ni nshilanshi, **lubalinshi muli no kukonka,** lubalinshi Umupashi...Soseni, “nomba, Tata, mu mutima wandi imwe na mwishiba tacili na mulandu; lelo ndefwaya ukwishiba ifyo imwe muli no kucita palwa cena.’

Ulya e musango nccitilamo no kulongana inshita shimo. Ndomfwa ngo uletungululwa ukuya ulu lubali nangu lulya lubali, lyena ndi no kukonka ilya nshila. Ilya e nshila ya ku cicitilamo cena, pa mulandu cili mu mapepo lyena; imwe mulecita icawamisha mwingacita.

Kabili nalicetekela ici, mwe fibusa, ngefyo Paulo ali mu Cipingo Cipya munshiku shapita. Ena ali pakati ka nshila shibili, ni nshila nshi alayako. Kabili alitendeke mu nshila iyalubana, kabili aishile kwata ubwite bwa ku Mekadoniya (*Imilimo ya Batumwa 16:6-9*). **Kabili ndecetekela nga mulekwata ukusala pali Lesa no kucita fyonse ifisuma ifyo mwingacita, ndecetekea ukutula Lesa ali no ku mulungamika no kumona ukutula ta muleya mu nshila iyalubana.** Ndecetekela Lesa ali no kucicita. [14]

Nde mupepelako. Mule mpepelako. Mwilasosa fye, ‘Munyina Branhama, ndi no kucita.’ Imwe ciciteni! Mwamona? Ndeshintilila pali cilya. Nine ulefwaikwa amapepo, **nga Ena kuti asunkila ine ku cifulo cimo.** Ibukisheni, ndi umuntunse, nshili Lesa. Ndi fye umuntu nge fyo imwe mwaba, **ukwesha ukusanga ubufwayo bwa kwa Lesa pa kutula ningenda muli bwena.** “*Kabili uyo ushikwete amano lekeni alombe kuli Lesa*” (*Yakobo 1:5*). Kabili filya efyo ndecita, **ukulomba kuli Lesa.** Kabili ndebika fye cilya kuli imwe ngo lukuta lwandi, ukulanda kwa ku mutima no mutima. Cinshi, nipesa apo tubelele? Nipesa apo twiminine? Ni ora nshi iyo tuleikalamo? Ifwe tuli panshita ya kulekelesha, nalicetekela. Nalicetekela tuli fye apa pene pa mpela. [15]

Kwaba fye inshila imo iya kubombela Lesa, cilya caba ukucita ubufwayo Bwakwe pa cebo Cakwe. Kabili Lesa, pakuba uuiteka, tapali nangu umo uwingeba Wene ifya kucita atemwa ifya kucicita. Ena alacitica umusango, Ena ali shiba inshila iyalungama ifya kucicita. Kabili cilya cilanenga ine ukumfwa bwino. Kabili cilingile ukulenga ifwe bonse ukumfwa bwino, kabili ndi uwashininkisha ukutila cilecita. Pantu, umo kuti akwata Cena ukwisa ulu lubali, kabili umbi ukukwata Cena ukuya lulya lubali, kabili umbi ukuya ulubali lumbi.

Lelo icintu cimo icikalamba, nakabili, pa lwakwa Lesa, **Ena tatuleka, nomba, ukwabula ukwishiba ico icaba Icine ne fya kucicita.** Ena teti abe umulungami, ukutukanda pa kucita icintu cimo ico tatwaishibe ifyo cena cikacitwa, kabili lyena ukutuleka ukuponena mu cintu cimo. Ena te Lesa uwa musango filya. **Ena ni Lesa uyo ulanda Icebo no kwenekela abana Bakwe ukucetekela Cena.** Kabili, e ico kanshi, Ena aliishiba ico icili icawamisha, kabili ne nshita iya kucicita, no musango uwa kucicitilamo. Ifwe twalikwata amano yesu pali cena, lelo Ena aliishiba. ^[16]

“Mwiba abashashilimuka, lelo abeluka icabo ukufwaya kwa kwa Shikulu.”
(Abena Efese 5:17).

Nangula Shikulwifwe Yesu ali sosele muli Yohane 5:30,

“Ine nshingacita kantu ine neka: efyo ng’umfwa, mpingula: no bupingushi bwandi bwalilungama; pantu nshifwaya ukufwaya kwandi ne mwine, lelo ukufwaya kwa kwa Tata uwantumine.”

Umwakumona:

[1] “Lesa Uyo Uwacindama mu Luse” (65-0119), par. 186-187

[2] “Amaka Ayasangula” (65-1031M), par. 39

[3] “Incende Fye Yeka Iyapelwa Na Lesa Iyakupepelamo” (65-1128M), par. 50-52

[4] “Bushe Lesa Alitala Ukupilibula Amano Yakwe pa Cebo Cakwe” (65-0418E), par. 95-98

[5] “Inshita ya Lukuta Iwa Smurna” (60-1206), par. 30-31

[6] “Umukosha” (62-0218), par. 201/57-59

[7] “Inshita ya Lukuta Iwa Pergamo”, Church Age Book pg. 172

[8] “Ukusala Nabwinga” (65-0429E), par. 170

[9] “Nalyumfwa Lelo Nomba Ndemona” (65-1127E), par. 66

[10] “Ishiwi Iya Cishibilo” (64-0313), par. 8

[11] “Cintu Cayana Ukufikilisha Ubulungami Bonse” (61-1001M), par. 100-104

[12] “Imipashi Yakubeleleka” (55-0724), par. 43-45

[13] “Aba Hebere Icipandwa ca 7 part 1” (57-0915E), par. 54

- [14] “Amepusho Na Masuko” (61-1015M), Q-No. 163 pg.681,
par.183-188
- [15] “Amepusho na Musuko” (62-0527), pg.732, par. 232
- [16] “Ukwesha Ukubombela Lesa Umulimo” (65-0718M), par. 29-30

Amapepo Yaba Icintu Icikankala

Yobo 42:10, “kabili Yehoba ashamunwine Yobo, ilyo apapatile abanankwe: Yehoba abweseshwe imiku ibili conse ico Yobo akwete kale.

Lelo, mulemona, ilyo balomba ifi fintu, kabili no kulomba pali ici, bena tabalomba nge fyo Yesu asosele. **Ifwe tuleesha ukulenga Lesa ulete shuko, ngo mulumendo uwakutuma, “Shikulu, imwe muncitile ici! Kabili imwe muncitile ici! Kabili Imwe kabiyeni mukucita cilya,” ukweba Wene ifya kucita.** [1]

Amapepo yesu nayasanguka ulutambi. Ifwe tulafukama mu bushiku no kusosa, “Shikulu, paleni Uyu- no- yu, kabili paleni Uyu-no–yu, kabili citeni ici. Kabili afwilisheni John ukucita fyonse ifi.” **Ifwe tuleesha ukutuma Lesa, ifya kutucitila ifwe.** [2]

Yesu atile, “Ilyo mulepepa, pepeleni muli uyu musango ‘Shifwe Uwa mu Mulu, Ishina Lyenu licindikwe. Ubufumu Bwenu bwise. Ubufwayo Bwenu bucitwe.” (Mateo 6:9-13). Nani, tusange nikwisa tucitila filya? **Ifwe lyonse tulalolela Lesa ukutubombela amakwebo yesu, atemwa ukutucitila icintu cimo ifwe. Lelo ilyo tufwaya ukusosa, “Ubufwayo Bwenu bucitwe,” ukuitula fwebene kuli Wene, tuleni inshila shenu kuli Wene.** Fyonse ifyo twaba, tuleni kuli Wene. **Lilya e lintu Lesa ali no kusela, ilyo imwe mwafwaya ukuleka Wene ukubombela pali imwe, te imwe ukubombela pali Wene. Leken i Wene amwebe, te imwe ukweba Wene.** [1]

Nomba, mwamona ifyo amapepo yacita? **Amapepo tayaba filya fine ukuleta Lesa ukwisa ku muntu. Caba ukuleta umuntu kuli Lesa.** Mwamona? **Ilyo mulepepa, imwe tamumona ifintu ifya ili sonde.** Mulengila kulya mu cifulo cimbi, kulya ukuciluka, kabili ukutwalilila no kutwalilila no kutwalilila, **mpaka mulesa mu Mulola Wakwe.** Kabili lyena icitetekelo ico mubika ku cinso cakwa Lesa, mutila, “Nomba kuno, Lesa, ici cili apa. **Kabili ndefwaya ukundapwa pa mulandu wa ifi.**” Atemwa, ndefwaya Imwe ukuncitilako ifi pa mulandu wa ifi. Ndefwaya Imwe ukumposha kuli iyi impwalonda, atemwa iyi TB atemwa iyi mibele yakupwilwa umulopa,” Atemwa fyonse ifyo cili. “Nakulaenda ku cinso

Cenu, na kulacita fyonse ninga cita. Nakula pela ubu bunte konse uko ningaya. Ndi no kuba ne nsansa ukucita cilya. Shikulu. **Kabili ndi no kubomfya ubumi bwandi, te palwandi ne mwine. Nakulabubomfya ku bukata Bwenu, ukwafwilisha bambi ukumona Imwe.”** [3]

Nomba, kuti naelenganya ilyo ubwesho bwaisa... Ni cinshi icintu cakubalilapo umwana wakwa Lesa abutukilako ilyo ubwesho bwaisa? **Icanso icapulamo ico icabikilwe mu maboko ya bantunse: Amapepo. Yena yalapilibula ifintu fyonse. Yena yapilibwile nangula amano yakwa Lesa inshita imo. Lesa aebele kasesema Wakwe kabiye no kweba imfumu ena ali no kufwa.** Kabili Imfumu yayalwile icinsu cakwe ku cibumba, kabili atile, “Shikulu, ndepapata kuli imwe ukunjibukisha. Ifyo nyenda ku cinso cenu no mutima wa tambalala. Ndekabila imyaka ikumi limo na isano ukulundwako.” Kabili Lesa asungile ubumi bwakwe imyaka ikumi limo na isano ukulundwako (11 Ishamfumu 20:1-7). **Amapepo yalapilibula ifintu.** [4]

Amapepo tayaba nalimo. Amapepo yaba icintu ca bufumacumi. Amapepo yaba ukulanda kuli Lesa. Amapepo tayaba ukufukama, ukwisala Amenso yenu, no kutontonkanya pa fya kuwasha fyenu atemwa umulimo mulebomba, ukusosa, Shikulu, nga fwilisheni na John, kabili undapeni Miss Jones kabili na bambipo.” Lilya tepepo. Kulya kubweseshapo amashiwi yamo. **Lelo amapepo yaba ukwisa mu mibele uko mwiluka ukutula muli mu Mulola wakwa Lesa kabili muleselela lyena mu bufumacumi ubwashika.** Intanshi mulasosa ukushinshimuna ukunono, “Mwe Yehoba, ifyo natemwa Imwe.” Mulemona cena? Lyena panuma yaku shinshimuna mwi pepo, lyena mulesa **no mutima wa bufumacumi ukulomba.**

“Nga mwaikala muli Ine,” tekuya kunuma ya cifimbo mwisonde ilelo kabili no kwenda enda no kwesha ukubwelela mu fifimbo mu bushiku. “*Nga mwaikala muli Ine, ifyebo Fyandi fyaikala muli imwe...*” (Yohane 15:7). Nga ni fyo, nga mwaba nge nkoto yakwa Aaron iyo yabikilwe mu Bukata bwa Shekinah ku mpoto ya golide iya manna uko mwingalya yena inshita ili yonse...Kabili **umweo wenu ulapuputulwa no kupuka no kutwala.** Ukwikala, “*Nga mwaikala muli Ine, ifyebo fyandi fyaikala muli imwe, lyena lombeni ico mulefwaya, cikapelwa kuli imwe.*” [5]

Bushe twalishiba ifyo mucine tukabila? **Inshita shimo tufwaya, tulepepela pa fyakufwaya fyesu, kabili inshita shimo ifyakufwaya fyesu te fyakukabila fyesu.** Ifwe tulingile ukwishiba ukutula ifwe tatwiluka ifyo tulekabila; ifwe tutontonkanya tulacita. **Lelo Lesa alilaya ukupela ifyakukabila fyesu, kabili cilya Ena ali no kucita** (Mateo 6:25-34). [6]

Umwaume atile, “Mukwai, ine teti mpepe.” “Ena atile “nshatala pepapo, lelo nalikwete ba mayo abalepepa naba tata, bena baliya ku mulu.” Kabili atile, “Ba mayo, balifwile ilyo nali umulumendo umunono nganshi, lelo ndebukisha ukubomfwa, ilyo bali mubwafya, **ben a baleya kuli Shikulu no kupepa**. Kabili bafwile ilyo nali umunono nganshi; bena tabansambilishe ukupepa, kabili nalipelwe mu maboko ya muntu mubi uyo uwalenguma no kuncusha. Kabili natontonkenye nalimo panuma ilyo nkasambilila ba abc, nga kuti nasenda amashiwi yonse no kusosa fyonse ifilembo, nalimo Ena kuti abika pamo kabili kuti aumfwa ico ndepilibula.”

Lilya epepo lya bufuma cumi. Mucine Ena kuti abika fyena capamo. Cena tacaba umusango tupepelamo mu milomo yesu; caba amapange ya mutima wesu ayo Lesa omfwa. Ena inshita shimo tomfwa imilomo yesu; Ena omfwa ukupanga kwesu, amapange ya mutima wesu. [7]

Ifwe tulingile ukuba abatemwana nganshi na Kristu, mpaka ilyo twaipusha icintu cimo, kabili **Ena talepela cena kuli ifwe, cilya tacitusunkanya nangu panono**. Mwamona? Mulandunshi? **Kabili inshila fye yeka twingacita cilya, caba ukuba abakumako ku mbela Yakwe ya Bulesa, lyena muli no kwiluka umulandu Ena teti apele cena kuli imwe (11 Petro 1:3-11).** [8]

Kabili nga kuti twabelenga ifyo tulecita ilyo tuleya mukuupa, ilyo tulesala umukashi wesu, umulume wesu, nga kuti twabelenga cena nganshi! **Umwaumwe alingile ukupepa no mukosha, pantu ena kuti aonaula ubumi bwakwe bonse**. Ibukisheni, umulapo waba “mpake imfwa elyo tukalekana,” kabili ena kuti aonaula ubumi bwakwe pakusala ukwalubana. Lelo ena ngalishiba ico, ena ukukwata ukusala ukwalubana kabili aleupa umwanakashi uyo ushilingile ukuba umukashi wakwe, kabili ena acicita ifyo fine, **lyena mulandu wakwe**. Ngo mwanakashi asenda umulume naishiba ukutila tali uwalinga ukuba umulume kuli iwe, lyena ulya mulandu obe we mwine, **panuma waishiba ico icili icalungama ne cilubo**. E ico, iwe taulingile ukucicita mpaka wapepa umupwilapo.

Cimo cine caba napakusala ulukuta. Nomba, mulingile ukupepelapo pa lukuta ulo mu longaninamo. Ibukisheni, inkuta shalikwata umupashi.

Nomba, nshilefwaya ukuba uwakususha. Lelo ninjishiba ukutila ndi muntu umukote, kabili ningile ukufumapo pano, bumo muli ishi nshiku. Ningile ukwisa asuka pali bulya Bushiku wa bupingushi pa fintu ifyo ndesosapo

muno bushiku atemwa inshita ili yonse. Kabili ine, e ico kanshi, ningile ukuba uwa cishinka nganshi kabili mucine uwa shininwa.

Lelo, mukaye mu lukuta, **kabili nga muli no kumona imicitile ya lulyo lukuta, mukamone fye kacema pa kashita, kabili muli no kusanga ukutula ilingi line ulukuta lucita nga kacema.** Inshita shimo, **ndesunguka nga tatusenda fye umupashi uwa umo no mubiye mu cifulo ca Mupashi wa Mushilo.** Imwe mukaye ku cifulo uko kacema akaba uwa cimfulunganya kabili ne fyakucita cita, muli no kusanga ukutula ulukuta lwaba umusango umo wine. Ndi no kumileta ku lukuta uko kacema eminina, ukusunkanya imitwe yabo uku no ku. Imwe mukamone ulukuta, balacita icintu cimo cine. Mukasende kacema, amina fye icintu cili conse, ilingiline ulukuta luli no kucita icintu cimo cine. **E ico, nga nalesala ulukuta, kuti nasala ulukuta ulwa cine cine, ulwa cishinka, ulwa Mbila nsuma Yonse, ulukuta lwa Baibele,** nga nalesala lumu ukubikamo ulupwa lwandi. Ukusala. [9]

Ifwe tatulingile ukupepa ukupilibula amano yakwa Lesa; ifwe tulingile ukupepa ukupilibula amano yesu. Amano yakwa Lesa tayafwaikwa ukupilibulwa ukuli konse.

Naliishiba umulumendo wa caice uwa ku Katolika, inshita imo, ena alikwete icitabo ca mapepo, ukulanda amapepo, pali ba nyina ukuti babe no mweo. Kabili bena balifwile, kabili aliposele icitabo ca mapepo mu mulilo. Cisuma, mwamona, nshikonka icitabo ca mapepo; lelo, nangu cibe fyo, mwamona, **mulasenda inshila iyalubana. Imwe muleesha ukweba Lesa ifyakucita.**

Amapepo yalingile ukuba, “Shikulu, mpilibuleni ukuti ningane ne Cebo Cenu.” Tacili, “lekeni ine mpilibule amano yenu.” **“Imwe pilibuleni amano yandi. Imwe pilibuleni amano yandi ku bufwayo Bwenu. Kabili ubufwayo Bwenu bwalilembwa umu mwi Buku.** Kabili, Shikulu, mwileka ine nkaye mpaka imwe mukabike amano yandi nga amano Yenu. Kabili lyena ilyo amano yandi yabikwa nga amano Yenu, lyena ndi no kucetekela Icebo conse ico mwalemba. Kabili Mwatila, mulya, **imwe mukalenga ifintu fyonse ukubomba ukuletako ubusuma kuli abo aba temwa Imwe.** Kabili nali Mutemwa, Shikulu. Cena conse cilebombelako capamo ku busuma” (*Abena Roma 8:28-29*). [10]

Kabili ibukisheni, **pa bushiku bukalamba ubwa bupingunshi, amapepo yenu yakapendelwapo** mu bwingi fye muli kulyo kupuputulwa, **ngefyo ukubomba kwandi kulingile kwaba ukuya no kubaleta. Ifwe**

tulabombela pamo muli Kristu Yesu. Bushe cilya cishinka? Amapepo yenu...

Ibukisheni **Dwight Moody**, ifyo asosele ilyo apilibwilwe kulya lubali? **Ulyo mukote umwanakashi umunono uwashisha ale mupepelako.** Nani uwakwete ukutashiwa? **Umwanakashi uwashisha. Wene e watungulwile Moody kuli Kristu.** John Smith, Calvin, Knox, abengi bakalungamika abakalamba, **cali bonse baishile mu mapepo.** [11]

Nalimo namwikala muno, nacifyashi umukote, ulekusha ibumba lya bana. Ukubakusha nga filya cali Susana Wesley. Ena alikwete abana ikumi limo na cinelubali, **lelo nomba kuti asanga yabili atemwa ama ora yatatu mukasuba ukupepa no kubatungulula kuli Kristu.** Ulya e mulandu wine wene akwatile Charles na John. Shino nshiku tulatinika kabatani, ukusamfya ifipe; kutinika batani, ukuwasha ifyakufwala; **kabili no kukana kwata inshita iya fimo. Mwamona, icintu cimo icalubana pa cifulo cimo.** Nomba, owe, ifyo ciwa engacita abantu. [12]

Imwe moneni, abengi abanakashi ilelo balikwata mu nshini uwakuwasha, kabili ne shimbi sha malaiti, kabili icakutinika batani icisamfya ifipe, kabili ifintu fyonse nga filya; kabili nomba bena bakwata inshita inono iya kupepa ukucila iyo bena batalile ukukwata. [13]

Uwakutemwa Shikulwifwe Yesu, Umwine, **mu ncende iya bulwi ubwapulishamo iye sonde, Gethsemane, Ena abilikishe, mukupelelwa** (*Mateo 26:36-46*). Bushe Ena asende imembu she sonde, atemwa bushe alingile ukwikala pe sonde na basambi Bakwe abatemwikwa, ifyo Ena alefwaya ukucita? **Lelo lolesheni ukuicefya Kwakwe ilyo Ena aipetamike Umwine,** “Te bufwayo Bwandi lelo Ubwenu bucitwe.” **Aipetamike Umwine ku Cebo, Cebo cakwa Lesa icalaiwa ica kwa Lesa uwa ku Mulu** (*Luka 18:14*).

Moneni, lyena, Ena aiile akatalamukila. Kabili nga Ena aiile akatalamukila, **cupulemo ifwe tulingile twaya akatalamukila?** Mwamona? Kabili moneni, Amalembo yatila pano, muli Luka, **ukutula Ena alipepele no mukosha.** Munyina, nkashi, **nga cakutula Yesu apepele no mukosha, cupulemo ifyo ifwe tulingile ukupepa no mukosha.** Nga Kristu, Lesa wa ku Mulu, **ukulengwo mubili, alipepele no mukosha, lyena cupulemo ifwe tulingile ukuba, ababembu abapusushiwa ku kusenamina Kwakwe, ukupepa no mukosha!** Ngo kusala kwabikile Umwana wakwa Lesa mukupelelwa, ni finshi cikacita kuli imwe na ine? **Mukupelelwa tulingile ukubilikisha.** [14]

Nomba, **Eliya** tali ni Malaika; ali umwaume. Kabili **Ena alikwete ifyakwe ifibi ne fisuma, kabili na mafya yakwe ngefyo tucita.** Kabili alikwete imyufwile. Baibele itila ali umuntu wa myumfwile imo ine- **uwakuma ku myumfwile nge fyo twaba.** Ena ali fye uwakupanga icilubo nge fyo imwe mwaba atemwa ifyo naba. **Ena ali fye uwakucita icintu cimo icalubana nge fyo mwaba atemwa nge fyo naba.**

Lelo alipepele no mukosha ukutula iloka (*Yakobo 5:17-19*). Kabili tayalokele pa myaka itatu ne myeshi mutanda. Tontonkanyeni pali cilya. **Lesa aumfwile kwi pepo lya mwina kufwa.** Kabili ndesosa ici nakatina akacine; **takwaba amaka yambi pe sonde; takwaba nangu cimo pe sonde, te mulandu finti cili, umusango wa fyabupe fingaba; takwaba nangu cimo mwisonde icingatangilila amapepo. Amapepo e yabomba umulimo.**

[15]

Ilyo tupepa, tulingile ukukwata Icishibilo ukupelwa pamo ne pepo lyesu. Nga mwatila, “Ndepepa, Shikulu, lelo mucine nshicitile...” Cisuma, imwe tamucita. Kuti cawama fye no kuleka, mwamona...**Twalilileni, intanshi, kwateni Icishibilo** (*Abena Efese 1:13-14*), **pa mulandu cilye Cishibilo e co ali no kwishiba.**

Ilyo tulepepa, lyena tulingile ukulangisha Icishibilo, “Shikulu, nanakila Imwe, umupwilapo (*Imilimo ya Batumwa 5:32*). **Nindapila ku membu shandi. Ndeumfwa ukutula Imwe na munjelela.** Nalibatishiwa mwi shina lya kwa Yesu Kristu (*Imilimo ya Batumwa 2:36-41*). **Mupashi wa Mushilo uuli pali ine. Nomba ninkwata ifyakukabila ifya fintu fimo ku bukata Bwenu. Shikulu, ndelomba fyena. Fyena fyandi nomba.”** [16]

Nomba, cilya e co tucita. Inshita shimo tulaya abakalipwa ku cifulo cimo kabili no kukana tontonkanya pali Lesa, ukwabulo kupepelapo pali cena, ukwipusha Shikulu nga kuti twaficita atemwa iyo, kabili tulesa mukusanga ukutula ifya kupelwa fyesu fyamapalo fya putulwako. **Lyena tulasunguka inshita shimo, “Cisuma, tulesunguka umulandu teti tukwatile amapalo nayambi.” Imwe tamumona, imwe mulalekelako ku bumi bwa mapepo.** Mutila, “Cisuma, ndi Mwinakristu.” Cisuma, cilya e cishibilo nganshi ukutula mulingile ukupepa, ukucila lyonse. **Mulebelenga Baibele cila bushiku! Mulepepa cila bushiku! Mwilapanga ukusala ukuli konse mu musango uwabipa atemwa bwangu bwangu nganshi, ukwabula intanshi ukwipusha Lesa pali kwena.** Ipusheni Wene, “Bushe ncite ici, Tata?” ipusheni Wene, “Bushe bwena bufwayo Bwenu kuli ine ukucita ici?” **Lyena moneni ifyo Mupashi wa Mushilo uli no kulanda kuli imwe.** Ena limbi amupele icimonwa, **lelo Ena ali no kulanda kuli imwe.** Ena limbi teti

amupele icimonwa, **lelo Ena ali nokulanda kuli imwe mu nshila imo, ukuleka imwe mwishibe, nga muli no kuba ababufuma cumi no ku Mulomba.** [17]

Ilyo Yesu afumineko kuli ilye ng’anda, na Malita na Maliya, ubulwele no bulanda fyaliishilemo, kabili ilyo Yesu afumamo mu ng’anda yenu, ubulwele no bulanda fikesamo. Ee, mukwai. Moneni. Nga mwakana Yesu pa ng’anda yenu, mwaleka ukukwata amapepo yalupwa, **mwaleka ukubelenga Baibele, kabili na fimbipo mu ng’anda yenu, lolekesheni amafya ukwisamo.** Cilya cishinka. Yena yaleisa lilya line. [18]

Kabili ndemweba, mwileka isonde lingile muli imwe. Mwileka isonde lingile mu nkuta shenu, ba munyina. **Pepeni lifume, lekeni ukulya lifume mpaka Lesa eke no kwikatilila.** Cilya cishinka. **Sungeni ukusekelela ukwa kwa Shikulu pakati kaba mushilo** (*Nehemia 8:10b*). Basungeni abamapepo. Kabili cingilileni incende ili yonse inono. Nga Noah alimwene ukusuma mu cibwato cakwe, cinshi, abikile kofere muli bwena. Kabili e ico cilya e cintu icawamisha naishiba ukufumyapo ukusuma, isonde kunse, caba ukwiminika ukusuma, e cintu icawamisha ico naishiba ukucita. **Kwaba fye inshila imo iyaku cicitilamo cena; cilya mapepo. Amapepo yalesala ukusuma. Amapepo yalapilibula ifintu.** [19]

Kabili filya e fyo amapepo yacita ku wacetekela. Cilya e cilenga isonde ukufuma muli imwe, ni lilya mwaimasa mwebene pa makufi yenu, no kusosa, “Shikulu Yesu.” Kabili Umulopa uleka no ku mikakatika onse pa kutila ciwa e musenda. Mwamona, cilya cishinka. Mwamona? E ico kanshi, owe, inshita shimo abantu balaya kunse no kusosa “cintu cabipa,” lelo cilya tacipanga ubupusano ubuli bonse; yalamisunga abacingililwa. Mwamona? **Cilya e cintu cikankala: ukusungwa abacingililwa.** Batila mulemoneka abakale, lelo, cilya tacili mulandu; yalamisunga abacingililwa.

[20]

Mwamona, ilyo mulepepelako umuntu umo, icintu cimo cilacitika. **Palya epo ifwe tufilwa, mwefibusa, ukukanapepa. Amapepo yaba icintu icikankala.** “*Lombeni kabili mukapokelela. Tamukwata pantu tamulomba* (*Yakobo 4:2-3*): **imwe tamulomba pantu tamucetekela. Lombeni ifingi, pakutila ukusansamuka kwenu kufikepo. Lombeni no kucetekela ukutila mulepokelela ifyo mwalombeleo** (*Yohane 16:23-24*). **Lyena ikatilileni kuli cena. Mwilekelako cena.** Nga bwena bulayo muli Baibele, **kabili**

casokolwelwa kuli imwe ukutila Lesa ali no kupela cena kuli Imwe, ikatilileni kuli cena. [21]

Namwishiba, inshita shimo abantu ilyo bapepa, **balanaka**. Bushe tabacita? Owe, balanaka nganshi. Munyina Branham limo alanaka nganshi ine mupepi fye no kufwo mutombo ilyo **napepa inshita iitali nganshi; ukufwafye umutombo, ukwikala ukwabulo kulya ne fintu, pa nshiku, no kupepa no kupepa, no kupepa, no kushimikila, ndafika fye pa cifulo ndi no kufwa umutombo, mupepi**. Kabili inshita shimo abantu balaba ulya musango. Ilya te nshita yakulekelako. **Twalilileni. Lesa ali no kwasuka**. Eeh, mukwai. **Twalilileni ukwikatilila**. Eeh, mukwai. [20]

Nomba, nga mulefwaya Lesa ukumfwa amapepo yenu, ukutuma Malaika ku ng'anda yenu, ikaleni abalungama, citeni icalungama, sungeni umuntu onse bwino, beni abalungama kuli Lesa, kabili Lesa ali no kupela cilya kuli imwe. [22]

Amapepo yalapilibula imfwa ku mweo. Amapepo yalapilibula ubulwele ku butuntulu, yalapilibula ababembu ukuba aba mushilo. Yaba Mapepo.

Imwe kuti mwaseka nganshi. Imwe kuti mwabilikisha nganshi. Imwe kuti mwalya nganshi, **lelo imwe tamwakatale pepa nganshi**. Baibele itila. “*E ico ndefwaya abaume ukupepa mu ncende shonse, baleimya amaboko ya mushilo*” (1 Timoti 2:8). **E ico tamwakatale pepa nganshi**. [23]

Bupusanonshi amapepo yengapanga? **Amapepo yalapilibula ifintu**. Amapepo yapilibwile Hesekia ukufuma ku mfwa ukwisa ku mweo. Amapepo yapilibwile William Brahnham ukufuma ku mfwa ukwisa ku mweo. **Amapepo yapilibwile umubembu uuli onse muno ukufuma ku mfwa ukwisa ku mweo**. Mucine yalacita. Caba mapepo yacita cena. [24]

Nomba, Yesu pakuba umuntu, ku mubili, alinakile, uwafunshinka. Nomba ukulala palya, uwanaka; ubulumba bwalifumine muli Wene. Kabili Wene pakuba Lesa, Ena kuti acita fye...

Nomba mutila, “**musangonshi Ena engaba Lesa kabili ukuba umuntu?**” **Mwamona, ilya palya inkama. Mwamona, mu mubili ali umuntu, mu mupashi Ena ali ni Lesa.**

Umo muntu alinjipwishe, atile, “Lyena musangonshi, ni kuli ani Ena apepeleko mwibala Iya Gethseman?” natile, “ndekwasuka iwe cilya ilyo waasuka ici: bushe ulecekela ukutila walikwata Mupashi wa Mushilo?” “Ee.” Natile, “Lyena Nani uo upepako? **Nikwisa uko Ena aba ilyo ulepepa**

kuli Wene? Ilyo, iwe ulumbula ukukwata Wene, lelo nomba ulapepa kuli Wene.” Mwamona? Abantu bakwata fye amano yamo ayanono no kuya mu cimfulunganya nayena, mulemona, ulya e musango ciya. [25]

Nomba, pano Ena atile, “Takuli umuntu uyo uwaika ukufuma ku Mulu, lelo Umwana wa muntu uyo uli nomba mu Mulu.” (*Yohane 3:13*).

Na mayo alinjipwishe, inshita imo, ilipusho, “Nani uo Yesu apepeleko, mwibala Iya Gethseman?”

Natile, “Nani uo Ena alelandako ilyo Ena asosele, “Takuli umuntu uwanina ku Mulu, kano Uyo uwaikile ukufuma ku Mulu, nangula Umwana wa muntu uyo uuli nomba mu Mulu? Nani?” [26]

Kabili ilyo Shadreck, Misheck na Abedenego baingile mwilungu Iya mulilo, mu bwesho, mu kweshiwa, bena baikatilile abacishinka na kumpela (*Daniele 3:19-30*). Lelo Lesa ali palya pa kashita fye akanono, kabili Ena ali bapokolwele. **Bena baliishibe ukutula balipepelepo kabela; imembu shabo shali tumbwilwe.** Bena baliishibe ukuti balikumanishe conse calefwaikwa, lelo nomba Ena amoneke ukuba tondolo. **Ena abafye tondolo ukwesha imwe, ukumona mucine ifyo mwaba, ico icaba mukati ka imwe,** ukumona nga cakutula imwe mucine mulepilibula mu mutima wenu ifyo musosa ne milomo yenu. Leken i cilya ciye mukati. **Ifwe kuti twasosa ne milomo yesu, lelo bushe imitima yesu ilesosa cena?** [27]

Mwe Lesa wakutemwa, imwe tamusenda ifintu kano fyaba ifya pokololwa umupwilapo. **Imwe teti mupokelele ilambo no kukowela pali lyena. Imwe teti mupokelele ipepo ilyo umuli ulubembu kunuma mu bumi bwa ulya muntu** (*Yohane 9:31; Yakobo 5:15-16*). Imwe tekuti mucicite fye, Shikulu. Imwe tamwacicitile mu nkulo ishapitapo, kabili imwe teti mucicite ilelo. **Lelo ilambo lilingile ukuba Ilya bulo kukowela.** Kabili, Shikulu Lesa, ilyo tuleibika fwebene pa cipailo ngo bumi ubwaibela, fumyeni kuli ifwe, Mwe Shikulu, utu matoni tonse twa lubembu. Nabika umupwilapo umweo wandi no mubili wandi na maka yandi no kubomba kwandi, nolu lukuta pa cipailo. **Tusangululeni no Mulopa Wenu, kabili tubeleleni uluse pa lubembu lonse ulo twacita.** Kabili lekeni Mupashi wa Mushilo ukalamba wikale muli ifwe nganshi, kabili Umulola Wakwe uye naifwe, ukutula tuli no kwishiba fwebene ukutula Ena natubelela uluse. Kabili lyena ipepo lili nokuba, “*Tulekeleleni imisha yesu ifyo naifwe tulekelela imisha abo abatubifya*” (*Mateo 6:12*). Peleni cena, Shikulu. [28]

Umwakumona:

- [1] “Isonde Nakabili Iileyakanikana” (63-1127), par. 77-79
- [2] “Ukwelela” (63-1028), par. 89
- [3] “Mwaliishiba ifintu fyonse” (52-0716), par. E-17
- [4] “Kabili Ababufyashi Bobe Bakakwata Impongolo Shamulwani wabo” (61-0212E), par. E-30
- [5] “Icakupapusha” (56-0129), par. E-34
- [6] “Ukupatukana kwe Sonde” (62-1216), par. 130
- [7] “Ukupashanya kwa Bwina Kristu” (57-0120M), par. 16-17
- [8] “Umushinku Uwa Muntu Uwa Pwililika” (62-1014M), par. 45-46
- [9] “Ukusala Nabwinga” (65-0429E), par. 51-54
- [10] “Kristu Aisokolola Mu Cebo Cakwe Cine” (65-0822M), par. 33-35
- [11] “Sosa ku Cilibwe” (53-0512), par. E-38
- [12] “Umusonkano” (61-0410), par. E-65
- [13] “Lesu Ushiteluka Ukubomba Mu Musango Ushenekelwe” (62-0120), par. 35
- [14] “Ukupelelwa” (63-0901E), par. 126-127
- [15] “Senda Abantu Ukucetekele” (52-0717), par. E-5
- [16] “Icishibilo” (63-0901M), par. 347-349
- [17] “Kasesema Elisha” (54-0723), par. E-10
- [18] “Bushe Imwe Mulecetekela Ici” (53-0906A), par. E-72
- [19] “Umufwi wakwa Lesu Uwakupokololwa Ukulasa ukufuma ku Buta” (56-0801), par. E-22
- [20] “Ukusambilila pali Mose” (56-0513), par. 196-134
- [21] “Nani Yesu” (64-0620B), par. 100
- [22] “Ukubuka kwa kwa Lasaro” (50-0813A), par. E-21
- [23] “Icitetekelo” (56-0427), par. E-5
- [24] “Ukukwatila Icilaka Umweo” (57-0613), par. E-39
- [25] “Ukwita Yesu Ukumonekela” (63-0804E), par. 48-52
- [26] “Amashina Ya Miponto” (62-1104M), par. 271-273
- [27] “Eliya Ne Cakuninika Ca Bunga” (60-0310), par. 57
- [28] “Ukupokololwa Ukwapwililika” (59-0712), par. 98

Icalo ca Bulayo caba Ukwikala mu Calo ca Mupashi wa Mushilo

“Nomba panuma ya mfwa yakwa Mose umubomfi wakwa YEHOBA caishile fikilishiwa, ukuti YEHOBA asosele kuli Yoshau mwana Nuni, ati, Mose umubomfi wandi alifwa: e ico nomba ima, abuka Yordan uyu, iwe, na aba bantu bonse, ukuya ku calo ico ndepela kuli bena, abana bakwa Israele. Ukuntu konse uko ukukanyante nyatilo sha makasa yenu, napela kuli imwe, ifyo nasosele kuli Mose.” (Yoshau 1:1-3).

Bulya e Bulayo. **Icalo ca bulayo caba ukwikala muli ici calo ca Mupashi wa Mushilo.** Bulya e bulayo bwakwa Lesa ku lukuta, **caba ukwikala mu maka ya Mupashi. Cena calo cimbi; yena ni mpanga imbi. Imwe mulingile ukufuma mu mibele iyo mwabamo, ukwisa no kwikala muli ici calo ca bulayo, ukupokelela ubulayo.** Ibukisheni ubulayo, *“Mukapokelela Amaka ukufuma ku mulu, panuma ya ici, Mupashi wa Mushilo waisa pali imwe...” (Imilimo ya Batumwa 1:8).* [1]

Ukufuma kwa cibili, Ena aletele kasesema, uwasubwa (Yesu Kristu), uyo uwali Umwana wakwe, **Lesa Kasesema.** Mose atile Ena akaba Kasesema; kabili alikwete Ntumba ya Mulilo, kabili alicitile ifishibilo ne fipapwa. Kabili ulya wine Kasesema atile, ukutla, *“Onse uwa cetekela muli Ine, imilimo iyo ncita nao akacita’ (Yohane 14:12).*

Kabili kuno Ena alilaya icintu cimo cine mu kufuma mu nshiku shakulekelesha, kabili Ena teti apilibule cena. Ku kushininkisha kwa science, ku bunte bwa Mupashi, ku milimo ya Mupashi, ifwe tulemona yena ilelo, Ntumba ya Mulilo ikalamba ukwenda pakati kesu; kabili ne fishibilo ne fipapwa fya kubuka kwa kwa Yesu Kristu, **ukwita abantu ukufuma ku bwina filonganino, ukwisa mu Mulola wakwa Yesu Kristu, ukwikala, ukuya ku Calo.** [2]

E ico kuti twaba abakutotela, nga abalebeshi, nga Abrahamu, **twaliipatula fwebene ku fintu fya mwisonde, bonse abo twaampene nabo (11 Abena Korinti 6:14-18).** Abrahamu ali mulebeshi. **Lesa alitupatula kuli bukapepa bonse ubwafwa.** Ndelanda ku nko yonse nomba, fyonse ifisumino ifyafwa. Kabili kuli finshi? Alitupatula, **kabili aiswile kuli ifwe icalo cipya, Imbila iipya ya bumo bushiku.**

Pentecost yali umine no kufwa, nga filya Luther, Wesley, kabili nabashala muli bena. Tacili nakabili nge bumba lya ma chalichi ukubikwa capamo. Abantu abasuma mulya, lelo nomba, balingile ukufuma. [3]

Nomba, twalimona imisango yonse ya kusela ku kalamba, no kubilikisha no kulumbanya Lesa; fyonse fili fye bwino. Ifwe twalilandila mu ndimi no kusesema, na fyonse. Twalimona fyonse filya. Cilya cili fye bwino. Cilya cileishila pamo na Cena.

Lelo, ibukisheni, icintu cakulekelesha caba Umulola Wakwe uwa Bulesa, Icebo Icine. Ena e Cebo. Umutwe, Icebo, cena cileisa ku Mubili. Mwamona? Kabili lyena cilye Cebo, mu Bahebere 4:12-13, itila, *“Icebo cakwa Lesa calitwa, ica maka nganshi ukucila ulupanga ulwatwila kubili kubili, kabili cilingulula amatontonkanyo na mapange ya mutima.”* Nomba sendeni lilye Lembo no kukonka lyena ukufuma fye ku ntendekelo ya bakasesema, likonkeni ukupita muli Yesu Kristu, kabili moneni nga cakutila cilya tacili icintu cimo cine, icintu cimo cine, ukutila Ena aliishibikwa nga Mesiya.

Nomba temwaume umo kuno uli ni Mesiya. **Cena Mupashi wa Mushilo e Mesiya. Kristu na Mupashi wa Mushilo caba icintu cimo cine,** e ico cili pano cena nomba ukubombela fye mu mubili, **ukusenda Umubili uku upekanya mu kusenamina kwa kusendwa.** [4]

Nibanga abaishiba kwalibako **ubupusano pakati ka kumoneka kwa kwa Kristu no kwisa kwakwa Kristu?** Caba amashiwi yabili ayapusana. **Nomba ukumoneka (11 Timoti 4:8), ukwisa kuli no kubako ili line. Ena alemonekela mukati kesu,** ukubomba imilimo iyo Ena acitile limo, mu lukuta Lwakwe. Nomba, imwe muli ciputulwa ca lulyo lukuta, kabili ku kusenamina mwalicetekela. Ndi membela wa lulyo lukuta.

Nomba, ine nshili kashimikila. Mwalishiba nshili. Nshakwata amasambililo ukucicita. Inshita shimo ndomfwe nsoni ukwiminina kuno ku ba bomfi bakwa Lesa, abo abaitwa kuli lilye ofeshi. Kwaba abatumwa, bakasesema, bakasambilisha, bakacema, kabili naba kabila wa mbila nsuma (*Abena Efese 4:11-12*). Te bonse abatumwa, te bonse ba kasesema, te bonse bakasambilisha, te bonse bakabila wa mbila nsuma (*1 Abena Korinti 12:28-30*).

Lelo bukapyunga bwandi bwaba bukapyunga ubwapusana kuli kacema atemwa kasambilisha. Nshili. Kabili nga nasosa ifintu mu cilubo, ba munyina, njeleleniko. Nshipilibula cilya. **Lelo ubu nibu kapyunga bwandi ukulangisha Wene, ukutila Ena ali pano (Ukusokolola 10:1-7).** [5]

Panuma ilyo Yakobo alwile ubushiku bonse, mukuyebelela imembu shakwe, muleibukisha incende ena alipo? Yaleitwa Peniele (*Ukutendeka* 32:22-32). Ishiwi Peniele, mu ci Hebere, lipilibula “Icinso ca kwa Lesa Impalume.” Yakobo, incenjeshi umunono, ishina lyakwe ali ni Yakobo, ico icipilibula “kabepa,” ulya ni kabepa (*Ukutendeka* 27), alibutwike ubumi bwakwe bonse kuli Lesa, **lelo ilyo afikile inshita imo mu Mulola wakwa Lesa pa Peniele, mu cinso cakwa Lesa, ena aikatilile kuli Lesa no kukana mulekelako Wene.** Lesa, ifwe tulefwaikwa ba Yakobo abengi. Ena aliikatilile ku cinso cakwa Lesa, **mu Mulola wakwa Lesa,** ena alikele mpaka akasuba kali tulile. Lesa atile, “leka Ndeya, pantu akasuba kaletula.” Kabili aiikele mu cinso cakwa Lesa mpaka akasuba kalitulile, **lelo ena aiile uwa lungamikwa kabili uwapusushiwa.**

Owe, ifyo cali icintu cikalamba, nomba, ukwishiba ukutula ena alilwishishe umupwilapo. Cilya cili, ena alimwene ifishibilo fyakwa Lesa, ena alikwete ifiloto pali Lesa, **lelo iyi yali ni nshita imo Ena ali mu cinso cakwa Lesa, mu Mulola wakwa Lesa.** Tontonkanyeni pali cena, mwe fibusa! **mu Mulola wakwa Lesa, umuntu alapilibulwa. Yakobo alipilibwilwe. Nomba ena kuti aenda na Lesa. Eeh, ena ali muntu uwaibela ukucila ifyo Ena ali ilyo ena aile palya. Ubulwi nomba bwalipwile. Ee, mukwai. Kabili ena atendeke ukukula icipailo.** Ena tabeleshe ukukula ifipailo, namwishiba. Lelo, ndemweba, **ilyo mwaisa mu Mulola wakwa Lesa, imwe mulefwaya ukukula icipailo pa cifulo cimo.** Imwe mulefwaya ukusanga icifulo cimo uko mwinga pepa. Ena akulile icipailo. Ena alisambilwe, kabili Lesa alicimfishe.

Mu Malumbo 16:8, Dabidi atile, **“Nabika Yehoba ku ntanshi yandi.” Cilya e cintu icisuma ukucita.** E ico, ena tekuti afulunganishiwe palwa cena. Ena alefwaya ukwiluka pa Mulola Wakwe, e ico Dabidi atile, “nalibika Shikulu ku cinso candi. Nomba ine, Dabidi, nalibika Shikulu ku cinso candi, lyonse **ukwiluka pa Mulola wakwa Lesa.**” Bushe lilya teti libe isambililo ilisuma lya ifwe bonse? Ukubika Shikulu ku ntanshi yesu pakutula twingeluka pa Mulola Wakwe. Ukubika Wene intanshi, ku ntanshi yenu. Mulandunshi? Lyena imwe tamwaka bembuke ilyo mwaishiba ukutula lyonse imwe muli mu Mulola wakwa Lesa (*Amalumbo* 119:11). **Ilyo mwailuka ukutula Lesa epo ali, imwe muli nokulolekesha ifyo mulesosa.**

Umuntu, ilyo atontonkanya ukutula Lesa naya, ena ali no kutukana, ena ali noku kumbwa abanakashi, ena ali no kwiba, ukulembeleka, ukubepa. Ena akacita icili conse ilyo atontonkanya ukutula Lesa talemumona. Lelo mukamulete mu Mulola wakwa Lesa, ena ali nokuleka cena ili line.

Mwamona? Kabili Dabidi atile, “Nalibika Shikulu lyonse kuntanshi yandi.” Cilya cintu icisuma. Te cakusunguka Lesa atile ali umuntu uwakufuma mu mutima Wakwe wine. Umuntu akacita ifintu ifili fyonse ilyo atontonkanya ukutula Lesa tali mupepi. Lelo ilyo ailuka ukutula Lesa ali mupepi, bushe mwalitala mona umubembu? Lekeneni umuntu uwa bulesa ese, ali no kuleka ukutukana kwakwe, nga ena alitala ukukwata umucinshi uli onse. Mwamona? Ena takalande imipulwe iya fiko iyo alelanda. Mwamona, ena ali nokuleka cilya, pantu aleshiba ukutula ali mu Mulola wakwa Lesa, pantu Lesa ekala mwi Hema lya bantu Bakwe (*Abena Efese 2:20-22*).

Ilyo twaisa mu Mulola wakwe, ifwe tulapilibulwa, teti tube cimo cine. Lolekesheni mu nshita shonse, mu myendele yonse ya bumi, pa muntu. Lolekesheni kuli Abrahamu. Mwatila, “cisuma, ubumi ubwapilibulwa bwa bafye bwa bakapyunga.” Owe, iyo. **Ubumi ubwapilibulwa bwa muntu onse.** [6]

Lelo, mwamona, ici apa eco ndeesha ukucita: fumyeni cilye caibela ukutalusha kuli imwe nomba, no kucetekela Cebo ilyo Cebo calengwa mu mubili muno mwine mukati kesu. **Icebo caishileba ica mweo mu mibili yesu fwebene, cilya cilelangisha Umulola wakwa Lesa.** [7]

Nomba nga twamona, lyena, ubulendo bwabo mu matololo emo baishilekwata icilubo cabo icikalamba nganshi ico Israele atalile panga, mpaka Kalbale, cali nililya mu Kufuma 19 **beni basumine amalango mu cifulo ca kusenamina. Beni balikwete ukusenamina.** Beni balikwete kasesema. Beni balikwete umwana wa mpaanga wa cakuninika. **Beni balikwete ukulubulwa.** Beni balibaletele ukupita pali Bemba wa Kashika. **Beni balyundepwe ku malwele yabo** (*Impendwa 21:4-9*). Beni balikwete amenshi ukufuma kwi libwe ilyaumwa (*1 Abena Korinti 10:1-4; Ukutendeka 17:6*). Beni balikwete manna ukufuma ku mulu (*Ukufuma 16*). Ifintu fyonse ifyo balekabilapo fyalipelwe, kabili nalyo line balefwaya icintu cimbi.

Nomba cilya caba icipasho icapwililika ica Beni Efese ilelo, filya fine fye. Ifwe twaishile ukufuma muli Luther; ifwe twalipitile mu kushishiwa, muli ba Methodist; kabili twaishile munshita ya kubweseshapo, muli ba Pentecost. Filya fine nge fyo cali, ubulendo bwa mu matololo. Kabili ilyo Lesa aishile tufumya, ifwe twalicitile bwino nganshi. Lelo ni cinshi ico ifwe twacitile? Twalefwaya ukuba nga abashala muli beni. **Nomba tulesanga ukutula ukusenamina e cintu fye ceka iciletutwala, te malango** (*Abena Efese 2:8-9; Abena Roma 3:20-31*).

Yoshua pano aba cipasho ca bukapyunga bwa bushiku bwa kulekelesha. Nomba ibukisheni shilye ntamfu shitatu sha bulendo. Fyonse

fyalilekele, intanshi amalango kabili na fyonse fyalilekele, pakutula Yoshua...**Kabili Yoshua lyaba lishiwi limo line nga Yesu, “Yehoba kapususha,” uyo uwabasendele ukufuma mu matololo yabo ukwingila mu calo ca bulayo.**

Kabili nshilefwaya ukukana umfwana na bakasambilila, **lelo abengi baikatilila ukutula icalo ca bulayo cimininako Umulu. Cena teti ciminineko ku Mulu.** Cena tekuti, pa mulandu balikwete ubulwi, kabili na mafya, kabili ne fya kulengo ukumfwo bubi, kabili na fyonse mu calo ca bulayo? Cena ta ciimininako Icalo ca bulayo. [8]

Musangonshi icakutula ifwe kuti twamona ifishibilo fimbi ifikalamba ne fipapwa ukucitwa pali bambi, inga palwa ifwe? Cilingile calenga imibele iya kupelelwa, ukutula tuli abapangila, ku cinso cakwa Lesa. **Ifishibilo fya kwisa Kwakwe** filingile ukuleta ulu lonse ulukuta, ilyo twabelenga cena ukufuma mu Cebo...kabili Mupashi wa Mushilo alitweba, “kabiye pa cifulo ca musango ifi, icintu ca musango ifi ne fi cili no kucitika,” te kutweba ifyo cena cali, lelo cena kuti ca citika. Ifwe twaya kulya, cilacitika ulya musango. Amapepala ye lyashi balemba cena, ifitabo fyalemba cena, fyalangisha icikope ca cena. **Bwelela kuno no kumona shilye nkama shikalamba, ukufiswa muli Baibele, fyaiswilwe kuli ifwe, pa kwishiba ukupya uko tatwatala ishibapo, kabili muku pwililika fileyampana no Kwisa kwa kwa Shikulu Yesu (Mateo 13:10-17).**

Lyena, pa mpela ya Mbila, moneni ukubomba kwa Mupashi wa Mushilo ukukalamba, ukumona Wene ukwika ukumonekela ku cinso ca bantu, no kusenda ifikope fya Wena. Ukumona Wena ukubomba no kulangisha ukutula te muntu, te kashimikila fye, te lukuta lumu. Wena Mupashi wa Mushilo ukulangisha icintu cimo cine Wena wacitile ilyo Wene waikela mu mubili wakwa Yesu Kristu. **Nomba Wene waliikala mu Mubili wakwa Nabwina Wakwe. Cena cilingile catubika mu kupelelwa.** [9]

Iciloto cakwa Munyina Junior Jackson cilalondolola ico icacitike ukupitila mu Kutinta kwa Citatu. Ena atile kuli Munyina Branham, "Nalilotele ukutula kwali ulupili ulukalamba ulukulu, kwati kulya kunse mwibala, uko ifyani ifya lelema atemwa ifintu fimo fyali. Palya pa mulu wa ulu lupili, uko amenshi yasendele iloba, kwaliko ilibwe lya pa mulu, palya pa mulu wa lupili, kwati pa mulu wa lupili. Lyali libwe; tapali icani. Kabili palya apo amenshi yasamfishe, yali nga ayaputawile fimo ifyakubelenga pali aya amabwe. **Kabili iwe waliiminine palya, ukwilula uku kubelenga pali aya mabwe.**" Kabili atile, “Ifwe bonse,” kabili uyu e musango acilandilemo, atile, “ba munyina ba ku Geogia, kabili no kushinguluka

konse, bonse twaliiminine capamo, **ukukutika kuli iwe ukwilula kulyo kulembwa ukwa kupapusha pali lilye libwe, lulyo lupili.**”

Kabili atile, “e lyo walimishe icintu cimo, ngo kufuma mu mwela, icintu cimo nge cela ca kutobelako, atemwa icela icatwa.” Bushe tacali, munyina? ”Icintu cimo nga cilya, icela icakutobelako, icatwa nganshi.” Kabili atile, “Cena, ifyo iwe wa cicitile, nshaishiba.” Kabili atile, “iwe walipumine pa mulu wa lulya lupili, ukucekaula ukushinguluka, no kwimya icakwisalilako uku cifumyapo. **Cena cali mu musango wa pyramid.** Kabili waliputawilepo pa mulu wa cena ukucifumya.” Nomba, **cilya cali imyeshi ne myeshi ne myeshi ilyo Imbila ya pyramid tailashimikilwa.** Kabili atile, “**pesamba ya cilya pali ilibwe ilyabuta, granite. Kabili watile, ‘Akasuba, atemwa ulubuto, takatala balikilapo pali Ici nakalya. Lolekesheni pali Ici. Moneni Ici.’**” (*Abena Efese 1:15-18*).

Kabili cilya cishinka, pa mulandu, mu kulengwa kwa calo, isonde lyalilengelwe ilyo takulati kube ulubuuto. Ifwe bonse twalishiba cilya. Lesa aendele pa menshi. Kabili lyena, mu kutendeka, Ena alandile pa lubuuto. Kabili, mu cifyalilwa, pesamba palya, mu nshita kulyo kulengwa kwali, lulyo lubuuto lwali talulaisa pali cilye cilibwe.

Kabili atile, “**Lolekesheni pali Ici. Ulubuuto talwatala isa pali Cena nakalya.**” Kabili ilyo bonse baiminine, **kabili nalibelele ukulolekesha Cilya, kabili bonse fye baliishile no kulolekeshamo.**

Lelo atile, ilyo bacili balelolekeshamo, ena alolekeshe mumbali ye linso lyakwe, ndecetekela cali, no kulolekesha ine. Naile kulubali lumo, no kutendeka ukuya ukulola ku Masamba, ukulola kulya ukwingilila akasuba; ukunina pa lupili, ukutentemuka pa lupili; ukunina pa lupili, ukutentemuka pa lupili; ukucepelako no kucepelako, kabili aliile no kukana moneka.

Kabili ena atile, lyena, ilyo nacistile cilya, atile, “Lyena ba munyina balipilibwike, panuma yakashita, batile, ‘Bushe naluba? Nikwisa uko ele?’” **Kabili batile, “Bamo baile lulya lubali; bamo baile iinshila imo, kabili bamo ku ibiye.” Lelo, abanono nganshi balikele no kulolekesha ifyo nabebele.**

Nomba moneni ubwilulo bwa ciloto. Icili, nshatalile mweba icintu cimo, atemwa tapali nangu cimo ica ifi ifyo nalandile, fyonse fya Fyena. Lelo, natile, “Eeh.” Kabili umutima wandi, ukututuma. Nalelolekesha. **Nomba ukulemba ukwa kupapusha...Loleleni, nalaleka fye cena pakashita.** [10]

Umfweni ifyo ndesosa; umfwikisheni. Lolesheni kunuma; **icenceteni mwebene ne Cebo no kumona apo mubebele.** Imwe mwe banakashi abo

abakwata umushishi uwipi, lekeni shikule. Nga mulafwala bakaputula, fifuleniko. Citeni nga namayo.

Nga imwe mwe baume mucili mulapepa fwaka no kuya ku fikulwa fya pool. Filekeni fyena. Nshilesakamana ubwingi ifyo mulumbula ukuba. Nga imwe mucili mwaliikatilila kalya akabungwe no kusosa, “Ici e co,” kabili “ici e co,” kuti cawama mwaleka. **Lolekesheni kunuma no kuceceta ne Cebo.** Ifwe tulingile ukwikala pa mulu wa mushishi uwipi neyi yonse inshita nomba; **ifwe natubwelela mu cintu cimo nomba ukutila Lesa alesokolola inkama ishafiswa isho ishabikwa mwi Buku ilyo mufula we sonde taulalengwa (Ukusokolola 10).**

Kabili balya abanakila muli ifi fintu ifinono bali no kufisanga muli ifi fintu fimbi (Esaya 1:19). Nga tabacita, cili no kuya pa mulu wa mitwe yenu ngefyo akabanga kaba ukufuma ku masamba. ^[11]

Kabili ilyo Lesa apele Israele icalo ca bulayo, ilyo bacili mu Egupti, **beni bali lwishishe akaputulwa konse ka cilye calo.** Lesa aebile Yoshua, “*Ukuntu konse uko ukukanyante nyantilo sha makasa yobe, napela kuli imwe*” (Yoshua 1:3). **E ico, ifishilwa fya nkasa fipilibula “Ukukwata.”** Abantu bamo kuti basenda fye, ukwisa fye ku mupaka wa calo. Bamo kuti basenda Ulupanga ulwatwila kubili kubili no kupanga inshila yabo ukupita mu beni Peleshite na beni Amore mpaka basenda icintu conse. Cilya e co tulingile ukucita. **Ubulayo ubuli bonse bwesu. Ifishilwa fyankasa fyaba ukukwata.** Endeni fye kulya no kuipoka! **Lesa apele cena kuli ifwe.** Cena bulayo kabili cena Cine, kabili cena cesu. ^[12]

Musangonshi ena alenga Icebo Cakwe ukwishibikwa ku bantu? Nomba lolekesheni amano yakwa Lesa; ukwishiba ukutila kukaba abashacetekela, **kabili ifyo abengi bakaba abashacetekela. Ena, ku kwishibila libela (Abena Roma 8:29-30), alingile libela imbuto kuli cila nshita, abo abaka cetekela Cena.** Nomba nga kuti mwamona mulya, pantu, cila nshita balatwalilila ne Cebo Cakwe, ifintu fyonse panshita, **nangu cimo icicingilila Lesa.** Ena alatwalilila ukulaya, kabili konse akacepesha kalesela fye bwino filya fine. Tulatontonkanya, inshita shimo, cena tacabombe bwino. **Lelo mwisakamana, inkoloko Yakwe yalibikwa filya fine fye ukubutuka ilyo line, kabili ifintu fyonse ukubomba fye bwino.**

“Loleleni pali miniti,” Ena atile, mwamona, “**Inshita Yandi ileenda fye filya fine bwino.** Ningile ukumibika pa mulingo umo wine nabikile umuntu wakubalilapo, shilye nshiku. Kabili ndemubika pa mulingo umo wine uwa kwa Luther, kabili pa mulingo umo wine uwakwa Wesley.” **Pa mulandu,**

mulemona, ulubembu talwaishibikwe lilya nge fyo caba nomba. Kabili ilyo twakwata ukwishiba ukwingi nomba ukucila ifyo twakwete lilya, kabili ilyo umulwani aisa nge lyeshi, Umupashi wakwa Lesa ulemya ilamfya pali wene (Esaya 59:19). Mwamona? Kabili nomba ilelo, ifwe twalikwata ukwishiba ukwingi, ukwiluka ukwingi (Daniele 12:4, 9-10), e ico imimana yakukana cetekela ilepongolokelamo namaka, lelo Lesa alemya ilamfya pali cena. Umulandu uo Ena alingile libela ifi fintu ukucitika. Ena alibebele libela kuli ba kasesema Bakwe ukutila fikacitika. Kabili ilyo abalungami bamona ifi fintu ukushininkishiwa, lyena baleeshiba Cena nacilungama. Te mulandu ifyo uuli onse uwashala engasosa, bena baleeshiba Cena cili icalungama. [13]

Nomba, ukwisala kuli mupepi, **ukutila Lesa abombela na Israele ilyo ali kumushi ku mwabo.** Ilyo Abrahamu afumine kumushi kumwabo no kuya mu Egupti, ni cinshi ica citike? **Ena aendele ukufuma ku bufwayo bwakwa Lesa kabili tatalile palwa mpaka ilyo abwelelemo ku mushi ku mwabo (Ukutendeka 12:9-20; 13:1-4). Lesa tatalile bomba nankwe, tapali ne cimonwa nangu cimo, tapali na fimbi ifyashala mpaka aishilebwela ku mushi ku mwabo.**

Lolekesheni kuli Israele ilyo batuminwe kulya mu Egypt, imyaka amakana yane, takwali ne cipesha amano cimo, takwali icishibilo cimo, takwali icintu nangu cimo icacitike pakati kabo, ta fyalembelwe mwilyashi lyakale mwi buku.

Kabili Lesa tatalile bombela na Israele mpaka ilyo abwelele mu mushi ku mwabo. Ng'umfweni. **EFYO ASOSA SHIKULU, Lesa takabombe no Lukuta Lwakwe mpaka lwena lwabwelela ku Mushu ku mwabo, Imbila ya ino ara. Bweleleni ku ca ntendekelo.** Talukeniko ku yenu ba Methodist, Baptist, amano ya Prysbyterian, ayenu ba Pentecostal, Assemblies, oneness, threness, na fiveness, fyonse ifyo cili, Ulukuta lwa kwa Lesa, Nazarine, Pilgrim Holiness, Ulukuta lwakwa Kristu: **utubungwe tonse twa munkanyakristu.** Kabili ndemona ici cileikasha isonde. Fyonse fyalilubana, fyonse fyakwa ciwa...Mwabako abaume ba bulesa muli cila lumu ulwa twena, abantu aba bulesa muli cila kamo ka tulya utubungwe, **lelo akabungwe akene tekakwa Lesa, kabili Lesa takatale kapala.** Ena tatala cita cena.

Ena tatala pala Israele mpaka baishilebwela ku calo ca bulayo; kabili ilyo babwelele mu calo ca bulayo, ifishibilo ne fipapwa fyatendeke ukucitika. [14]

Nge fyo Mose aitile inko ukufuma mu nko, **Kristu ilelo aleita Ulukuta ukufuma mu lukuta**, mulemona; icintu cimo cine mu cipasho, **ukubatlwala ku ca bukata Icalo ca Bulayo ica Muyayaya**. [15]

Nomba, natupepe kuli Lesa ukubikamo yamo aya Mupashi Wakwe uwa Mushilo amafuta pa menso yesu, **isuleni amenso yesu**.

Shikulu Lesa, kuti nashimikila mpaka naleka no kupema. Bakapyunga bambi kuti bacita cimo cine. Ifwe kuti twaiminina pano, te mulandu ifyo twacitile, **ifwe teti tuye nangu kumo ukwabula imwe ukutulangisha inshila ya kuyako. Tulefwaikwa amenso ya bumupashi**. Leken i Mupashi wa Mushilo, Shikulu, esule amenso yesu (*Imilimo ya Batumwa 26:18*), **isuleni ukwiluka kwesu**, tulangisheni Umulola Wakwe pakutula twingeshiba amabulayo Yakwe. Kabili na kabili, ukupitila mu Malembo, ukuya fye ukupita muli Baibele, na tuleta cena, ukutula Imwe mwililaya ifi finfu. Kabili tuleikala pano ukumona cena pantanshi ya menso yesu. Peleni ifi, Shikulu. Mwi Shina lya kwa Yesu Kristu, nalomba cena. Amen i. [16]

Umwakumona:

- [1] “Amepusho na Masuko” (61-1015M), par. 70
- [2] “Ukufuma kwa Citatu” (63-0630M), par. 265-266
- [3] “Ukwampana kwa Mubumfisol o ukwakwa Nabwinga” (65-1125), par. 194-195
- [4] “Yehoba Yire Part 1” (64-0402), par. 194-196
- [5] “Ukufuma Ilya Nshita” (62-0713), par. 102
- [6] “Mu Mulola Wakwe” (62-0909E), par. 67-68, 72-73-76
- [7] “Ulubuto Ulwaibela” (65-0118), par. 127
- [8] “Icaibela” (65-0117), par. 79-82
- [9] “Ukupelelwa” (63-0901E), par. 53-54
- [10] “Bushe iyi E nshita ya Cishibilo ca Mpela, Mukwai?” (62-1230E), par. 126-134
- [11] “Amepusho na Masuko pa Fikakatikilo” (63-0324M), par. 213-216
- [12] “Tulefwaya Ukumona Yesu” (62-0704), par. 71
- [13] “Ukushininkisha Icebo Cakwe” (64-0816), par. 72-74
- [14] “Amapange Ya kwa Gabriele kuli Daniele” (61-0730M), par. 130-137
- [15] “Ubutungulushi” (65-1207), par. 141
- [16] “Umwinsi ku Mutima” (59-1128), par. 51